



6

28-F

99


Lazear, J. Lawrence




Franci de Ruben

~~42-14~~

28-F-99-







LUGD. BATAVORUM,
Ex officina IOANNIS MAIRE. 1642.



27

MAGNI
DES. ERASMI
Roterodami
VITA;

Partim ab ipso et Erasmo, partim ab
amicis æqualibus fideliter descripta.

Accedunt

EPISTOLÆ ILLUSTRÆ :

*plus quam septuaginta, quas ætate pro-
vectiore scripsit, nec inter vulgatas
in magno volumine comparent.*

P. SCRIVERII, & Fautorum
auspiciis.



LUGDUNI BATAVORUM,
Ex Officina IOANNIS MAIRE,
c15 I5C XLII.

7.
Liber ad Lectorem.

*Missus eram nuper dias in luminis
oras,*

*Nunc redeo cultu sub potiore novus.
Nota leges quādam, sed lima rasa re-
centi,*

*Pars nova maior erit. Lector, utri-
que fave.*

Lugduni Batavorum cło Io c xv,
v. Kal. April. Iulian.





*Vera Effigies
Armigeri War-*



*Thomæ Nigelli
nesfordiensis*

Wil Marshall sculpsit

NOBILISSIMO

ET

Strenuissimo Viro,

THOMÆ NIGELLO;

Armigero Warnefor-
dienti, Anglo,

Typographus S.



Q*Uanquam omnia, quæ ad
hanc sequentem Dedicatio-
nem requiri videbantur,
Nobilissime & Strenuissi-
me vir, diligenter congesseram; la-
psum tamen commisi, dum IOAN-
NIS nomine inscienter te compella-
vi. Quod sero me docuit effigies tua,
quæ nunc modo ad meas pervenit ma-
nus. Excusatum me habeat Nobili-
tas tua; posteaquam demonstravi, hoc
à me inscio commissum esse. Hac oc-
casione*

casione dictam effigiem iuxta è regione inserui ; ut haberes , quod quasi multa nomine à me dependeretur , tibi verò in honorem converti posset. Quo dignus es , cum propter tuam eruditionem & qualitatem , tum propter stemmatis vetustatem. NIGELLORUM enim familiam sunt aliqui Eeciales qui ortam asserunt ex NIGELLO , qui in Britannia , SEVERO Imperante , Tribunus fuit. Vale.

Nobilissimo Viro

IOANNI NEALE,

ARMIGERO,

Britanno.

S. P.



Ibelli, quos offerimus, Nobilissime NEALE, Magni illius DESIDERII ERASMI ROTERODAMI genuini filii sunt, è situ & tenebris summa diligentia in lucem protracti, ac nitori suo restituti: utpote digniores meliori sorte & fortuna, quam qui aut cum tineis & blattis pugnarent, aut pulvere ac squallore obsiti, in summum maximi Parentis dedecus & contemptum perirent. Etenim

DEDICATIO.

si recta rem putemus via, quem-
admodum in maioribus ingenii
fœtibus nullus ab ævi sui Phœ-
nice, ac renascentis elegan-
tiæ Principe prodiit, nisi qui
numeris omnibus absolutus ve-
rum Patrem ad vivum expri-
meret: ita etiam, nescio quo
genio, in minoribus hisce, fe-
licius multo se ipsum, animique
indolem accuratius depinxit
ERASMVS, accinentibus, &
calculum album adiicientibus
omnibus, quibus Virtuti & bo-
nis litteris suus honos constat,
& non asperum, non fucatum,
non superciliosum, & vitili-
gine tinctum, rebus rite dis-
cernendis adferunt iudicium.
Nam præter altam & recondi-
tam eruditionem, modestia exi-
mia, & summa pietas in iis re-
lucet,

DEDICATIO.

lucet, cuius evidentia, etiam moriens, tempore ab impostura alienissimo, dederat argumenta. Protrahantur, evolvantur, animo à studio procul excutiantur: ita me Deus amet, nisi in piis gemitibus ac suspiriis, in Precibus, & ad Deum ardentioribus votis, in contestationibus de Contemptum mundi, & id genus aliis, horrore sacro stiteris, & quasi divinitatis aura subvehente, cœlum adire videaris. Collidebantur, ut & iam, prô dolor! Christiani orbis capita, dissidebat Europa, ferro & igne gliscebant omnia: quid non medicinarum sanando malo attulit Querela pacis, pacatissimi & mitissimi animi vera proles, quæ undique profligata, aut in ex-

*

4

lium

D E D I C A T I O.

lium eieſta, nuſquam ſibi requiem; apud quos maxime decebat etiam, toties ingemiſcit? Ne quid de Milite dicam, qui, quale potius nobis bellum gerendum, quibus armis pugnandum, quomodo acies inſtrueda, non triario dicam, ſed Imperatore quolibet melius diſferit. Hos, Nobiliſſime N E A L E, Maximi E R A S M I iam renatos liberos T. N. ex veteri formula L. M. Q. damus, dicamus, & conſecramus: uti enim Muſarum, & artium bonarum Mecænas maximus, ita E R A S M I, Hollandiæ Corculi & Ocelli, ſtudioſiſſimus, & Fautor ſummus cluiſ. Quippe N. T. auctore, & ſeverioribus admonitionibus, quibus inſtabat, à prælo noſtro, cultu liberali, & habitu

DEDICATIO.

habitu ingenuo prodeuntes ,
iam donati pileo, in luce vivere,
atque N. T. coram videre , &
ea qua par est reverentia , salu-
tare gestiunt , gratia soluturi ,
quod præmio & pretio non
possunt. Ac proinde , uti Di-
vi A U G U S T I N I vitæ Chri-
stianæ Enchiridium N. T. , ty-
pographia nostra parturiente,
tanquam obstetrici & Nutrici
sedulæ, novam vitam debet, &
ipse Pater legitimos liberos à
spuriis & supposititiis Nobilif-
sima & liberalissima N. T. manu
assertos & vindicatos, vitamq;
suam ad mèlius compendium
redactam, lætus gaudet : ita hi
postliminio in integrum bonis
auspiciis restituti , & N. T. in
clientelam dati , serio trium-
phabunt. Valeat T. N. & divi-

• DEDICATIO.

no numine adspirante, rebus
humanis & litterario bono diu
superfit. Lugduni Batavorum,
anno salutis per Christum resti-
tutæ c l o l o c x l i i .

N. Tuæ devotissimus

IOANNES MAIRE.

TYPO-

TYPOGRAPHUS

LECTORI.

Puribus hic tecum ageremus ,
benevole Lector , si lucri &
questus gratia , quo alii stu-
dium conferunt suum , hos Tracta-
tus emitteremus. Verum cum Au-
ctor abunde se commendet & tuea-
tur, nihil in eius laudem & elogium
adiiciendū putavimus, ne ligna ferre-
mus in silvas, ut ait vetus verbū, aut
lucem soli fœnerari videremur. Res
ita se habet. Nobilissimus IOAN-
NES NEALE, Armiger, ubi intelle-
xisset, in maximi ERASMI opusculis
excudendis , prælum nostrum desu-
dare, miserat non ita pridem ad nos,
summi viri, & cui vix secula postera
dabunt parem, vitam, à se ex variis
auctoribus summo studio & inde-
fessa diligentia ex ipsis E R A-
S M I operibus collectam, quam in li-
mine

mine, antiquo & veteri exemplo, quo
pleniorẽ auctoris, indolisque & na-
turæ morem atque cognitionem, in
frontispicio depictam omnibus exhi-
bebant, præmittendam censebat, ut
propensum & benevolum, erga E-
RASMUM, eiusque scripta, ani-
mum seculo proderet. Quippe ne-
sciebat Vir Nobilissimus, & orbe
toto divisus, olim à clarissimo PAU-
LO MERULA, ERASMI
nominis vindice maximo, in hac are-
na desudatum fuisse ope epistolæ, pe-
nes M. CONRADUM GO-
CLENIUM, latinæ linguæ Lo-
vanii Professore, olim depositæ, qua
totius vitæ seriem sua manu descri-
psit ERASMUS. Hunc postmodo
sequutus PETRUS SCRIV-
ERIUS, Historiæ Patriæ peri-
tissimus, propriis & amicorum Au-
spiciis, pleniorẽ & auctiorẽ de-
scriptio-

scriptionem dedit. Extat autem ipsius ERASMI autographum hoc, apud Consultissimum Virum HIERONYMUM DE BACKERE, rebus pupillaribus Præfektum dignissimum, qui illud inter reliqua instructissimæ bibliothecæ & exquisita antiquitatis cimelia, auro æque cara, diligentissime asservat. Quod ubi Nobilissimo NEALE innotuisset, ea quæ consignaverat libentissime suppressit, & palmam ab ERASMI popularibus sibi præreptam, æquissimo animo tulit, nec invidit. Tu benevole Lector, conatibus nostris fave, atque his ERASMI laboribus, (quorum seriem, in fine horum Prolegomenorum, ante principium ipsius Libri, exhibemus,) ex animo fruiere.

Erasmus

Erasmus de se, in Epist. ad Ioan. Turzonem, Episcop. Vratislaviensem.

Anno cId Id xx.

Adnixi sumus mundum nimis ad scholasticas argutias prolapsum, ad Väterum fontes revocare, ac plus satis fidentem Iudaicis ceremoniis, ad vera Pietatis studium accendere. Atque utinam hic meus cōnatus tantum fructus attulerit aliis, quantum nobis attulit invidia. Meum incommodum multo levius ferrem, si cum multorum commodo viderem coniunctum. Sed hoc viderit ipse Christus, qui (ni fallor) certe hunc animum probaturus est.

Extat Epistolar. lib. xv. epist. i. i.

EX

EX
PAULI IOVII,
*Episcopi Nucerini, Iconibus &
Elogiis Doctorum Virorum.*



RASMUS Roterodamus ex Insula Batavorum, perpetuis eruditæ laudis honoribus extollendus videtur, postquam ætatis nostræ scriptorum prope

BIBLIOTECA NAZIONALE
ROMANA
VITTORIO EMANUELE

prope omnium decus, ingenii ferti-
litate superavit. Is ab adolescentia,
pio religiosi animi decreto, ad cu-
cullatos sacerdotes se contulit, tan-
quam humana despiceret. Sed non
multo post pertæsus intempestivæ
servitutis, vorique temere suscepti,
ea sacrati ordinis septa transiit, ut
ad excolendum ingenium plane liber
per omnia Europæ gymnasia vagare-
tur. Contendebat enim cura ingenti
ad summæ gloriæ fastigium, ad quod
literarū omnium cognitione perve-
niri posse intelligebat. Quum iam ad
arcana cuiusque doctrinæ, infinita le-
ctione, inusitataque memoria pene-
trasset, edidit Moriam, atque inde
primam nominis famam longissime
protulit, imitatione Luciani satyræ,
pungentes aculeos passim relinquens,
omnium scilicet sectarum actionibus
ad insaniam revocatis. Opus quidem
falsa aspergine periucundum, vel gra-
vibus, & occupatis: sed sacrato vir
prorsus indecorum, quum divinis
quoque rebus illusisse videretur. Sed
mature demum, quod eius intempe-
rantia:

rantia male audiendo pœnas daret, sanctiores literas complexus est, tanta robustissimi ingenii contentione, ut vertendo Græca, & commentarios excudendo, plura quam quisquam alius volumina publicarit. Verum se ipso haud dubie cunctis admirabilior futurus, si Latinæ linguæ conditores gnauiter imitari, quam fervido properantique ingenio indulgere maluisset. Quærebat enim peculiarem laudem ex elocutionis atque structuræ novitate, quæ nulla certe veterum æmulatione pararetur, ut in Ciceroniano non occulti livoris plenus ostendit. Tanta enim erat naturæ fecunditas, ut plena semper, ac ideo superfluctante alvo, varia & festinata luxuriantis ingenii prole delectatus, novum aliquid, quod statim ederetur, Chalcographis, tanquam intentis obstetricibus, parturiret. Obiit apud Helvetios Basileæ, septuagesimum excedens ætatis annum, quum Carolus Cæsar in Provinciam irrupens, ad Aquas Sextias, Francisco Galliarum Regi grave bellum intulisset.

Ex

*Ex Iconibus Theodori Beza, De præ-
cipuis Christianismi nostra patrum.
que memoria inter Germa-
nos instaurati organu.*

Desiderium Erasmus Roteroda-
mum quum inexhausta ingenii uber-
tas, pari dicendi facultate, ad summæ
gloriæ fastigium nostra memoria e-
vexerit, & illi tantum bonæ literæ
renascentes, quantum alii ætatis il-
lius nemini debeant, age, locum et-
iam illi in huius sacrarii vestibulo, &
quidem hoc addito elogio, tribua-
tur.

In Erasmus cingulo tenus de-
pictum.

*Ingens ingentem quem personat orbis
Erasmus,*

*Hæc tibi dimidium picta tabella re-
fert.*

*At cur non totum? Mirari desine, lector:
Integra nam totum terra nec ipsa
capit.*

In eundem, eiusd. argum.

*Ἡ μισοῦ τὴν παντὸς πλέον εἶν' Ἀρχὴς ἔειπεν,
Ἡ μισοῦ δὲ ὡς οἶμαι τὸ τοιοῦτον λογισάμεναι.*

Obiit Basileæ iv. Idus Iulii, anno
Domi-

Domini clō lō xxxvi, annum agens
septuagesimum.

*Ex Ian. Iac. Boissardi Vefuntini
Iconibus.*

• Desiderius Erasmus natus Rotero-
dami, urbe Batavorum non ignobili,
anno Christianæ salutis clō cccc lxxv.
Prima studiorum rudimenta posuit
Daventriæ, præceptore Alexandro
Heglo viro, literatissimo, & iuven-
tutis moderatore celeberrimo. Sub
cuius disciplina quum satis profecis-
set, Lovanium Brabantia Acadе-
miam petivit: Ibique in omni bona-
rum disciplinarum exercitio ani-
mum instruens, magnam de se o-
mnibus expectationem concitavit.
Unde Cantabrigiam, & Bononiam
se conferens, illic quoque in studiis
diligentem navavit operā Tandem
ad S. Theologiam animum applicās,
Doctoratus gradum Taurini susce-
pit. Quum autem adhuc esset iuve-
nis, habitum Monachalem sumpse-
rat, ut literis posset in cœnobii re-
cessibus liberius vacare. In ea tamen
professione non diu perseveravit,
quæ

quæ ad institutum vitæ, quam sibi proponebat, non admodum facere videretur, quum statuisset omnes Italiam, Galliam, ac Germaniam Academiis perlustrare. Factum igitur brevi est, ut ob inæstimabilem in omni liberalium artium eruditionem, & admirabilem vim ingenii, facundiæque ubertatem, & morum suavitatem, eius fama per omnes Christiani orbis regiones celebris vagaretur: propositisque uberibus & honorificis stipendiis undique vocaretur ad docendum, à præcipuis Academiis Europæ, à Pontificibus, à Regibus & Principibus. Sed sui iuris esse maluit, & privatis studiis incumbere, vacans scriptioni, quæ posset posteritati utilis & fructuosa haberi. Ferunt illi à Pontifice oblatam Cardinalitii status dignitatem, quam quum recusasset, cum miraculo à cæteris Patribus Ecclesiasticis exceptum fuisse hunc contemptum, vocatumque Erasmus sapientem bestiam, qui tantam dignitatem, tamque speciosos & fructuosos titulos imprudenter

denter respueret, quos alii summis
votis & laboribus ambirent, & quovis
pretio sibi compararent. Quumque
multis in locis maiorem vitæ partem
charus omnibus exegisset, urgente
iam senio Basileam Rauracorum in
urbem se recepit, ad Rhenum sitam,
loci amœnitate captus, & sodalitio
multorum doctissimorū hominum,
quibus ea civitas semper ornata est.
Academiæ illius Rector factus, quum
scholasticorum inordinatam licen-
tiam & petulantiam refrænare tenta-
ret, ab iis male exceptum ferunt. His
irritatum contumeliis, fama est, dis-
cerpsisse & cremasse Privilegiorum
partem illius Academiæ, (quæ cum
Moguntina totius Germaniæ credi-
tur antiquissima) ut his deperditis,
studiosæ iuventutis protervia retun-
deretur. Quod aliquando me audi-
visse recordor à piæ memoriæ præce-
ptore meo Hugone Babelo, qui tunc
temporis Basileæ Erasmo vivebat a-
micus & familiaris. Eius OPERA
fere infinita servantur multis in lo-
cis impressa, sed maxime in Frobe-
niana

niana typographia Basileæ, quæ omnia NOVE M. TOMIS complexus est. In primo continentur, &c. (vide infra pag. 135. & seqq.) Longum esset enumerare minora Opuscula & Emendationes castigationesque Auctorum, tam Græcorum quam Latinorum, quos Erasmus à barbarie & mendis scriptorum repurgavit. De quibus omnibus exacte tractavit Gesnerus in sua Bibliotheca.

*Lepida de Erasmo & Rege Angliæ
Henrico VIII Narratio.*

Libet hoc loco subiicere lepidam narrationem de ter maximo illo literarum præside Erasmo, quam retulerunt viri primarii eius regni. Rebus enim à D. Martino Luthero per Germaniam in causa Religionis passim motis, ob scripta quædam & conclusiones, quas communis patriæ & libertatis Germaniæ asserendæ gratia contra Italicas Leonis X. bullas Indulgentiarum ille habuerat publice, quæ sane non vulgus subditorum modo, sed & Nobiles pariter & Principes,

pes, ipsosque adeo Reges & summos
Monarchas totius Christianismi su-
spensos & conturbatos habebant, ut
qui eventus tantorum moliminum
prospicere satis non possent. Inter
ceteros vero Henricus eius nominis
VIII. Rex Angliæ, diligenter & accu-
rate super ea re inquirens, non tan-
tum per suum regnum viros eruditio-
ne & pietate insignes audiebat, sed &
exteros accersebat, quorum iudicia
exploraret. Eodem tempore Des. E-
rasmi Rot. existimatio per totum ter-
rarum orbē erat celebratissima, tam
ob literarum humaniorum studia re-
purgata, quam sacræ paginæ dexte-
riorem intelligentiam. Literis itaque
ad Erasmus scriptis hortatur eum, ut
ad se veniat, qui tamen si itineris dif-
ficultatem aliasque incommoditates
causaretur, Rex tamen non destitit,
donec eum ad se pertraheret. Erat e-
nim gravissimum negotium, cuius
nomine cum eo cōferre desiderabat.
Posteaquam Erasmus in Angliam ad-
venisset, Rex de præsentia eius cer-
tior, magna solemnitate eum exci-
pit,

pit, deinde in privatum colloquium
cum assumens, multa de Religionis
controversia ultro citroque ad ali-
quot dies cum eo confert. Quo col-
loquio finito, ubi iam Erasmus redi-
tum ad suos in Hollandiam urgeret,
venia quidem à Regia Maiestate, sed
satis difficulter impetrata, digreditur,
numeratis ipsi in honorarium l. au-
reis Anglicis. Sed is dimissus, ubi ad
viculum, Gravesintam venisset (vicu-
lus ille maritimus est, & naves con-
sensus vel egressuris primus pa-
tens) ab ordinariis regiis inspectori-
bus in illum ex officio inquisitum est:
non tantum enim naves illi, sed &
personas singulas, cuiuscunque vel
sexus vel ordinis fuerint, tanta cura
perquirunt, ut membratim etiam o-
mnia perscrutentur, si quid pecuniæ
latentis penes eos inveniant: ubi plus
quam quod viatico sufficiat reper-
tum est, superfluum Fisco regio ad-
iudicant, tantum solummodo relin-
quentes, quantum ad iter cuius in-
stitutum commode absolvendum sa-
tis esse videtur. Quare bonus ille no-
ster

ster Erasmus eo ubi venisset, loci & moris ignarus, in eosdem inquisitores incidit, qui Anglicos l. aureos repertos Fisco regio addicunt, moneta reliqua, quam pro viatico secum habebat, ipsi relicta. Erasmus rei insperatae evenitu suspensus, totque iam Angelottis minutus, à quibusdam admonetur, ut retro iter ad Regiam Maiestatem institueret, & apud eandem de damno passo conquereretur. Is igitur, nisi pecuniæ iacturam pati veller, ut pareret necesse habuit, quantumvis antea abitum festinarit. Quem ubi reversum Rex in aula sua conspexit, quasi rerum omnium ignarus, & rei novitate motus, sic facete eum alloquitur: Ecquid rei novæ Erasme hoc est? an in Hollandiam reversus nondum abiisti? Ille omnia ut evenerant ordine Regi subtristior exponens, de pecuniæ suæ iactura Regem edocet. Quibus Rex auditis in risum solutus, & fideliter ab officiatis suis factum prædicans, bono animo esse Erasmus iuber, addens simul, si secus à suis visitatoribus actum foret, suam

••

Maiesta-

Maieſtatem in illos omnes laqueo animadverſuram fuiſſe. Ita ad triduum circiter denuo inter Aulicos verſatus Erasmus, tandem quinquaginta Angelottis numeratis, optima venia, & ſalvi-conductus literis datis, honorificentiffime dimittitur: datis etiam literis ad Viſitatores, in quibus iuebantur priores l. conſiſcatos Anglicos Erasmō reſtituere. Quare iam ſumma duplicata, id eſt, centum Anglicorum aureorum, (faciunt autem ſinguli aurei Anglici duos Rhenenſes aureos, ſive in argētea noſtra moneta tres Florentinos, vulgo ſic appellatos) Erasmus auctior ad Hollandos ſuos revertitur, relinquens Aulicis Anglis non illepidam ſui recordationem.

Mortuus eſt Erasmus Baſilæ æ ænum, agens ſeptuageſimum, anno D. N. I. Chriſti clō Io xxxvi, Eidibus Iulii. Super tumba ſepulchri hu- mi iacente inſcriptum eſt: DES. ERA- SMUM ROTERODAMUM AMICI SUB HOC SAXO CONDEBANT, IV. EIDUS IULIAS, ANNO clō Io xxxvi. Tholo
Tem.

Templi ingenti marmore hæc exci-
sa sunt: CHRISTO SERVATO-
RI S. &c. vide pag. 66.

EPITAPHIA QUÆDAM.

Divis Manibus

DES. ERASMI ROTEROD.

ab amicis & viris doctis posita.

Iulii Cæsaris Scaligeri.

T Vne etiam moreris? ah; quid me
linquis, Erasme,
Ante meus quam sit conciliatus
amor?

Tunc etiam? cui tam parvus fuit orbis,
ut alta

Expleres mentis flumina torva tua.

Ergo sidereis postquam est subvecta
quadrigis,

Atque Dei lato lingua recepta sinu:
Ille ego, qui insana ridebam vulnera
mortis,

Cõditaq; Æterna tela trifulca manu,
Ad quodvis stupeo momentum, ac ter-
ritus asto:

Maxima cū videã numina posse mori.

* * 2

Ioan-

Ioannis Secundi Hagienſis.

*Defunctus vita longiq; laboribus ævi,
Hac ſitus eſt tandem doctus Eraſmus
humo.*

*Quæ licet in ſera rapuerūt fata ſenecta,
Et vita ſaturum ſopit alta quies:*

*Nos tamen hunc velut immaturo fune-
re raptum*

*Fleimus, & effuſis diffluimus lachri-
mis.*

*Ille igitur periit: & quondam illa illa
diſerta,*

Et dulci manās neſtare lingua tacet:

*Ingeniumque ſagax, & amans virtutis
& æqui,*

*Omnia ſub parvo condita ſunt tu-
mulo?*

Illū igitur canos Virtus lacerata capillos,

Et Charites lugēt, luget & ipſa fides?

*Collectasque roſas Permeſſi ad flumina
Nymphe*

Inſpergunt ſacro Piërides tumulo?

Hadriani Marii Ioan. Secundi fratris.

*Hic Deſiderius requieſcit Eraſmus,
amarum*

Qui deſiderium liquit in orbe ſui.

Mens

Mens habitat cœlo, nomen vix clauditur orbe.

Scripta viri & mundum conteret una dies.

Ioannis Morelli Ebrudunensis.

Ingenio quisquã si vivit, vivis Erasme;

Scripta manet nulla non peritura die.

Nam tua vel prima relegent qui sola iuvante,

Dicere cogentur, Magnus Erasmus erat.

Gloria sit quamvis multorum tanta sagittis,

Nō tamen à quoquã gloria laesa tua.

Promptius hanc fuerit linguis lacerare malignis,

Æquo virtutes quã superare pede.

Iam tua convellant dictis, laudent ve;
quid inde?

Stant merita & virtus, gratia, lausque, tamen.

Nicolai Borbonii.

Licoritur, Meus est, Germania dicit,
Erasmus;

Gallia reclamans adserit esse suum.

** * 3 Hanc*

*Hanc interveniens litem mala Parca
diremit :*

*Neutrius hic vestrum, sed meus, in-
quit, erit.*

*Gilbertus Cognatus in Petrum
Grappum, pro Erasmo.*

*Rides quid Magnus mihi saepe feratur
Erasmus,*

*Quodque is sit parvo corpore, Grap-
pe, mones.*

*In quem pene ruens Ecclesia nutat A-
tlantem,*

*Hunc ego non Magnum dixero iure
virum ?*

Theodorus Beza in Philænum.

*Erasmus ille, quo fatentur plurimi
Nihil fuisse vel futurum doctius,*

*Tibi Philane stupidus est & plumbeus:
Et quicquid uspiam ab omnibus fingi
potest*

*Calumniarum, stulte in illum congeris.
Latra Philane, quamdiu & quantum
voles,*

*Hunc scire constat plura quam tu ne-
scias.*

Deside-

Desiderio Erasmo , opt. max.
literarum vindici Sacrum.

*Auris Batava quisquis Hollandiæ
notam*

*Inuri, Hospes , Celtiberia memor
Dicacitatis ; fuge, nam sat est, modum ;
Opprobrique desine ; ac lubens vide
Hoc æviternum sæculi miraculum :
Erasmon inquam , quæ Dei benignitas
Desideratum nubilo indulsit diem ;
Qui conditores barbara sribliginis
Abigeret hinc in maximã malã crucẽ ;
Qui vindicaret quapröfanas quæ sacras
A sorde & omni squallitate literas .
Hinc ille felix (sed Vacerrarum choro
Spissum gemente) per Tryphonũ limina
Tot aureorum luce Scriptorum micat,
Qua promicondus Sol dierum deficit ,
Quaque ardisætam rursus instaurat
facem.*

*Hic ille fortis , ille mire pervicax
Phreneticorum despicator hostium ;
Qui Termini instar risit iratum Iovẽ ,
Fretusque sancto conscientia bono
Hispanienses Italasque nanias
Fringultientum præterivit alitum ;
Qui græculorũ , qui cachinnorũ iocos
* * 4 Ciconias-*

*Ciconiasque pectore invicto tulit.
Nempe ille noster, Hybridarū plurimum
Sape impetitus mentis agra somniis,
Illustris heros, maior omni iniuria,
Erinnyosque pipulis monastica,
Calo receptus splendet Indiges novus,
Favente Christo. cui fatigatum lubens
Nec tergiversans tradidit corpusculū.
Beatus, ô cui sic abire contigit!
Beatus! inquam. namque nil moros
moror.*

*Ille ille Semo, seculi miraculum,
Hollandus audit, natus Hollandopatre.
Quid huic Batavas livor aureis ob-
iicis?*

*Aureis Batavas non habent eiusmodi
Ha nationes quæ Batavis invident.
Petrus Scriverius .*

EPITAPHIUM ERASMI

Per

F. ANDREAM HYPERIUM.

Q*ui docuit verbis ad mortem quæ
sit eundum,
Nunc remonstravit flebile mor-
tis iter.*

Dum

*Dum rogat exemplo vatis, Quis monte
quiescet*

*Sancto, vel quisnam recta beata
colet?*

*Tum Deus, hunc cernens sine crimine,
dixit, Erasme,*

*Tu montem sanctum, tu mea recta
coles.*

*Et merito. quis enim scriptis vel mori-
bus usquam*

*Sanctior? hunc igitur pramia tanta
decent.*

Aliud eiusdem.

T*E tuus ecce trahit qui nulli cedit,
Erasme,*

*Terminus, ut cedas imperat
ipse tibi.*

*Tu tamen haud cedis, sed contra au-
dientior obstas.*

*Non anima aut fama terminus ullus
erit.*

*Nam licet hoc tenerum credatur corpus
habere,*

*Terminus, haud vincet nomen, Era-
sme, tuum.*

Termini

Termini effigies ex annulo Erasmi
signatorio expressa.



In Terminum Erasmi.

TErmine, Divorum quo non con-
stantius alter
In Capitolina restitit arce Iovi;
Quid facis, ut clypeo modo continearis
Erasmi,
Quum tua iam pridem templa faci-
get humus?
Quaque locum summo non concessere
Tonanti
Membra, ruinoso pondere terra pre-
mat?
Scilicet ut nulli Superū tua cessit imago,
Ignea nec manibus qui iacit arma
Iovi:

Sic

Sic deus, & clari laus immortalis E-
rasmi,

Non aliquem, cui non cedere possit, ha-
bet.

Huius enim cunctas excedit gloria
metas:

Fulget & indocto non superanda choro.
Hunc velut aetherium coluit Germania
numen:

Quam Desiderii nomina iure tenet!
Ioannes Schofferus.

D E S.

D E S. E R A S M I
Scriptorum noviter editorum
S Y L L A B U S.

V *Ita Erasmi.*

Modus orandi Deum.

Precationes, cum oratione Dominica.

De immensa Dei misericordia.

De contemptu Mundi Liber.

Explicatio in symbolum Apostolorum, & Decalogum.

De Virtute amplectenda Oratio.

De præparatione ad mortem.

De morte Declamatio.

De puero Iesu Concio.

Miles Christianus.

Lingua.

Institutio principis Christiani.

Querela pacis.

Encomium Moræ.

Com-



COMPENDIUM VITÆ
DESID. ERASMI
ROTTERODAMI.

Æternum illud Naturæ miracu-
lum, DESIDERIUS
ERASMUS,



*Natus est Rotterodami in
vigilia Simonis & Iuda
Apostolorum. Mater eius
dicta est Margareta, filia
medici cuiusdam Petri.*

*Ea erat è Septimontio, vulgo Zeven-
berge. Fratres illius duos vidit Dordra-
ci pene nonagenarios. Pater dictus est
Gerardus. Is clam habuit rem cum di-
cta Margareta, spe coniugii. Et sunt
qui dicant intercessisse verba. Eam rem
indigne tulerunt & parentes Gerardi
& fratres. Pater erat Helias, mater
Catarina: uterque pervenit ad extre-
mam senectutem, Catarina pene ad no-
nagesimum quintum annum. Fratres
erant decem, nulla soror; ex eodem pa-*

A

tre



tre & matre, omnes coniugati. Gerardus erat natu minimus, uno excepto. Visum est omnibus, ut ex tanto numero unus Deo consecraretur. Nosti affectus senum. Et fratres nolebant minui rem, sed esse apud quem ipsi convivarentur. Gerardus videns se modis omnibus excludi à matrimonio magno consensu omnium, fecit quod solent desperati, clam aufugit, & ex itinere misit parentibus & fratribus epistolam cum manu manum complexa; addito elogio, Valete, nunquam vos videbo. Interim relicta est sperata coniux gravida. Puer alitus est apud aviam. Gerardus Romam se contulit. Illic scribendo (nam tum nondum erat ars Typographorum) rem affatim paravit. Erat autem manu felicissima. Et vixit iuveniliter. Mox applicuit animum ad honesta studia. Grace & Latine pulchre calluit. Quin & in Iuris peritia non vulgariter profecerat. Nam Roma tum doctis viris mirè floruit. Audivit Guarinum. Omnes auctores sua manu descripserat. Parentes ubi resciscunt eum esse Romæ, scripserunt illi, puellam, cuius matrimonium

monium ambierat, esse vita defunctam. Id ille credens, præ mœrore factus est presbyter, totumque animum ad religionem applicuit. Reversus domum comperit fraudem. Nec illa tamen unquam post voluit nubere, nec ille unquam tetigit eam. Puerum autem curavit liberaliter educandum, & vix quatuor annos egressum misit in ludū literarium. Ac primis annis minimum proficiebat in litteris illis inamœnis, quibus natus non erat. Vbi nonum ageret annum, misit Darentiam: mater sequuta est, custos & curatrix tenera ætatis. Ea schola tunc adhuc erat barbara. Prælegebatur Pater meus: exigebantur tempora: prælegebatur Ebrardus, & Ioannes de Garlandia: nisi quod Alexander Hegius & Zinthius cœperant aliquid melioris literaturæ invehere. Tandem ex pueris collusoribus, qui grandiores natu audiebant Zinthium, primum cepit odorem melioris doctrinæ: post aliquoties audiuit Hegium, sed non nisi diebus festis, quibus legebat omnibus. Hic pervenit ad classem tertiam: tum pestis vehemen-

ter ibi saviens sustulit matrem, relicto filio, iam annum decimum tertium agente. Quum pestis indies magis ac magis incrudesceret, tota domo, in qua agebat, desolata, reversus est in patriam. Gerardus, accepto tristi nuncio, coepit agrotare, ac paulo post mortuus est. Vterque decessit non multo supra annum quadragesimum. Tres tutores instituit, quos habebat fidissimos. Horum precipuus erat Petrus VVinckel, tum ludi litterarii magister Gauda. Legavit rem mediocrem; si tutores bona fide administrassent. Itaque ablegatus est in Buscum-ducis, quum iam satis maturus esset Academia. Verum illi Academiam metuebant, quod statuerant puerum religioni alere. Illic vixit, hoc est, perdidit, annos ferme tres in adibus Fratrum, ut vocant: in quibus tum docebat Romboldus. Quod genus hominum iam late se spargit per orbem, quum sit perniciēs bonorum ingeniorum, & minaria monachorum. Romboldus, qui non adamabat ingenium pueri, coepit eum sollicitare, ut suo gregi accederet. Puer excusabat inscitiam ætatis. Hic
exorta

exorta peste, quum diu laborasset febris quartana, reversus est ad tutores, iam stylo quoque satis prompto, ex aliquot auctoribus bonis parato. Vnus tutor perierat peste: ceteri duo, re non admodum bene gesta, cœperunt agere de monasterio. Adolescens languens febris, qua supra annum illum tenuerat, non abhorrebat à pietate: ceterum à monasterio abhorrebat. Itaque sinunt diem ad cogitandum. Interim tutor subornat, qui pelliceant, qui minitentur, qui perpellant animum imbecillè. Atque interea repererat locum in monasterio canonicorum, qui vulgo vocantur Regulares, in collegio, quod est iuxta Delft, dicto Sion: qua domus est principalis eius capituli. Vbi dies venisset respondendi, respondit prudenter adolescens, se nondum scire, neque quid esset mundus, neque quid esset monasterium, neque quid esset ipse: proinde videri consultius, ut adhuc annos aliquot agat in scholis, donec sibi notior esset. Hac quum videret constanter dici ab adolescente, statim infremuit Petrus. Ergo, inquit, frustra laboravi, qui

*talem locum tibi magnis precibus par-
rim: tu es nebulo: non habes spiritum
bonum: ab dico tutelam tuam. Vide,
unde alaris. Adolescens respondit, se
accipere abdicationem, & ea esse aetate,
ut non opus sit tutoribus. Vbi vidit se
minis nihil proficere, subornat fratrem,
qui & ipse tutor erat, negociatorem.
Is blanditiis agit. Accedunt instigato-
res undique. Habebat sodalem, qui pro-
didit amicum. Et urgebat febris: nec
tamen arridebat monasterium, donec
forte fortuna viseret monasteriū eius-
dem ordinis in Emaus sive Steyne, iux-
ta Gaudam. Ibi reperit Cornelium,
quem Daventria habuerat sodalem in
eodem cubiculo. Is nondum acceperat
sacrum illū cultum: viderat Italiam,
sed redierat parum doctus. Hic suum
agens negotium, coepit mira loquentia
depingere vitæ genus sanctissimum, co-
piam librorum, otium, tranquillita-
tem, sodalitatem angelicam. Quid
non? Trabebat affectus ille puerilis ad
veterem sodalem. Alii alliciebant,
alii propellebant. Onerabat febris.
Hunc locum delegit, altero fastidito;
a Iacta-*

a laetabatur interim, donec haberet sacram vestem. Interea, tametsi adolescens, sensit quam non esset illic vera pietas. Et tamen totum illum gregem excitavit ad studium. Parantem abire ante professionem partim pudor humanus, partim mina, partim necessitas coërcuit. b Tandem per occasionem innotuit episcopo Cameracensi, Henrico à Bergis. Is sperabat Cardinalicium galerum; & habuisset, nisi defuissent praesentes nummi. Ad hoc iter optabat hominem Latine doctum. Itaque per hunc evocatus est cum auctoritate Episcopi Trajectensis, qua sola sufficiebat. Et tamen ille adiunxit auctoritatem Prioris & generalis. Concessit in familiam Episcopi, servato tamen habitu. Quum Episcopus esset destitutus spe galeri, sentiretque illum in amore parum constantem erga omnes, egit, ut iret Lutetiam studii gratia. Promissum est stipendium annuum: nihil missum est. Sic solent principes. Illic in collegio Mon-

a Sic habet Autographum: scribere voluit laetabatur. b Hic in margine adscriptum erat, professus erat, eadē, ut videbatur, manu.

ris acuti ex putribus ovīs & cubiculo infecto concepit morbum, hoc est, malam corporis, antea purissimi, affectionem. Itaque rediit ad Episcopum. Acceptus est honorifice. Recreatus est à morbo Bergis. Revisit Hollandiam hoc animo, ut maneret apud suos. Sed ipsis ultro hortantibus rediit Lutetiam. Ibi destitutus auxilio Macenatis vixit verius, quam studuit: & ob pestilentiam, ibi multis annis perpetuam, singulos annos redeundum erat in patriam. A studio Theologia abhorrebat, quod sentiret animum non propensum, ut omnia illorum fundamenta subverteret; deinde futurum, ut Hæretici nomen inureretur. Tandem, ubi totum annum saeviret pestis, coactus est Lovanium commigrare. Ante inviserat Angliam in gratiam Montioii, tum discipuli, nunc Macenatis; sed amici verius quam benigni. Id temporis omnium bonorum apud Anglos benevolentiam sibi concilia vit, ob id præsertim, quod spoliatus in littore Dovariensi, non solum non ultus sit iniuriam; sed mox emisit libellum in laudem

dem Regis, & totius Anglia. Tandem è Gallia magnis promissis revocatus est ad Angliam: quo tempore nactus est amicitiam Archiepiscopi Cantuariensis. Vbi promissa non apparerent, petiit Italiam: cuius adeunda desiderio semper arserat. Egit paulo plus quam annum Bononia, iam vergente atate, hoc est, ferme quadragenarius. Inde contulit se Venetias, & edidit Adagia: inde Patavium, ubi hibernavit: mox Romam, quo iam fama celebris ac plausibilis precesserat. Raphaëli, Cardinali S. Georgii, precipue charus fuit. Non defuisset ampla fortuna; nisi mortuo rege Henrico VII, & successore VIII, amicorum literis amplissima pollicentibus revocatus esset in Angliam. Illic decreverat reliquum ætatis peragere: verum ubi ne tum quidem præstarentur promissa, subduxit se in Brabantiam, invitatus in aulam Caroli* nunc Cæsaris; cui cōsiliarius factus est opera Ioannis Silvagii, Cancellarii magni. Cetera sunt tibi nota. Mutati cultus rationē reddidit in libello primo, quo respon-

* Vix parer, an nunc, an tunc scriptum.

det Leicis sycophantiis. Formam ipsi describetis. Valetudo semper fuit tenera: unde crebro tētabatur febribus, praesertim in quadragesima ob piscium esum, quorum solo odore solebat offendi. Ingenium erat simplex; adeo abhorrens à mendacio, ut puellus etiam odisset pueros mentientes, & senex ad illorum aspectum etiam corpore commoveretur. Lingua inter amicos liberioris, nonnūquam plus quam sat esset. & saepe falsus non poterat tamen amicis diffidere. Putidulus erat, neque quidquam unquam scripsit, quod ipsi placeret: ac ne facie quidem propria delectabatur: vixque extortum est amicorum precibus, ut se pingi pateretur. Dignitatum ac divitiarum perpetuus contemptor fuit: neque quicquam habuit prius otio, ac libertate. Candidus estimator alienae doctrinae, & fautor ingeniorum unicus, si fortuna suppetisset. In provehendis bonis litteris nemo magis profecit, gravēque ob hanc rem invidiam sustinuit à barbaris & monachis. Vsq̃ue ad annū quinquagesimum nec impetiverat quēquam, nec impetitus est à quoquam stylo.

stylo. Idque habebat sibi propositum omnino, stylum incruentum servare. A Fabro primum est impetitus: nam Dorpiana orsa suppressa sunt. In respondendo semper erat civilitate. Lutherana tragœdia oneraverat illū intolerabili invidia, discerptus ab utraq; parte, dum utrique studet consulere. Augeto catalogum operum meorum: ex hoc quoque multa colligentur. Scripsit ad me Gerardus Noviomagus, quosdam meditari vitam Erasmi, partim carmine, partim oratione. Ipse cupiebat instrui secreto: sed non ausus sum mittere. Si contingat cum illo colloqui, poteris illi communicare. Nec tamen expedit aliquid tentare de vita, nisi res ipsa urgeat. Sed his de rebus fortassis alias, aut etiam coram.

Hæc ubi scripsissem, venit Berckman onustus mendacis. Scio quam sit difficile, continere arcanum, tamen uni tibi credo omnia. Celebravi Viandulum nostrum: Livinus exhibebit libellum: hortare Ceratinum, ut, si quando relegat auctorem, annotet aliqua. Favendum est Frobrenio: ego non pos-

12 DESID. ERASMI
*sum illi semper adesse. Et eius cau-
sa gravior magna invidia. Nosti,
quam sint figuli. Rursum vale.*

DESID. ERASMI

VITAE,

Per

BEATUM RHENANUM.

Ex Epistola dedicatoria in fronte
operum Origenis ab Erasmo
recognitorum, Anno
clo lo xxxvi.

Redierat (Erasmus) Friburgo Bri-
sigavorum Basileam anno supe-
riori, quum ut Ecclesiasta sive operi
de ratione concionandi typis Frobenia-
nis edundo praesens adesset, ac partem re-
stantem illic absolveret, nam deerat ad
finem aliquid, tum ut valetudinem ad-
versam qua Friburgi laborare coepe-
rat, caeli mutatione discuteret. Neque
enim discessit quasi non rediturus,
quum illic, ut in ditione invictissimi
Romanorum, Hungaria, Bohemiaque
regis

regis Ferdinandi, qui virum eius Reip.
primoribus per literas accurate com-
mendaverat, quum primum illuc se
conferret, lubentissime vixerit, toto se-
ptennio non solum optimo cuique eius
Academia charus, verum etiam Ma-
gistratibus, civibusque haud vulgari-
ter amatus atque reverentissime cul-
tus. Sed quum ab illustrissima Hunga-
ria Regina Maria ac aula Brabantica
iterum ac iterum vocaretur misso pri-
dem viatico, cogitans ille de fide sua li-
beranda qua reditum in inferiorem
Germaniam certo foret non semel polli-
citus, suppellectilem suam omnem Fri-
burgo Basileam curavit avehendam,
ut illic in Brabantiam quum visum
esset secundo Rheno navigaret. Hoc mo-
lientem & astatistempore satis incom-
mode habentem articularis morbus, quo
Friburgi conflictatus ante fuerat, sic
hominem lecto sub autumnum rursus
affixit, ut hunc raro sit egressus, cubi-
culum semel tantum. Et tamen in tan-
tis membrorum cruciatibus, si quan-
do vel minimum conquievissent, nun-
quam scribere destitit. Testis est Com-
menta-

mentariolus de puritate Ecclesie, & hac Origenis recognitio. Tandem viribus paulatim deficientibus, mensem enim ferme integrum dysenteria laboravit, quum sentiret iam instare vita finem, extantibus, ut semper, claris Christiana patientia, & animi religiosi documentis, quibus in Christum se spem omnem figere testabatur, assidue clamās, ô Iesu Misericordia, Domine libera me, Domine fac finem, Domine miserere mei, & Germanica lingua, Lieber Godt, hoc est, Chare Deus, quinto idus Iulias sub mediam noctem vita functus est. Nec alias emisit voces, ratione usus integra usque ad supremum vita exitum. Impatentiam autem in solvendo natura debito ostendere, esse debet à Christiano prorsus alienum, quum mors piorum nihil sit nisi transitus ad vitam meliorem, & qui moriuntur non moriantur, sed precedant nos eodem pervenire cupienteis, ut est apud Septimium Tertullianum. Paucis ante diebus quam vita defungeretur, quum Bonifacius Amerbachius, Hieronymus Frobenius & Nicolaus Episcopi amici sele-

selectiores, illum officii gratia simul inviserent, cubiculum ingressos trium amicorum ad consolandum Iob venientium admonuit, ubinam scissa vestes essent, ac cineres capitibus inspergendi quarens. Hoc autem anno se moriturum ante multos menses vaticinari solet, & triduo primum, deinde biduo mortem pradixit. Quam publicum sui desiderium reliquerit, testis fuit frequens ad supremo visendum defuncti corpus concursus. Elatus est humeris studiosorum ad adem cathedralem, atque ibi iuxta gradus quibus ad chorum (ut vocant) ascenditur in sinistro templi latere, ubi sacellum fuit D. Virgini sacrum, honorifice sepultus. Nam in pompa funebri non Consul modo, sed etiam è Senatoribus plerique visebantur, Academia professorum ac studiosorum aberat nemo. Fuit in vita cum in studiosos inopia pressos, tum in ceteros subsidio dignos, quoties occurrissent, admodum liberalis. Nec dissentit à consueta benignitate suprema hominis voluntas. Testamentum enim cōdidit, Romani Pontificis Clementis, Imp. Cas. Caroli Aug. ac ma-

ac magistratus Basiliensis diplomati-
bus munitus, in quo clarissimum vi-
rum Bonifacium Amerbachium Iure-
cons. nominatum heredem fidei com-
misso de bonis suis in pauperes etate va-
letudineve infirmos; in puellas nuptu-
ras, ut harum pudicitia succurratur; in
bona spei studiosos adolescentes, ac in
quosvis huiusmodi dignos auxilio dis-
tribuendis collocandisq; oneravit, ad-
iunctis eidem duobus executoribus Hie-
ronymo Frobenio, Nicolaoque Episco-
pio. Quid hoc testamento sanctius esse
potest, aut magis Christianum? Alii
construendis ornandisque Basilicis sua
dicant; Erasmus maluit in viva Dei
templa superanteis à morte facultates
conferre. Legata porro aliquot amicis
coniunctioribus reliquit, ac heredem
ipsum certis quibusdam rebus, τὸ τὰ μυα-
στικὰ δόγματα τέταρτον, quam Trebel-
lianicam Iureconsulti hodie appellant,
non æquantibus, iussit esse contentum,
cui sane voluntas tanti viri praeceptoris
& amici, omni iure est antiquior. Vixit
ad septuagesimum annum, quem com-
munem humana vita terminum re-
gius.

gius propheta David statuit, aut certe non multum est supergressus: nã de anno quo natus est apud Batavos nobis nõ constat, de die constat, qui fuit ad quintum calend. Novembreis Apostolis Simoni & Iuda sacer. Apud Darentiam primum posuit in literis tirocinium, utriusque linguae rudimentis imbibitis sub Alexandro Hegio VVestphalo, qui cum Rudolpho Agricola recens ex Italia reverso amicitiam contraxerat, & ab eodem graeco docebatur: nam huius literaturæ peritiam ille primus in Germaniam importavit. Terentii Comœdias puer non secus tenebat ac digitos suos, memoria namque fuit tenacissima, ingenio perspicacissimo. Exceptis rudimentis plane dici potest in literis aucto-
didæ etc. nam quod in Italiam iã natu grandior profectus est post regii apud Anglos medici filios, archiepiscopi quoque S. Andrea in Scotia, qui tum Senis degebat, aliquandiu præceptor, nobilissima regionis visenda causa fecit, non ut professoribus operam illic daret. Neque enim Bononia quēquam publice prælegendium audiuit, sed Pauli Bombasii

*basii qui sub Leone postea Roma per-
riit, amicitia contentus, domi studiis
suis invigilabat, Adagiorum opusculum
colligens, quod paulo post Aldo Manu-
tio dedit excudendum. quae res fecit ut
Venetias adiret, ubi Marco Musuro at-
que Scipione Carteromacho viris do-
ctissimis familiariter usus est, quos am-
bos non semel consuluit si quis nodus in-
cidisset, horum eruditionem ac candore
apud amicos commendare solitus.
Hieronymo Aleandro Mottenfi trium
linguarum peritissimo, qui hodie Brun-
dusina Ecclesia archiepiscopus praesidet,
longe familiarius coniunctus fuit, ut
puta contubernali in adibus Aldinis,
qui scit me vera prode. Prater hos &
Ambrosium Nolanum medicum, ac
Baptistam Egnatium ibidem amicos
habuit. Roma postea Cardinalibus Ra-
phaeli Reario atque Ioan. Medice qui
mox Iulio II. P. M. successit Leonis De-
cimi vocabulum nactus, gratissimus
fuit. Docuit Lovanii, Cantabrigia in
Anglia, Lutetia etiam privatim, ubi
Theologia dedit iuvenis operam. Pi-
leum deinde Doctorem quum in Ita-
liam*

liam iret in Taurinensi Academia accepit. Patronos ac Mæcenates habuit, Henricum à Bergis Episcopum Cameracensem, Guilielmum Montioium, atque omnium liberalissimum Guilielmum VVaramum Archiepiscopum Cantuariensem, Angliæ primatem, cuius in libris suis sæpe mentionem facit: Amicos, in Britannia Ioan. Coletum, Grocinum, Latumerum, Linacrum, Thomam Morum, Antuerpia Petrum Ægidium, Conradum Cochlenium Lovanii. Corpusculo fuit satis compacto, sed quod esset tenerrima complexionis, & minimarum etiam rerum mutatione (puta vini, cibi, cœlive) facile offenderetur. In literis assidue versabatur infatigabili studio. Testantur hoc tot ab illo conscripti libri, quorum nomina recensere non est opus, quum ipse suorum lucubrationum catalogum ediderit annis superioribus ad Ioã. Botzheimium. Basilea vixit apud Ioan. Frobenium aliquamdiu, deinde in alteris eiusdem adibus seorsum habitavit; tandem Friburgo reversus apud Hieronymum Ioan. filiũ vitam functus est, &c.

Ex

Ex Selato, vulgo Sletstad, anno à partu Virginis. matris. clō lō xxxvi.

Idem de eodem proluxius

In Epistolâ præfixâ operibus ERASMI Anno clō lō xl.

Inviçtissimo Imp. Cæs.

CAROLO huiusnominis V, Pio, Felici, Augusto, &c.

BEATUS RHENANUS S. D.

Quanta semper laudi fuerit apud veteres, Inviçtissime Carole Auguste, cives habuisse viros insignes, ad posteros traditum inclytum illud septem Gracia civitatum certamen satis indicat: quarum qualibet, natum apud se præclarissimum vatum Homerum contendit. Nec iniuria. Quod enim maius ornamentum ulli vel urbi vel provincie potest accidere, quam si talem progenuerit, per quem apud omnem posteritatem, illustrem sit laudem consequuta? qua ex nulla re solidior obveniat atque ex literis, quibus ad aternitatem ipsam nihil magis durat. Hinc igitur
moti

moti Smyrnai, Rhodienses, Colophonii, Salaminii, Ienses, Argivi, & Athenienses, certatim Homerū sibi vendicant; ut de Ægyptiis nihil dicam, qui illum suæ gentis videri volebant. Quod si magni fecit Homeri natales ingeniosa Gracia, ceu omnis doctrina parentis & fontis perennis, cur tua Maiestas non merito gloriari queat, Dcl. Erasmus illum Roterodamum in sua ditione certo natum & educatum, cuius industria velut postliminio revivere plenius litera, non tantum in istis proximis Germaniarum Galliarumque regionibus, in quibus mira barbaries ante regnabat, verum etiam in ipsa nobilissima terrarum Italia, cum instructius, tum felicius huius ope florere cœperunt, ut si fortassis ambitiosum sit eum alterum parentem literarum vocare, tamen instaurator ac primarius illustrator dici & possit & debeat. Quis enim à mille annis extitit, qui plura scripserit cum in sacris, tum prophanis, tanta humanioris literatura peritia perpolitus? cum libri in longinquas provincias frequentius exportati sint, &

avidius

avidius lecti? denique quem omnium nationum eruditi magis coluerint observarintque? Nihil hic fingo, sed rem omnibus notam narro. Valebat namque stilo arguto, extemporali, amœno, terso, feliciterque fluente, quem assidua iuvenis adhuc exercitatione sibi paraverat. nec minus iudicio valebat, quod habebat longe acerrimum. Hoc docti in eo præcipue sunt admirati veneratique. Miraculo autem simile videatur, exactum adeo iudiciũ seculo tam rudi. Felicitati rara perspicacissimi ingenii ferendum acceptum magis quam ullis præceptoribus, si mutos illos magistros excipias. Natus enim est ab avi tui Frederici III. Aug. primis imperii annis ad quintum calend. Novembris, Roterodami in Hollãdia tua inferioris Germania provincia: quam olim Batavi possederunt: nunc magis notam studiosis omnibus, ob unius indigenæ Erasmi incunabula, quam veterum incolarum memoria quamlibet bellico robore præstantium. Hoc alumno Roterodamum oppidum se semper iactabit, & doctis erit commendatum. Proximam sibi laudem

dem vendicat Darentia, qua puellum
adhuc ex ade sacra Traiectensi cantor-
culum deductum, ubi pracentiunculas
obire solitus, phonaſcis etiam tenuiſſima
vocis gratia pro more templorum cathe-
dralium inſervierat, inſtituendum ſuſ-
cepit. Praerat illic ludo literario tum
Alexander Hegius VVeſtphalus, homo
bonarum literarum minime expers, &
Gracarum non nihil peritus, Rudolpho
Agricola communicante, cuius amici-
tia familiariter utebatur nuper ex Ita-
lia reverſi, ubi Guarinum Veronenſem
Ferraria proſitentem, & alios aliquot
eruditione celebres audiverat. Inge-
nium Eraſmi mox eluxit, quum ſtatim
qua docebantur, perciperet, & fideliter
retineret, a quales ſuos omnes ſuperans.
Erat tum inter eos, quos illic fratres
vocant, non quidem monachos, ſed con-
tubernii ratione & veſtitus ſimplicio-
ris & uniformis cōvenientia monachis
ſimiles, Ioannes Sintheimus, vir probe
literatus, ut illa ferebant tempora, te-
ſtantur id Commentarii Grammatici
quos edidit, magnum ea tempeſtate no-
men in ſcholis Germaniarum conſe-
quutus.

quintus. Is delectatus Erasmi profectu, nam cœnobita isti palliati quibusdam scholasticorum classibus præsumt & publice docent, complexus aliquando puerum, Mactæ ingenio Erasme, inquit, tu ad summum eruditionis fastigium olim pervenies, simulque osculum dedit, & dimisit. Non fefellit hoc augurium, quod omnibus constat. Orbatu autem utroque parente paulo post, ut tutor omne procurationis onus discuteret, eius improbitate in cœnobium Canonicorum, quos addita Latina interpretatione Regulares appellant, ex Daventriensi schola monachorum omne genus fertilissimo seminario, detrusus est. In eo loco Guilielmum Hermannū Gaudensem literis deditissimum iuvenem aliquot annis studiorum sodalem habuit, cuius extat Odarum Sylva. Hoc socio adiutus & accensus nullum Latinorum auctorum volumen non excussit. Diu noctuque erant in literis. Tempus quod equales alii iocis, somno, comensationibus ignaviter absu-
mebant, hi duo libris evolvendis & exercendo stylo impēdebant. Audita Era-
smi

smi fama Cameracensis antistes Henricus ex Bergensium regulorum familia prognatus, iuvenem iam sacris initiatum ad se vocat, adornans iter in Italiam, Romamque petiturus. Videbat enim, Erasmus valere literis, valere eloquentia, moribus ingenuis praditum, epistolis eleganter scriptis id docentibus: unde cum usus tum ornamento comitatusui suo esse posset, si cum Pontifice Romano, si cum Cardinalibus agendum foret. Verum quid intervenerit, quo minus ea profectio sit ab Episcopo suscepta, mihi non liquet. Certe Gulielmus ipse valde doluit ereptum sibi Erasmus: sic enim in Oda quadam canit;

At nunc fors nos divellit, tibi quod
bene vertat,

Sors peracerba mihi.

Me sine solus abis, tu Rheni frigora
& Alpeis,

Me sine solus abis,

Italiam, Italiam lætus penetrabis a-
mœnam, &c.

Quaquam vero de Roma adeunda cõ-
siliū mutavit Cameracensis præsul,

B

tamen

tamen Erasmus in aula sua retinuit, ingenii suavitatem & praestantiam ac candorem iuvenis delectatus. Hicque ille in multorum amicitiam sese insinuavit vere ἐγγύς, in primis Antonii abbatis apud divum Bertinum, qui ex eadem Bergensium gente ducebat originem, & Iacobi Batti, qui senatui oppidi Bergensis fuit à secretis, ad quem tot eius extant epistolae, qui postea apud Annam Borsolam Adolphi principis Veriensis matrem diu vixit in summo honore. At Cameracensis felicissimum Erasmi alumni sui ingenium contēplatus, haud gravatim eum sumptibus instruxit, ut Lutetiam proficisceretur, & illic Theologia, quam scholasticam vocant, daret operam. Ergo Scotista factus est, in collegio Montis agens; nam inter Theologos disputatores Ioannes ille Duns Scotus, ab acumine ingenii maxime praeedicatur. Quumque vitam collegiaticam duriolem experiretur, non invitatus emigravit ad Anglum quendam generosum, adolescentes duos generosos secum habentem: Montioium alterum ex illis fuisse coniicio. Videbant enim

enim Angli, inter professores bonarum
literarum in tota Academia Parisiensi
nullum existere, qui vel eruditius pos-
set, vel fidelius docere consueisset. Nam
Faustus Andrelinus, alioqui carmini-
bus magna cura pangendus intentus, de-
functorie profitebatur, iocis quibusdam
magis festivis quam doctis plausum ru-
dium auditorum captans. Gaguinus
obeundis legationibus ad exteros Prin-
cipes occupatus erat, in istis studiis non
ita prorsum absolutus: nec docebat pu-
blice. Atque hinc cœpit Erasmus in
Anglia innotescere. In quam insulam
paulo post ipse concessit à discipulis illis
suis domum regressis invitatus. Vbi
quum aliquandiu mansisset, in reditu
apud Doveriense littus à telone fortu-
nis propemodum omnibus exutus est: ac
nondum navem ingressus naufragium
fecit, quod complusculos aureolos ultra
prescriptum numerum & sine regio di-
plamate, (nihil periculi, nisi in Britan-
nica moneta,) à Montioio & Moro per-
suasus, imprudens legum Anglicarum,
efferretentasset. Qua iniuria utcumque
mussitanda fuit: nec enim erat ullum

remedium, obstante lege. Nec tamen hoc damnum vel alienavit animum Erasmi, vel deterruit, quo minus in Angliam sæpius postea redierit. Abundare tum cœperat ea provincia viris doctissimis, Guilielmo Grocino, Thoma Linacro, Gulielmo Latimero, qui in Italia literis operam dederant, utriusque lingua peritia celebres: item Ioanne Coletto, Thoma Moro, Richardo Pacao, & Gutberto Tonstallo: à quibus omnibus certatim amabatur: ut de episcopis nihil dicam, quorum ut quisque erat literarum callentior, ita plures Erasmus faciebat, & benignius tractabat. In Academia Cantabrigiensi docuit aliquandiu: idem & Lovanii fecit, quum apud Ioannem Paludanum eius scholæ rhetorem diversaretur. Demum persuasus ab amicis, quo tandem Italiam videret, cuius miro desiderio semper tenebatur, (nec immerito, quando totus hic orbis ea regione nihil modis omnibus cultius habet) cum filiis Baptista Boerii Genuensis, regii in Britannia medici, Ioanne & Bernardo, Bononiam profectus est: non ut

padago-

palagogus, nam morum curam exceperat, nec ut praeceptor, sed ut inspector futurus, ac studiorum viam demonstraturus, teste epistola ad Botzheimiũ. ubi inter professores Paulum Bombasium amicum habuit, hominem nivei pectoris, & eruditum, qui vicissim ingenio ac doctrina Erasmi mirifice delectatus est. Iam enim obierat Beroaldus professorum sui temporis Achilles, & Baptista Pius antiquitatem infelicitè emulatus Oscos & Volscos somniabat. In itinere cum socio Anglo, Taurini in Alpibus Cotii Theologia doctor factus est. Itaque dignitatem & eruditionem in Italiam importavit, quam ceteri inde reportare consueverunt. Dum Bononia volumen Adagiorum pridem coeptum absoluit, nam breve & rude specimen operis futuri Lutetia ante multos annos ediderat, cultum Canonorum cœnobiticum, quo hætenus usus fuerat, huiusmodi de causa mutare coactus est. Mos est eius urbis haud quaquam reprehendendus, ut si suspicio sit de quoquam infecto peste, chirurgus ad hoc constitutus statim accer-

satur. Is ut commodius ab obviantibus & pratercuntibus devitari possit, propter contagium exitiabile, solet albam mappulā ab altero humero transversim pendentem gestare, & virgam in manu. Forte fortuna die quodam nescio quid acturus Erasmus per plateam oppidi infrequentiore solus incedebat in cultu suo canonicali, quemadmodum consueverat. Ibi duo tresve iuvenes imperiti obviam veniunt, & omophoro candido conspecto, pestis exploratorem illum rati, quum in via pergeret Erasmus nihil huiusmodi suspicans, correptis saxis vim minati sunt, & convitiis impetiverunt, intra verba tamen grassati. Causam indignationis demirans inquit. Aiunt de edibus prospicientes, qui rixantes audierant, scapularem illam vestem cos provocasse nodo substrictam ad latus, deceptos ob cultus similitudinē, qui putarint eum ab infecto aliquo redire, nec de via decedere velle. Proinde ne simile periculum deinceps incurreret Erasmus, ad Iulium secundum Pontificem Max. misit supplicem libellum, quo sibi

sibi religiosi cultus utendi aut non utendi gratiam faceret. Id promerentibus suis singularibus virtutibus, haud gravatim concessum, modo veste sacerdotali uteretur: quod Leo decimus deinde, accedentibus aliis etiam iustis causis, non tam ad vitam institutum, quàm ad illustrandam Erasmi existimationem pertinētibus, in plenissima (quod aiunt) forma corroboravit: omnibus & singulis specialiter & expresse derogās, quae (ut verbo dicam) quomodocumq; obstant, tenores obstantium quorumcunque pro sufficienter expressis enumeratisque habens. Ecquis autem dubitat, Pontifices Max. in huiusmodi humanis constitutionibus plurimum posse, quum Iuris interpretes iisdem in ea, quae vel Iuris Divini sunt, vel Gentium, interpretanda moderandaque non parum concedant, imo in omnibus, exceptis fidei articulis, liberam ex causa disponendi dispensandique, ut ipso- rum verbo utar, potestatem esse tradant? Ad umbilicū perducto opere Proverbiorū, scripsit Aldo Manuzio, an librum excudendū formis suscipere vellet.

*Is respondit, id se lubenter facturum. Venetias delatus quum in officinam venisset, diu coactus est expectare donec ad colloquium admitteretur, cum quia Aldus cognoscendus archetypis operarum laboribus, formulas stanneas tumul-
 tuarie concinnantium, occupatus erat, tum quia putabat eum esse ex vulgari-
 bus saluatoribus unum, qui magis curiositatis studio, quam auxilii vel consilii prebendi causa, assidue venti-
 tando homini aliis rebus intento nun-
 quam non molesti erant. Vbi cognovit, Erasmus esse, veniam precatus suavif-
 sine eum complexus est, & in adibus An-
 drea Asulani famigerati illius manci-
 pis, soceri sui, socum tenuit, ubi con-
 tubernalem habuit Hieronymum Ale-
 andrum Mottensem eruditione trilin-
 gui nobilem, nunc Cardinalem: inter
 alios etiam amicitia Pauli Canalis Pa-
 tricii, Ambrosii Nolani medici prestan-
 tis, Baptistaque Egnatii familiariter
 usus: nec adeo brevi tempore: nam &
 Euripidis Tragœdias duas, Hecubam
 & Iphigeniam in Aulide, recognitas
 hic denuo edidit, & Terentii Plautiq;
 Comæ-*

Comœdias habita carminis ratione castigavit. Sub id tempus Alexander, Iacobi Scotorum regis filius, Patavii literis operam dabat, Raphaelis Regii auditor, & iam Ecclesia divi Andreae in Scotia Archiepiscopus: is Erasmus sibi in rhetoricis praeceptorem adsciscit, cum quo postea Senas commigravit. Boerios enim discipulos post unicum cohabitationis annum, dudum dimiserat, ob patris morositatem. Patavii doctissimorum virorum Marci Musuri Cretenfis, & Scipionis Carteromachi Pistoriensis usus est commercio. quorum humanitatem saepe me audientem deprecare solet, expertus candorem non semel, dum in corruptis Græcorum autorum exemplaribus manu descriptis, quorum magnam partem Aldina bibliotheca suppeditabat, videlicet Pausania, Eustathio, Lycophronis interprete, Euripidis, Pindari, Sophoclis, Theocriti, similiumque commentariis, horum exquirere iudicium. Nihil erat tam reconditum, quod non aperiret, nec tam involutum quod non expediret Musurus, vere Musarum custos & antistes. Omnia

B 5 legerat,

legerat, excusserat omnia. Schemata loquutionum, fabulas, historias, ritus veteres ad unguem callebat. Hanc tam consummatam eruditionem etiam insignis pietas commendabat, dum patrem Graculum iam grandævum amanter seduloque fovet. Scipionem multiplicis doctrinae & ingenuitatis dotes oxornabant. Vterque Romam periiit, sed Musurus à Leone Pontifice Monovasiensem archiepiscopum iam nactus. Dum agit Senis Erasmus in edibus præsulis divi Andrea, quem instituebat, cuius indolem sæpe laudavit, & illum vera dixisse magis appareret, nisi cum patre regelatus eius claudens in prælio, quo exercitus Henrici Britannia regis, cuius soror huic coniunx erat, tum in Belgica agentis & Tornacum instigante Iulio secundo Pontifice Max. obsidentis, cum Scotis irruentibus, qui Galliarum partes fovebant, concurreret, clarissimus iuvenis paulo post casus esset: dum illis, inquam, in Etruria agit Erasmus, comitum impetravit vicinam Romam invisendi. Ibi dici non potest quanto plausu quantoque gaudio literatorum hominum

hominum sit exceptus, non mediocrium tantum, sed & eorum qui Cardinalitia dignitate prae-fulgebant: in quibus praecipuus Ioannes Medices, qui in Iulii II demortui locum successus, Leonis decimi nomen obtinuit, & Dominicus Grimanus Venetus, atque Aegidius Viterbiensis trium linguarum peritissimus, tres quidem egregii Heroes, fovendis studiis nati ac dediti, in quibus adeo non vulgariter excellebant. Vidit, ut audire memini, & Thomam illum Phadram facundia extemporali incomparabiliter eloquentem, qui Ludis & Comædiis recensendis priscam antiquitatem representabat. Vidit & alios professores. Oblata est Pœnitentiarii dignitas, si Roma manere vellet, via futura ad altiora conscendendi. nam emolumentum non contemnendum inde esse poterat. Sed redeundum fuit ad Archiepiscopum, cum quo postea denuo Romam adiit, quam nobilissimus adolescens videre cupiebat, prius quam in Scotiam suam rediret. nec Roma sola, quanquam dissimulato archiepiscopi fastigio, ne cuiquam molestus esset, sed ulterior illa

pars Italia Cumas usque perlustrata, ac antrum Sibylla subintratum, quod illic ab accolis etiamnum ostenditur. Post discessum antistitis ecclesie divi Andree, veterum amicorum memoria, quos in Britannia reliquerat, in causa fuit Erasmo, cur reditum in patriam & ipse maturandum duceret. Itaque per Alpes Rheticas Curiam primum, deinde Constantiam ad lacum Brigantinum profectus, transito Lentiensium tractu, qui sunt ad Martiana sylva initium, quod priscis Orcynium fuit, per Brigavos Argentoratum venit, unde sequundo Rheno in Hollandiam vectus est. Mox amicis suis Antuerpia & Lovanii salutatis, Angliam adit. Tenebatur desiderio Ioannis Coleti Theologi, qui Londini decanus erat apud divum Paulum, Grocini, Latimeri, Linacri, quorum ante meminimus, & precipue Thoma Mori. Verus Macenas erat Guilielmus VVaramus Cantuariensis archiepiscopus, totius Anglia primas, & eius regni Cancellarius, hoc est, iudex summus, qui omnes episcopos eius insula sua liberalitate vicit.

Hic

Hic & pecuniam dedit, & praterea sacerdotium Ecclesia Aldingtonensis in agro Cantuariensi. quod quum religione Erasmus obstringeretur quo minus statim acciperet, emolumentis integris potius ad pastorem pertinentibus, qui praesens diu noctuque subiectam plebem institueret, id quod nullus inficiari potest, ad cunctabundum Cantuariensis, Quis, inquit, te aequius ex Ecclesiastico proventu vivat, qui scriptis tuis utilissimis ipsos Ecclesiarum praefatos presbyteros instruis, doces, adiuvas, unus omnes: nec illos tantum, sed & cunctas ubique terrarum Ecclesias, quibus illi singulis singuli dūtaxat praesint & profint? Sane plus semel Erasmus dicere memini, Principum esse debere officium, ut propria liberalitate studiosos iuvent: sed illos suis impensis paratos ad sacerdotiorum collationem confugere, ad qua accipienda sectatores disciplinarum cogi, ut ocium literarium tueri queant. Caterum ut Montioium in inscriptione Proverbiorum honestavit, & Iohannem Coletum, nova schola Londini institutorem, libris Copia duplicis,

plicis, verborum & rerum, ad quem ludens aliquando dixit, se pauperem plane factum emissa utraque Copia; ita prestantissimum Macenatē suum Guilielmum VVaramum recognitione Hieronymianarū præcipue lucubrationum immortalitati consecrare statuit. Opus Adagiorum Aldum amulatus flagitantibus studiosis Ioannes Frobenius typis suis non infeliciter excuderat: qua aridente editione, simul officina diligentioris celebritate motus Erasmus, quum alterum Proverbiorum exemplar cum accessione pridem Badio promissum & destinatum, adiunctis aliquot Plutarchi libellis recenter versis, Frācis Pircmanni consilio Basileam aberrasse cognovisset, & illic omnes divi Hieronymi lucubrationes sub Frobenianis prælis esse, ipse quoque eodem se contulit, simulans iter ad Urbem voti solvendi gratia. Nec fuerat vanus rumor. Pridem enim Ioannes Amerbachius absolutis Ambrosii Augustinique libris totum se comparaverat ad castigationem voluminum Hieronymi, undique conquisitis vetustis exemplaribus, & do-

ctis

etis viris conductis, qui Græcæ dictio-
 nes passim restituerent: de quorum nū-
 mero fuit Ioannes Reuchlinus Iurecon-
 sultus, qui è Lexicis vacuās lacunās
 replere conabatur. cui successit felicior
 castigator Ioannes Cono Norimbergen-
 sis, instituti Dominicani, qui meliorem
 viam sequutus, è vestigiis antiquorum
 codicum ea, quæ vel deerant, vel de-
 pravata erant, diligenter reponebat:
 idque poterat homo propemodum Græce
 quam Latine doctior, versatus nimirum
 in optimis auctoribus, aliquot annis ex-
 cellentissimorum in Italia professorum
 Musuri & Scipionis, quorum ante me-
 minimus, atque Ioannis Cretenensis mi-
 nime pœnitendus auditor. Et iam de-
 functo patre, Bruno & Basilius filii u-
 na cum Ioanne Frobenio Hieronymi
 informationem aggressi erant, & in
 Prophetis aliquo usque progressi. Era-
 smo novo hospiti statim in ades Frobe-
 nianas recepto placuit editionis nitor,
 sed in primis incredibilis fratrum A-
 merbachiorum in castigando sedula
 diligentia. Ipse ergo si quando consule-
 batur, ubi iudicio opus erat propter ex-
 empla-

emplarium variationem, nusquam deerat. Verum Epistolarum volumina sibi peculiariter vendicabat; partim absolvendis scholiis, quæ iam pridem cœperat, partim novis addendis & argumentis adscribendis occupatus. Hic labor non erat exiguus. Accessit longe maior. Desiderabant studiosi Galliarum & Germaniarum seorsim edi Novum Testamentum Græce, quod cum Veteri Venetiis coniunxerant. In id olim scripserat Annotationes, Laurentium Vallam imitatus. Eas quum reperisset inter schedas suas, tumultuarie recognovit, & auxit inter prælorum strepitus. Nec deerant qui ipsum N. Testamentum eliminandū putarent, vulgo Christianorū, ut videtur, scriptū, vel potius versum. Et hæc monētibus pro sua facilitate paruit. Hunc vero laborem Leoni X. Pont. Max. inscripsit, & quidem merito, primarium nostræ religionis instrumentum summo eiusdem præsidii. At Hieronymianorum operum recognitionē Cantuariensi archiepiscopo VVarano consecravit, æternum observantia singularis monumētum. Rediit tum
in in-

in inferiorem Germaniam propter negotia, ac non ita diu post ad nos reversus, commodum illuc recurrerat, quum Maiestas tua Romani Imperii fascibus, cuius nobis ab ipsis Gothis, Theodoricho illo Veronensi & ceteris, antiquitas, apud Aquas Grani inauguraretur. Mox Colonia Vbiorum adfuit sub conventum VVormaciensem, in ordine eorum, qui tibi sunt à consiliis, spectabilis: nam in horum cœtum iampridem à te prudentissime erat adscitus, adhuc vivente Ioanne Sylvagio, summiq; Cancellarii munus obeunte. Solutis comitiis Vaugionum & urbe Tornacensi recepta, quum in Hispanias ex Brabantia Maiestas tua esset regressa, Basileam repetit Erasmus, iterum editurus Adagiorum Chiliadas, & Paraphrases Paulinas atque Evangelicas absolurus, quas dubium est, maiore ne studiosorum applausu orbis exceperat, an maiori alacritate ipse scripserit. Hic sum, inquit, in meo campo. Et sic erat. Inspiciebat veteres maxime interpretes, ex nostris Ambrosium, Hieronymum, Augustinum, Hilarium, ex Græcis Chry-

Chrysostomum & huius imitatorem Theophylactum, ipse stilum accommodabat tantum. Ex his unam maiestati tuae inscripsit, nempe primam, quae est in Euangelium Matthaei, & postremam germano tuo Casari Ferdinando: nam qui te iuvenem summopere veneratus est tot regnorum heredem, qui minus suspiceret ad fastigium Romani Imperii concordibus principum suffragiis electum, aula tua dicatus, honestissimoque officio obstrictus? Iuveni adhuc Institutionem Principis Christiani paravit sanctis ceterum brevibus aphorismis comprehensam, libellum, ita me Deus amet, in quo velut in speculo destinatus summarum rerum administrationi, vel ipse functiones Christiano dignas addiscat, vel huic additus praeceptor intueatur, qualibus doctrinae elementis puerilis regum animus, dum etiam nuntioner est, imbui debeat. Siquidem hoc Erasmus semper studio habuit, nobilissimam Austriacam familiam tot Caesarum parentem, cuius imperium vix Alpibus Iuliis Rheticisque & Oceano Septentrionali terminatur, omni obsequio-

quorum genere, qua literarum sectatori convenirent, colere. Docet hoc Panegyricus patri tuo Philippo ex Hispaniis reduci exhibitus, & ab eodem perquam amanter susceptus: quod ille officium singulari munificentia censuit prosequendum, tanquam omine quodam felici primus ostendens quantam olim estimationem essent habitura huius viri scripta, ac tantum non exemplum statuens quod ceteri magnates emularentur. Nec aliter accidit. Etenim simile multorum Regum & Pontificum Max. benignitatem expertus est Erasmus, ut tuam in primis, Imperator Auguste, ut Ferdinandi nunc Caesaris germani tui, ut Henrici Britannia regis eius nominis octavi, à quo vivente etiamnum parento Henrico Septimo literis ipsius manu scriptis salutatus est, ut Clementis VII. Pontificis Max. Nec alia mente Hadrianus Pontifex fuit, si sacerdotium oblatum, vel munus honorarium Erasmus accipere voluisset. Quid porro Erasmo à Francisco Valesio Galliarum rege non expectandum fuit, si animum spectemus, & quid

Chrysostomum & huius imitatorem Theophylactum, ipse stilum accommodabat tantum. Ex his unam maiestati tua inscripsit, nempe primam, qua est in Euangelium Matthaei, & postremam germano tuo Casari Ferdinando: nam qui te iuvenem summopere veneratus est tot regnorum heredem, qui minus suspiceret ad fastigium Romani Imperii concordibus principum suffragiis electum, aula tua dicatus, honestissimoque officio obstrictus? Iuveni adhuc Institutionem Principis Christiani paravit sanctis ceterum brevibus aphorismis comprehensam, libellum, ita me Deus amet, in quo velut in speculo destinatus summarum rerum administrationi, vel ipse functiones Christiano dignas addiscat, vel huic additus praeceptor intueatur, qualibus doctrina elementis puerilis regum animus, dum etiamnum tener est, imbui debeat. Siquidem hoc Erasmus semper studio habuit, nobilissimam Austriacam familiam tot Caesarum parentem, cuius imperium vix Alpibus Iuliis Rheticisque & Oceano Septentrionali terminatur, omni obsequio-

quorum genere, qua literarum sectatori convenirent, colere. Docet hoc Panegyricus patri tuo Philippo ex Hispaniis reduci exhibitus, & ab eodem perquam amanter susceptus: quod ille officium singulari munificentia censuit prosequendum, tanquam omine quodam felici primus ostendens quantam olim estimationem essent habitura huius viri scripta, ac tantum non exemplum statuens quod ceteri magnates emularentur. Nec aliter accidit. Etenim similē multorum Regum & Pontificum Max. benignitatem expertus est Erasmus, ut tuam in primis, Imperator Auguste, ut Ferdinandi nunc Caesaris germani tui, ut Henrici Britannia regis eius nominis octavi, à quo vivente etiamnum parente Henrico Septimo literis ipsius manu scriptis salutatusest, ut Clementis VII. Pontificis Max. Nec alia mente Hadrianus Pontifex fuit, si sacerdotium oblatum, vel munus honorarium Erasmus accipere voluisset. Quid porro Erasmo à Frāncisco Valesio Galliarum rege non expectandum fuit, si animum spectemus, &

quid

quid in eum conferre voluerit? Vnus certe literis, longe gratissimum eius adventum fore, sua ipsius manu subscribere non est dedignatus. Paulum vero Pontificem Max. eius nominis tertium, quam virtuti & eruditioni Erasmica iudicio & animo, tam etiam effectus ad quamlibet opportunitatem favere fuisse paratum, inde apparet, quod praterquam de Erasmo in collegium Cardinalium cooptando actum fuerat, ipse eidem praposituram Daventriensem Traiectensis diœcesis, qua sexcentorum aureorum redditum tribuere dicitur, ultero obtulerit. obtulerit autem? imo contulerit, literas non solum Apostolicas super ea, ne expeditionis radio atque impensa beneficium comminueretur, promittens, sed illustrissimam Vngaria reginam Mariam sororem tuam, Flandria tuo assensu presidendam, ut pro sua erga Romanam sedem filiali observantia, & regia in viros benemeritos benignitate, dicta prapositura (ut appellant) possessionem vacuum ab intrusis pro Erasmo conservari curaret, literis bene amantibus interpellans:

quas

quas tamen Erasmus αὐτοπαύς, quod sacerdotium recusare instituisset, penes se reservavit, satis viatici sibi paulo post morituro superesse dicens. Principum sane & Episcoporum in Erasmus munificorum catalogum texere per longum sit. Nec solum à Principibus honoratus est Erasmus, sed etiam à civitatibus Germaniæ: si qua transiret, & magistratus rescissent, vino donatus, qui honor magnatibus & civitatū legatis more gentis impenditur. Id me præsentē contigit Basilea, Constātia ad lacum Brigantinum, Barptolomæo Plaurero Iureconsulto & consule ad convivium sua sponte venire dignato, Schefhusia ab Abbate & magistratu, Eriburgi Brisingavorum, in Monte Brisiaco, Selestadii, Argentorati, & aliis itē locis. Nam notum erat non paucis, eum tuæ Maiestati esse à consiliis. Equidem ob excellentiam doctrinæ, quam editis indies libris testatorem cunctis faciebat, dignus alioqui censebatur, quem omnes missis muneribus nihil tale ambiens certatim ornare, & quovis honoris genere reverenter cuperent afficere. Quod
si vnl.

si vulgo videmus eos nullis non militaris gloria titulis insigniri, qui, si quando opus fuerit, & incidat necessitas, defendere patriam vita sua periculo sunt parati: quanto iustius honoratur, qui non breve aliquod tempus, sed omnem aetatem in literis pro publica utilitate ultro absumpsit, exercens ingenium, genium suum defraudans. Potuisset esse magnus & indies fieri maior apud tuam maiestatem. An non ad summum auctoritatis Ecclesiasticae fastigium praceptor olim ille tuus Adrianus Traiectensis evectus est? Potuisset in splendore vivere apud quosvis Reges: quis enim summorum principum eum non ambiit? potuisset in ocio in voluptatibus versari: sed prae tulit communem studiorum utilitatem universis honoribus & huius vita crassis delitiis. Verisimile est, praeter alias causas felicem quoque succrescentium studiorum successum hominem haud parum inflammasse ad quidvis perferendum. In Germania Galliaque mire frangebant literae: vix & unus & alter Latine sciebat, Grace nullus, Et ecce statim, ut edita sunt

sunt Adagiorum Chiliades, & libri de utraque copia, velut in nebulis coorto sole, emergere linguarum peritia cœpit. Prodibant alii atque alii libelli ad hanc rem conducibiles, Theodori Grammatica Institutiones Latine versa, multorumque auctorum in utraque lingua monumenta, Grace cura praeceptoris operam discere volentibus admodum accommoda. Nā hac ratione etiam Harmolaus Barbarus immortale decus Venetiarum olim profecisse fertur privato studio collatis doctissimi Gaza versionibus. Iamque quasi signo dato, literarum causam in his provinciis optimus quisque promovebat. Sed omnium maxime subsidium attulit Trilingue collegium illud in Academia Lovaniensi institutum suadente Erasmo. Magnas opes moriens reliquerat Ariensis prepositus Hieronymus Buslidius, Francisci Vesontini quondam archiepiscopi in Hispania peregre extincti frater, quas quum ille studiosorum usibus destinasset, Erasmus testamentariis auctor fuit, ut Athenaeum Lovanii constituerent, in quo stipendiis ordinatis tres linguae publi-

publice docerentur: è quo tanquam ex equo Troiano innumeri cognitione linguarum instructi prodire hætenus, & faventibus superis deinceps sunt prodituri; quo universa ditio tua, Caesar invictissime, nihil habet præclarius. Ea res Franciscum quoque Galliarum regem movit, ut ad similis collegii Lutetiae Parisiorum institutionem animum adiiceret, Erasmus per literas evocando, cuius consilio omnia disponderentur. Et iam regium diploma acceperat ad itineris securitatem, sed intervenire causa qua profectionem impedirent. Instituti tamen & illic professores. Itaque in confesso est, literarum in his provinciis incrementa potissimum Erasmo deberi. Quem enim ille lapidem non movit (quod aiunt) ut studia procederent? Quanto candore tradidit omnia, ab omnibus intelligi volens? quum multi res obscuras multo obscurius explicent. Editurus Proverbiorum opus à quibusdam doctis audire coactus est, Erasme tu vulgas mysteria nostra. Sed cupiebat is omnibus ea aperta esse, quo perfectam eruditionem consequerentur.

Hoc

Hoc candore destituebatur ille, qui Venetiis olim Aldo Manutio, commentarios Græcos in Euripidem & Sophoclem edere paranti, dixit, Cave cave hoc facias, ne Barbari istis adiuti, domi maneant, & pauciores in Italiam ventitent. Iam nihil tam humile fuit, quo tantus vir studiosorū gratia se non demitteret. Etiam ipsum Catonis carmen iuxta titulum, emendare & interpretari dignatus est, ut nec in magnis, nec in minutis eius opera desideraretur. Adeo vix proferri queat, qui unus studiis communibus plus profuerit. Habet quidem Gallia Budaum principem literarum, quem libenter opponat: qui cum abstrusissimum rei nummaria, quæ apud veteres fuit, materiam primus doctissime copiosissimeq; explicuit, tum priscas loquendi formulas Iureconsultorum elegantissime edisserit, maxima (quod negari non potest) nationis suæ gloria editis in Pandectas Annotationibus: denique Commentarios lingua Græca conscripsit, quibus nihil utilius Græcitatibus studioso contingere potest. Sed noster in Theologicis plus
C opera

opera posuit. Quam studiorum partem paulo liberius tractavit; quod videret (ut ipsius utar verbis, ad amicū quendam scribentis) plus satis tribui Theologia argutatrici, veterem prorsus aboleri; sicque Theologos argutiis Scoticis incumbere, ut non attingant fontes divina sapientia. Ad hac disciplinam ecclesiasticam longe prolapsam esse à sinceritate Evangelica: populum Christianum multis modis gravatum esse: conscientias hominum variis tricis illaqueatas. Atque hanc ob rem alicubi quorundam arrogantiam, ambitionem, avaritiam, superstitionemque liberiori stylo subtaxat, nemini hic adulatus quamlibet potenti, quod tamen hodie nimium multi faciunt. Nec alia res plus officit principibus, maxime ecclesiasticis, dum laudamus quod faciunt, non quid facere debeant monstrantes. In hac ille parte nusquam cessat. Quanquam eum saepe dictitare memini dum ad viveret, si præsisset tale seculum exoriturum quale hoc nostrum est, se multa non fuisse scripturum, aut isto modo non scripturum. Sed Deo gratia, videmus

videmus istarū admonitionū aliquem fructum. Theologorum manus pro Halesio, pro Holcoto, Cyprianum, Augustinum & Hieronymum suis horis versant. Studium theologicum diffusum Petrus Longobardus in methodum redigere conatus est, collectis Sententiarum libris: sic enim appellant. Sed in commentariis recentiorum modus desideratur. Similem rem apud Græcos tentavit Damascenus. Ex veteribus licet cognoscere nascentis ecclesiæ exordia simplicissima, quæ paulatim ad hanc maiestatem increverunt. Absque quorum lectione citra iudicium de rebus differet, qui in neotericis tantum versatus est, amissis iuxta proverbium alba ad sacrorum expensionem. Quare veterum cognitio scriptorum futuro Theologo perquam necessaria: ad quam tantopere studiosos cohortatus est Erasmus, emendatis illorum lucubrationibus, & ad exemplaria vetusta collatis. Extant libri, nec est opus nominatim recensere. Addidit plerisque locis censuras, quas ceu singularem dotem ac evidens argumētum præsentissimi per-

C. 2. spica.

spicacissimique ingenii magis admiror,
quam quidvis aliud. Nullum enim ar-
bitror fuisse multus iam seculis, qui iu-
dicio plus valuerit, id quod consum-
mata eruditioni postremo omnium con-
tingere solet. Quibusdam visus est non
satis esse Ciceronianus, ad structuram
& verba Tullianæ dictionis omnia se-
vere exigētibus. Sed quia stylum aper-
tum, extemporalem, purum, facilem,
& argutum semper amavit, vocabulis
quibusdam uti coactus est Christiana
Religionis materia quā tractabat ser-
vientibus. Neque enim probabat eo-
rum superstitionem, qui verius inanes
modulos quosdam antiquitatis referūt,
quam sententias densas & præstantes.
Sane fatemur seeculum Ciceronis fuisse
purissimum & imitatione dignum, ac
proinde magnam felicitatem si quis sin-
ceram illius temporis, quo lingua Lati-
na maxime floruit, phrasim assequatur.
Et quibusdam rem belle procedere cer-
nimus, nec invidemus. At proferant
nobis in medium tot tamq; utilia scri-
pta, tam sancta, tam cordata, quot ab
Erasmo Christianus orbis accepit, &
cum

*cum illis sentiemus, ac Ciceronianos etiam à pietate sanctimoniaque pradicabimus. Horum librorum magnam partem Basilea in adibus Frobenianis in monte divi Petri sitis, partem etiam Friburgi Brisigavorum elucubravit. ad hoc enim oppidum in ditione fratris tui regis Ferdinandi positum, monitu Bernardi à Gles Cardinalis Tridentini cum sarcinulis suis migrare coactus est, verentis ne quid illi accideret Basilea mutato sacrorum cultu: qua tamen res longe placidius transacta est, magistratum prudentia, quam multi divina-
bant, nemine ex universo numero sacerdotum per contumeliam attacto. Friburgi primum in adibus illis magnificis habitavit, quas avus tuus divus Maximilianus pro senectutis sua nido per Iacobum Villingerum suae Maiestatis à thesauris parari quondam sibi iusserat. Deinde propriam domum emit. At quum ab illustrissima sorore tua Maria Hungaria regina, quam tu ab obitu amita tua Margareta provinciis inferioris Germaniae gubernandis praefecisti, in Brabantiam revocaretur, &*

Ecclesiasten suum prius esset editurus, ut præsens adesset dum excuditur in officina, ac operi colophonē (quod aiunt) adderet: nam nescio quid ad calcem restabat adtexendum: simul ut cœli mutatione reliquias morbi pertinaciores discuteret, vendita domo Basileam cum universa supellectile suā, quæ libris maximam partem constabat, post septimum annum reversus est, ad Hieronymum Frobenium amicum veterem hospes gratissimus divertens, hoc consilio, ut recuperata bona valetudine, & absolutis iis quæ habebat in manibus, navigio per Rhenum, in inferiorem Germaniam descenderet. Interim articularis morbus, qui aliquandiu conquieverat, rursus hominem corripit & miseris modis vexat, ut se loco movere nequiret, frustra cœlo mutato. Hic remittentibus cruciatibus ex bipede primum quadrupes, deinde tripes factus est, scipionum auxilio se sustentans & sensim prorepens. Quumque schedas epistolarum, quas annis superioribus à diversis amicis acceperat, sigillatim evolveret, nova nescio cuius editio-

editionis gratia , ac plurima eorum
qui à rebus humanis exceſſerāt, in ma-
nus venirent , ſubinde aiebat : Et hic
mortuus eſt : ac tandem , Nec ego diu-
tius vivere cupio , ſi Chriſto Domino
placeat. Sic languentem & viribus
deſtitutum , dysenteria , malum exi-
tiale , ferme menſem integrum vexa-
vit, ac paulatim exhaustum in ſumma
aquanimitate. & tolerantia tandem
extinxit, Chriſti miſericordiam extre-
mis ſape repetitis vocibus implorantem.
Qui Chriſti doctrinam viventem ſyn-
cere tractavit , mortuus indubie mer-
cedem ab illo ſummo Agonotheta am-
plam accepit. Teſtamentum Maieſtatis
etiam tua fretus auctoritate cōdiderat,
quo pauperum inopia relictis à morte
facultatibus ſuis trifariam conſultum
voluit , in validis ſenioque conſectis,
virginibus elocandis, quibus dos deeſſet
mariti conciliatrix, & ſtudioſis foven-
dis. Id Bonifacius Amerbachius Iuris
profefſor, hæres nuncupatus , redemptis
annuis ſtipendiis redditibusve bona fide
cum ſociis iuxta teſtatoris mentem exo-
quutus eſt, & quæ fieri ille voluit, cun-

ita ad amussim accuravit. ~ Is ipse memoriam in ade sacra cathedrali Basileensi patrono optimo in columnari structura, cui saxum tumulum operiens Termino sculptili insigne adiacet, affigendam locavit in marmore Rhetico. Statura novit Maiestas tua fuisse eum, ut ipse de Moro quadam epistola scribit, infra proceritatem, supra tamen prorsus notabilem humilitatem. Corpus cuncto satis compacto & eleganti, sed quod esset tenebrima complexionis, & minimarum etiam rerum mutatione, puta vini, cibi, cœlive, facile offenderetur, in senio crebris quoque calculi doloribus obnoxium: ut de pituita nihil dicam, alioqui perpetuo communique studiosorum omnium malo. Cute corporis & faciei candida, capillitio in inventa sufflavo, oculis casus, vultu festivo, voce exili, lingua pulchre explicita, cultu honesto & gravi, qui Casareum consiliarium, Theologum & sacerdotem deceret. Fuit in retinenda amicitia constantissimus, nullis unquam inscriptionibus quacunque de causa mutatis. Memoria felicissima: nam

puer

puer totum Terentium & Horatium memoriter complexus est. In egenos liberalis, quos, ut alibi, sic à sacro domum rediens, per famulum nunquam non munerari solet: maxime vero in bona spei & indolis adolescētes studiosos, si qui ad se viatico destituti venissent, largus, benignus, & munificus. In convictu comis & suavis citra omne supercilium, ubique certe iεάτιμος, hoc est, amabilis. Quod ille nomen à se dolebat, non usurpatum, quum primum scribere cœpisset, & editis libellis innotescere. Quis enim, inquit, quenquam mortaliū Amorē audiuit appellari, id quod Gracis significat ιεάτιμος? De libris porro suis, quos in omni vita conscripsit innumeros, quā sacros, quā prophanos, coniunctim & universim edundis, vir modestissimus, nihil moriens statuit, opinatus futurum ut cultioribus quotidie emergentibus ista sua scripta facile negligerentur. Caterum quum Hieronymus Frobenius & Nicolaus Episcopi typographi sensissent ea à studiosis in eo ordine simul collecta desiderari, quem ipse quum viveret, ad Ioan-

nem Botzhemium & postremo ad Hectorem Bæotium suarum lucubrationum catalogum recensens, indicavit, videlicet iis primum coniunctis, quæ vel ad institutionem literarum vel ad pietatem pertinent, tum Moralibus, deinde Apologiis, & ultimo loco recognitis auctoribus suas partes implentibus, obsequendum studiosis rati, rem ausi sunt quum magnificam, tum omnium favore dignam, nulla nec sumptuum nec laborum magnitudine deterriti, quicumque tandem sequeretur eventus, modo ut voluminum Erasmi tomos cōficerent, auctoris Catalogum ad Hectorem Bæotium, tanquam recentiore, potissimum sequuti: adiectis etiam ab Amerbachio, suo quibusque loco iis, quæ postea idem ille Erasmus elucubrauit: omissa tamen Decimo Tomo, non nisi alios auctores ab ipso recognitos cōplectente: in quibus seorsum successu temporum excudendis, etiam suam operam studiosis iidem chælographi pollicentur, si modo æquum experti fuerint lectorem. Quæ editio quum ob alia magni facienda est, tum ob hoc quod
tanti

tanti literarum antistitis existimationi consulit, ne quis aut animo nocendi, aut quæstus studio, gratiam videlicet, Erasmi genii captans, deinceps aliquid illi tribuat quod ipse non scripsit: id quod vivente eo, factum scimus: aut tanquam suum non agnovit, aut etiam agnitum, minime editione dignum existimavit. Quare, Clementissime Caesar, veterum Imperatorum ac Regum exemplum imitatus, qui rem literariam & honestas disciplinas tueri magnificum censebant, istum Erasmicorum librorum Thesaurum, quo nihil universa res literaria vel ornatus habet, vel utilius, vel pius magis, inter monumenta recentiorum, sartum tectum conservandum suscipe, hominis tot modis tui, siue patriam Hollandiam respicias, qua te Dominum agnoscit; siue Consilarii dignitatem, quam tibi fideliter obiit; siue probi pectoris devotionem, quo nobilissima isti familia Austriaca siue Burgundiaca semper deditus fuit. Vere enim regia res est tueri literas, quibus extinctis miserabili caligine cuncta confundentur, nec

homines à brutis animalibus different.
M. Vitruvium haud puduit de *Architectura* scribere ad *Octavium Augustum*, qui in ordine vestro *Romanorum Imperatorum* secundus fuit, *Iulii* ut haeres, ita successor: *Dictionary* suum *Pollux Græcus* auctor *Commodo Casari* dedicat: *Oppianus* τὰ ἀλιβετικά *Antonino L. Sept. Severi F.* inscribit: non quod architectus esset *Octavius*, à quo struendarum adium consilia peterentur: aut *Commodus*, grammaticus: aut physiologus, *Antoninus*: sed ut liberalium artium patronos agere meminissent tanti monarchæ. Et disciplinis quidem illi delectabantur ut docti, & à teneris recte instituti, non favebant tantum. Quin florebat ipsum *Romanum Imperium*, ab hominibus virtute & eruditione excultis per diversa officia administratum. Sume ergo tibi lucubrationes *Erasmicas* defendendas, vere τὸ τῆς Ἀ' μαλ' ὀλίγας κίεξι, partim quod in his quadam tua *Maiestati* privatim dicata sunt, velut institutio *Principis Christiani*, & in *Matthæi Evangelium Paraphrasis*: partim quod ut tu
summus

summus es orbis Monarcha, sic etiam omnium commodis prospicere debes. Proderit autem orbi talem Theaurum esse conservatum, nec sycophantis quibusdam & studiorum osoribus vel huius intercipiendi vel concerpendi fieri potestatem, non quod Erasmo magno pere timendum sit, quem amare extinctum incipiunt, qui vivum oderant: Pascitur enim, ut Ovidius ait, in vivis livor, post fata quiescit: sed ut malevolis omnis vel calumniandi vel sinistri conatus causa penitus amputetur. Id fiet, si tua Maiestatis quasi Aiacis clypeum opponas, & re ipsa ostendas, non solum imminuta Maiestatis reos esse, qui in te Principem Romanum, sed & qui in Consiliarios tuos conspiciant: id quod Honorius & Arcadius A. A. censuerunt. Quis enim rabularum non obmutescet, si protegentem Carolum viderit? quis illorum aspectu tui territus non terga dabit? quem Afri congregientem expaverunt, quum depulsum ditione sua Tunetensem regem, ultramarina expeditione suscepta rem maximam atque difficillimam ausus,

sus, feliciter & celeriter restitueres. Qui Italia pacem dedisti, inque ea iam diu nobilissimam regionem conservas. Qui proximis diebus Gandavensem tumultum in gravem totius Flandria perniciem erupturum, dicto citius compescuisti. Quem spes est Germania nostra pristinam concordiam resarturum lite partium utrinque audita, ac per tuam prudentiam qua vales auctoritatemque aequaliter dirempta. Atque utinam immortalitate dignus Erasmus tãtis per superfuisset, dum ista à te fortiter & praeclare gesta suavissimo stylo suo memoria aeterna consecrasset! In nulla re ille, certo scio, libentius fuisset occupatus. Denique addam hoc unum, prius quam finem faciam: Glorientur ceteri Imperatores, huius vel illius quamlibet magna, persape etiam atrocis rei, casu suum principatum factum in signẽ; Caroli Caesaris tempora candidissimi scriptoris Erasmi monumentis illustrata nunquam ignorabuntur. nam solet eruditissimi cuiusq; laus etiam in principem redundare, sub quo vixerit, ut non dicam in cuius clientela fuerit numeratus.

meratus. Bene valeat Maiestas tua, Caesar Invictissime, & Erasmi sui lubricationes sibi commendatas perpetuo tueatur. Seletstadii, calendis Iuniis, Anno à Christo nato M. D. XL.

TESTAMENTUM EXTREMUM
ERASMI ROTTERODAMI.

In nomine sanctæ Trinitatis.

DEsiderius Erasmus Rotterodamus, fretus diplomatibus Caesaris, Summi Pontificis, ac magnifici Magistratus inclyta civitatis Basiliensis, hoc meo chirographo renovo supremam voluntatem meam, quam quocunque titulo firmam ac ratam haberi volo: irritum vero si quid aliud testatus sum. Principio certus me nullum habere legitimum heredem, prestantissimum virum D. Bonifacium Amerbachium omnium facultatum mearum heredem instituo: exequutores vero Hieronymum Frobenium & Nicolaum Episcopium. Bibliothecam meam iam quidem vendidi D. Ioanni à Lasco Polono iuxta syngrapham

pham super hoc contractu inter nos confectam: non tradentur tamen libri, nisi heredi numeraverit ducentos florenos. Quod si ille pactum remiserit, aut me priore vita excesserit, liberum esto heredi de libris statuere quod velit. D. Ludovico Bero lego horologium aureū. Beato Rhenano cochleare aureum cum furcinula aurea. M. Petro Vetereo centum quinquaginta coronatos aureos: tantumdem Philippo Montano. Lamberto Famulo, si mihi moriēti adfuerit, ducentos florenos aureos, nisi ego vivus hanc summam ei numeravero. D. Ioanni Brischio Lagenam argenteam. D. Paulo Volsio florenos aureos centum. Sigismundo Telenio ducatos centum & quinquaginta. Ioanni Erasmo Frobenio duos annulos, quorum alter non habet gemmam, alter habet gemmā subviridem, Gallus dictam Turquoys. Hieronymo Frobenio lego omnes vestes meas, omnemque supellectilem meam, laneam, lineam, & ligneam: praterea poculum quod habet insignia Cardinalis Moguntini. Vxori eius annulum, qui habet imaginē mulieris in tergum
respi-

respicientis. Nicolao Episcopo poculum cum operculo, quod in pede habet versiculos insculptos. Iustina uxori eius duos annulos, quorum alter habet adamantem, alter Turquoys minorem. M. Everardo Goclenio poculum argenteum, quod in summo habet imaginem Fortuna. Si quis legatariorum interciderit, quod legatum erat, in heredis arbitrio esto. Hares prater ea qua per syngrapham designavi, sibi accipiet quidquid superfuerit poculorū, aut annulorum, aut rerum similium: adhac numismata, insignia, & Lusitanos cruciatis, Regis Poloniae & Severini Bonerifaciem exprimentia, aliaque his similia. Praterea ducatos omnes duplices & quadruplices. Pecuniam apud Everardum Goclenium depositam, illi in Brabantia dispensandam relinquet, quemadmodum ei mandavi. Si quid apud Erasmus Schetium erit reliquum, ab eo repetet, eamque pecuniam ac reliquam omnem qua superfuerit, suo arbitrio & ex consilio exequutorum distribuet in usus pauperum etate ac valetudine infirmorum: item in puellas nupturas: in ado-

66 DESID. ERASMI
*in adolescentes bona spei : breviter ,
quosunque subsidio dignos iudicave-
rit. Hanc extremam voluntatem
meam, quo plenior sit fides, propria ma-
nu descripsi, ac peculiare annuli mei si-
gillum, Terminum, adfixi Basilea in
adibus Hieronymi Frobenii, duodeci-
ma die Februarii, Anno à Natal. Do-
mini M. D. XXXVI.*

E P I T A P H I V M.

CHRISTO SERVATORI S.

DEs. Erasmo Roterodamo, viro
omnibus modis maximo, cuius
incomparabilem in omni disciplina-
rum genere eruditionem pari con-
iunctam prudentia posterì & admira-
buntur & prædicabunt, Bonifacius
Amerbachius Hæres, Hier. Frobe-
benius & Nic. Episcopus nuncupati
supremæ suæ voluntatis vindices,
patrono optimo, non memoriæ,
quam immortalem sibi editis lucu-
brationibus comparavit, iis tantis-
per dum orbis terrarum stabit super-
futuro, ac eruditis ubique gentium collo-

colloquuturo, sed corporis mortalis
quo reconditum sit ergo, hoc saxum
posuere.

Mortuus est iv. Eidus Iul. iam se-
ptuagenarius ann. à Christo nato
M. D. xxxvi.

Cum supra in Compendio vitæ
annotatum sit obiter, Erasmus à
Monachismo, monasteriove abhor-
ruisse: subiiciam his opportune ip-
sius Erasmi Epistolâ satis prolixam,
ad Lambertum Grunnum, scribam
Apostolicum; ubi sub nomine Flo-
rentii (omne hoc falso) ita describit,
ita suam pandit fortunam, talibus a-
versum ab vitâ monasticâ animum
coloribus depingit, ut clarioribus
non posset. Vere dicit, se causam a-
gere eius, qui à puero ipsi sit cogni-
tus, ut vix ipse sibi: se etiam plera-
que, quæ ad causam pertinent, non
audivisse tantû, sed oculis etiam per-
spexisse. Antonius Florentii frater,
qui hic triennio fere maior comme-
moratur, vere est Petrus Erasmi ger-
manus; ad quem cum alibi isti ipsi
noster

noster Desiderius literas scribit, tum
Guilielmus Hermannus Gaudanus
Carmen de laude Amicitiae mittit.

Erasmus • Roterodamus Lamberto
Grunnio, Scribæ Apostolico, S.

HAëtenus eruditissime Lamberte
ab hoc genere causarum lubens
abstinui, licet à multis interpellatus,
neque cuiquam amicorum molestus esse
sustinui: verum hic singularis quadam
pietas me depulit à vetere instituto, fe-
citque ut & ipse novum patrocinium
susceperem, & tibi viro amicissimo in
amici negotio negotium facesserẽ. Qua-
propter hoc opera primum abs te peto, ut
totam rei seriem digneris cognoscere. Si-
quidem confido futurum, ut si hoc im-
petro, & meum comprobes officium, &
tuum non illibèter impartias, non iam
amicitia nostra, cuius gratia scio te ni-
hil non facturum, sed ipsi causa. Agi-
tur enim non de lana, quod aiunt, ca-
prina, sed de salute indolis multo omniũ
felicissima, qua plane viva spiransque
defossa peribit, nisi nos fuerimus opitu-
lati.

lati. Vtinam tibi perinde nota esset atque mihi est totius negotii ratio, tribus verbis, sat scio, causam hanc apud te peroravero. Sed tamen rem omnem optima fide sic tibi depingam, ut nihil aut certe quod minimum te fugiat, quod scire sit operaprecium. Nam & is cuius causam ago, à puero mihi sic cognitus est, ut vix ipse mihi sim notior, & pleraq; qua ad causam pertinent, non adivi tantum, sed perspexi oculis. Tanta autem est rei indignitas, ut ipse vix hac absque lacrymis commemorare queam, ne tu fortassis, qua natura tua bonitas est, siccis oculis lecturus sis. Sed est hoc Christiana pietatis, mi Grunni, non tantum gaudere cum gaudentibus, sed etiam flere cum flentibus. Scio tibi, vir optime, & probe notam, & insigniter invisam esse quorundam pharisaeorum improbitatem, qui iuxta testimonium Evangelicum, non solum per maria, perque terras, sed per omnes principum aulas, per omnes divitum aedes, per omnes scholas, per omnes cōpotationes obambulant, ut profelytum aliquem in massam illiciant, vixque creden-

*credēdis artibus insidiantur puerorum
ac puellarum simplicitati, norunt et a-
tem, & iniuria & fraudi idoneam, ut
eos in vitæ genus pertrahant, unde se
non possint extricare, semel irretiti, qua
non alia servitutis species miserior.
Nam mancipium de lapide emptum ita
potest demerere dominum suum, ut ex
seruo fiat libertus. Itaque non te re-
morabor nimium nota commemorando,
postea quam istorum stratagematis
mundus undique plenus est. Quis enim
fuit unquam eximia indolis, aut hone-
sto loco natus, aut opulentus puer, quem
isti non tentarint insidiis, cui non te-
tenderint retia, quem non captarint do-
lis? frequenter insciis nonnunquam &
invitis parentibus. Id quum sit quovis
plagio sceleratius, tamen histriones,
pietatis etiam titulum audent sceleri
pretexere. Ad Christum, inquiunt, et-
iam calcatis parentibus fugiendum est,
& adversus afflatum divini spiritus
nihil valet parentum auctoritas: quasi
vero satanas non sit & inter monachos,
aut quasi quicumque cucullam acci-
piunt afflati sint Christi spiritu, quum
multo*

multo maxima turba, vel stulticia, vel
infcitia vel desperatione, vel ocii ven-
trisque studio ducatur. Quid Deus
iussit liberos parentibus obtemperare,
extra controversiam est: quis spiritus
instiget hominem ad monachismum,
nec ipsi certum est qui trahitur. Hic
vides quantum captum nobis aperiat
locus communis, sed non libet in eo cō-
morari, quum quotidianis illaqueato-
rum querimoniis omnium aures cal-
leant. Equidem nolim improbare cu-
iusquam institutum, nec istis patrocini-
abor, qui ut incogitanter se precipita-
runt in foveam, ita quod male cœpe-
rant peius relinquunt, non ad liberta-
tem sed ad peccandi licētiam fugientes.
Caterum in tanta corporum & inge-
niorum varietate, non omnibus omnia
congruunt, neque quicquam accidere
potest præclaris ingeniis infelicius, quam
ut in aliquod vitæ genus, vel arte in-
ducantur, vel vi propellantur, unde
se non possint explicare. In hoc enim po-
tissimum sita est hominum felicitas, si
quisque ad hoc applicetur, ad quod na-
tura compositus est. Quosdam enim ad
cæli-

cœlibatum aut ad monachismum adigere, nihilo felicius cedat, quam si asinum ducas ad certamen olympicum, aut bovem ad ceroma, ut aiunt. Hoc præfatum esse sat est. Nunc accipe simul & optimi iuvenis calamitatem, & istorum plagiariorum detestandam improbitatem. Atque hic rursus oro, ut mihi te præbeas attentum. Vehementer enim cupio tuo iudicio cōprobari quod ago. Nam obsequii nonnunquam poenituit. Quod iudicio sit, nunquam non placet. Duo fratres sunt, Florentius, & hoc natu maior Antonius. Admodum pueri matre orbatī sunt. Pater aliquanto post decedens, exile quidem patrimonium reliquit, sed quod absolvendis studiis abunde sufficeret, nisi cognatorum rapacitas qui morienti aderant, rem minuisset. Nam præsentis pecunia, ne pilus quidem repertus est. Attamen quod supererat in rebus soli, aut in syngraphis, nec perinde promptum harpyiarum unguibus, utcunque satis erat perdiscendis artibus liberalibus, ni rursus tutorum indiligentia, bona pars intercidisset. Scis quam pauci
mortales

mortales sint, qui in alieno negotio bona fide vigilant. Tutores autem huc animum adiecerant, ut eos educarent monasterio, miram existimantes pietatem, si illis de victu prospectum esset. Hac suapte sponte propensos, Guardianus quidam, homo superciliosus, magnaque pietatis opinione, perpulerat, praesertim unum, sub quo ludi literarii magistro in prima pueritia grammatices prima rudimenta didicerant. Erat autem is, iuxta vulgarem estimationem, vir pius & innocens, hoc est, nec alea, nec scortis, nec luxu, nec temulentia, nec aliis criminibus infamis, sed homo sibi vivens, ac mire parcus, nec iudicio quicquam vulgo praestantior, nec literas approbans, nisi quas ipse perturbatas ac paucas didicerat. Nam Florentio, decimum quartum annum agenti, quum illi scripsisset aliquanto politius, respondit severiter, ut si posthac mitteret tales epistolas, adiungeret cōmentarium: ipsi semper hunc fuisse morem, ut plane scriberet & punctuatim. nam hoc verbo est usus. Is videtur hoc affectu fuisse, quo plurimos esse

D

novi,

novi, ut existimaret, se victimam Deo gratissimam immolare, si quem discipulorum addixisset vitæ monastica. Soletque gloriabundus commemorare, quot adolescentulos quoque anno, vel Francisco, vel Dominico, vel Benedicto, vel Augustino, vel Brigida lucrificisset. Proinde quum iam essent maturi scholis quas universitates appellât: nam & satis erant grammatici, & Petri Hispani dialecticam magna ex parte didicerant: tamen metuens ne illic haurirent aliquid mundani spiritus, ac iugum detrectarent, curavit illos ablegandos in contubernium quorundam, qui vulgo fratres Collationarii vocantur, qui nusquam gentium non nidulâtes, instituendis pueris quæstum faciunt. Horum illud præcipuum est studium, ut si quem puerum videant indole generosiore & alacriore, cuiusmodi fere sunt ingenia felicissima, eam plagis, minis, obiurgationibus, aliisque variis artibus frangât ac deiiciant, id appellant cicurare, vitæque monastica fingant. Quo quidem nomine satis amantur à Dominicanis ac Franciscanis,

*nis, quod dicant, ipsorum ordines brevi
interituros, nisi penes illos aleretur se-
minarium. Ex illorum enim cortibus
legunt suos tirones. Equidem arbitror
& inter illos esse viros quosdam mini-
me malos. sed quum optimorum aucto-
rum inopia laborent, quum in suis te-
nebris, suis quibusdam moribus ac ri-
tibus degant, seque non aliis, sed sibi
ipsis comparent, quum bonam diei par-
tem cogantur precum & operarum pen-
sis impendere, non video quo pacto va-
leant liberaliter instituere puericiam:
certe res ipsa loquitur non aliunde pro-
dire adolescentes inelegantius doctos,
aut moribus deterioribus. Apud hos
igitur biennium & eo amplius perdide-
runt. Certe iunior ille perdidit, ipsis
praeceptoribus aliquanto doctior, in his
duntaxat literis quas illi profitebantur.
Vnus praeceptorum talis erat, ut Flo-
rentius neget se usquam vidisse mon-
strum vel indoctius vel gloriosius. Et
tales non raro praeficiuntur pueris. Non
enim eliguntur eruditorum iudicio, sed
arbitrio patriarcha, qui plerumque li-
teras nescit. Alter vero qui semper vi-*

sus est unice delectari indole Florentina, quum sentiret agi de reditu in patriam, coepit privatis colloquiis sollicitare animum adolescentis, ut ipsorum accederet instituto, multa commemorans quibus pueri solent illectari. Quod utinam esset factum! Nam aut volentem pietatis amor apud illos detinuisset, aut si res ita tulisset, licuisset in pristinam redire libertatem. Neque enim hoc hominum genus, quod habent precipuum bonum, ac prisca religionis vestigium, votis insolubilibus astringitur: & si vere piorum ac spiritualium sententia plus valeret, quam crassorum iudicia, nullum posthac esset votum insolubile, prater vota baptismi, praesertim ut nunc habet mortalium vel malicia vel imbecillitas. Quum igitur instaret ille crebris hortatibus, interim addens & blandicias, & munuscula, & oscula denique, puer haud pueriliter respondit, nec vita genus, nec ipsum sibi satis adhuc notum esse: simul ac maturuisset aetas; tum hac de re deliberaturum. Cessit quidem ille vir non omnino stultus ac malus; verum ex hac hominum soda-

sodalitate novi, qui non modo terriculamentis ac blandiciis, verumetiam horrēdis obtestationibus, ac prope dixerim, exorcismis & incantamentis, pueros nondum egressos annum decimum quartum, divites ac bene natos conati sunt obtundere, ut insciis parentibus, ipsorum instituto semet addicerent. Quid est plagium, si hoc non est? Ergo quum in patriam redissent Antonius ac Florentius, tutores qui rem, quamvis exilem, non optima fide tractarant, agunt de instituto monastico, partim quo citius expedirentur à cura, partim quia ille ludimagister, qui solus rem administrabat, (nam unus pestilentia correptus subito decessit, nec ratione reddita, tertius homo negociator leviter hac sollicitudine tangebatur) gratissima, ut dixi, victima se Deo litaturum arbitrabatur, si duas oves illi mactasset. Florentius ut sensit illos sic agere, quasi pupillorum voluntatem haberent obligatam, contulit cum germano, quē habebat fere triennio maiorem, ipse vixdum egressus annum decimum quintum, num vere esset eius

animi, ut se vellet illigari nodis, quos in posterum non possit explicare. Is ingenue fatebatur, se non duci amore religionis, sed trahi metu tutorum. Quid, inquit Florentius, te dementius, si stulto pudore metuque hominum, à quibus tibi certe non sunt metuenda verbera, temet ipsum coniicias in vite genus, quod nec cuiusmodi sit nosti, nec si semel ingressus sis queas referre pedem. Ibi Antonius allegare cœpit facultatulas, quum per se exiguas, tum tutorum etiam attritas negligentia. Nihil est, inquit Florentius, quod metuas: corrademus quicquid superest, & conflata summula petemus Academiam: non deerunt amici: & multi, quibus omnino nihil est, sua alütur industria. Postremo Deus aderit ad honesta tendentibus. Hoc responsum adeo probavit Antonius, ut multas etiam spes ostenderit quæ minori non venerant in mentem. Itaque communi consilio decretum est, ut monasticum negotium in aliud tempus reiiceretur, donec treis etiam aut quatuor annos in scholis versati, per ætatem ac rerum usum rectius possent

possent dispicere, quid expediret. Constante ambobus placuit hac sententia. Sed maior augebatur etiamnum scrupulo, quomodo respondendum esset tutoribus, qui non explorata pupillorum voluntate negotium hoc sedulo serioque agebant. Hic concepta est responsionis formula. quam Antonius approbavit quidem; tantum orabat, ut minor esse vellet dux verbi, & amborum nomine respondere. Nam erat is ad dicendum timidior, quemadmodum & indoctior. At Florentius accepit quidem conditionem, sed ut ageretur a patre stipulatus propositi constantiam, ne, si me, inquit, post datum responsum destitueris, tota tragœdia devolvatur in caput meum. Nunc potius muta sententiam, si vel blandimentis vel saevis dictis putas te posse depelli gradu. Neque enim, mihi crede, res agitur ludicra. Sancte deieravit Antonius, deditque fidem se dictis mansurum. Venit post aliquot dies tutor ille, multaque praefatus de sua erga pupillos pietate, deque miro studio ac vigilantia, coepit illis gratulari, quod ambobus reperisset locum,

cum, apud eos qui bis Canonici gaudent appellari. Hic Florentius puer ex pacto pro utrisque respondens, egit quidem gratias pro benevolentia proque sedulitate. Caterum negavit sibi fratrique suo videri consultum, ut id aetatis, ad hac rerum humanarum imperiti, semet addicerent alicui vita instituto, nec ipsi adhuc satis noti sibi, ac prorsus ignari quale foret illud quod aggredirentur. Nondum enim ullum monasterium fuerant ingressi. Nec suspicari poterant, quodnam animantis genus esset monachus. Multo videri satius, ut post aliquot annos in studiis honestissimis actos, tempestivius hoc negotium ageretur. Ita rem feliciter successuram. Hanc pueri tam non puerilem responsionem quum tutor debuerit exosculari, si vir fuisset vere pius & Evangelica prudentia praeclitus, imo quum adolescentes, si forte conspexisset eo puerili calore propensiores, remorari debuerit, nec statim affectui temporario fidere, tamen haud aliter incanduit, quam si pugno casus esset: & homo alioqui lenis, ut videbatur, ingenii, hic impotens

tens ira, vix manus pudore continuit, sed miro supercilio Florentium appellavit nebulonem, negavit habere spiritum: agnoscis monachorum vocem: abdicavit tutelā, recusavit esse fideiussor apud eos apud quos illis victum emerat: testatus est nihil superesse: ipsi dispicerent, ubi caperent cibum. His aliisque multis savis ac plagosis conviciis verberabat minorem: quæ tum puero quidem excutiebant lacrymas, propositum tamen iudicio susceptum non excutiebant. Accipimus, inquit, tutela abdicationem, teque nostri cura liberamus. Ita tum discessum est. Tutor ubi perspicit se minis & iurgiis nihil proficere, adhibet fratrem suum negotiatorem, de quo dictum est, virum mire comem & blandiloquentem. Convenitur in viridarium, iubentur considerare pueri, proferuntur pocula: post amicas fabulas, cœptum est accuratius etiam agi negotium, sed alia ratione. Blanda omnia, multa mentiebantur de mirifica felicitate illius instituti, ostendebant magnarum rerum praeclaras spes, addebant preces. Quid non? His

delinitus maior cœpit labascere, videlicet oblitus non semel deierata constantia. Minor nihilo secius perstat in sententia. Breuiter; perfidus ille, proditor fratre, accipit iugum, sed clam suffuratus si quid erat rei parata, quod tamen illi novum non erat. Atque illi quidem pulchre cessit res. Erat enim ut ingenio tardus, ita corpore robustus, attentus ad rem, ibi vaser & callidus, pecuniarum furax, strenuus compotor, nec scortator ignavus, in summa, adeo minori dissimilis, ut supposititius videri posset. Nec enim unquam aliud fuit germano quam malus genius. Non ita multo post, hoc munus gessit inter suos sodales, quod Iscariotes inter Apostolos. Is tamen ubi vidit fratrem misere illaqueatum, tactus conscientia stimulis deplorabat, quod eum in nassam protractum perdidisset. Audis Iuda confessionem, & utinam ad illius exemplum sese suspendisset, ante quam facinus hoc tam impium admitteret. Erat Florentius, ut fere solent nati literis, rerum communium & imperitus & negligens, atque in his mira simplicitas.

citas. Reperias enim quosdam ante pilos astutia puberes. Nec alibi quid, in studiis valebat ingenium. Nam huc totum intenderat, & huc vi natura rapiebatur, ab infantia crepundiis versatus in scholis. Corpore delicato, sed tamen ingenii rebus satis accommodo, vix dum aetatis annum ingressus decimum sextum. Postremo febris quartana languidus, quae puerum iam supra annum tenebat, ex illa sordida & illiberali educatione collecta. Quo se verteret talis adolescentulus undiquaque proditus ac destitutus, rerum omnium rudis, nec à morbo liber? An non hic satis adhibitum est violentia ad propellendum quovis puerilem animum? Perstitit ille tamen in non temere concepta sententia. Interea tutor ille stolidus, ne non perficeret quod instituerat, ad peragendam fabulam subornat varias personas, diversi status, atque etiam sexus, monachos, semimonachos, cognatos & cognatas, iuvenes ac senes, notos & ignotos. Inter quos erant quidam adeo natura fatui, ut nisi eos cōmendasset sacra vestis, pro morionibus

cum auriculis & tintinnabulis publicus obambulassent. Erant & alii. quos arbitror superstitione peccasse magis quam maliciosa voluntate. sed quid refert pereuntis, stultitia iuguletur, an perverso studio? Ibi quot arietibus quatitur puerilis animus? Alius depingebat amabile simulacrum monastica tranquillitatis, optima quaque decerpens: sic laudari potest & quartana febris: non pauca largiter admetiens, sed diversa supprimens. Alius μάλα τῶν κακῶν exaggerabat huius mundi pericula: quasi monachi sint extra mundum: quemadmodum se ipsos pingit in bene munita navi, ceteros omnes undis iactari, perituros, nisi ab illis contus porrigatur, aut funis. Alius ponebat ob oculos, terrificos inferorum cruciatus: quasi ex monasteriis non pateat iter in tartara. Alius fabulosis exemplis territabat. sunt enim his instructissimi. Quidam viator labore fessus insedit tergo draconis, putans truncum arboris esse. Excitatus Draco, reflexo collo devoravit hominem. Sic mundus devorat suos. Quidam forte in viserat monacho-

monachorum sodalitatem: quum vehementer invitatus ut illic maneret, perfisteret in sententia, discessit, sed in via obvius Leo dilaceravit miserum. Narrabantur ut visa prodigiosa, non minus inepta quam quæ anicula de spectris ac lemuribus solent commemorare. Quidam diverso fabularum genere sollicitabant, de monacho quicum horis aliquot quotidie confabulabatur Christus, de Catharina Senesi, cui puelle tanta fuit cum Christo sponso vel amasio potius familiaritas, ut ultro citroque deambularent in cubiculo, nonnunquam & preces horarias simul absolverent. Cum primis exaggerabant communionem illam bonorum operum, quasi ipsis hæc supersint, ac non potius interdum magis egeant misericordia Domini quam laici, aut quasi non sit in toto corpore Christi benefactorum communio. Ne longior sim, nullum machinarum genus non admotum est, ingenio pueri simplicis, destituti perfidia fratris, denique valetudine fracti: nec minore cura, studio, vigilantiaque ad vigilatum est, quam si civitas opulenta

lenta fuisset capienda. Tanti visum est illis plus quam phariseis, unum adolescentem spirantem ac vivum defodere. Inter hos erant qui sui ordinis negocium agebant, cui tantopere favent, ut hac gratia miris odiis inter se dissideant, & Christianam professionem tantum non pro nihilo ducant. Puer erat & ingenio & literis, & facundia praestantior, quam pro aetate. Vnde sperabant eximium aliquot ornamentum suo sodalicio accessurum. Hac erat ea pietas, hic erat ille zelus. Multa sciens praetereo; doctissime Grunni, ne singulis commemorandis tibi sim tadio: & tua prudentia est, ex commemoratis conicere cetera. Florentius interim haeret inter sacrum & saxum, ut est in Proverbiis. Dum ita pendet, circumspiciens sicunde Deus aliquis apparens spem salutis ostenderet, forte fortuna invisit quoddam collegium, urb in qua tum agebat vicinū. Ibi reperit Cantelium quendam, quicum ab infantia fuerat nutritus. Is erat annis aliquot natu grandior, ingenio vafro, & nunquam non spectante ad suum commodum, animi tamen

tamen excelsi. Hunc non tam pietas quam ventris studium & amor ocii pellexerant in monasterium. Erat enim natura γλιγγίς, & eximie piger, in literis parum feliciter progressus, tantum canendi peritus, quam ad rem fuerat à teneris exercitatus. In Italia frustra venatus fortunam, quum parentes rei familiaris angustiam, ac liberorum turbam occinerent, ad cuculla confugit aram, quæ vel hoc nomine laudanda est, quod sat commode multa nutrit σπύμματα, alioquin fame peritura. Ibi Cantelius ex colloquio deprehendens quam feliciter Florentius processisset in literis, ilico de suo negotio cogitans, incredibili affectu cœpit ad eius vitæ consortium exhortari, (erat autem natura Mercurialis) admirandam quandam eius instituti imaginem verbis representans, exaggerans beatam illam tranquillitatem, libertatem, concordiam, quid multis? angelorum contubernium. Illud præcipue repetens & inculcans, quanta esset librorum copia, quantum ocium studiis. Noverat escam qua capi poterat adolescentis animus. In summa,

*lenta fuisset capienda. Tanti visum est illis plus quam phariseis, unum adolescentem spirantem ac vivum defodere. Inter hos erant qui sui ordinis negotium agebant, cui tantopere favent, ut hac gratia miris odiis inter se dissideant, & Christianam professionem tantum non pro nihilo ducant. Puer erat & ingenio & literis, & facundia praestantior, quam pro aetate. Vnde sperabant eximium aliquot ornamentum suo sodalitio accessurum. Hæc erat ea pietas, hic erat ille zelus. Multa sciens praetereo, doctissime Grunni, ne singulis commemorandis tibi sim tadio: & tua prudentia est, ex commemoratis coniecere cætera. Florentius interim hæret inter sacrum & saxum, ut est in Proverbiis. Dum ita pendet, circumspectans sicunde Deus aliquis apparens spem salutis ostenderet, forte fortuna invisit quoddam collegium, urb in qua tum agebat vicinũ. Ibi reperit Cantelium quendam, quicum ab infantia fuerat nutritus. Is erat annis aliquot natu grandior, ingenio vafro, & nunquam non spectante ad suum commodum, animi
tamen*

tamen excelsi. Hunc non tam pietas quam ventris studium & amor ocii pellexerant in monasterium. Erat enim natura *γίγας*, & eximie piger, in literis parum feliciter progressus, tantum canendi peritus, quam ad rem fuerat à teneris exercitatus. In Italia frustra venatus fortunam, quum parentes rei familiaris angustiam, ac liberorum turbam occinerent, ad cuculla confugit aram, quæ vel hoc nomine laudanda est, quod sat commode multa nutrit *σπίματα*, alioquin fame peritura. Ibi Cantelius ex colloquio deprehendens quam feliciter Florentius processisset in literis, ilico de suo negotio cogitans, incredibili affectu cœpit ad eius vita consortium exhortari, (erat autem natura Mercurialis) admirandam quandam eius instituti imaginem verbis representans, exaggerans beatam illam tranquillitatem, libertatem, concordiam, quid multis? angelorum contubernium. Illud præcipue repetens & inculcans, quanta esset librorum copia, quantum ocium studiis. Noverat escam qua capi poterat adolescentis animus. In summa,

ma, si audisses hominē, dixisses, illic non esse monasterium, sed vireta musarum. Amabat Florentius, pro natura sua cā-dore, Cantelium puerili vehementi-que affectu, praesertim ex tanto intervallo prater spem repertum, ut fere solet ea aetas fervidos amores in sodales quasdam concipere. Nondum enim no-verat mortalium ingenia, sed ex suo animo aestimabat omnes. Cantelius quidem nullum non movebat lapidem, in omnia se vertens, ut incantamentis subigeret animum pueri. nec flexit tamen. Ab eo colloquio digressus Florentius, ab alteris maiore iam impetu exceptus est. Adornant enim validiores arietes. Ingerebatur summa rerum desperatio, amicorum omnium simultas, deniq;, quo genere mortis non aliud cruciabilius. Βελμια, ni mundo renuncia-ret: sic enim illi loquuntur, contumelioso vocabulo mundum appellantes quos Christus suo sanguine redemit à mundo, ac monachis ceu proprium asserentes quod est Christianorū omnium commune. Ab his diu vexatus magis quam labefactatus, redit ad Cantelium

tan-

tantum fabulandi gratia. Ille summis iam viribus hoc agebat, ut sibi secretum & gratuitum praeceptorem adiungeret. Erat autem Florentius mire propensus ad amicitias, ac facilis ad obsequendum amiculis. Itaque quum nullus esset obtundendi finis, nec ulla spes affulgeret, ad collegium se contulit, non illud quod paraverat tutor, sed in quo forte reperit veterẽ collectaneum. Erat autem locus ille tam putris & insalubris, ut vix bubus alendis esset idoneus; ne dum tam delicato corpusculo. Maxima etas illa nec ciborum, nec caeli, nec loci rationem ullam habere didicerat. Nec tamen huc eo se contulit animo, ut institutum amplecteretur, sed ut interim obtudentium voces effugeret, donec ipsa dies adferret melius consilium. Cantelius interim sedulo suam rem agebat, abutens sodalis & facilitate & simplicitate. Nam Florentius illi clam una nonnunquam nocte comœdiam Terentianam totam praelegebat, ut intra paucos menses principales auctores absolverint furtivis ac nocturnis congressibus, magno discrimine

mine tenelli corpusculi: verum hoc nihil ad Cantelium, qui nactus occasionem sibi intus canebat; nec enim quinquā amabat ex animo prater se ipsum. Interea ne Florentius resliret à cœptis, nihil illi non permittebatur: arridebat puero equalium grata sodalitas: canebatur, ludebatur, certabatur versiculis: non adigebatur ad ieiunium, non excitabatur ad cantiones nocturnas: nemo monebat, nemo obiurgabat, favebant & arridebant omnes. Atque ita per incogitantiam menses aliquot effluerunt. Vbi iam immineret dies deponenda vestis prophana, & induenda sacra, Florentius ad se rediens, cœpit canere veterem cantilenam, & accersitis tutoribus agere de libertate. Ibi rursus mina crudeles, & ostensa rerum extrema desperatio, nisi pergeret in bene cœptis. Nec hic instrenue parteis suas egit Cantelius, cui non expediebat amittere nocturnum & gratuitum praeceptorem. Obsecro te, an non hac mera vis est, in puerum natura simplicem, imperitum & incogitantem? Quid moror? Reclamanti iniecta est vestis, quum

quum scirent animum nihil immutatum. Eo facto, rursus blanditiis & indulgentia lactabatur puerilis animus. Itaque rursus per lulum & incogitantiam annus fere totus effluxit. At iam propemodum compererat, illud vita genus nec animo, nec corpusculo suo congruere. Nam animo prater studia nihil erat suave. Ibi vero nullus studiis vel usus. Alioqui non abhorrebat à pietate, sed cantionibus ac ceremoniis non perinde capiebatur, quibus fere tota illorum vita constat. Ad hac in talia sodalitia plerunque protruduntur, ingenio tardi, natura semifatui, ἀμυτοι, ventrisque quam literarum amantiores. Inter hos si quod exoriat iugenum excellens, ac disciplinis natum, per illos opprimitur, ne emergat. Et tamen tales sibi vindicant tyrannidem: ac fere fit, ut qui stolidissimus est, maximeque improbus, modo robusto corpore, is in eo grege valeat plurimū. Iam mihi cogita quanta sit crux ingenio musis nato, inter tales atatē omnem degere. Nec ulla illic manumissionis spes, nisi si forte contingat præfici colle-

gio virginum. Qua servitute nihil infelicius. Nam præter fœminei gregis assiduam curam quotidie desidendum est in prolaxis computationibus, non sine pudicitia periculo: neque raro fit, ut Patriarcham suum, iam ætate fractum, & inutilem, ad pristina relegent præsepia, hoc etiam miseriorem, quod aliquandiu voluptariam vitam egerit. Corpusculum autem adolescentis erat, natura tam impatiens inedia, ut, cibo ultra solitam horam prolato, frequenter sit periclitatus, quum ipse tamen sui ignarus nihil tale cogitaret; tantum stomachi cruciatu, & cordis defectu admonebatur. Hæc fortasse rident crassa pecudes, quas etiam si fœno pascas, lascivirent. At periti medici non ignorant hanc esse proprietatem corporis admodum rari, subtiliumque spirituum, cuiusmodi præscribunt cibos cōcoctu faciles, frequenter ac parce sumptos, quum alios reperias qui semel expleto ventre sine ulla molestia diutius durent quam vultures. Eadem corpora medici docent impatientissima frigoris, ventorum, ac nebularum esse, acci-

ac citius offendi circumfuso aëre, quam infusis cibis. Habebat adolescens aliud peculiare incommodum, quod illi à teneris in hanc usque ætatem heret, invincibile. Non nisi profunda vespere potest obdormiscere, & à semel interrupto somno non redormiscit, nisi post horas aliquot. Quoties hoc deplorare solet in familiaribus colloquiis, sibi negatum, aureis illis horis frui, suavissimamque diei partem somno petire? quoties conatus est vi naturam expellere, sed frustra? Porro incœnem pervigilium excipit, non absque valetudinis incommodo. A piscibus sit abhorrebat adolescens, ut ad odorem modo, protenus sentiret gravem capitis dolorē non sine febris. Quid talis animus, quid tale corpus faciat in monasterio, praesertim ita sito? nimirum quod piscis faceret in arvo, aut bos in mari. Hac quum illi patres non ignorarent, si fuisset in illis mica sincera charitatis, nonne debuerant ultro subvenire puerili, vel inscitia, vel incogitantia, & his admonere verbis? Fili, stultum est, frustra niti, nec tu congruis huic instituto, nec hoc

hoc institutum tibi. Dum integrum est, aliud vita genus delige. Vbique Christus habitat, non hic tantum: sub quavis veste bene colitur pietas, si non desit animus. Dabimus operam, ut propitiis tutoribus & amicis redeas in libertatem. Ita nec tu nobis futurus es oneri, nec nos tibi exitio. Hac erat digna vere piis oratio. At nullus verbo monuit, quin potius omnes machinas admovebant, ne miser ille thynnus elaberetur è nassa. Alius dicebat, hunc esse Satana morem, ut in tali articulo omnes technas, omnes dolos admoveat, quo supplantet novum Christi tironem. Hunc conflictum si fortiter sustineret, cetera fore prona atque etiam iucunda. Affirmabat, idem ipsi usu venisse quondam, nunc sibi videri in paradiso vivere. Alius iniiciebat scrupulum, ostendens ingens periculum, ne divus Augustinus irritatus, magnum aliquod malum immitteret, ob contumeliam deserta vestis: atque huius rei commemorabat horrenda aliquot exempla: alius inciderat in morbum immedicabilem, alius perierat ictus fulminis, alius

alius à viperà morsus interiorat. Addebat, vestem sumptam habere facitam professionem. Nec apud Deum esse multo levius crimen, nec apud homines minus infamia, quam si professus descivisset. Nullo non genere telorum urgebant adolescentem, sed nullo graviore, quam infamia metu. Nunc, inquiunt, serum est resilire: missa est manus ad aratrum, non est fas in tergum respicere: si vestem multis testibus acceptam deposueris, semper eris hominum fabula. Hic Apostata vocabulum miris tragædiis exaggerabant. Quo tandem ibis? inquiunt. Non poteris unquã in bonorum virorum venire cõspectum. Et monachis eris execrabilis, & prophanis invisus. Erat autem adolescentis ingenium virgineo quodam pudore, ut mortem levius horreret quam probrum. Ex altera parte urgebant & tutores & amici, quorum aliqui rem furto minuerant. In summa, vicerunt improbitate. Adolescens & animo abhorrens, & verbis reluctans, coactus est capistrum accipere, non aliter quam bello capti vinciendas manus victori præbent,

præbent, ut diutinis victi tormentis faciunt, non quod volunt, sed quod collubuit potentiori. Animum Florentius utcumque vicisset, ceterum corpus nemo sibi fingere potest. Interim facit adolescens, quod solent ii qui carcere sunt inclusi: solabatur se studiis quatenus ibi licuit. Nam hoc ipsum furtim erat agendum, quum palam inebriari liceat. Literis igitur fallebat captivitatis tedium, donec casus insperatus, veluti Deus quispiam dñi munus, spem salutis ostenderet. Id evenit, nam ab Episcopo quodam præpotente evocatus in ipsius familiam, inde gradu factò profectus est ad celebrem Academiam. Quod ni accidisset, tam insignis indoles in otio, in deliciis, in comotationibus cōputruisset: non quod criminetur suum sodalitiū, sed quod ipsius natura non congruebat: frequenter enim, quod aliis vita est, aliis mors est. Ea autem est iuvenis verecundia, modestiaque, ut nihil inimice de suo sodalitiū veteri prædicet, sed quidam silentio & pudore plus loquuntur, quam si multa verba facerent. Nec tamen horum quicquam factum

factum est, nisi permissu, atque ad-
eo iussu episcopi ordinarii, permissu
prepositi, tum domestici, tum genera-
lis, denique cum pace totius sodalitatis.
Quamquam autem esset libera conscien-
tia, sciretque se voto adactō non teneri:
illud tamen interim dedit partim ve-
recundia naturali, prorsus immodica,
quæ illi sæpenumero magno fuit malo,
partim hominum imperitorum ac su-
perstitiosorum invincibili offendiculo,
ne vestem mutaret, quamvis ad hoc à
suo prasule invitatus. Aliquanto post
evenit per occasionē, ut in longinquam
regionem amore studiorum proficiscere-
tur. Ibi iuxta morem Gallica gentis
togulam-lineam supra vestem gestabat,
putans, hoc illic non insolitum esse. Ve-
rū hinc his in prasens capitis periculum
incidit, quod illic chirurgi qui pestilen-
tia laborantes curant, candidum lin-
teum gestant humero laevo, à fronte &
à tergo pensile, quo facile conspicui pos-
sint & ab obviis & sequentibus vitari:
qui tamen ipsi nisi per desertas vias ob-
ambularent, saxis impeterentur à con-
currentibus, usque adeo gens ea mortem
E horret,

horret, ut ad thurus etiam odorem ef-
ferentur, quod in funeribus soleat ac-
cendi. Quodam tempore quum Floren-
tius videret amicum eruditum, duo
forte obvii lenones aut certe satellites,
vocibus mire paricidalibus, ac strictis
gladiis, erant ipsum occisuri, nisi ma-
trona commodum prateriens illos admo-
nuisset, non chirurgi, sed ecclesiastici
cultum esse. Nec illi tamen desine-
bant fremere, nec gladios recondebant,
donec pulsatis foribus, nam domus erat
in proximo, intro receptus esset. A-
lio quodam die visebat quosdam sode-
les conterraneos. Ibi repente fit undi-
que concursus cum saxis ac fustibus, fu-
rioso clamore invicem se cohortatum,
Occidite canem, occidite canem. Inte-
rim occurrit sacrificus, qui tantum
arridens, illi dixit, sed voce tacita &
Latina, Asini asini. Illis adhuc tu-
multuantibus, mox iuvenis quidam
perquam elegans & purpurata chla-
myde prodiit ex adibus. Ad hunc vel-
ut ad aram confugit Florentius. Nam
vulgi linguam prorsus ignorabat:
Miratur quid sibi vellent. Hoc, inquit,
certum

certum habe, nisi pōnis istud linteum, aliquo die lapidaberis. moneo te, tu monitus cave. Itaque linteolum non deposuit, sed texit summa veste. Bone Deus, quantum tragœdiarum ex re nihili. Hic exhorrescent stolidi, qui summam religionis in veste collocant, quam nec ego dixerim temere abiciendam, sed hanc Cartusiani saepe negotiatoria commutant, quo tutius perveniant ad synodum. Canonici vero vel studii gratia, vel longinqua profectio- nis causa mutant aut celant, nullius auctoritate, citra omnem reprehensionem. Non enim est eadem religio linea vestis quæ cæterarum. Nam olim Canonici non erant monachi, & nunc medium genus est, & in favorabilibus monachi, in odiosis non monachi. Sed horrendum facinus est, si quis Dominicanus aut Franciscanus sacram vestem abiciat. Nam Dominicanum pallium totam divitum domum sospitat prospereque: & pueris aliquot annis ex voto matris gestatum, tueretur à morbis & horrendis casibus: Franciscana tunica, etiã mortuo inducta liberat ab inferis.

Quin & summus Pontifex, monachos
 quosdam qui diversis vestium formis
 converant admonet, ut offendiculi vi-
 tandi gratia simili cultu uterentur o-
 mnes. Nec pontificia decretalis fulmi-
 nat in eos qui honestis de causis vestem
 sacram ponerent, sed qui id facerent, ut
 licentius cum prophanis ea facerent,
 quæ solet vulgus. Nam linea vestis
 non est monachorum, sed Episcoporum,
 & fortassis olim clericorum: Nec Au-
 gustinus in sua regula, formam ullam
 vestis præscribit, imo damnat potius in-
 signem cultum, admonens ne sit nota-
 bilis clericorum habitus, nec affectent
 vestibis placere sed moribus: licet satis
 constet eam regulam mulieribus scriptam,
 non viris; sed cum illis nunc ago, qui
 viris scriptam existimant. Postremo
 cultus hic est Romani Pontificis, quum
 maxime pontificaliter ornari solet.
 Hac quum non ignoraret Florentinus,
 tamen ut omnem impleret iusticiam, ex
 amicorum consilio facillime impetra-
 vit à summo Pontifice, ut pro suo ar-
 bitrio, quodcunque signum institueret,
 quacunque corporis parte gestaret. Quum
 illinc

*illinc revocatus esset ad suos Mœcena-
tes, quos habebat nec indoctos, nec in-
fima sortis, recepit cultum Gallicum,
qui præter linteolum pensile, nihil dif-
fert à veste presbyteri secularis: sic enim
ignominioso verbo nunc vocantur le-
gitimi ecclesia ministri, & ab Aposto-
lis Christoque instituti. Nec id fecit
absque gravium virorum consilio.
Quum ita cultus prodisset in publi-
cum, admonitus est ab amicissimis, eum
ornatum in ea regione prorsus intole-
rabilem esse. Celaret linteum. Dices;
Poterat totum eius gentis cultum su-
mere. Verum eo nihil est operosius,
opus est qui sustineat fluentem caudam,
lava retinenda est sinuosissima cuculla.
Nam hoc illic in primis habetur ma-
gnificum, nimirum ad exemplum Car-
dinalium. Tum negocia cogeant eum,
subinde mutare regionem ac veste po-
lypum fieri. Nam cultus qui alicubi re-
verendus est, alibi prodigiosi habetur.
Postremo erat hospes, & quotidie illi
versandum erat cum magnatibus: qui
non quavis veste delectantur. Tandem
visum est syncerissimis amicis, ut quæ-*

admodum habebat liberam conscientiam, ita Pontificis auctoritate in totum omni scrupulo sublato, sua libertati restitueretur, ne toties ponenda sumendaque veste gravius etiam scandalum pariat male loquacibus. Addam illud vita genus, in quod protrusus est adolescens. adeo liberum est, ut minimum absit à libertate secularium. Nec iam loquor de libertate arrepta, sed de concessa ab iis qui fuerunt auctores. Hoc admoneo, quod Pontifices solent in talibus esse faciliores ad relaxandum, quam quum disceditur ab ordine Seraphico, Cartusiano, aut Brigidenſi. Nam hi nec recipiunt hic Pontificis auctoritatem, quum eandem largientem immensa privilegia, ac prerogativas, habeant sacrosanctam, ac tantum non Christo preponant. Non hic disputabo de votis monasticis, quae quidam supra modum exaggerant, quum hoc genus obligationis, pene dixeram servitutis, nec in Novo nec in Veteri Testamento reperiatur. Deinde quum Sabbatum auctore Christo sit constitutum propter hominem, non homo propter

pter Sabbatum, multo magis huiusmodi constitutiones cedere debent, quoties officiunt hominis saluti, praesertim anima, quum Dominus loquatur de salute corporis: agitur enim de fame, & homine sanato die sabbati. Sedisti vere sunt illi Pharisaici, qui bovem & asinum delapsos in puteum extrahunt violato Dei sabbato, hominem totum perire sinunt ob suum sabbatum. Non hac adducam, quanta sit turba monasteriorum, in quibus adeo nulla viget disciplina pietatis, ut praehis, lupanaria sint & magis sobria, & magis pudica; tum quam multa, in quibus praeter ceremonias & speciem externam nihil est religionis. Hi sunt illis propemodum deteriores, quod quum spiritu Christi careant, tamen ex illis Pharisaicis ceremoniis, incredibile dictu, quam attollant supercilium, universam pietatem in extrariis constituentes, & ob has pueros ad necem quotidie cadentes. Quanquam ipsi eas miro tadio peragunt, nec omnino peracturi, nisi crederent hoc spectaculum populo videri mirificum. Postremo quam mira paucitas collegio-

rum, in quibus ex animo vivitur iuxta regulam pietatis, & in his ipsis, si Silenum aperiās, si propius inspicias, si ad vera pietatis coticulam explores, immane quam pauculos reperias synceros! Quam callidae sunt artes Satanae, quam sinuosum est cor hominum, quanta simulandi vafrities, quibus rebus, etiam senibus rerum penitissimis frequenter imponitur, & hac postulant ut paucis mensibus perspiciat puer? Atque hanc vocant professionem. Iam donemus repetitū collegium, in quo constant omnia: quid fiet, quum mutatur corpus eius qui professus est: quum in locum boni patriarcha succedit stupidus, temulentus & tyrannus: quum probi sodales mutantur improbis? Mutet, inquiunt, vel domum, vel institutum. Verum hic quam agre dimittunt suos: sed multo agrius alii recipiunt, suspicantes aliquid latere monstri, quod à vetere sodalitia recesserit, & si quem ibi nutu offēderit, protinus audit, Quin redis ad tuos? Ad hac quam anxia disputatio, qui sit ordo strictior, qui laxior. Nam suum quisque vult videri
strictissi-

strictissimum. Et hac est illa praclara facultas mutanda domus, aut instituti, ut denuo subeat aleam, ne miser in duriores incidat servitutes. Porro quoniam plerosque fraudibus illectant, illectos non ad spiritualem pietatem, sed ad pharisaismum instituunt, & ad servitutem hominum adigunt, plurimos sequitur instituti poenitudo. Itaque veriti ne ipsorum orgia proferantur in publicum, virgis, devotionibus, brachio seculari, muris, cancellis, carceribus, atque etiam mortibus suos retinent. Mentior nisi Matthaeus Card. Sedunensis, in convivio multis audientibus, nominatim commemoravit, vicum, personas & monasterium, in quo vivum adolescentem defoderant Dominicani, quod pater eques filium furtim eo pertractum minis reposceret. Tum in Polonia nobilis quidam, qui bene potus forte in templo obdormierat, vidit duos Franciscanos, post cantiones nocturnas, vivos defodi. Hic pondus habet illis Pontificum auctoritas, qui forte concessit hoc illis citra discrimen irregularitatis. Idem ubi liberat ali-

E 5

quem

quem veste illa sacra, scinditur diploma, & qui procuravit conicitur in carcerem. Et post hac iactant auctores ordinum suorum, Benedictum, Basilium, Hieronymum, Augustinum, Dominicum, Franciscum, Brunonem. excutiant vitam illorum, & videant nunquid unquam tale fuerit ab illis institutum aut factum: longe aliam reperient politiam. Exemplis, salubri doctrina, amicis monitis, fraterna correptione tota res agebatur. Qui his modis non emendabatur, eiiciebatur è cōtubernio, etiam si sua sponte non discessisset: tantum aberat, ut abire volentem retinerent. Omitto tot constitutiones humanas, tot formas vestium, tot preces ac ceremonias, in quibus quod est levissimi momenti, nempe vestis, fit apud istos plurimi. Qui in sacra veste indulget quotidiana temulentia, qui gula servit & ventri, qui scortatur etiam & palam, nihil enim addam obscenius, qui luxu profundit Ecclesia pecuniam, qui sortilegiis, aliisque maleficis artibus dat operam, probus est monachus, & vocatur ad Abbatiam:

quis

qui quacunq̃ue de causa posuit vestem, ut apostatam execrantur. Quod nomen olim merito ducebatur abominandum, quum eo notarentur, qui defecissent à Christi professione ad Iudaismum seu paganismum. Quod si latius porrigas, quicumque deditus est mundi deliciis, pompis, opibus, caterisque cupiditatibus quas abiuravit in-baptismo, apostata est, isto nihilo melior, sed nocentior, utcunque turba levatur criminis invidia. Itidem monachi qui impie vivunt, quod passim faciunt, apostatae sunt duplices, primum quia desciverunt ab illa sanctissima professione, qua Christo dedere nomen, deinde ab instituto quod professi sunt. In hos, inquam, oportebat execrandum apostatae nomen torquere, etiam si decem cucullis essent obvoluti. Hæc quum ita habeant, mi Lamberse, quantum flagitium est, simplicem aetatem vi seu technis in nassam impellere? Si palam mali sunt, ut sunt plerique, quid aliud quam pueros in perniciem pertrahunt? Sin neque calidi, neque frigidi, in quam miseram servitutem implicant illos? Sin probi-

*tatis specie commendabiles, quum sit
 tanta corporum & animorum varie-
 tas, quum tam ingeniosa simulatio,
 quum tanta pueritia simplicitas, quum
 nodus sit insolubilis, ut ipsi volunt, in
 quod periculum tum animi tum corpo-
 ris mittunt adolescentes? At pubertas,
 inquit, adfert boni malique discrim-
 en. At non eodem anno pubescunt o-
 mnibus corpora, sed multo minus ani-
 mi. Ut nihil intersit; pubertas fortasse
 reddit idoneum matrimonio, non item
 professioni monastica: quam quidam
 aggressi, annos nati plus minus trigin-
 ta, & alioqui rerum humanarum pe-
 ritissimi, resiluere ante professionem,
 dicentes, Non putaram. Olim vix ad
 presbyterii gradum admittebantur tri-
 ginta annos nati, & ad monasticam
 vitam statim idonei sunt pubescentes?
 Et interim perperam usurpatis vocabu-
 lis imponunt imperitis: mundi, quasi
 ipsi sint extramundani: obedientia,
 quum scriptura magis commendet ob-
 edientiam Dei quam hominum: vo-
 ti insolubilis, quum nondum invenire
 potuerint differentiam inter votum so-
 lubile*

lubile. & insolubile, nisi quod Scotus commentus est, ideo monachorum votum solvi non posse, quod per hominem fiat Deo. Nā quod soli Deo fit, facile solvitur. Atqui quum istorū status omnis Romanorum Pontificum auctoritate nitatur, quur illi quoties libuit strenue oppedunt? Is quum multos liberet à monachismo, licet non sine causa, si potest quod facit, quur illius auctoritatem hic pro nihilo ducunt? Si negant illum posse quod facit, an non illi crimen atrox impingunt? Ita quoties ipsis commodum est, Pontifex Christi vicarius non potest errare: quoties secus visum est, nihil agit. Sed non est nunc animus adversus ordines depugnare. sit hoc aut illud vita genus huic aut illi commodum, aut etiam necessarium, probetur nodus insolubilis. quo sanctior, quo magis ardua professio est, hoc circumspectius, lentius ac serius esset suscipienda, satis mature, si ante annum quadragesimum, mea quidem sententia. Cetera vota non sunt rata, nisi constet, sanam fuisse mentem, sobrium animum, à terroribus, aliis-

aliisque violentis curis liberum: Et hic valebit, quum puer illecebris, minis, fucis, terriculamentis, reclamans in laqueum impulsus est? Hic scilicet profertur metus cadens in constantem virum. potius citetur fucus & terror, cadens in simplicem ac rerum imperitum adolescentem. Adde quod in multis genuina simplicitas est, etatis, & peculiaris natura. Nullum hic discrimen; si pubes habet lanuginem, valet votum, & adeo valet, ut huius gratia deferatur sponsa nondum cognita. O leges? Proinde Florentium, quando tot machinis, perpetuo reluctans ac reclamans, huc protrusus est, nec unquam quicquam gestavit prater vestem, sed conscientiam habuit liberam, mihi videtur nullo teneri voto, non magis quam si quid turpe iurasset piratis mortem intentantibus. Nec dubito quin Romani Pontificis pietas nihilo minus sit indignatura plagiaris istis, quam hominis causa fautura. Dices; Pontifex poterit illum sua libertati restituere, quod ad forum humanum attinet, quando conscientiam habet ex se liberam, at ho-

minum

minum linguas non potest compescere. Atqui quum vere summus ille Pötifex ecclesie Christus, & huius aut degener discipulus Paulus, doceant neminem esse iudicandum, praesertim in his rebus, quae per se nec pium faciunt, nec impium: certe tantum momenti deberet habere summi Pontificis auctoritas, ut hominum suspiciones in bonam partem ibi deflecteret, ubi male suspicari vicium est. Sed quid tandem futurum est de rebus humanis, si talium hominum insulsis iudiciis, & scurrilibus obtreccionibus perpetuo obsequemur? Infirmiitati, seu persuasioni invincibili nos vult obsecundare Paulus, sed ad tempus. stultis autem ac maliciosis iudiciis obsequi, quid aliud est quàm Christiana pietatis vigorem obruere? Christus haecenus obsequutus est Casari, quod solvit didrachmum: haecenus Iudaeis, quod abstinuit à cibis lege vetitis: at in sananda contracta, in illuminando ceco, in restituendo manco, in vellendis spicis palam neglexit, imo studio provocavit scandalum Scribarum & Pharisaorum: quod ni idem fecisset

cisset beatus Paulus, ubi nunc esset Christianismus? Quid autē obiiciunt homines stolidissimi? Deposuit vestem lineam? qui sciunt an intus gerat? Et si deposuit, unde sciunt, quas ob causas deposuerit? Unde sciunt, quorum auctoritate id factum sit? Si nesciunt, quur iudicant? & si norunt hoc summi Pontificis auctoritate factum, quur non verentur damnare illius iudicium, quod alibi volunt haberi inviolatum? Vbi est hic illa mirabilis toriesque iactata obedientia, quum nec auscultant Christo, & Ecclesia principem Christique vicarium lacerant? Vbi est illa simplicitas, quam incurvata cervice pra se ferunt? Vbi est ille spiritus mundo mortuus? Mittamus hac: ubi est humanitas? ubi sensus cōmunis? Quum tot sint scelera non hic referenda, quae ipsis possunt obiici, ut in quibus quotidie pene palam deprehenduntur, ne moveam τὰ δὲ προπῆτα καὶ ἀκίβητα, tamen sine fine mutatam vestem velut inexpiabile crimen obiiciunt. Quid autem inhumanius quam obiicere cuiquam suam calamitatem, in quam aliena malicia precipi-

precipitatus est? Quis tam incivilis est, ut claudicationem opprobret homini, cui mula calce fregit tibiam? Quis monophthalmiam ei, quem in bello eluscatvit hostis? Quis morbum comitialem, aut lepram ei, quem natura sic genuit? Quis paupertatem ei, qui naufragio rem amisit? Qui vere sunt homines, talium miserentur potius ac favent, & si qua possunt opitulantur. Et quo malum est atrocius, hoc impensius illis favent. Quod autem infortunium maius possit adolescenti felicitis ingenii accidere, quam si in tale vite genus protrudatur? Ergo si vehementer inhumanus est, qui calamitatem pro crimine obiicit, quid de illo dicendum est, qui malum opprobrat, quod ipse suo vicio dedit? Veluti si chirurgus imperitus per convicium luscum appellet eum, cui ipse perdidisset oculum, aut si pirata servitutem obiiciat illi, quem ex libero traxisset in servitutem? Nonne id optimo iure dicant omnes, insignita cuiusdam impudentia esse, suum scelus in altero criminari? Quid porro aliud isti faciunt, qui pessimis artibus imposuerunt

fuerunt aetati simplici, & postea suum
 crimen aliis exprobrant? An non hic
 vides summam inhumanitatem cum
 summa stulticia parique impudentia
 coniunctam? In istos recidit ignomi-
 nia, & tamen alium volunt pudefcere.
 Neque enim ignominia est eius, qui de-
 lapsus est in foveam, sed eorum qui pra-
 cipitarunt. Posuit vestem; sed vos
 coëgestis accipere. Quis unquam vi-
 cio vertit homini capto, quod profugit
 à piratis? Ne pirata quidem ipsi, opi-
 nor. Cateri gratulantur omnes. Quis-
 que pirata est ei, qui per vim adimit
 homini suam libertatem. Et si placet
 minus odiosis exemplis uti, si sutor sto-
 machetur in quempiam, quod calceum
 elegantem quidem, sed pedi non con-
 gruentem, abiecit, nonne merito re-
 spondeat, Te ipsum accusas, qui talem
 calceum induxeris pedi? Pulchrum esse
 non nego, sed mihi misere torquet pe-
 dem. Nihil enim vetat, quo minus ali-
 quod institutum sit per se praeclarum,
 quod tamē huic aut illi sit perniciosum.
 Ut finem faciam, vir amicissime, si ti-
 bi probavi causam mei Florentii; ma-
 iorem

iorem in modum te rogo, ut negotium hoc & quam celerrime, & quam maxime ex animi nostri sententia cures expediendum. De impendio ne fueris sollicitus, me fideiussorem accipe. In spacio quod in huius epistola calce vacare videtur, signavi quadam, qua fortassis ad conficiendum diploma requirentur, signavi autem notulis, quas proximus literis ad te misi, nec has tamen leges nisi chartam prunis admoveris. Per hunc veredarium exspecto responsum: harebit enim Roma diebus quindecim, aut certe per proximum. Bene vale.

Lambertus Grunnius Erasmo
Roterod. S.

N Vllum unquam negotium, Erasme clarissime, suscepi libentius, quam quod mihi delegasti, & vix aliud confeci magis ex animi sententia. Nam me non perinde movit tua amicitia, cui sane tribuo plurimum, atque Florentii indigna calamitas. Epistolam tuam à capite usque ad calcem perlegi summo
Pon-

Pōtifici, Cardinalibus aliquot, ac summatibus viris presentibus. Beatissimus Pater, ut stylo tuo visus est unice deletari, ita vix credas quam incanduerit adversus istos vere plagarios. Nam quo magis favet vera pietati, tanto magis habet invisos istos qui mundum implent aut miseris aut malis monachis, non sine gravi iactura Christiana Religionis. Spontaneam, inquit, pietatem amat Christus, non erga stula mancipiorum. Iussit diploma protinus expediri, idque gratis: ego tamen Scribis ac Notarius dedi ducatos treis, quo celerius auferrem: nosti hoc famelicum genus: velis nolis aliquot offis placandi sunt. Veredarius per quem scripseras, Neapolim hinc profectus, affirmabat se hac rediturum. Quid acciderit, nescio; non rediit. Hic tamen commodum sese obtulit, altero, ni fallor, aliquanto certior, qui tibi diploma cum exemplari & subscriptione Pontificis reddet. Paetus sum cum illo, dimidiato ducato, nec dabis amplius. Bene vale, & Florentium, nihil tam mihi tecum commune, meo nomine salutabis amanter. Datum Romæ.

Argu-

Argumentum Epistola sequentis.

Notat inter alia, quam ob causam monasterio, cui se invitus satis manciparat, fuerit egressus, imo cuius auctoritate evocatus. Quum autem lapsu temporis eo nomine multorum calumniis vir pius obiiceretur, & Servatius etiam; qui Patris dignitate cœnobio huic præerat, litteris eum revocaret: nervosam ad eum scripsit Epistolam, qua se vitæ monasticæ calamitates ferre non posse testabatur; rationibus additis, quibus motus vestibus se exuerat Monasticis.

Reverendo Patri Servatio Erasmus
S. P. D.

Humanissime Pater, Litera tua per plurimorum iactata manus, tandem ad me quoque pervenerunt iam Angliam ingressum. qua mihi sane voluptatem incredibilem attulerunt, qua veterem illum tuum in me animū adhuc spirant. Paucis autem respondeo, utpote

pote ex itinere iam scribens, & ad ea potissimū qua tu scribis & ad rem maxime pertinent. Tam varia est hominum sententia, & suus cuique est avium cantus, ut omnibus satisfieri non possit. Ego certe hoc sum animo, ut quod sit factū optimum sequi velim. testis est mihi Deus. nam si quid olim iuveniliter sensi, id partim ætas, partim rerum correxit usus. Nunquam fuit consilium, vel vita genus, vel cultum mutare, non quod probarem, sed ne cui scandalo essem. Scis enim me ad id vita genus tutorum pertinacia, & aliorum improbis hortatibus adauctum magis quam inductum. Tum, Cornelii VVerdeni conviciis, & pudore quodam, fuisset entum, quum intelligerē, mihi hoc vita genus haud quaquam aptum esse. Nam non omnibus congruunt omnia. Ieiuniorum inipatiens semper fui, idque peculiari quadam corporis ratione. Semel excitatus à somno, nunquam potui redormiscere, nisi post horas aliquot. Ad literas tantum rapiebatur animus, quarum isthic nullus usus. Adeo ut non dubitem, quin si in liberum

liberum aliquod vitæ genus incidissem, non solum inter felices, verum etiam inter bonos potuissem numerari. Itaque cum intelligerem, me nequaquam esse idoneum isti generi vitæ, & coactum, non sponte, suscepisse; tamen quia receptum est, (publica nostri seculi opinione) piaculum esse, à semel suscepto vitæ genere discedere, decreveram & hanc infelicitatis meæ partem perpeti. Scis enim me multis in rebus infortunatum esse: At unum hoc ceteris omnibus gravius esse duxi, quod in huiusmodi vitæ genus detrusus essem, à quo tum animo tum corpore essem alienissimus: Animo, quod à ceremoniis abhorrerem, & libertatis amans essem: Corpore, quod etiam si maxime placuisset vitæ institutum, corporis natura non ferebat istiusmodi labores. At obiiciet mihi aliquis annum probationis (ut vocant) & ætatem maturam. Ridiculum, quasi quis postulet, ut puer anno decimo septimo, maxime in literis educatus, norit se ipsum; quod magnum est etiam in sene: an anno uno id discere potuerit, quod multi cani nondum intelligunt?

Quan-

Quamquam ipse nunquam probavi, & gustatum iam multo minus, sed iis quas dixi rationibus sum irretitus. Tamen si fateor, eum qui vere sit bonus, in quovis vita genere bene victurum. Nec diffiteor me ad magna vitia fuisse propensum, non tamen usque adeo corrupta natura, quin si commodus accessisset gubernator, & vere Christianus, non Iudaice supersticiosus, potueram ad bonam duci frugem. Hoc igitur interim spectavi, in quo vita genere minime malus essem, atque id sane me asscutum puto. Vixi interim inter sobrios, vixi in studiis literarum, quae me à multis vitiis avocarunt. Licuit consuetudinem habere cum viris vere Christum sapientibus, quorum colloquiis factus sum melior. Nihil iam iactō de libris meis, quos fortasse vos contemnitis: at multi fatentur, redditos eorum lectione non solum eruditiores, verum etiam meliores. Pecunia studium nunquam me attigit. Fama gloria nec tantillum tangor. Voluptatibus, etsi quondā fui inquinatus, nunquam servi vi. Crapulam, ebrietatem, semper

per horrum, fugique. Quoties cogitabam de repetendo contubernio vestro, succurrebat invidia multorum, contemptus omnium, colloquia quam frigida, quam inepta, quā non sapientia Christum, convivium quam laica, denique tota vita ratio, cui ἡ ἀφαιρῆς τὰς, ὡς καλῶν, καὶ ἀρετῶν, οὐκ οἶδα τί ἂν ὑπελείποις ἰξάρετον. Postremo succurrebat corporis imbecillitas; quæ iam ætate & morbis, ac laboribus aucta est; quæ facit, ut nec vobis satisfacturus essem, & me ipsum occiderem. Iam annis aliquot obnoxius sum calculo, gravi sane morbo & capitali. Iam annis aliquot nihil bibo, nisi vinum, neque quodvis vinum, idque cogente morbo. Non fero quemvis cibum, nec cælum quidem quodlibet. Nam morbus hic facile recurrens, maximam postulat vitæ moderationem: & novi cælum Hollandicum, novi victus vestri rationem, ut de moribus nihil dicam. Itaque si redissem, nihil aliud fuisset assecutus, nisi quod vobis molestiam attulisset, mihi mortem. Sed tu fortassis bonam felicitatis partem existimas inter confratres emori. At fal-

F

lit &

lit & imponit ista persuasio, non solum tibi, verum etiam propemodum universis. In loco, in cultu, in victu, in ceremoniolis quibusdam Christum & pietatem collocamus. Actum putamus de illo, qui vestem albam commutavit in nigram, aut qui cucullam pileo, qui locum subinde mutet. Ausim illud dicere, μέγιστοι ἔχισταίης ὁσσείας ὁλοθρον, ἐκ τέτων, ὡς καλεῖται, βασιγιάνων ἐκπιποροδοται: tamen si pio fortassis studio primum inducta sint. Deinde paulatim creverunt, & in sex millia sese discriminū sparserunt. Accessit summorum Pontificum auctoritas, nimium ad multa facilis & indulgens. Quid enim laxis istis religionibus ἡ μαρτύρεν ἡ ἀσκήσειεν; Iam ad laudatas si te conferas, imo laudatissimas, εἰ μὴ ψυχὰς τινὰς καὶ Ἰουδαϊκὰς θρησκείας, haud scio quam Christi reperiās imaginem. Ex his sibi placent, ex his alios iudicant & contemnunt. Quanto maius est, è Christi sententia totū orbē Christianum unam domum & velut unum habere monasterium, omnes concanonicos & confratres putare, Baptismi sacramentum summam religionem ducere,

ducere , nec spectare ubi vivas , sed quam bene vivas ? Vis me sedem stabilem figere. quod etiam ipsa suadet senectus. At laudatur Solonis , Pythagora , Platonisque peregrinatio. Vagabantur & Apostoli , precipue Paulus. D. Hieronymus , etiam monachus , nunc Roma est , nunc in Syria , nunc in Africa , nunc alibi atque alibi : & canus etiam sacras prosequitur literas. At non sum cum hoc conferendus , fateor ; sed tamen nunquam mutavi locum , nisi vel peste cogente , vel studii causa , vel valetudinis ; & ubicunque vixi (dicam enim de me fortassis arrogantius , sed tamen vere ,) probatus sum à probatissimis , laudatus sum à laudatissimis. Nec ulla est regio , nec Hispania , nec Italia , nec Anglia , nec Scotia , quæ me ad suum non invitet hospitium. Et , si non probor ab omnibus , (quod nec studeo) certe primis placeo. Roma nullus erat Cardinalis , qui me non tanquam fratrem acciperet , cum ipse nihil tale ambirem : precipue vero Cardinalis S. Georgii , Cardinalis Bononiensis , Cardinalis Grymanus ,

Cardinalis Navetensis, & hic ipse qui nunc Pontifex Maximus est, ut ne dicam de Episcopis, Archidiaconis, & viris eruditis. Atque hic honos non tribuebatur opibus, quas etiam nunc non habeo, nec desidero; non ambitioni, à qua semper fui alienissimus; sed literis dantaxat, quas nostrates rident, Itali adorant. In Angliam nullus est Episcopus, qui non gaudeat à me saluari, qui non cupiat me convivam, qui nolit domesticum. Rex ipse paulo ante patris obitum, cum essem in Italia, scripsit ad me suapte manu literas amantissimas: vunc quoque saepe sic de me loquitur, ut nemo honorificentius, nemo amantius: & quoties eum saluto, blandissime amplectitur, & oculis amantissime obtuetur, ut intelligas, eum non minus bene de me sentire, quam loqui. Regina conata est me sibi praeceptorem assciscere. Nemo est qui nesciat, si vel paucos menses velim in aula regis vivere, quantum libeat sacerdotiorum mihi accumulaturum: sed ego huic otio meo, & studio, & laboribus omnia posthabeo. Cantuariensis Archiepiscopus

pus totius Anglia primas, & regni huius Cancellarius, vir doctus & probus, me sic amplectitur, ut, si pater essem aut frater, non posset amantius. Et ut intelligas hoc eum ex animo facere, dedit mihi sacerdotium centum fere nobilium: quod postea volente me in pensionem centum coronatorum mutavit, ex mea resignatione: adhuc dedit dono supra CCCC nobiles. His pauculis annis, idque nihil unquam petenti, dedit uno die nobiles CL. Ab aliis Episcopis supra C nobiles accepi gratuita liberalitate oblatos. D. Montioius huius regni Barro, quondam meus discipulus, dat annue mihi pensionem G coronatorum. Rex & Episcopus Linconiensis, qui nunc per regem omnia potest, magnifice multa promittit. Sunt hic dua universitates, Oxonia & Cantelbergia, quarum utraque ambit habere me: nam Cantelbergia menses complures docui Gracas & sacras literas, sed gratis: & ita facere semper decretum est. Sunt hic collegia, in quibus tantum est religionis, tanta vita modestia, ut nullam religionem non sis contempturus, si videas.

Est Londini D. Ioannes Coletus D. Pauli Decanus, vir qui summam doctrinam cum admirabili pietate copulavit, magna apud omnes auctoritatis. Is me sic amat, id quod sciunt omnes, ut cum nemine vivat libentius quam mecum: ut omittam alios innumeros, ne sim vobis molestus, & iactantia & loquacitate. Iam ut de Operibus dicam aliqua: Enchiridion opinor te legisse, quo non pauci fatentur se ad pietatis studium inflammatos. nihil mihi arrogo, sed gratulor Christo, si quid per me boni contigit illius dono. Adagiorum opus ab Aldo impressum an videris nescio: Est quidem profanum, sed ad omnem doctrinam utilissimum: mihi certe inastimabilibus constitit vigiliis. Edidi opus de rerum verborumque copia, quod inscripsi Coletio meo, opus utilissimum concionaturis. ac ista continent ii qui omnes bonas contemnunt literas. His duobus annis, prater alia multa, castigavi Hieronymi epistolas: adulterina & subdititia obelis iugulaui: obscura scholiis illustravi. Ex Græcorum & antiquorum codicum collatione castigavi novum totum Testamentum,

sum. & supra mille loca annotavi non sine fructu Theologorum. Commentarios in Epistolas Pauli coepi, quos absolvam, ubi hac edidero. Nam mihi decretum est, in sacris immori literis. In hisce rebus colloco otium & negotium meum. In iis magni viri dicunt me valere quod alii non valent. In vestro vita genere nihil valiturus sum. Cum tam multis doctis & gravibus viris habui consuetudinem & hic, & in Italia, & in Gallia: neminē adhuc reperi, qui mihi consuleret, ut ad vos me reciperem, aut qui hoc iudicaverit melius. Quin & ipse felicitis memoria D. Nicolaus Vercerus, qui te precessit, semper mihi hoc solitus erat dissuadere, suadēs, ut alicui episcopo potius me adiungerē, addens, se nosse & animum meum, & fraterculorum suorum mores: nam iis utebatur verbis lingua vernacula. Et in hoc vita genere in quo sum video qua fugiam, sed quid potius sequar, non video. Nunc restat, ut de ornatu quoque tibi satisfaciam. Semper antehac usus sum cultu Canonorum, & ab Episcopo Traiectino, cum essem Lo-

vanii, impetravi, ut sine scrupulo uterem scapulari lineo pro veste linea integra, & capitionigro pro pallio nigro, iuxta morem Lutetiorum. Cum autem adirem Italiam, videremque toto itinere Canonicos magna veste cum scapulari, ne quid offenderem novitate cultus, veste nigra illic uti cœpi cum scapulari. Postea pestis orta est Bononia, & illic, qui curant peste laborantes, linteum album ex humeris pendēs ex more gestant: hi congressus hominū fugitant. Itaque cum die quodam doctum amicum viserem, quidam nebulones eductis gladiis parabant me invadere: fecissentque, ni matrona quadam admonuisset, ecclesiasticum me esse. Altero item die cum Thesaurarii filios adirem, utrinque cum fustibus in me concurrerunt, & pessimis clamoribus. Itaque à bonis viris admonitus, occultavi scapulare, & impetravi veniam à Iulio II, ut ornatu religionis uterer, aut non uterer, ut mihi visum esset, modo vestem haberem sacerdotalem. Et si quid ante peccatum esset ea in re, literis id totum condonavit. In Italia

ergo

ergo perseveravi veste sacerdotali, ne mutatio esset alicui scandalo. Postquam autem in Angliam redii, decrevi meo solito uti ornatu: & domum accersito amico quodam primæ laudis, & in vita & in doctrina ostendi cultum, quo uti statuissem. Rogavi an in Anglia conveniret? probavit. atque ita in publicum prodii. Statim admonitus sum ab aliis amicis, eum cultum in Anglia ferri non posse: ut celarem. celavi: & quoniam non potest celari, quin aliquando deprehensus scandalum pariat, reposui scrinio, & veteri Pontificis auctoritate sum usus usque adhuc. Excommunicant Pontificia leges eum, qui religionis habitum abiecerit, quo liberrius interseculares versetur. Ego coactus deposui in Italia, ne occiderer quidem, deinde coactus deposui in Anglia, quia tolerari non poterat., cum ipso multo maluerim uti. At nunc de novo recipere plus gigneret scandali, quam mutatio ipsa gignebat. Habes universam vitæ meæ rationem, habes meum consilium. Cupio & hoc vitæ genus mutare, si quod videro melius.

F 5.

Sed

Sed in Hollandia quid agam, non video. Scio, non conventurum cum cœlo, neque cum victu: omnium oculos in me excitabo. Redibo senex & canus, qui iuvenis exivi. Redibo valetudinarius. Exponar contemptui etiam infimorum, solitus & à maximis honorari. Studia mea computationibus permutabo. Nam quod polliceris officium tuum in querenda sede, ubi cum maximo, ut scribis, vivam emolumento: quid sit, non possum cogitare, nisi forte collocabis me apud monachas aliquas, ut serviam mulieribus, qui Archiepiscopis, nec Regibus servire volui. Emolumētum nihil moror, neque enim studeo ditescere, modo tantum sit fortuna, ut valetudini & otio literarum suppetat, & vitam nulli gravis. Atque utinam liceat hisce de rebus coram commentari: nam literis nec satis commode nec tuto licet. Tuae enim, quanquam per certissimos missae, tunc sic aberrarant, ut nisi ipse casu in arcem hanc me contulissem, nunquam fuerim visurus. & accepi iam à pluribus inspectas. Quare ne quid scripseris arcani, ni certo cognoveris ubi sim, & nun-

nuncium nactus sis fidelissimum. Peto nunc Germaniam, id est, Basileam, editurus lucubrations meas. Hac hyeme fortassis futurus Roma. In reditu dabo operam, ut pariter colloquamur alicubi. Sed nunc aetas ferme prateriit, & longum est iter. De morte Guilhelmi, Francisci, & Andrea, sciebam ex Rasbondo, & eius uxore. Dominum Henricum resaluta diligenter, reliquosque qui tecum vivunt omnes, in quos habeo eum animum quem debeo. Nam pristinas tragœdias imputo erratis, aut (si ita vis) meis fatis. Literas tuas tertio à Pascha die scriptas accepi Nonis Iuliis. Rogo ut salutem meam tuis piis votis Christo commendare non negligas. Cui si certo scirem rectius fore consultum, si ad vestrum rediero contubernium, hac die ad iter accingerer. Bene vale quondam sodalis suavissime, nunc pater observande. Ex arce Hannienſi iuxta Calecium, poſtridie Nonas Iulias.

Quum autem decens & accurata Scriptorum suorum partitio supra modum cordi fuerit Erasmo, maio-

remque eius rei curam post mortem haberi supremis verbis voluerit ab amicis, quam, ut ipse loquitur in Epistola quadam ad Conradum Goclenium, paulo post subiicienda, *psalteriorum & anniversionum*, quæ defunctis superstitione quadam præstari consueverunt: non abs re fore censui, si Epistolam ad Hectorem Boëtium missam apposuerim; qua ipse paucis ante obitum annis stupendum è lucubrationibus suis instruit & æternitati consecrat hortum; singulis in suos pulvillos & arcolas aptissime distributis. Ea sic habet:

Des. Erasmus Roterodamus eruditiss. Hectori Boëtio Deidonaño. S. D.

Litteras tuas, Boëti ornatissime, datas Aberdone septimo Calendas Iunias, anno salutis MDXXVIII, accepi Friburgi, quæ civitas est Brisgoia, sub ditione regis Ferdinandi, non incelebrem habens Academiam: accepi autem circiter idus Februarias, anno à

no à natali Christi M D XXX: ne forte mecum expostules, quod serius respondeam. Ea res fuit in causa, ut has literas tibi per typographos excusas mittere maluerim, quam per amanuensem descriptas. Sic enim arbitror celerius ad te perventuras. Ergo ad tuas paucis accipe. Quam mihi tua consuetudo iucunda fuit, Hector eruditissime, quum ante annos triginta duos Lutetia in literarum stadio pariter curreremus, licet te pro ingenii tui singularis felicitate multis passibus præcurrente, tam mihi gratum fuit eam voluptatem ex tanto intervallo mihi tuis literis refricari. Ad laudes autem quas tuus candor mihi tribuit affatim, plenaque (quod aiunt) manu, nihil aliud audies, quam te de Erasmo non minus diserte quam amanter, non dicam mentiri, quod à tuis moribus semper fuit alienissimum, sed multum à vero aberrare. Faveo tamen interim tuis de me præconiis, vehementer optans, ex meis lucubrationibus aliquid utilitatis ad disciplinarum ac vera pietatis candidatos pervenire. Earum Catalogum, uti petis,
huit

huic subtexam Epistola. Nec mihi mediocrem attulit voluptatem, quod intelligo, Scotia regnum ut aliis pluribus ornamentis, ita liberalium artium studiis indies magis ac magis expoliri. Hoc nomine semper amavi Iacobum regem, quod ditionem suam non tam proferre studuerit quam exornare, inter felicissimos monarchas numerandus si praeclaris virtutibus hominis fortuna respondisset. Nec dubito, quin filius illius ut in paternum regnum successit, ita paternis vestigiis ingrediatur. Quum Iacobi regis filium Alexandrum Archiepiscopum divi Andreae Senae instituerem, aderat illi frater vix decimum agens annum, incredibili puer indole, ac iam tum nescio quid eximium de se pollicens. Aveo scire quid illi acciderit, utrum paterni fraternique fati comes fuerit, an adhuc supersit. Pro istius Academia non ignobilis in me favore studioque gratiam habeo plurimam, cuius commodis & ornamentis utinam meâ operâ possit aliquid accedere. Certe, quod unum possum, precor, ut Dominus, per te tuique similes viros,

*viros, eam omni genere disciplinarum,
veraque pietatis dotibus, bene fortunet
ac locupletet. Datum ex inclyta Aca-
demia Eriburgensi, Idibus Martius.*

I N D E X

Omniū lucubrationū Des, Era-
smi Roterodamī.

Primo tomo hac habentur:

DE copia verborum ac rerum,
libri duo.

Theodori Gazæ Grammatices, li-
bri duo.

Syntaxis.

Saturnalia.

Cronosolon.

Epistolæ Saturnales.

De luctu.

Abdicatus.

Icaro-Menippus.

Toxaris.

Alexander, sive Pseudoman-

ExLu- tis.

ciano Somnium.

versa: Timon.

Tyran-

Tyrannica. Et Erasmi Declamatio Lucinianicæ respondens.

De iis qui mercede conducti degunt.

Dialogi amatorii XVIII.

Hercules Gallicus.

Eunuchus.

De sacrificiis.

Lapithæ, sive Convivium.

De astrologia.

De ratione conscribendi epistolas.

De pueris statim ac liberaliter instituendis.

De ratione studii.

De laude medicinæ.

Libanii aliquot Declamationes versæ.

Similium liber unus.

Colloquiorum liber.

De recta Latini Græcique sermonis pronuntiatione.

Ciceronianus, sive de optimo dicendi genere.

De civilitate morum puerilium.

Galenī exhortatio ad bonas artes, versa.

Epitō-

Epitome in elegantias Laurentii
Vallæ.

Euripidis Hecuba & Iphigenia, Era-
smo interprete.

In Nucem Ovidii Commentarius.

Secundo Tomo,

Adagiorum opus.

Tertio Tomo,

Epistolarum opus.

Quarto Tomo:

De discrimine Adulatoris &
Amici.

Quomodo utilitas capiatur
ab inimicis.

De tuenda bona valitudine.
Principi maxime philoso-
phandum.

*E Plu-
tarcho
versa:*

Animi an corporis gravio-
res morbi.

Num recte dictum sit, *Αἰσὶς
Βίαιας.*

De cupiditate divitiarum.

De cohibenda iracundia.

De curiositate.

De vitiosa verecundia.

Apophthegmatum libri VIII.

Moriæ Encomium, hoc est, Stulti-
ciæ laus. Panc-

138 DESID. ERASMI
Panegyricus ad Philippum Burgundiorum principem.

Ad eundem Carmen gratulatorium.

Institutio principis Christiani.

Isocrates de regno administrando,
Erasmo interprete.

De morte Declamatio.

Declamatiuncula gratulatoria.

Pacis querimonia.

Lingua.

Xenophontis tyrannus, ex interpretatione Erasmi.

De senectute carmen.

Quinto Tomo:

Enchiridion militis Christiani.

Oratio de virtute amplectenda.

Ratio veræ Theologiæ.

Paraclesis.

Modus confitendi.

Enarratio Psalmi, *Beatus vir.*

Enarratio Psalmi, *Quare fremuerunt
Gentes.*

Paraphrasis in Psalmum, *Domine quid
multiplicati.*

Concio in Psalmum, *Quum invocarem;*

De puritate Ecclesiæ Christi.

Enarra-

Enarratio in Psalmum, *Dominus regit me.*

De bello Turcis inferendo Consultatio.

Enarratio in Psalmum, *Benedicam Domino in omni tempore.*

Enarratio in Psalmum, *Dixi, custodias vias meas.*

De amabili Ecclesiæ concordia.

Concio in Psalmum LXXXV.

De misericordia Domini Concio.

Virginis & Martyris Comparatio.

Concio de puero Iesu.

Epistola consolatoria ad virgines sacras.

Christiani matrimonii institutio.

Vidua Christiana.

Ecclesiastes, sive de ratione concionandi.

Modus orandi Deum.

Symbolum, sive Catechismus,

Precationes.

Pæan Virgini matri dicendus.

Oratio ad Mariam in rebus adversis.

De contemptu Mundi.

De tædio & pavore Christi disputatio.

De præ-

140 DESID. ERASMI

De præparatione ad mortem.

Ode de casa natalicia Iesu.

Expostulatio Iesu cum homine per-
eunte.

Hymni varii.

Liturgia Virginis Lauretanæ.

Carmen votivum Genovesæ.

Commentarius in duos Hymnos
Prudentii, de natali & epiphania
pueri Iesu.

Christiani hominis institutum, car-
mine.

Epitaphia in Odiliam.

Sexto Tomo:

Novum Testamentum, cum Anno-
tationibus.

Septimo Tomo:

Paraphrases,

In Matthæum.

In Marcum.

In Lucam.

In Ioannem.

In Acta.

In Epistolas Pauli:

Ad Romanos.

Ad Corinthios I.

Ad Corinthios II.

Ad Galatas.

Ad E-

Ad Ephesios.
Ad Philippenſes.
Ad Coloſſenſes.
Ad Theſſalonienſes I.
Ad Theſſalonienſes II.
Ad Timotheum I.
Ad Timotheum II.
Ad Philemonem.
In Epistolam Petri I.
In Epistolam Petri II.
In Epistolam Iudæ.
In Epistolam Iacobi.
In Epistolam Ioannis I.
In Epistolam Ioannis II.
In Epistolam Ioannis III.
In Epistolam ad Hebræos.

Octavo Tomo:

Ex Chryſoſtomo verſa:

Adverſus Iudæos, Homiliæ v.
De Lazaro & divite, Homiliæ iv.
De viſione, Homiliæ v.
De Philogonio martyre, Homilia I.
De orando Deum, Libri II.
De David & Saule, Libri III.
Quum preſbyter eſſet designatus,
Homilia I.

In

142 DESID. ERASMI

In Psalmum, *Cantate Domino.*

Quum Sarioninus & Aurelianus acti essent in exilium, Homilia I.

De fide Annæ, Homiliæ II.

Commentariorum in Acta Apostolorum, Homil. IV.

Commentariorum in secundam ad Corinthios, Homiliæ VII.

In Epistolam ad Galatas, & in Epistolam ad Philipenses, Homiliæ II.

Ex Athanasio :

De sancto Spiritu, Epistolæ II.

Contra Eusebium de Nicæna synodo, Epistolæ II.

Apologetici duo, adversus eos, qui calumniabantur, quod in persecutione fugisset.

De passione Domini, Homilia I.

De hoc quod scriptum est, *Euntes in vicum qui contra vos est.*

De virginitate.

De peccato in Spiritum.

De Spiritu Sancto.

Ex

- Ex O-** { De vita, phraſi, & operibus
rigene. { Origenis.
 { Fragmentum in Euāgelium
 { Matthæi.
Ex Ba- { Principium Eſaiæ.
ſilio : { De Spiritu ſancto, Liber.
 { De laudibus ieiunii, Homi-
 { liæ 11.

Nono Tomo :

Epiftola Apologetica, ad Dorpium.

Ad Iacobum Fabrum Stapulenſem.

Ad Iacobum Latomum.

Ad Atenſem pro declamatione Ma-
 trimonii.

Apologia de *In principio erat ſermo.*

Apologię tres ad Notationes Eduar-
 di Lei.

Ad Iacobum Lopim Stunicanr.

Adverſus Sanctium Caranzam.

De loco, *Omnes quidem reſurgemus.*

In Natalem Beddam.

Adverſus Petrum Sutorem Cartuſia-
 num.

Appendix de ſcriptis Clithovei.

Declarationes adverſus Theologos
 Pariſienſes.

Ad Phimoſtomum De divortio.

Ad iuvene-

Ad iuvenem Gerontodidasalum.

Ad monachos quosdam Hispanos.

Ad Album Pium Carporum principem.

De esu carniū.

De libero arbitrio Collatio.

Hyperaspistæ diatribes, Libri II.

Purgatio adversus Epistolam Lutheri.

Detectio præstigiarum libelli cuiusdam.

Adversus pseudo-euangelicos Epistola.

Ad Eleutherium Epistola.

Ad Grunniū.

Ad fratres Germaniæ Inferioris.

Spongia adversus aspergines Hutteni.

Pantalabus, sive adversus febricitantem.

Adversus mendacium & obprobrium.

Antibarbarorum liber.

Ad quosdam graculos Epistola.

Responsio ad Petri Curtii defensionē.

De Termino, Epistola.

Indicis operum Des. Eras. Roterod.

F I N I S.

Era-

Erasmus amicis Lectoribus
S. D.

PAucis hisce diebus visum schedarum mearum confusissimos acervos excutere, partim ob unam atque alteram epistolam, quas editas cupiebam, partim ut abolerẽ quæ fortassis alii post decessum meum essent edituri, aut me etiam vivo. Quid enim isti non audent, quibus lucellum quamlibet exiguum, aut gloriola, honesto & amicitia est antiquior? Atqui non omnia in hoc scribuntur, ut evulgentur. Lusi-mus quadam adolescentes styli exercendi gratia: quadam aliis dictavimus sic inambulantes, nihil minus cogitantes quam de evulgando: nonnulla scripsimus discipulis tardis. Huius generis erant Colloquia, quæ Holonius quidam haud scio unde nactus, nam apud me nullum unquam fuit exemplar, care vendidit Ioanni Frobenio, simulans alios esse typographos qui emptæ cuperent. Hac emendi orexus. Eiusdem sunt Paraphrases elegantiarum, quæ
G summa

summa cum admiratione mea prodierunt, inepto titulo, quum ego nullum titulum addidissem: & singulis ad ordinem literarum digestis, quæ res totum turbavit ordinem: postremo multis admixtis, non minus ineptis quam indoctis, quæ ego nec puer sustinuissem dictare puero. Nuper vidi libellum De componendis epistolis Lugduni excusum hoc titulo, Erasmo Petro Paludano S. D. Atqui ego neminem novi mortalem huius nominis. Lecto libello apprehendi scurrile furtum. Olim cuidam Anglo discipulo intra biduum scripsi librum De componendis epistolis, plane crassa Minerva crasso. Ex hoc ille quadam decerpserit, & sua quadam admiscuit. Adiecit prolixam epistolam, in qua nullum est verbum meum, insigniter insulsam, nec quicquam facientem ad præsens argumentum. Si suo nomine edidisset opus incontaminatum, multo erat tolerabilius: verum ex meo nomine quasi vitæ lucrum. Iam scio & apud alios quosdam servari iuvenilia quadam mea Progyrnasmata. Et in hoc vase, quod nunc excussi,

excussi, fuerant plurima charta inveni scripta longe alia manu quam nunc utor. Eas comperi sublatas ad unam omnes, nec me fugit penes quē lateant. Sed elevatur furtum literarium, verum nihilo meliore frōte, quam vestiarrii excusant furtū pannarium, caterique opifices suo quisque colore suum furtum excusant. At demus esse leven culpam penetrare in aliena scrinia, & quæ celata volebas suffurari: Num leve crimen videtur, ea quæ nolebas evulgari, cum alieni nominis infamia prodere, & quidem indoctis assuturis contaminata? Quid alii sentiant nescio, ego levius ferrem, & tuli non semel, è scriniis sublato nummos. At hoc qui faciunt, aguntur in crucem. Illi vocantur studiosi. Ego vero istos studiosos non arbitror dignos qui laqueo praefocentur, sed qui ad Thurini exemplum, chartarum fumo pereant. In uno facto quam multa sunt crimina? furti, sacrilegii, falsi, infamis libelli, perfidia. Quid isti non audebunt me mortuo, quum hac audeant me vivo? Atq; utinam hac temeritas à veterum

libris abstineret! Officina Veneta de-
dit nobis Festum Pompeium egregie
depravatum. Non insimulo Aldum.
Solet ille tales operas alicui padagogo
committere. Ante annos aliquot saepe
mihi fuit in animo, excussis schedis
meis, quicquid non esset edendum exu-
rere. Sed dum variis occupationibus
impeditus differo propositum, alii ante-
verterunt, quare se eis vertat male. Sa-
tis dedecoris mihi adferunt lacubrati-
ones meae, quas ipse edo, etiamsi isti non
evalgent meas nanias quas vulgo non
scripsi. Quum inter epistolas reperis-
sem multas, à Regibus fere omnibus, à
Ducibus, à Cardinalibus, Episcopis,
& summis Pontificibus, aut à viris
insigniter eruditis amantissime scriptas,
libuit paucis ex his editis specimen da-
re, quales habeam combibones: sic enim
quidam garriunt, qui scurrilem male-
dicentiam putant esse facundiam. Eas
tantum selegi, quas non per secreta-
rios, sed proprio ingenio compositas pro-
priaque manu scriptas animadvertere-
rem. Nam ipse mearum aliquot iam
annis nullū exemplar servare curavi,
partim

partim quod amanuenses omnibus describendis non sufficerent, partim quod dum pluribus rescribo, cogor ex tempore scribere, quasdam etiam dictare. Et superiorum editionum me suppudit. Postremo mihi videntur sapere, qui epistolas suas servant post obitum edendas. Porro epistola qua affectato argumento scribuntur ad eruditionis ostentationem, quoniam nihil habent veri affectus, meo iudicio non sunt epistola. In his vero qua scribuntur ex animo, non temere invenias qua uni scripta ab omnibus citra cuiusquam offensionem legi possint. Card. Cajetanus aliquoties ad me scripsit. Postremam illius epistolam bis adiungere cupiebam, sed ad manus non venit. In litteras quas ad illum novissimas dederam, questus sum de his, qui libellum De concordia, mala fide tractarant. Eas Clemens Pontifex legit. Libentius enim legunt ad alios quam ad ipsos scriptas, quod in illis credant esse plus veri. Rogavit, an eum libellum legisset? Ait. Ecquid probaret? Nihil, inquit, illic video mali. Eam vocē Pontifex summa

*cum alacritate excepit. Vbi ventum
eū ad locum ubi queror de Nicolao Her-
borno cōmissario Cismontano, ilico vo-
cavit magistrum sacripalatii. Rogavit
ecquem ipse talem creasset commissa-
rium. Ille negavit. Qua ex re perspi-
cuum fuit, nec Pontificem probare Her-
borni petulantiam, & gloriosum illum
titulum, quo se iactabat, à patribus
Franciscanis fuisse datum, non à Pon-
tifice. Inter excutiendum schedas il-
lud admonuit me conditionis humana,
quod inter tam multas epistolas, pleras-
que intra decennium scriptas, tam pau-
ca venirent ad manus quarum auctores
essent superstites. Homo bulla. Hæc te
scire volui, candide lector, ne statim
meum esse credas, ubicunque videris
meum præfixum nomen: neve putes, E-
rasmo neminem favere præter combi-
bones aliquot. Vale. Basilee decimo
calendas Martias, Anno à Natali
M. D. XXXVI.*

Erasmus Christophoro Mesiaë
Hispano S.

IN me quidem nihil est, ornatissime Christophore Mesia, quod ullo pacto cum divinis Marci Tullii virtutibus sit conferendum: ego tamen, quocunque in numero sum recta studia pro viribus adiuvantium, istud tuum ingenium tam candidum, tam sanum, tam sobrii iudicii, pluris facio quam quemvis Asia regulum. Caterum ab ignotis & semotis accipere literas adeo mihi novum non est, ut pene sit quotidianum: à doctis, à magnatibus, ab Episcopis, ab Abbatibus, quos ego natos non noveram, subinde veniunt literæ: à Regibus, à Principibus, ac Praefulibus, ea dignitate, ut nulli possint esse ignoti, non tantum literæ veniunt, sed etiam splendida munera. A Casare Carolo multas habeo epistolas, tam honorifice, tam amanter scriptas, ut eas pluris faciam quam illius in me benignitatem, cui tamen bonam fortuna partem debeo. A Rege Ferdinando, nec minus crebras,

nec minus amicas, non sine munere honorario. A Rege Gallia quotiens quam amplis conditionibus invitatus sum? Rex Anglia, & crebris literis ac muneribus ultro missis, declarat favorem ac benevolentiam in me singularem. Nec illi facile cedit foeminarum quas hac aetas habet optima, Catharina illius Regina. Rex Polonia Sigismundus misit epistolam, cum ipso munere vere regio certantem. Dux Saxonia Georgius crebris me literis appellat, ἐκ ἀδωποσῶν αὐτός. Quid memorem Gulielmum Archiepiscopum Cantuariensem? quid Cuthbertum nuper Episcopum Londinensem, nunc Dunelmensem? quid Ioannem Episcopum Lincolnensem? Qui prater epistolas omnibus gemmis pretiosiores, quotannis veluti tributum amicitiae mittunt, nec petenti nec expectanti? Ab Alberto Cardinale Moguntino habeo prater literas egregium benevolentis animi monumentum, quemadmodum & à Philippo à Burgundia Episcopo Traiectino nuper vita defuncto, item à Ioanne Card. Lotharingia fratre Ducis. Bernardus Episcopus & Cardinal.

dinal. Tridentinus, prater honorarium munus, idque non exiguum, crebro misit literas tam amicas, adeoque solatii plenas, ut quamvis deiectum animum possint erigere, amplissimis insuper conditionibus invitans ad convivium. à quo & hodie literas accepi eadem pollicentes qua olim detulit. ac fortassis, ut nunc res sunt, utar illius oblati. Archiepiscopi Toletani ad me literas iam excusas arbitror te vidisse. Quid his fingi, quid optari potest amantius aut honorificentius? Nec defuit illius vel fortuna vel animo digna benignitas. Nuper Gulielmus Princeps Dux iunior Clivensis ac Iuliacensis, adolescens virtuti natus, scripsit literas amoris plenas, addit poculo magnifico. Antonius Fuggerus simul atque sensisset me Basilea moliri abitum, misit viaticum centum flor. aureorum, pollicens in singulos annos tantundem & amplius, si vellem Augustam me recipere. Vbi respondi id mihi non esse commodum, misit poculum in primis elegans, pignus inita inter nos amicitia. Ante paucos dies Christophorus à Stadio Episcopus

*Augustensis, vir tum nobilis tum ap-
 prime doctus, itinere septem dierum,
 nec eo satistuto, huc se contulit non ob
 aliud, quemadmodum ipse predicabat,
 nisi ut videret Erasmus, videlicet ho-
 minis umbram. Candorem illius præ-
 dico, non mea merita. Attulit secum
 pocula regia, cum ducentis flor. au-
 reis, deferens insuper omnium facul-
 tatum suarum communionem. Dum
 hæc scribo, veniunt litera à Iacobo Sa-
 doleto Carpenteractensi, Deum immor-
 talem, qua doctrina, qua morum inte-
 gritate, qua auctoritate viro! Solitus
 est & ante subinde nos doctissimis epi-
 stolis appellare. Exciderat ille, nisi
 epistola forte tum reddita commonuis-
 set. Nec dubito quin plures nunc non
 veniant in mentem. Venit interim in
 mentem Petrus Episcopus Cracoviensis,
 vir summa doctrina parique auctori-
 tate, eius Regis Cancellarius, qui suam
 erga me pietatem & literis amanti-
 me scriptis, & magnificis donariis de-
 claravit. In eadem Polonia est An-
 dreas Critius Episcopus Plocensis, qui
 me frequenter & humanissimis literis,
 & eru-*

Et eruditissimis carminibus recreat excitatque, ne hic quidem *adversus*. Habeo cubiculum epistolis differtum ab eruditiss, à magnatibus, à Principibus, à Regibus, à Cardinalibus, ab Episcopis: habeo scrinium plenum donariis poculorum, lagenarum, cochleariorum, horologiorum, quorum aliquot ex puro sunt auro: annulorum magnus est numerus. omnium autem longe maior futurus, nisi pleraque donata redonarem aliis studia provehentibus. Et in his qui hac donant sunt multi non doctrina modo, sed & vita sanctimonia præstantes, velut Archiepiscopus Cantuariensis, Episcopus Londinensis, Episcopus Augustensis: & in primis Ioannes Episcopus Roffensis, qui fugerat: quemadmodum fugerat & Episcopus Vratislaviensis Ioannes Turzo, qui miserat scrinium rebus elegantissimis refertum Antverpiam, ubi tum agebam, quum ego nunquam audissem aut somniassem Vratislaviam aut Turzonem. In huius locum successit frater, Episcopus Olmucensis. Et indies accrescit talium numerus, quum ego nullius benignita-

tem invitari, ingenue pra me ferens mihi satis esse facultatum ad hanc vitam sobrietatem, cuius adeo me non poenitet, ut citius sim aliquid detracturus quam additurus. Et tamen tanta est altronea illorum liberalitas, ut si nulli sint redditus (sunt autem etiam praeter Casaream pensionem aliquot) hac sola meis studiis alendis sufficeret. Mediorum dona semper reieci, quoties licuit incolumi amicitia: aut sic accipi, civilitatis gratia, ut abunde pensarim. Sunt, ut scribis, qui dicunt me nihil contulisse studiis, sunt qui clamitant me seminarium haereseon. Et unde hic affectus tot & talium virorum, quos nemo non fatetur & acri iudicio praeditos, & toto pectore pietati favere? At isti graculi studio infelices, decem iam annis nullum non moverant lapidem, & hodie movent in me, apud Principum aulas, apud Episcopos, apud Pontificem, apud Caesarem, quid multis? apud maximos & minimos: ubique repererunt, qui Erasmus defenderent, patroni inopinati, saepe etiam ignoti. Qui sunt isti qui sic favent impietati?

qui

qui favent nihil conferenti studiis? Imo sapiunt & intelligunt ventriū istorum maliciosam garrulitatem. Fateor esse multos qui me precedunt in hoc argumento laudis: nec mirum est, quum ego primam invidiam exceperim, viamque munierim, quum novale repurgare cœperim: ac doleo non esse plures à quibus superer. In hoc enim à me sudatum est. Quod si quis conferat seculum quod fuit ante annos triginta sex apud nos, cum hoc quod nunc est, intelliget an aliquid literis contulerit Erasmus. Ante annos viginti nullus erat princeps qui teruncium impenderet instituendo filio: nunc nullus est, qui non magno conductum adhibeat formatorem peculiarem. Reclamabant initio Theologi, sed seniores modo, nec hi tamen omnes: iuniores nostra amplectebantur, nunc & casci mitescunt. Nec pauci iam Monachi quæ prius damnarant incipiunt amplecti. Duo iuvenes Franciscani prosiliunt in theatrum, non minus impudentes quam indocti, nec intelligunt quantum malum suo (ut aiunt) iumento, suo accersant ordini. Sed hac de re ple-

re plenius scribam fratri tuo, (Petro.)
 Nunc tantum ago gratias ut debeo ma-
 ximas, quod non perinde mea ac studio-
 rum causa non dubitatis certamen sus-
 cipere, non solum cum Franciscanis,
 verumetiam cum aliquot magnatibus.
 Cum Monachis, vir prudentissime,
 censeo non decertandum: Dodonai le-
 betes sunt, si moves unum, moveris o-
 mnes. Sed per Magistratum typopra-
 phus ille castigandus esset, qui contra
 Caesaris edictum, contra R. D. Archi-
 episcopi Hispalensis voluntatem, indo-
 ctos ac famosos libellos excudit non ad-
 dito suo nomine. Si primo suo ausu
 fuisset legitime punitus, non addidis-
 set alterum facinus. Hoc si non putant
 dandum meritis Erasmi, dent Hispa-
 nia tranquillitati. Tales enim libelli
 nec pietati conducunt, nec eruditioni,
 tantum ad excitandas rixas utiles sunt.
 Veri principes, quoniam civiles sunt,
 & rerum periti, quanquam interdum
 artibus istorum pelliciuntur in erro-
 rem, praesertim quum mea non legerint,
 tamen commodis rationibus facile re-
 vocantur in meliorem sententiam: id
 si fieri

si fieri non potest, tamen non est deferenda virtutis via. Est aliquid nunc placuisse paucis, sed optimis: posteritatis erunt æquiora iudicia. Doleo, gregem illum Observantium, sic enim vocari amant, à simplicitate Francisci degenerare ad mundum: nec enim auderent ista duo loquaces iuvenes, nisi patrum ac fratrum applausu confirmati. Nunc hoc agitur ut citra magnam humani sanguinis effusionem hoc fatale dissidium moderatis rationibus componatur: & isti seditiosis libellis conantur nobis novum excitare incendium. Nusquam non obtrectant: quibuslibet, suo arbitrio mentientes; vociferantur apud imperitos, exemplo multum alieno à Francisco, cuius titulo sese venditant. Nec hætenus tamen aliud profecerunt, nisi quod eruditorum ac bonorum odium in se vel excitant vel exasperant. Quoniam autem insanabiles video, suo morbo relinquendi sunt. Vtinam detur aliquando Christophorum meum complecti coram & alloqui: id si fortuna negabit, animis posthac erimus semper coniunctissimi,

mi,

160 DESID. ERAS. VITA.

*mi: nonnunquam & literis confabula-
bimur, quamvis magnis locorum in-
tervallis disiuncti. Literas tuas Hi-
spali datas postridie Nonas Ianuarias,
accepi v Calend. April. Bene vale.
Datum apud Friburgum Brisgoia
111 Calend. April. M. D. XXX. à
Christo nato.*

DESI-

DESIDERII
ERASMI

Epistolarum illustrium, & in
magno volumine non
comparentium,

LIBER.

THE
JOURNAL OF
THE
ROYAL ANTHROPOLOGICAL INSTITUTE
OF GREAT BRITAIN AND IRELAND
VOLUME 10. PART 1. 1880.

D. E R A S M I
E P I S T O L Æ
S E L E C T I O R E S.

Des. Erasmi Roterodami epistola secretissima ad M. Conradum Goclenium Lovanii Latinæ linguæ professorem, cum ipsi vitæ suæ compendium (quod supra exhibuimus) mitteret, ex ipsius manu fideliter re-
præsentata.

M. CONRADO GOCLENI •
S. P.

Ἀγαθίστασκε μένος, καὶ λάδρα.



*Estat extremus actus huius fabula, ad quem peragendum opus est Py-
lade, hoc est, tui simili. Nam hanc fiduciam cō-
cepi in te, neque quicquam addubito,
quin sis eum animū præstiturus, quem
hætenus prae te tulisti. Sed hic imprimis
opus*

opus est profundo silentio, adeo ut nullum habeas tam intimum tibi, cui hoc credas arcani. Venissem ipse, sed & longa est via, & parum tuta, & arbitror hunc nuncium satis fidum. Henricus Eppendorpius, quem nosti, nebulo natus est ad omnem fucum ac maliciam. excitat nobis hic miras tragœdias, antehac admissus in intimam familiaritatem, quam fatetur sibi fuisse frugiferam. Certe, ut scribit Petrus Mosellanus, primum ex commendatione mea Dux Georgius dedit illi centum florenos, ut perficeret studia sua: Is per multa vagatus, tandem venit Friburgum. ibi scortis, vino, & alea, decoxit fortiter, & tantum aris alieni contraxit, ut nondum eo redire liceat. Commigravit Basileam, ac nobis se ingessit, versans interim in publico diversorio. Nemo hospes me invisebat, quin ille sese ingereret. Quum peterem Constantiam, ultro se ingessit. comitem itineris. Fingebat meram familiaritatem, quum tamen aliquid moliretur tragœdia. Etenim iam tum apud Ioannem Botzemium, apud quem tum mea

causa

causa humanissime complures dies tractabatur, clam effudit aliquid sui veneni. Et hic ab amicis submonebar, quam aliquando parum amice de me loqueretur. Interim venit Huttenuus. Hunc multi quidem Lutherani instigaverunt, ut scriberet contra me, sed Epphendorpius instruxit aliquot syco-phantiis, & subito Huttenuo mei reverentiam excussit. Nam semper Huttenuus me fuerat reveritus. Argumenta partim sumpserat ex familiaritate nostra, partim isthic hauserat è tragœdia Alardica & Paschasiana, quæ tibi notissima. Hinc sunt illi tituli, Presbytero, * Theolo, Presbytero & Scribæ, & crimen illud, quod minitatur Otho Epphendorpium mihi posse aspergere. Tam vero stultus est, ut quum hic nemo non sentiat illum esse auctore huius fabula; tamen demirabatur se cuiquam esse suspectum, quum nemo viveret amantior Erasmi. Nec interim desinebat apud multos voces quasdam effundere, quibus prodebat animum suum. Et volebat uni mihi igno-

* Forte Presbytero Theologo, vel Presbyteriolo.
tun

tum esse, quod nemo nesciebat. Tandem hic sparsa est quaedam Epistola ridicula in me scripta, qua tamen ad me non pervenit. Vbi Huttenuſ abisset hinc Milthufium, quo eum Epphendorpius deduxerat, reversus nunciavit Huttenuſ nescio quid scribere, fingens se magnopere dolere. Et hoc agebat, ut ab amicis extorqueretur pecunia, ne libellus ille prodiret. Mirum autem quibus technis hic agebat apud me, apud Frobenium, apud Bentium. Botzemium etiam hac gratia evocarat Cōstantia. Interim Huttenuſ miserat exemplar Epistola, sed iam in aliquot exemplaria propagata. Ego cogitans, ne, quod res erat, extorta pecunia; tamen post edendum libellum etiam virulentioſiorem, monui amicos ne quid darent. Egebant autem uterque misere, sicut hoc hominum genus solet. Debebat uterque animam. Huttenuſ hinc iussus est discedere. Milthufi tam erat invisus omnibus, ut, ni abisset, civēs minarentur se perrupturos Monasterium Augustinensium, in quo latitabat, favore Secretarii. Media nocte dimissus, clancu-

*elanculum aufugit Thuregium (qua
 civitas addictissima est doctrina Zuin-
 gliana, quam Lutherus nunc damnat;
 incipiens sero meminisse à me toties cõ-
 mendata modestia:) & illic paucis die-
 bus latitabat: post aliquot diebus, ver-
 satus est extra civitatem apud sacer-
 dotem quendam. Vbique vero amicos
 multabat pecunia. Tandem demigra-
 vit in insulam lacus Tigurini. ubi
 mortuus est. Sed ante mortem episto-
 la Huttenica etiam procul mittebatur
 ad Germanos, quod non possent inveni-
 re typographum. Nec invenisset, nisi
 scelerosus Eppendorpius, quum hic ob
 as alienum ac suspensiones hominum non
 posset diutius vivere, sub prætectu
 quasi peteret Thermas Badenses, com-
 migraret Argentoratum. Ibi vix agre
 persuasit typographo, nihil esse amaru-
 lentia. Et Scotus ille misere invidebat
 Frobenio, quemadmodum ferme omnes.
 Unde amicitia Frobenii mihi conflavit
 magnam invidiam. Tandem prodiit
 xpostulatio sycophanta, plena menda-
 cis, ut quisque in confabulatione sug-
 gesserat Lutheranus. Ego mox para-
 veram*

veram responsionem, sed adeo clam, ut nec Frobenius, nec Beatus sciret. Et propemodum decreveram premere. Sed instigantibus his emisi. Quum interea frequenter inter nos scriberemus, Huttenus & ego, venit una epistola, quae palā prodebat Epphendorpīi perfidiam. Itaque quum gravaretur suspitione Epphendorpīi, impetrauit epistolam ab Hutteno, qui tum erat Thuregii, quae testaretur Epphendorpium semper dissuasisse, ne quid scriberet in Erasmus. Sed hoc adeo frigide scribebat, ut magis gravaret eum, quem purgabat. Atque interim Epphendorpius subornabat, qui mihi fictis nominibus redderent fucatas epistolas, ex quibus sciebat me suspicaturum quid sibi vellet, nec tamen haberem * cum illo expostulandi. Ego dissimulatis his omnibus, in Spongia illum civiliter tractavi, quando mentionem illius fieri necessum erat. Affinem scripsi Hutteno. Sic enim mihi persuaserat. At Petrus Mossellanus lecta Spongia rescripsit: Qui

* Deest in Autographo vox causam, vel quae alia.

affinis?

affinis? quum constet illū esse plebeium. At tamen Choreborhasonem nostrum offendebar, quod dictus esset Achates. Et edita Spongia ex postula vit per literas, simulans mirum affectum, quum interim ageret sceleratam fabulam. Et ut perspicias insigne hominis maliciam, ex commendatione mea accepit Basilea quinquaginta aureos. Dicebatur Dux ad me misisse munus regale, quod tamen non perlatum est. Suspicius sum Epphendorpiū interceptisse. Nam fingebar, suum famulum perisse in itinere. Hoc praestruebat, si forte rescissem ad me missam pecuniam. Nondū quidquid sit certū potui cognoscere. Hoc unum scio, nihil illo esse sceleratius. Habet ubique suos exploratores iuratos, ne quid agatur, quod illum fugiat. Iudicia Melanchthonis de Hutteno & Epphendorpio misi Nicolao Buscoducensi. Vide ut te servēs integrum ab hac fatione. Meruo cruentum exitum. Si novissem ingenia ac perfidia Germanorum, citius migrassem ad Turcas quam huc. De Capitone vehementer suspicor, quod deceptus sumis Epphendorpii

veram responſionem, ſed adeo clam, ut nec Frobenius, nec Beatus ſciret. Et propemodum decreveram premere. Sed inſtigantibus his emiſi. Quum interea frequenter inter nos ſcriberemus, Huttenus & ego, venit una epiſtola, qua palā prodebat Epphendorpīi perfidiam. Itaque quum gravaretur ſuſpicionē Epphendorpīi, impetrauit epiſtolam ab Hutteno, qui tum erat Thuregii, qua teſtaretur Epphendorpium ſemper diſſuaſiſſe, ne quid ſcriberet in Eraſmum. Sed hoc adeo frigide ſcribebat, ut magis gravaret eum, quem purgabat. Atque interim Epphendorpius ſubornabat, qui mihi fictis nominibus redderent fucatas epiſtolas, ex quibus ſciebat me ſuſpicaturum quid ſibi vellet, nec tamen haberem * cum illo expoſtulandi. Ego diſſimulatis his omnibus, in Spongia illum civiliter tractavi, quando mentionem illius fieri neceſſum erat. Affinem ſcripſi Hutteno. Sic enim mihi perſuaſerat. At Petrus Moſellanus lecta Spongia reſcripſit: Qui

* Deſt in Autographo vox cauſam, vel quæ alia.

affinis?

affinis? quum constet illū esse plebeium. At tamen Chorebothra sonem nostrum offendebat, quod dictus esset Achates. Et edita Spongia ex postulat vir per literas, simulans mirum affectum, quum interim ageret sceleratam fabulam. Et ut perspicias insigne hominis maliciam, ex commendatione mea accepit Basilea quinquaginta aureos. Dicebatur Dux ad me misisse munus regale, quod tamen non perlatum est. Suspicius sum Epphendorpiū interceptisse. Nam fingebat, suū famulū perisse in itinere. Hoc praestruerat, si forte rescissem ad me missā pecuniā. Nondū quidquid sit certū potui cognoscere. Hoc unum scio, nihil illo esse sceleratius. Habet ubique suos exploratores iuratos, ne quid agatur, quod illum fugiat. Iudicia Melanchthonis de Hutteno & Epphendorpio misi Nicolao Buscoducensi. Vide ut te servēs integrū ab hac factione. Meruo cruentum exitum. Si novissem ingenia ac perfidia Germanorum, citius migrassem ad Turcas quam huc. De Capitone vehementer suspicor, quod deceptus sumis Epphendorpii

communicarit illi nostra arcana. Nam sic purgat sese, ut auxerit suspicionem. Hoc erat consilium Luheranorum, ut me minis absterrent, ne quid scriberem in Lutherum. Nam hoc sparserat Iohannes Faber. At nunc Lutherus scribit in se ipsum, videns rem alio vergere quam putarat, & exoriri populum non Evangelicum, sed diabolicum, cum interitu omnium bonorum studiorum. Verum hisce de rebus iam plus satis. Certum est, hinc aliquo demigrare. In Galliam inquit, mirifico studio, magnisque promissis: sed terret hoc ver, quod vereor ne pareat cruentam stragem Gallis. Adeo est implacabilis Casaris animus, cui penitus infixum est π Plus ultra. Pontifex favet, & qui apud Pontificem valent plurimum. Sed vito gladiatoriam harenam. Et non video quid mihi tutum esse possit, ubi regnat Aleander, quantumvis dissimulat. Cuperem hyemem agere Patavii ac Venetia. Sed illinc avocarer Romam. Harebimus hic ad octo dies; deinde statuemus. Interea apparebit, quo se res inclinent.

NOTA

Quum autē subinde periclitē de vita, superest ut tibi amicorū sincerissimo cō-
mendem id quod habeo carissimum, memoriam mei, quam suspicor multis calumniis fore obnoxiam. Ita totius vitæ mea compendium tibi mitto, hoc est, ἡλιάδα κακῶν. Nihil enim unquam me natum est infelicius. Sed fortasse futuri sunt, qui multa affingent: πῦρ καλῶς ἔσται. Tamen si quid mihi contingat humanitus, volo ut quadringenti floreni aurei sint tui. Trecenti Renenses cedant Iacobo Ceratino: Philippici centum triginta Melchiori Viandulo: Quinquaginta floreni aurei & quadraginta sex Renenses cum dimidiato Cornelio Grapheo; quem suspicor egere, virum dignum meliore fortuna. De reliquis, hoc est, de vasis & annulis, nondum statui, sed scribam brevi. Hæc oportet te clam habere, adeo ut nulli mortalium committas, ne is, cui tu credideris, habeat alterum, cui tantum credat, quantum ipsi creditum est, & ita res permanet ad plures. Id fieret duplici incommodo.

Primum invaderent pecuniam veteres mei sodales. & sunt illorum mores a-
vidi. Deinde si mihi opus fuerit ista pe-
cunia ante mortem, (ut fortassis erit,
nam video miras rerum vices,) tum
contristarentur hi, quos sua spes esset
frustrata. Nunc & tutius erit, & be-
neficium erit gratius, quod præter spem
obtigerit. Et tamen adversus Har-
pyias, si forte olfecerint prædā, muniam
te syngrapha, quam proferas post mor-
tem meam, si res postulet. Et tamen ea
nihil valebit, nisi me mortuo. Vide quā
tibi fidam. Posses enim me fallere, sed
nihil tale metuo. Rogabis quid officii à
vobis postulem. Non onerabo psalteriis
& anniversariis, sed obnoxie rogo, ut
inter vos partiti operas, omnes lucubra-
tiones meas evolvaris, & in ordinem
digestas, & emendatas committatis
Frobenio excudendas. Hoc sciebam te
tua sponte facturum pro tua erga me
pietate. Ducatos omnes velim com-
mittas Levino nostro, si modo videbi-
tur huc tuto perventurus. in zona in-
suat, quemadmodum Hilarius. Quod
si quid accidat tibi me vivo, quod omen
aver-

avertant Superi, concerpes syngrapham, & pecuniam trades Dorpio, aut Ægidio Buslidio, aut D. Martino hospiti meo, aut si quem habes amicum magis fidum. Non hortabor te, mi Gocleni, ut huic affectui vere paterno in te respondeas, qui iam filii pietatem ubique prastiteris. De his qua relinquam alibi, cognosces ex aliis, quid statuerim. Nā & in his tui meminero; certus, me, quicquid est hoc beneficii, penes hominem memorem & gratum collocaturum.

Iussi ut de mea pecunia numeres Ceratino florenos aureos xxv. Id si factum est, Graphei summam sarciam ex ea pecunia, qua est Antuerpia. Scribam Petro Ægidio, ut tibi numeret illos xxv, si tu iam Ceratino numerasti; si non numerasti, numeret ille, aut tu, de pecunia Petri Ægidii.

Vellem, te committere iuveni cui-piam, ut relegat Adagia postrema editionis cum collatione penultima. Nam Michael Bentius multa depravavit sua diligentia. Ex oīa, soli, semper fecit oīa. Et contulit quadam loca à me ci-

*tata ex Græco Homero ab Aldo excu-
so, item ex Cicerone Aldino, quum Al-
dina sint depravatissima. Loca qua no-
tarit iuvenis, velim expendi per te,
quum erit ocium.*

*De statu meo, scias, eum esse satis
perplexum. Hic mihi res est cum de-
ploratis, ac plane furiis, posteaquam
Huttenus semel fregit glaciem, insa-
niens in me. Damnat Lutherus factum,
sed Melanchthon mire odit Huttenum.
Et isti stolidi iactant quasi bellum faci-
nus. Buschius nescio quid cudebat in
me, sed à Melanchthone cohibitus, est.
Si peto Italiam, sequentur me sexcentis
libellis furiosi Evangelici, clamitantes
me prada corruptum defecisse ab Eu-
angelio, quum istud Evangelium nun-
quam sim professus. Si peto Galliam,
qua miro affectu est in me, calumnia-
buntur me confugisse ad hostem Casa-
ris; & subodoror, regiam Aulam
καταδιείξεν. In Brabantia scis quibus
monstris datus sit gladius. Brevis scies
quid statuerim. Rex per literas creden-
tiales significavit, sibi esse in animo in-
stituere novum collegium trilingue*

Lute-

Lutetia. Eam præfecturam mihi obtulit, cum ingenti salario. Si recipio me in Galliam, & datur occasio commendandi tui, significabo tibi. Et tu interim scribes per Levinum, quid habeas animi erga Galliam. Et interea dum Levinus abest in Anglia, scribes per alium tribus verbis, an ille bona fide reddiderit literas.

In literis scribendis eris cautissimus. Nā intercipiuntur omnia. Et Epphendorpius nusquam non habet suos coryceos. Celabis tamen quod de illo scripsisti, nec effuties nisi apud amicos eximios. Dorpius, ut videtur, mussat. Est aliquid monstri quod alitur apud Theologos, & ille natura timidus est. Scripsisti D. Decano, & Ægidio Buslidio in commendationem tui. Carolus Harstus apud me vivit famuli loco. Nam videtur fidus amicus. Nec video quo modo sese explicet è labyrintho τὸ γάμψ, ut causam video. Hilarius mihi gratissimus est. Hovius agit Roma, nunc deum amans mei. Hic me suis moribus intractabilibus pene adegerat ad insaniam. Nec illo multo commodior fuit

H 4 Levinus.

Levinus Vterque tamen magno suo bono fuit apud me. Horvium solum Erasmi nomen alit Rome. Levinus pulchre profecit in literis potius, quam in moribus. Cui tamen benefaciam, quamquam nolum illum quicquam harum rerum scire Levinum, nec omnino ulli mortalium prater nos duos. De fide nihil dubito, tamen ob casus inexpectatos expedierit, ut per Levinum mittas syngrapham, qua testeris, syngrapham illam de pecuniis distribuendis nihil valere me vivo, sed ob certas causas id esse confectum.

Quum hac scripsssem, reddidit Frobenius binas abs te literas. Risi nostrum Egmondanum. Plane morionem agit. Nondum ex te scire potui, an receperis literas quas misi per Antonium Minoritam. Nam is coepit mihi esse suspectus, posteaquam aiebat se velle invisere Paschasium. Nec temere scribas per quemlibet. Nam Eppendorpius est Argentorati, & per suos corycaos omnes literas intercipit, homo ad omne scelus natus. Bene vale. Basilee, Sabbato post Pascha.

Era-

Erasmus Roterodamus Cl. D. Mutiano Rufo, viro omni doctrinæ genere consummatissimo, S. P.

INcommode offendit me Eobanus noster, & egrotum & occupatissimum. Alioqui nihil unquam vidi libentius. ὦ φίλε, μῦσαι! qui carminum fluxus? quæ vena? quæ felicitas? ut dicas natum poëtam, non institutum. Eadem orationis soluta Minerva est. Iam mores ii, quos optem Theologis esse. Felicem Germaniam, sed præcipue Erphurdiam, si modo norit sua bona. Delectavit me tuæ quoque epistolæ candor, animi tui candorem referens. Munusculum diu reieci, donec abs te profectum intelligerem. Nugarum mearum indicem subtexui, etiamsi ipse vix memini ineptiarum mearum. Bene vale. Lovanii, xvi. Kal. Novembr. clc lō xviii.

H 5.

Erasmus.

Erasmus Rottetodamus Ioanni Draconi ex urbe Karoli, suo, S.

UT ad epistolam tuam paucis respondeream, humanissime Draco, primum post longam apud Basileam agrotationem, denuo periculosissime relapso, deinde negociis ingentibus occupatori, quam quisquam credat, Eobannus noster voluptaris attulit plurimum; tum lucri non parum, quod ipse vir & admiratione dignus, & amore, te novum amicum mihi conciliarit; licet hac certe parte satis opulentum; & vel unus Helius queat Germaniã nostram à barbaria calumnia vindicare. Deum immortalem! quã felix felicitas, quam facilis facilitas in carmine! dicerem in hoc renatum Ovidium. Neque sui dissimilis est in oratione soluta. Nam in utroque specimen sui præbuit, idque ex tempore. Tum autem qui morum candor? quæ comitas? quæ facilitas? quã nusquam est affinis iis vitiis, quibus vulgo sunt obnoxii, præsertim aquid Italos, qui Poëticen deamant? quam
pia

*pia Musa castaque Christianas celebrat
 Heroidas? Felicem ter quaterque Ger-
 maniam, si plures huic simillimi Va-
 tes exorirentur. & exoriuntur iam a-
 liquot. Sed longe plures exorituros
 video, si Principes ac primates ingeniis
 honorem habere cœperint. tametsi iam
 hoc facit inclytus ille Saxonia Dux Fre-
 dericus, Archiepiscopus Moguntinen-
 sis, vel citra Cardinalicium galerum
 maximus ac clarissimus. Vnum hoc
 me male habet, quod Hesus noster tan-
 tum itineris exanclarit frustra. Quid
 enim fructus erat? aut quod opere pre-
 cium, vel totum Erasmus vidisse?
 Meliorem mei partem, si quid in me
 boni est, iam in lucubrationibus meis
 conspexerat. Porro quid superest,
 quæso? quid habet visendum? Gratum
 fuit tuum munusculum, animi in me
 tui symbolum. Bene vale. Lovan-
 nii xvi. Kalend. Novemb. clō lō xix.*

Erasmus Roterodamus Eobano
Hesso, suo, S.

Iam arbitrabar mihi probe cognitā Germaniam, & quidquid esset insignium ingeniorū, pervestigatum. Adamabam ingenium Beati Rhenani: exosculabar indolem Philippi Melancthonis. suspiciebam Capnionis maiestatem: capiebar Hutteni delicias. Et ecce derepēte Hessus, quod antehac in singulis vel amabam, vel mirabar, unus universum exhibuit. Quid enim aliud Heroides tua quam Christianum Ovidium referunt? Cui vel in oratione saluta contingit ea facilitas, qua tibi in omni carminis genere? Eloquentiam aequat eruditio; & utrumque decorat Christiana pietas. Iam in oratione prosa talis es, ut alienus à carmine videri possis O venam ingenii vere auream! Nec à stylo mores abhorrent, quibus nihil candidius, nihil simplicius, nihil potest esse purius. Rara avis, eximia doctrina sine supercilio. Quid superest optandum, mi doctissime Hesse,

Hesse, nisi ut egregiis tuis dotibus, quas partim tuis vigiliis, partim cœlo debes, Fortuna respondeat? Id fiet; si Germania Principes ingeniis honorem habere cœperint; & bellica gloria hanc quoque meliorem laudis portionem adiunxerint. Tu mihi terra marique visendus eras; & ultro tam immenso, tamque periculoso itinere Erasmmum petit Eobanus, homuncionem visurus, fama maligna, sed tamen hac ipsa, minorẽ. Mihi tam insigne lucrum gratulor, qui cum Hesso meo tot egregios amicos lucrifecerim; tuam vicem doleo, qui tam levi fructu tantum laboris susceperis. Bene vale, Germania nostra vel præcipuum decus. Lovanii xiv. Kalendas. Novembr. c l o l o x i x.

Erasmus Roterodamus integerrimo
doctissimoque viro Iudoco Iona-
næ, amico unice charo,

S. D.

NÆ tu mihi, doctissime Iona, non
epistolam, sed ineros amores, me-
ras flâmas amantiissimi pectoris misisti.
Deum

Deum immortalem, ut spirat, ut agit undique! In qua dum me depingere tentas, tui ipsius simulachrum effinxisti. Dumque meam eloquentiam laudibus vehis, tuam declaras eloquentiam. Doctrina aut facundia laudem nihil moror; unum illud me delectarit serio, si quis meis redditus sit melior, si meae lucubrationes ad Christi gloriam faciant. Enchiridion proximis his diebus excusum est à Frobenio. Adieci-
mus præter alia quædam præfationem prolixam ad Abbatem Volzium. Sed utris accedam, optime Iona? tibi mea sunt aurea: rursus sunt qui clamitent, me nec sapere, nec fari: ex meis libellis pestem hauriri pietatis. Quot conviciis fratrum ac Theologorum lapidatum Testamentum? Sed hætenus in absentem omnia, coram nemo verbum. Quod vos tribuitis, non agnosco; quod illi impingunt, abominor. Certum est igitur, neutrum credere: animoque infracto, per gloriam & ignominiam, per infamiam & bonam famam, pro nostra vigili ad Christi scopum eniti. Dabis veniam brevitati nostræ. Scribo hac cum vale-
tudina-

*tudinarius, tum plus quam obrutus
scribendi labore. Bene vale. Lovanii
xiv. Kalend. Novemb.*

Erasmus Roterodamus M. Conra-
do Goclenio S. P.

AMo profecto Melchiorem, & pre-
cor illi Musas omnes propitias. ἔρ-
ως βαλάντιον. Sic innotescet bonis, ac for-
tunam sibi parabit. Nec est quod co-
gitet de suffugio, sed de progressu. Tan-
tum caveat, ne det ansam improbis.
Cum Ludovico civiliter exerce amici-
tiam. Neseno si quid scribis, caute scri-
be. Ille sane mihi fuit amicus infeli-
cissimus. Nihil continet; nec dispicit,
quid, quando dicendum. Nec prodest
bonis literis, nec causa Lutherana, nec
suis discipulis. Is demum sapit, qui no-
vit hoc seculo sapere. Vix etiam fidas
tibi ipsi. Spero, me isthic adfuturum in
Quadragesima, nisi hi tumultus obsta-
bunt, qui videntur imminere. Ver-
dunii epistola mire delectavit, si tamen
ille tantum potest. Additurus eram O-
peri nostro, sed erat, quur non fecerim.
Miror quod Hilario dederis aureum;
nam

nam erat illi satis viatici ex me, & ex Petro Ægidio, de meo. Scripsissem plura, sed hic parum videbatur notus, per quem scriberem. Campensi gratulor. Decebat ut ego senex iam particeps essem vestrarum felicitatum: sed video, meos labores plane fuisse Herculanos. Bene vale. Basilea, postridie Non. Febr. Anno clō 1521.

Erasmus Roterodamus eidem M.
Conrado Goclenio S.

Accepi tuas literas. Georgium, opinor, iam vidisti. ex quo cognovisti rem. Dic illi non sacerdoti, ut, si decrevit abire, quod tamen ego non probō, δὲ δάπην. Prima coitio. * Nebulo magnus est. Veniat huc bonis avibus sub proximis nundinis. Non deerit illi bona conditio. Sed tamen ego malim non solvi chorum, multis de causis. Alius erit exitus, quam putatur. Loquor de bonis litteris. Scripseram de Ceratino. Saltem ille veniat. εἴη, φέρη, ἴσθι, ἀνίστι, ὃ δάπην, καὶ ἵππον.

* Aliquid deest.

Basile-

Basilæa, Postridie Trinitatis. Anno
clic. lxxii.

Erasmus Roterodamus eidem M.
Conrado Goclenio S.

QUum per Hilarium expectem li-
teras tuas, mi Gocleni, non est
quod nunc magnopere scribam. Ne quid
te cruciet aliorum successus, sed exspe-
cta feliciora. Quamquam non video
quid istius fortuna te magnopere poeni-
teat. De Viue miror. Scripsit mihi se
cogitare de reditu in Brabantiam. Quod
si verum est, opinor sexaginta libras
propositas esse pro sexaginta Angelatis.
Aiunt etiam Parisiis exustum esse quæ-
dam. Scavit & Ferdinandus miro in
Lutheranos. in eius aulam Faber meus
Constantiensis Vicarius ascitus est in-
genti salario. Gratum fuit, quod scri-
psisti de rebus novis. Non dubito quin
Spongia iam ad vos perlata sit. Hutte-
nus excessit è rebus humanis xxix die
Augusti. Cuius morte periit magna ex
parte mea Spongia gratia. Tumultus
rerum undique coarctans cogit nos hic
adhuc

adhuc sedere hanc hyemem. Quod si literas nuper à Roma allatas maturius accepiſſem, iam iter ingreſſus fuiſſem. Hac hyems, ut ſpero, dabit finem malis. Gallo male metuo. Faveo Principi meo, ſed nullum video finem, ſi procedat Imperii dilatatio. Εὐχόμενα πῶς Ἀντωνίου ſimplicitatem. Venit huc ut emeret libros, deponeret τὸ χῆμα, denique ἔτι τῆ γαμῆν, nec habebat obolum. Admoneo te, ne cum hoc inauſpicato criminum genere multum habeas commercii. Admonui ἔτι olim, ne valde implicareris τῶν Γερμάνων amicitiiſ. Sunt equus Seianus. Bene vale, ac magno animo perage Muſarum negotium: fortuna aliunde aſfulgebit. De Francisco ruruſus admoneo, ne quid rerum mearum illi committas. Baſilea, vii. Calend. Octobr. Anno clō Io xxiij.

Honorabili domino Ioanni de
Hondt, Canonico Cur-
tracenſi, S. P.

QUum altera veſtra iam obſignata manſiſſent aliqua apud me, vene-
runt

runt littera è Flandria scripta à Michaele quodam Bentino, qua nunciabant, te inimicissimo esse in me animo, ac Iurvenem quendam, qui nescio quem meorum libellorum haberet, acriter obiurgasse, quod haeretica legeret, addens, meos libros esse pestilentiores Lutheranis, teque sperare brevi futurũ, ut ego cum meis libris comburerer. Non dubito quin hac sunt conficta, nisi tu aut plane versus es in alium hominem, aut prorsus ignores quantum malorum hic sustineam à Lutheranis. Ego puto, mortem esse leviolem his, qua patior. Et, si novissem statum huius coniurationis, malissem ad Turcas demigrare, quam huc. Aliter iudicavit Adrianus Pontifex de libris meis, qui Theologis frustra de me blaterantibus imposuit silentium: aliter Cardinales, qui Stunica talia de me scribenti indixere silentium. Quod nuper iterum fecit Clemens VII. Aliter Cardinalis Campegius, qui nullius operam magis implorat adversus Lutherum, quã meam. Aliter ipsi Lutherani, qui in neminem magis fremunt, quam in Erasmmum.

Hoc

Hoc te scire volui, ne quid erres in nobis. Bene vale. Basilea, post Pascha, Anno clō Io xxiv.

Erasmus Roterodamus eidem D.
Ioanni de Hondt, Canonico
Curtracensi, S. D.

V Ir optime, doleo te meis literis cō-
motum fuisse. Nec in te quadra-
bat, nec Bentino fuit unquam apud
me multum fidei. De suffragano quid di-
cat non laboro, qui Brugis bis in publi-
ca concione debacchatus est in nomen
meum. Mitto ad te litteras Barbirii
posteriores, nam priores non accepi. In
his testatur se inscio factum, quod alii
numerata est pecunia. Ex quibus fru-
ctibus reddet, si (quod metuendum est)
non obtineat sacerdotium? aut quos il-
lius heredes ego persequar? patitur
tantum iactura nostra amicitia, sed nūc
non patitur fortuna. Casar debet sex-
centos florenos aureos ex pensione. Ne-
que quidquam accipiam, nisi redeam
in Brabantiam. Et fortasse ne tum
quidem numerarent. Et interim ex-
cusavi

cusavi me Regi Galliarum offerenti
Thesaurariam, ut minimum quingen-
torum coronatorum. O aulam nostram
semper famelicam ! Hæc scribo, ne post-
hac iterum fiat, quod factum est, &
pro tua humanitate adiuves, ut quam-
primum redeat ad me data Molendino
pecunia. Bene vale. Basilea, postrid.
Iacobi, Anno dñi 1524.

Erasmus Roterodamus, ornatissi-
 mo D. Alexandro, Illustriss. Co-
 mitis à Nassouwen Se-
 cretario, S. P.

Cognatus hic meus mihi subinde
 recursans facessit negotium, ac ti-
 bi vicissim negotium exhibeo. Curare
 te rogo, si aut non est spes, aut spes est
 vehementer exigua, liberes eum inuti-
 li spe. Nam mihi est aliud, quod agam.
 Lutheri libros non legi: nihil est mihi
 rei cum homine, nisi quod est cum quo-
 vis Christiano. Certe correctum homi-
 nem malle, quam extinctum. Et si
 quid veneni serit in vulgus, nemo me-
 lius retrahet, quam qui infixit. Nec
 obsto,

obsto, si vel assum malint Lutherū, vel elixum. Levis est unius hominis iactura. Sed tamen tranquillitati publica cōsulendum est. Qui hoc negotium agunt, calido magis quam salubri consilio, utinam tam prudenter faveant dignitati Romani Pontificis, quam videntur favere sedulo. Hic certe nemo magis officit Pontificia dignitati, quam qui odiosissime clamant in Lutherum: nemo magis illum commendat affectibus populi; tam stolide, tam seditiose res agitur per monachos quosdam, inter quos nullus est habitus vir bonus. Bulla iubet, ut pradicent adversus Lutherum, hoc est, ut opiniones illius refellant testimonio sacrarum litterarum, ac diversa melioraque doceant. Nunc nullus est, qui sumat calamum ad refellendum illum, quum id efflagitant omnes; nullus redarguit, tantum conviciantur, saepe etiam mentientes. Aiunt illum tollere Confessionem, aiunt tollere Purgatoriū, aiunt scribere blasphemias in Deum. Quidā Iacobita Antverpia dixit, illum scripsisse, quidquid miraculorū egisset Christus, egisse magicis

gicis artibus. Apud Regem Gallie Carmelita quidā dixit in cōcione, Vēturum Antichristū: iā quatuor esse Præcursores; Minoritam nescio quem, in Italia; Iacobum Fabrum Stapulensem, in Gallia; Reuchlinū, in Germania; Erasmi, in Brabantia. Brugis Minorita quidā, Suffraganus Tornacensis, in Tēplo Divi Donatiani totā horā cōcionatus est in Lutherū & in me. (Nā hoc cōsiliū interpolacula cōdidere Monachi; ut me, qui nihil habeā cōmercii cū Luthero, sēper cū illo coniungāt.) Nec tamē quidquā docuit: tantū vocavit nos grues, asinos, bestias, stipites, Antichristos; adeo ut nullus in populo iudicaret, hominē esse sani capitis. In altera cōcione dixit, in libris Erasmi esse quadā Hæretica. A cōcione rogatus à docto quodam Magistratu, quanam essent illa? negavit se meos libros legisse; voluisse quidē legere Paraphrases, sed ob altā Latinitatē metuere, ne posset in aliquā Hæresim prolabi. Audis scurrā Epicopum perfricta frontis. His etiā stultiora blaterant Iacobi & Antverpienses; adeo seditiose, ut Magistratus haud quaquam stultus, metuens

metuens populi tumultum, admonuerit eos, ut apud populum nec probarent Lutherum, nec incesserent, sed pradicarent Euangelium Christi. Mox exortus Minorita quidam, homo linguacissimus, nomine Matthias, dixit, Si vultis audire Euangelium, id audire licebit à Pastoribus vestris, etiamsi notu concubuerint cum aliquo scorto. Lovanii Carmelita quidam Nicolaus Ecmondanus in ordinaria lectione Theologica dixit, Paulum ex persecutore Ecclesia factum bonum Virum, precandum ut idem eveniat in Luthero & Erasmo. Altera Lectione dixit, esse dissidium inter Erasmus & Iacobum Fabrum. nec mirum, inquit: nunquam pax est inter Hæreticos. Et hic est primus huius Academia Theologus, homo stultus ac furiosus, ac mire pertinax. E pluribus pauca narraui, è quibus licet aliorum facere coniecturam. Utinam S. D. N. sciret, quibus modis hic res geratur. Crede mihi, Monachi non agunt illius negotium, sed suum. Quidquid meretur Lutherus, certe rebus est, ut Carolus prospiciat tranquillitati

litati Christiana. Id erit, si prorsus im-
ponatur silentium apud populum utri-
que parti, & Lutherus desinat scribe-
re libros huiusmodi; imo quos scripsit,
repurget ab istis, quæ præbent seditionis
materiam. Qui laudem aucupantur è
publicis malis, malunt sævitia rem con-
fici. Et utinam esset recte confecta in
gloriam Christi. Sed nemo credat, quam
late Lutherus irrepserit in animos mul-
tarum gentium, & quam alte in sede-
rit libris omni lingua quaqua versum
sparsis. Mussant hic nescio quid de ter-
rifico Mandato Caroli. precor, ut felix
sit Orbi Christiano, quidquid agit
Princeps optimus; sed vereor, ne non
perinde succedat, ac quidam putant.
Rogabis, humanissime Alexander, quur
hec tibi scribam? Non ob aliud, nisi
ut occurratur pernicioso tumultui, quæ
video imminere, si Principes quorun-
dam affectibus obsequi malent, quam
Reip. consulere. Non ago Lutheri ne-
gocium, etiamsi refert, quo modo ille
puniat: publica tranquillitati me-
ruo; & scis, rebus turbatis, pessimo cui-
que esse optime. Faveo Predicatorum

Ordini, non odi Carmelitarum. Sed ex his novi quosdam tales, ut malim parere Turcæ, quam horum ferre Tyrannidem. Erit igitur prudentia Pontificia, erit providentia Principum, ne hoc hominum genus in fortunas & capita bonorum virorum immittatur. Bene vale, mi Alexander, meque illustrissimo Comiti diligenter commenda. Et, si inciderit commoditas, saluta Dominum Florentium Iselsteinium, cuius filius heri me visit, quod subinde facit, ac mira promptitudine reddit Græcum Homerum. Servet Deus puerum, magno ornamento futurum suæ patriæ. Lovanii, III. Idus Martias.

Honorabili viro D. Iohanni de Hondt, Canonico Curtracensi,
S. P.

Minimum aberat, quin te liberarem onere pensionario. Et nunc agre revivisco, si reviviscere sit ferrari in novos cruciatus, vel mortes potius. Sit Dominus benedictus, cui sic visum est purgare Erasmus, hic flagellans ut parcat

parcat in æternum. Bentinus, de quo scripseras, hic duxit uxorem. Expostulavi cum homine quod sic infecisset inventutem: fassus est, hoc esse verum, & risit suaviter. Expectat ut aliquo vocetur in oppida Gallorum proxima, quemadmodum in montem Bellicardi vocatus est Pharellus ad prædicandum Evangelium hoc novum, cuius hic mirus est successus. Iam multi repudiarunt baptismum, & revocarunt circumcisionem. Missam abominantur plurimi: sunt qui publice doceant, in Eucharistia nihil esse nisi panem & vinum. Vellum & Cuculla deponitur passim. Nubunt & ducunt uxores monacha & monachi. Iam mihi tutum non est hic diutius vivere. Mores istorum qui hic docent magis mihi displicent, quam ipsa dogmata. Bentinus reviset suos in Quadragesima, ut cõfirmet suos in fide. Barbirius petiit Galliam in comitatu Alexandri nunc Archiepiscopi Brundisini, paupertate, ut aurumo, coactus. Itaque decrevit nunc raptò vivere. Me certe nimium tractarunt familiariter. Olim detraxit è pensione Cæsaris

XL, ni fallor, florenos. Id quoniam ob amiciciam, nunc invadit hanc quoque pensionem, fretus nova facilitate. Mitto syngraphā hanc more solito vacuam. Non gravaberis numerare pecuniam vel Petro Ægidio, vel Marco Laurino Decano, aut huic Francisco Canonico Antuerpiensi, si forte tibi ipse literas reddiderit. Bene vale. Datum Basilea, III Idus Februar. Anno clō Io xxv.

Erasmus Roterodamus M. Conrado
Goclenio S.

EMoriar, ni, quod tibi sic affulget undique fortuna, mihi incundius est quam si mihi simile quippiam accideret, idque non eo tantum quod tuis faveam commodis, quibus certe, ut par est, toto faveo pectore, verum etiam quod bene cupiam optimis literis, quas & tu & eruditione non vulgari, & profitendi diligentia, & ingenii dexterritate, sic vel ornasti, vel evexisti, ut vix alius felicius. Per Frobenium tantum scripsi Marvillano prasidi vestra
sodali-

sodalitatis, quod propemodum Quirinus decreverat in miseros suos. Vix credas, quam infelicitè acciderit, quod non saltem per Nicolaum miseris Augustini libros de Trinitate apud Dorpium collatos. Iam enim Frobenio fervent quatuor prala, quibus fortassis accedit unum aut alterum. Itaque te rogo, ne saltem nunc negligas per hunc mittere. Franciscus Delphus apud nos agit, utinam tam felix nostro convictu, quam illius mihi iucundus. Certe quod licebit in his occupationibus, adnitar, ne nullum ex nostra consuetudine fructum ferat. Vix oratione consequar, quantum succenseam his, qui tam generosam indolem ad nugas averti conati sunt. Hunc nostro sumptu conduximus, quum nihil aliud haberet negotii. Quare ne redeat inanis: verum ita tracta negotium cum illo, quasi res ad Frobenium pertineat, ut revera pertinet. Εἰ τῷ Δέλφῳ τὰ λοιπὰ μὲν ἀρίσκει πάντα· τὴν φιλολογίαν δὲ, abs te magnifice predicatam, in eo desidero verius, quam considero. Meditatur συνοικεῖν τῷ Κασέῳ. Malim cum alio. Tu facile coniectas

causam. Ego monendi officio nunquam sum defuturus. Frobenius cogitat excudere Terentium cum Commentariis. hic si quid potes, opitulare, sed propere. Sed omnino per hunc veniat. ἢ Τρίας. Iam opus est. Non enim semper commodum est magno conducere, qui transcurrant. Delevi quae missa sunt. Bene vale. Lovanii, Id. Octobr. Anno clō lō xxvii.

Erasmus Roterodamus clarissimo
Angliæ Baroni, Guilhelmo
Monteiovio, in regia
Angliæ, S. P.

ORnatissime Meccenas, si singula spectentur epistola, *καὶ αὐτὰρ* si univcrse, quas in omnes mundi plagas cogor mittere, plusquam Asiaticus sum. Hic tolerabili in statu sumus, excepta incredibili rerum caritate. tantum liceat effugere bellum. quod ut liceat vereor, prout hætenus habent huius fabula exordia. Sed in manu Domini sunt omnia nostra. Utinam optimis votis æque per omnia respondeat fortuna, atque

que illius benignitas meis abunde re-
 ndit. Apud Regem Ferdinandum
 bebam patronum incomparabilem,
 rnardum Episcopum Tridentinum.
 ut audio, se subduxit ab aula, of-
 fusus, ut arbitror, his belli praludiis.
 ius quando simus habituri finem, no-
 t Deus. Quibus agatur consiliis Ca-
 , nescio. Amissa Hungaria, miseris
 dis vastata Austria, & rursus im-
 nente Turca, nonnullis videtur ni-
 um diu harere in Italia. Nec pauci
 rantur, qualis sit illa pax inter Ca-
 em & Gallum, quum duo filii ni-
 ominus detineantur in Hispania.
 x Ferdinandus habet invictum ani-
 m, sed novus Princeps destituitur
 vus belli. Quod si Caesar vi Luthe-
 ros aggreditur, hic prorsus de nobis
 um fuerit. Quod optimi regis va-
 i pietas semper molita est inter Casa-
 r & Gallum, hoc rex Polonia Sigis-
 ndus magno studio molitus est inter
 dinandum, & Ioannem, regni com-
 itorem. Sed fata superant hominum
 filia. Officium meum erga Carolum
 um tibi non ingratum fuisse, mihi
 I 4 fuit

fuit gratissimum, cuius indolem felicissimam precor ut Dominus Iesus tum servare, tum usque in maius meliusque provehere dignetur. Nescio qua mihi fortuna cibum offerat edentulo: certe Petrus Barbirius, sic mihi adarmatus, sic à me literis celebratus, me pensione Curtracensi spoliavit inaudita perfidia. Et audio Cantuariensem deficere: cui si quid acciderit, nihil est quod sperem de pensionibus. Mihi sat animi est, si carnificem meum calculum queam excutere. Quanquam apud Gallos exoritur Budaica factio, stolidis modis in me velitans. Nec ipsi sciunt, quamobrem mihi succenseant. Thomæ Moro nihil gratulor, ne studiis quidem admodum; isti regno gratulor, cui non potuit sanctior meliorque iudex contingere. Consolaris me de tumultu obtreptatorum: at tu vix nosti decimam partem eorum, quæ in me ex insidiis diabolicis artibus moliuntur quidam scelerosi, sub Evangelii titulo latitantes. Scribam filio & preceptor, quorum utrunque tibi gratulor, si patiens valetudo. Nam inter epistolarum
tumul.

multus, cœpit esse vehementer molestus; nec possum suspicari causam, nisi citatem intestinorum. Ignosce, Meccæus, non vacabat hac relegere. Apud Riburgum v. Kalend. Aprilis, Anno 1515 xxix.

*Agnosce manum tui veteris
clientis.*

*Erasmus Roterodamus ornatissimo
Viro D. Ioanni Cholero, Præ-
posito Curienti, S. P.*

Q*Uum Basilia res iam viderentur
intolerabiles, ne viderer iis, qua-
gerebantur, assentiri, demigravi Fri-
burgum; sed ante diligenter commen-
datus per regem Ferdinandum venera-
bili huius urbis magistratui: qui mihi
sua sponte detulerunt usum harum a-
dium, quas extruxit D. Iacobus Vil-
lingerus, pia memoria; parati etiam
maioribus officiis honorare me, si passus
fuissem. Has ades tum occuparant Oc-
tomarus Luscinus, & Augustinus
Marius quondam ecclesiastes Basileæ.
Mihi cum his cessit aliqua pars. Post o-
cto fere menses migravit Marius, dedit-*

I s

que,

que, ut ait Luscinius, florenos duos, civilitatis gratia. Luscinius mansit diu. Ego, ne viderer incivilis, pro tot fere mensibus, quot hic egerat Marius, misi honorabili domino D. Vdalricho Tribuno plebis coronatos quatuor; prater ea qua insumseram in huius domus necessaria; ea redibant ad quinque coronatos. Aliquanto post, circa natalem Christi, Tribunus per Henricum Glareanum cœpit agere de conducenda tota domo; una cum area quadra, qua est post ades; significans se posse locare in annum viginti florenis. Respondi & per Glareanum & scripto, si vidua non horreret nomen locatricis, me facile daturum duodecim coronatos, modo domus mihi traderetur libera: ceterum Luscinium non libenter cessurum, nec me velle cum quoquam contendere, minime vero cum Luscinio. Aliquanto post denuo misi scriptum ad Tribunal, aperte testans animum meum, illo quadro mihi non esse opus. ibi Smotzerus & alii habebant equos, ibi operabantur fabri lignarii & lapidarii; quos ego nollem expellere: sed si hanc domum

domum mihi faceret liberam, tum si proponeretur aqua merces, responsurū, nollem, ac vellem. Hoc scriptum sibi servavit Tribunus. Quum nihil aliud diceretur à Tribuno, arbitratus sum, me hic habitare ea ratione, qua antehac habitaram, hoc est, sine ullo pacto, expectans si quid aliud denunciaret Tribunus. Sub hyemem cœpit migrare Luscinius in domum cuiusdam Abbatis, relicta tamen hic maxima parte supellestilis, & quotidie huc ventitans, velut in binis habitans adibus. Sub hyemem abstulit fere totam supellestem. Id ubi viderem, adii hominem: Serio, inquā, nunc migras? Arridens, annuit. Tandem quum admonerem, si molestum non esset, ut alicui traderet claves, quo locus posset purgari, si modo id sine ipsius incommodo fieri posset; contraxit se, responditque se post reditum ex Argentoratis cum Tribuno velle loqui. Post hac verba de clavibus, ne videretur migrando ius suum amittere, reliquit quod supererat recularum. Totum una sporta componi poterat. Quum redisset, rursus egi de

*clavibus, non ut conductor, nihil enim minus suspicabar, sed blande & precario, cum his exceptionibus, si id illi commodum esset, suoque iure incolumi posset. Multa tergiversatus, venit in colloquium: praefatus sum, si citra suum incommodum vellet mihi ea in re gratificari, fore pergratum; sin minus, me nolle super hac re contendere. Cum, ut fit, incallescere sermo, magnifice respondit, id quod frequentissime dicere solet omnibus, se ab Iacobo Villingero & illius heredibus esse institutum in hanc domum totam, nec posse eam possessionem cuiquam cedere, se compertum habere voluntatē illorum. Cum responderem, nihil illius deperiturum iuri, si traderet claves ut locus maneret purus, nunc occupari muribus & araneis, non acquievit, sed servavit claves, & diligentius locum clausit, quam antea. Tandem adieci, Tribunum mecum agere coepisse de tota domo conducenda. Respondit, se ius habere in totum quadrū, meq; hic ex illius gratia vivere, quum posset solus occupare totam domum. Si ita est, inquam, cur Tribunus mecum
 agit*

agit de conducenda tota domo? Et ego, inquit, loquar cum Tribuno, & ego scio animum Tribuni. Multaque eiusmodi de iure suo, quod animo teneretur, non corpore. Remisi contentionem. Vbi vocasset Tribunum cum aliis ad convivium, gloriatus est apud Quirinum famulum meum, quod optime conveniret ipsi cum Tribuno, quod ille multa alia loquutus esset ipsi, quam mihi. Post hoc colloquium sensi hominem mihi parum equum. Multa questus est apud Quirinum de me. Et Argentorati quidem asseverant eum in me dixisse plus quam hostilia; & credo, utcumque ille negat. Quid scribat suis, facile divino. Aliquanto post quum hic saviret pestus, quo plus esset spatii, si quid cui ex nostris accidisset, blande rogavi, ut sinneret illum locum, quem habebat clausum & vacuum, nobis esse apertum. Quid responderit, cognosces ex epistola, quam mitto, in qua suum ius constanter asserit. Tandem blande epistola impetravi, ut ostium sinneret apertum, quod absq; clavi clausum nec intus nec foris periri potest. Claves servavit sibi.

Dedi

Dedi scrinium, in quo reponeret tres chartas, non ob aliud relictas, nisi ne videretur emigrasse. eius scrinii clavem secum abstulit. Post fuerunt alcedonia, licet eo loco (gratia Superis) numquam sim usus. Tantum curavi, ut maneret purus. Iam sub finem Martii Tribunus vocat Glareanum, ostendit & epistolam cuiusdam procuratoris, clarissimi viri Ioannis Leblin, Regii Thesaurarii, qua scribit sibi mandatum à domino, ut ego iubeam hinc migrare ad natalem Ioannis Baptiste, hoc est, intra tres menses, simulque Tribunus petit à me viginti florenos pro anno retroacto à natali Christi usque ad natalem. Id mihi, qui nunquam somniarum me haberi pro conductore, tam novum fuit, quam si quis ostendisset cygnum nigrum. Nunquam recepi conditionem, semper excepi domum liberam. Luscinus constanter affirmabat, se habere ius in hanc domum totam. Habuit claves domus, ingressus est quādoque voluit. A Tribuno nunquam admonitus sum, me habitare in conducto, nunquam iussus sum à Lu-

scinio

*scinio petere claves. Vnde mihi potuisset
 in mentem venire, me esse domus con-
 ductorem? Tribunus principio dicebat,
 agat Erasmus cum Luscinio. Imo ne
 cum illo contenderem, expresse excepi
 libertatem totius domus, & testatus
 sum illum non libenter cessurum. Si
 quis dono dedisset hanc domum ea lege,
 ut Luscinium volentem nolentem ex-
 cluderem, incunctâter recusassem mu-
 nus, tanti abest ut ea lege voluerim
 conducere. Obiectum est & illud; po-
 steaquam facta est mentio de pretio cõ-
 ductionis, mansi in domo velut appro-
 bans. Imo scripto & verbis constanter
 affirmavi, me de domo nisi tota & libe-
 ra nolle pacisci. Mansi autem ea condi-
 tione, qua antea, videlicet precario,
 paratus exire quandocunque iuberer.
 Nemo iussit. Secus fuisset, si habitan-
 ti in conducto diceretur, possum hanc
 domum locare pluris. Is si admonitus
 vaneret, videretur accipere pretium
 uctum. Tam multi sunt his adibus usi
 ratis; putabam magistratum partim
 sua benignitate, partim ob commen-
 tionem regis Ferdinandi mihi velle
 hoc*

hoc honoris habere; & quanquam nulla intercessisset pactio, plus dedissem, quam alios dedisse audio. Ea vox à me frequenter & dicta est & scripta, me malle pro hac domo libera dare viginti florenos, quam pro non libera, ut nunc est, quinque. Tribunus dicit se repertiisse claves à Luscinio, atque illum respondisse, reliqui in ædibus. Verum dixit; reliquit in ædibus aliquas claves, sed non illas, de quibus Tribunus sentiebat. Claves primi ostii & domus, quam obtinebat, servavit sibi, & adhuc servat. Ita verba data sunt Tribuno. Non cuperem in his ædibus habitare vel precario vel cōductis: erat tamen hoc humanitatis, senem, valedudinarium vel egrotum potius, tum hospitem, & Caroli-Cæsaris & Regis Ferdinandi literis commendatū, tempestivius admonere de migrando, praesertim cum mihi in novis ædibus sit extruendum fumarium, & apparandus huic corpusculo cōmodus nidus. Ad inveniendas ædes, conducendas aut emendas, ad ornandas, ad extruendum focum, perquam angustum spatium sunt

tres

tres menses. At ego sub finem Martii inbeor migrare ad Natalem Ioannis. Et interim, quum nec conduxerim ades, nec conducere voluerim, nisi traderentur libera, idque constanter & dictis & scriptis sim evidenter testatus, à festo Natalis Christi anni clō lō xxix usque ad natalem Ioannis clō lō xxxi petuntur à me floreni 30, quasi totam domum conduxerim ac possederim. Sed confido Tribunalum re diligentius expensa mutaturum sententiam.

Splendidissimo domino Bilibaldo
Pirckheimero, Cæsareæ Maiestatis
consiliario, Senatori Norimbergensi, suo, Era.
smus S. D.

IAm pridem ardebam desiderio tui,
Inequē mediocrem amoris in te flammam
ē tuis conceperam lucubratiunculis,
in quibus mihi visus sum Bilibaldi
mei velut expressum simulacrum agnovisse,
hominis, vel potius herois cuiuspiam
incomparabilis, in quo vicissim
& fortuna splendorem ornatet littera,
& lit-

& litteras ornaret fortuna splendor,
 utrumque commendaret morum inte-
 gritas, & hac pari ingenii comitate
 suavitateque cumulata. Accendit ar-
 dentem, & iuxta Gracorum prover-
 bium, *αὐτὸς ὁ θεὸς* addidit Beati Rhe-
 nani, quo non aliustui nominis studio-
 sior, predicatio. Nam huius pene coti-
 diana consuetudine, doctissima pariter
 & mellitissima, sic delector, ut hac re
 me plane putem esse quod ille dicitur.
 Is mecum de nemine confabulatur vel
 saepius, vel honorificentius, vel aman-
 tius, quam de suo Bilibaldo. Super hac
 accessit epistola tua, non illa quidem ad
 me, sed tota de me scripta. Et tamen
 ad me quoque scripta, quandoquidem
 ad eum data est, quem ego vere *μὴν*
ψυχῶν possim appellare. Ambis nostram
 necessitudinem, & optas consuetudinē,
 quorum utrumque iampridem ipse ma-
 gnis votis suspirabam verius, quam
 sperabam. Quanquam seiuncti sumus,
 nihil vetat, quo minus arctissima ne-
 cessitudine copulemur. Demus operam,
 ut mutuis item fruamur amplexibus.
 Eduntur Adagiorum Chiliades, sic
 emenda-

emendata, sic locupletata, ut novum opus videri possit. Eduntur universa D. Hieronymi monumenta, argumentis & scholiis à me illustrata, nec sine summis sudoribus emendata, notatis ac semotis qua notha fuerant admixta. Emendavimus totum Novum Testamentum, additis scholiis. Molimur obiter & alia. His laboribus sic obruimur iam sextum ferme mensem, ut vix valetudinem tueri possimus. Et tamen non mihi potui temperare, quin his plus quam extemporariis magis Bilibaldum lacefferem. Sciebam quid tua postulabat dignitas, quid eruditio: sed boni consules, quod non suavit, sed imperavit amor tui. Præter expectationem nuntius hic oblatus est. Malui eum ineptis quam nullis meis litteris comitatum venire. Dabitur brevi plusculum otii, iamque non litteris, sed voluminibus tecum agam. Utinam propius adesses! nam Mense Martio Britanniam repeto. Bene vale, præcipuum nostræ Germaniæ decus. Basilea, non. Kal. Febr.

Eidem

Eidem Bilibaldo Picrkheimero, Senatori Norimbergensi, suo,
Erasmus S. P.

NEc erat argumentum ad te scribendi, nec otium, utpote iam ad iter accincto: & tot iam mensium laboribus tantum non extinctus eram. Et tamen nactus, qui perferret, non potui non scribere ad meum Bilibaldum. Novum Testamentum utcumque est absolutum. Hieronymus iam ad metam anhelat, propemodum exiturus in manus hominum. Excuditur nunc libellus de Institutione Principis, una cum aliis aliquot. Nos humiles, quod licet, molimur, & rei litteraria succurrimus pro virili. Tu, quo felicior es, hoc potes maiora. Quacunque regio nos habitura est, semper Bilibaldum animo circumferemus. Etiam atque etiam te rogo, ut Annotationes in Novum Instrumentum tue vocis preconio omnibus commendes. Scis enim, novitatem omnem obnoxiam esse invidia. Bene vale, literarum decus. Basilea, postridie Pentecostes, Anno clō 15 xvi.

Era-

Eraſmus Bilibaldo ſuo S. D.

A Ccepi libellum una cum litteris
tuis, vir clariffime, ad quas ut
paucis reſpondeam, quippe ſummis di-
ſtriſtus laboribus, vivo utcunque, ver-
ſorque Lovanii, cooptatus in conſor-
tium Theologorum, licet in hac Aca-
demia non ſim inſignitus titulo Docto-
ris. Id malui, quam Principem Caro-
lum in Hiſpanias comitari, maxime
cum viderem aulam, in tot ſectarũ fa-
ctiones, Hiſpanos, Maranos, Civericos,
Gallos, Caſareanos, Neapolitanos, Si-
culos, & quos non? Proximo vere cum
Angliam ob privatum quoddam adif-
ſem negotium, Rex ultro me mira com-
plexus eſt humanitate, atque itẽ Car-
dinalis, rex alter, ut ita loquar. Ob-
tulerunt præter ades magnificas ſexcen-
tos florenos in ſingulos annos. Sic egi gra-
tias, ut nec acciperem conditionem ob-
latam, nec reiicerem. Hic licet maximo
meo ſumptu vivam, tamen certum eſt
mẽſes aliquot deſidere, partim ut abſol-
vam quod eſt in manibus, partim ut
videam,

videam, quorsum evasura sint spes amplissima, quas Principis nomine mihi discedens hinc ostendit Cancellarius Burgundiae Ioannes Sylvagius, vir ut eruditissimus, ita litteratorum omnium patronus. Novum Testamentum, quod pridem Basilea precipitatum fuit verius, quam editum, retexo ac recudo, & ita recudo, ut aliud opus sit futurum. Absolvetur, ut spero, inter quatuor menses. Perplacuit tuus libellus, ut illa tam amica Reuchlini defensio, in qua mihi videre solito facundior. credo quod, ut Fabius inquit, pectus quoque te reddiderit eloquentem, non tantum ingenium, aut eruditio. Sed ego nihil puto calamitosius, quam quocunque modo bellare. Tū autē, nihil esse calamitosius, quam si res incidat cū hoste sordido ac pudendo. Nam cum quibus tandem est confli-ctandum, Reuchline? Cum populo crabronum, quem & ipse Romanus Pontifex vereatur provocare, adeo, ut Alexander solitus sit dicere, se tutius sibi putare quemlibet è summis regibus offendere, quam unum quemvis è gregibus istorum mendicorum, qui sub ab-
iecti

*iecti nominis prætectu veram in orbem
Christianum exercerent tyrannidem.*
Etiam si hoc, quod paucorum vitio
committitur, non opinor æquum in
ordinem universum conferre. Deinde
vide, quæso, quonam organo utantur
isti vera religionis haudquaquam ve-
ri professores; homine prorsus idiota,
frontis perfricta, & de quo peccādo nul-
lum omnino detrimentum fieri possit,
cui non esset impingendum semiiudæi
vocabulum, nisi factis sese declararet
sesquiiudæum. Quod aliud instrumen-
tum optaret sibi Diabolus, Christiana
religionis æternus hostis, quam istius-
modi angelum Satana transfiguratum
in angelum lucis, & falsissima defen-
dendo religionis prætectu, id ubique
turbantem, quod nostra religionis &
caput est & optimum? nempe publicam
orbis Christiani concordiam. Quid in-
dignius, quam viros immortalī me-
moriam dignos cum istiusmodi portento
digladiari? cuius ego solo nomine char-
tas pollui puto. Dispeream, nisi ille se
non alio consilio tingendum aqua cura-
vit, nisi ut maiore perniciæ grassaretur
in Chri-

in Christianos, & nobis admixtus, universum populum suo Iudaico veneno inficeret. Quid enim ledere poterat, si Iudaus, ut erat, mansisset? Nunc demum verum agit Iudaeum, posteaquam Christiani personam induit: Nunc suo respondet generi. Illi Christum sunt calumniati, sed unum. Iste debacchatur in tot integros ac spectatos vita & eruditione viros. Nullum officium poterat suis Iudaeis prestare gratius, quam ut perfugam simulans, rem Christianam hostibus proderet. homo ad cetera lapis, tantum ad calumniandum ingeniosus. Quod sacrificium poterat Satana fieri acceptius, quam inter omnes Christianos istiusmodi dissidiorum iaci semina? Vnde Satanas dictus Hebraeis? nimirum ab adversando. An non illius vices gerit, qui claris viris publicam utilitatem molientibus, nefariis modis obstat, & huic uni rei se natum putat? Vnde Graecis Diabolus dictus est? non à scenerando, non ab adulterio, non à furto, non ab alio vitio, sed à calumniando dictus est. An non huius Apostolus est, qui totam vitam huic studio dedica-

dedicavit, ut apud imperitam plebem
 optimorum virorum nomina infamet
 ac traducat? ad rem omnium scelera-
 tissimam religionis abutens titulo: qua
 non cuiusvis Damonis, sed insigniter
 versuti cuiuspiam techna est. Scit, se
 doctis ac bonis viris placere non posse,
 nec his facile imponi. Atque ea gratia
 apud indoctam plebem quiritatur; inter
 mulierculas supersticiosas, & ut Pau-
 lus inquit, oneratas peccatis, gannit, &
 pessimo semini terram captat habilem.
 His, magnificis titulis effundit fumos,
 his defensionem Christianæ religionis,
 his hareses, & excommunicationes oc-
 cinit. qui crassiores sunt, quam ut
 animadvertant grassatorem lupum sub
 ovilla pelle latentem. O sceleratum gra-
 num, & illi dissimillimum, quod ca-
 dens in terram, & mortuum, vita
 pabulum attulit! Hoc granum
 Diaboli manu iactum est, aconiti
 puto, aut si quod aconito pestilen-
 tius, quod, ni in tempore prospicietur,
 nocentissimum dissidiorum venenum in
 Christianorum invehit concordiam.
 Quid enim futurum est tandem, si si-

K

netur.

netur ille sycophanta sic in omnes sui
dissimiles ad eundem debacchari mo-
dum, & impurissima bellua docti viri
cogentur libris respondere, qui indignus
est, qui nominetur inter homines? Cre-
de mihi, Bilibalde doctissime, latius
spectant hac orsa, quam fortasse vulgus
hominum intelligit. Videmus ex quan-
tula favilla quātum aliquoties nasci-
tur incendium. Proinde demiror, Epi-
scopos hic non ad vigilare, ut istam hy-
dram in tempore exurant, & malo ve-
nenum victori, & per omnia pervaga-
to, occurrant. Scelestus ille maledicus
vinci non potest, qui totus ex maledi-
centia conflatus est, & habet tot ἀλκας
ex, qui defesso suggerant novas vires.
Conviciis igitur ille nunquam vince-
tur. Hanc unicam laudem ille affe-
ctat; si omniam eruditorum libris quo-
cunque modo decantetur apud posteros.
Sic sane agitat ὁλίποισ ἐπὶ τοῖς. Si paucis
bonis ac doctis ero infamusi, mihi sat est,
quod maiori hominum parti placeam.
Quod si detectis technis ac prestigis e-
vulgatis apud universos Christianos
fiam execrabilis, certissimam gloriam
adi-

adipiscor apud meos Iudeos, qui tum intellecturi sunt, quod non inimico animo ab eis defecerim. Igitur eruditi non solum turpiter, verum etiam inaniter contra hunc congregiuntur, à quo præter infamiam nihil possunt contrahere, sive vincant, sive vincantur. Carnifex aliquis melius istam compescat rabiem. Id curare Episcoporum est? est iustissimi Caesaris Maximiliani: est magistratuum inclyta urbis Agrippina: non fovere viperam tam virulentam incertissimum Christiana religionis exitium, nisi paretur antidotus tali digna malo. Atque hac dixerim nullo quidem privato stomacho; nihil enim me læsit unquam, aut si quid in me blateravit, nihil me movet, & causa ne tantillum quidem ad me pertinet: sed tamen dolet, concordiam plebis Christiana sic indigne discissum iri, unius verpi prophani & indocti præstigiis: idque illorum auxiliis, qui se Christiana religionis columen profitentur. Sed hisce de rebus satis esto. Ne nihil reprehendam, mi Bilibalde, in tuo libello alioquin doctissimo, mihi non admodum Cata-

logus ille Reuchlino fauentium probatur. Quis enim usquam illi non fauet eruditus ac pius? quis non istam execratur beluam, nisi qui aut causam non intelligit, aut publico malo suis consulit commodis? Deinde dum in Dialecticos ac Philosophos expatiaris, maluisses te ceteris intactis hoc solum agere quod agebas. Bene vale, clarissime doctorum, & clarorum doctissime. Lovanii postridie omnium Divorum, Anno 1517.

Clarissimo Domino Bilibaldo Pirckheimero, Literarum & Germaniæ decori, suo, Erasmus S. P.

E Quidem arbitror, fatali quadam propensione ingenii fieri, ut Bilibaldum meum tam unice deamem. Testis est mihi Beatus Rhenanus, cum vix dum gustassem libellum abs te versum, protinus flammam novi cuiusdam amoris erga te concepisse. Nunc & è litteris ad me tuis, & doctissimi ingenii tui monumentis, cotidie non nihil adiungi-

iungitur. Prorsus rarissima es avis huius seculi, qui tam eximiam eruditionem cum tanto fortune splendore, rursum cum hoc, tantum comitatus & humanitatis copularis, ut qui me mei-que similes homunculos non graveris in tuorum amicorum numerum ascribere. Libellum quendam abs te versum Brugis exhibuit mihi Thomas Morus ex Anglia reverso. Nam is tum apud nos regis ac gentis sua nomine legatione fungebatur. De litteris nulla mentio. Tantum adiecit obiter, ad me missum, nec explicuit, à quo. Suspicio te commisisse litteras tuas D. Roberto VVimphildo, qui cum me sæpius in Anglia salutarit, & quodam die diutius etiam fuerit collocutus, demiror, quam ob rem ne verbum quidem unquam super hac re fecerit. Quod mihi tantum tribuis laudum, quas ne siim modestissimus quidem sim, possim agnoscere, hoc certe effecisti, ut paulo minus mihi displiceam. Obruimur hic duplici sarcina, quarum utravis Herculem, non Erasmus, requirat. Præter alia minutiora, sustinemus Hieronymum &

*Novum Testamentum, quod nunc typis excuditur. Fœmina, quam tibi ex Mechlina commendavi, soror est eius cui Enchiridion dicavi. Id operis nuper excusum est Argentorati. Adieci commentarium in Psalmum, Beato Rhenano nostro dedicatum. Nihil enim hoc amico amicius. Missurus eram codicem, nî respondissent, iam isthuc esse deportatum. Scripsimus hæc, non solum incredibilibus obruti laboribus, verum etiam à cœna subito de tabellionis discessu admoniti. Vnum illud adiiciam, quantumvis eruditione & fortuna vincatur Erasmus, studio & amore nunquam cessurum licet invicto Bilibaldo. Vbi dabitur commoditas (dabitur autem, ut spero, brevi) totis voluminibus tecum agam, nedum epistolis. Beatus Rhenanus plane Pythagoricus amicus, hoc est, *μὴ δούλην*, salutem abs te libenter acceptam multo cum fœnore reprecatur. Bene vale, præcipuum rei litteraria decus. Basilea Natali divi Galli ad multam noctem.*

Erasmus

Eraſmus Bilibaldo ſuo S. D.

ORnatiffime Bilibalde, nuper mihi reddita ſunt tua litteræ, quibus expoſtulas, quod tuis non reſponderim. Id adeo miror, cum mea reſponſio copioſa iam pridem excuſa ſit Baſilea. Demiror, te citatum eſſe Romam, cum ſciam Pontificem hoc inprimis dediffe in mandatis, ne quem innoxium laderet, imo conſcios etiam ac fautores, ut ipſi vocant, hæreſeos, modis omnibus alleſtarent. Sed aliter viſum eſt furioſis Theologis aliquot. Cupio te quam optime valere, ac fugere poſtea feliciter. Ego hic in quotidianis concionibus lapidor à predicatoribus, & Luthero copulor, quicum mihi nihil eſt negotii: ſed ita ſtolide rem gerunt, ut populus etiam craſſiſſimus intelligat. Non poterunt magis officere Romano Pontifici, neque magis Lutherum commendare affectibus hominum. Nunc demum incipiunt illi favere. Utinam Leo ſciret, quibus modis hic res agatur. In illos primum eſſet leo. Bene vale, vir optime. Lovanii, vii. Kalend. Febr.

Bilibaldo suo Erasmus S. D.

O Rnatissime vir, postrema littera tua mihi reddita sunt, confabulanti Aleandro. Nam cum forte agebamus Lovanii in eodem diversorio, is mihi sapius de te verba fecit, & ita fecit, ut tibi videretur favere. Nam ostendit diploma quo liberareris ab ista molestia. Ista querela mi Bilibalde tibi cum multis est communis. In me non simplex exitium moliuntur. Equidem demiror, quis Deus Lutheri animum moderatus sit, ut tot amicis à provocando Pontifice deterrentibus semper acerbiora scripserit. Magis autem demiror malitiosum quorundã studium, qui volentes nolentes conati sunt aliquot in suam sententiam pertrahere: quasi cuperent perire cum multis. Quid enim aliud quasiere talibus libellis, quam exitium? Qui sic scribunt, qui sic minantur, debebant habere paratas copias, si voluissent esse incolumes. Vide vero quantum promoverint. Bonas litteras depravarunt invidia, & optimus quisque

quisque, qui maxime favet Evangelica veritati, affinis est suspicioni periculosa. Ingens orbis dissidium excitatum est inter omnes, fortasse duraturum in multos annos, & semper in peius progressurum. Pro sinistre tentata libertate duplicatur servitus. adeo ut ne vera quidem liceat tueri. Porrectum est telum sceleratissimis quibusdam, quo se ulciscantur adversus optimum quemque. Inusta est non levis nota Germania; ut solet paucorum temeritas universitati imputari. Desiderabant in nobis prudentiam & consilium, & qui vel armis solemus esse formidabiles, contemnimur & à contemptissimis, ut qui nec mentem habeamus nec arma. Nobiles aliquot hic minitantur Sacerdotum opibus, quasi huc spectet finis Lutherana fabula: & ita Collegia omnia conciliant adversa parti. In me nihil adhuc tentatum est palam, nisi quod Lovanii potissimum predicatorum quidam me mendacissimis concionibus infamant apud populum: apud Principes variis titulis deferunt. Quidam cogunt ut scribam adversus Lutherum,

K 5

cui

Bilibaldo suo Erasmus S. D.

O Rnatissime vir, postrema littera
tua mihi reddita sunt, confabu-
lanti Aleandro. Nam cum forte age-
bamus Lōvanii in eodem diversorio, is
mihi sapius de te verba fecit, & ita fe-
cit, ut tibi videretur favere. Nam
ostendit diploma quo liberareris ab ista
molestia. Ista querela mi Bilibalde tibi
cum multis est communis. In me non
simplex exitium moliuntur. Equidem
demiror, quis Deus Lutheri animum
moderatus sit, ut tot amicis à provo-
cando Pontifice deterrentibus semper a-
cerbiora scripserit. Magis autem de-
miror malitiosum quorundā studium,
qui volentes nolentes conati sunt ali-
quot in suam sententiam pertrahere :
quasi cuperent perire cum multis. Quid
enim aliud quasiere talibus libellis,
quam exitium? Qui sic scribunt, qui
sic minantur, debebant habere paratas
copias, si voluissent esse incolumes. Vide
vero quantum promoverint. Bonas lit-
teras depravarunt invidia, & optimus
quisque

quisque, qui maxime favet Evangelica veritati, affinis est suspicioni periculosa. Ingens orbis dissidium excitatum est inter omnes, fortasse duraturum in multos annos, & semper in peius progressurum. Pro sinistre tentata libertate duplicatur servitus. adeo ut ne vera quidem liceat tueri. Porrectum est telum sceleratissimis quibusdam, quo se ulciscantur adversus optimum quemque. Inusta est non levis nota Germania; ut solet paucorum temeritas universitati imputari. Desiderabant in nobis prudentiam & consilium, & qui vel armis solemus esse formidabiles, contemnuntur & à contemptissimis, ut qui nec mentem habeamus nec arma. Nobiles aliquot hic minitantur Sacerdotum opibus, quasi huc spectet finis Lutherana fabula: & ita Collegia omnia conciliant adversa parti. In me nihil adhuc tentatum est palam, nisi quod Lovanii potissimum predicatorum quidam me mendacissimis concionibus infamant apud populum: apud Principes variis titulis deferunt. Quidam cogunt ut scribam adversus Lutherum,

cui non est ocium ullum, ut vel legam illius libellos. Nihil ego video melius quam in hac re mussare. Tibi suaserim, ut pro tua causa scribas ipsi Leoni. Est ingenio mitissimo, & favet viris eruditis. Apud Aleandrum ea de re loquutus sum, qua sint in rem tuam, quaque puto esse vera. Basilea. Bene vale. Pridie Natalis S. Andrea, Anno clō Io xxi. Raptim.

In quibusdam Germanis, quibus toto pectore fidebam, minimum reperi fidei.

Erasmus Bilibaldo suo S. P.

Nihil mihi fuit tuis litteris gratius, ornatissime Bilibalde. Nunc ut occupatissimus, paucis agam quod volo. Nemo nescit, quantum bone littera debeāt Frobenio, qui solus omnium suo damno nostris studet compendiis: sed ut sunt *νεμεσις*, plerique insidiantur homini, propemodum coniurati ut illum perdant. Vbi quid novi operis prodit, quod putent fore vendibile, mox unus atque alter suffuratus ex ipsius officina exemplar,

exemplar, excudit ac venditat minimo. Interim Frobenius immensam pecuniam impendit in castigatores, frequenter & in Exemplaria. Huic iniquitati facile succurreretur, si fiat Imperatorium interdictum, ne quis librum primum à Frobenio excusum, aut cui sit aliquid ab auctore additum, excudat intra biennium. Tempus longum non est, & officina Frobeniana vel ob hoc favore digna est, quod nihil ex ea prodit ineptum aut seditiosum. Excuditur nunc Paraphrasis in Euangelium Iohannis, Ferdinando dicata. cuius partem ad te mitto, ut ostendas, si videbitur commodum. Non dubito, quin res facile possit impetrari. Reseret tamen, si id fiat quam primum. Si non est commodum, ut fiat per te, poteris aliis mandare. Adest enim, ut audio, Iacobus Spiegel, mihi cum primis amicus, homo candidus: adest Episcopus ac princeps Teramnensis, nuncius Apostolicus, qui pro sua humanitate mihi semper favit unice. In hoc negotio mihi Bilibalde mihi nec seritur nec metitur, & tamen Frobenii ac litterarum causa.

libenter & hic tibi debebo, qui multis aliis nominibus tibi sum obstrictissimus. Si diploma Casareum non statim poterit expediri, saltem sciamus, impetratum esse ut in his nundinis Frobenius possit uti titulo. Summus Pontifex ad me diploma plenum honoris ac benevolentia misit. Iurat illius Secretarius, non esse vulgare, sed vere omnia ab ipso Pontifice dictata. Bene vale, vir huius seculi decus. Basilea v. Kalend. Febr. Anno clō Io xxii.

Bilibaldo suo Erasmus S. D.

UTinam sicut alter alteri *συμπαθεῖ-
μεν*, & alter alterum consolamur,
ita nobis invicē mederi liceret. Quan-
quam mihi sane minima dolorū pars est
corporis morbus. Ego mihi teste Chri-
sto conscius, me nihil ambire eorum,
quæ sunt huius mundi, volens emigra-
vero ex hoc domiciliō, simul atque evo-
caverit ille noster Imperator, neque de-
tractem tamen interim vel immori piis
laboribus, si modo fructum aliquem ad-
ferre liceat Iesu Christo; sed videmus
imbe-

*imbecillitatem vel potius infelicitatem nostram, videmus hoc seculum prodigiosum, adeo, ut nesciam, cui partime addicam: nisi quod conscientia mea satis confidit apud Iudicem Iohannē. Qui sub nomine Pontificis nescio quod agunt negotium, sic urgent omnibus laqueos veteris Tyrannidis, ut videantur addituri citius multa, quam quicquam detracturi. Rursus qui sub nomine Lutheri prae se ferunt vindicationem Evangelicae libertatis, nescio quo spiritu rem gerunt. Certe multi se admiscunt, quos malim non admiscere, si meum esset negotium. Interim exitialibus dissidiis ubique scinditur charitas Christiana. Interim in suspensio sunt hominum conscientia. Qui propensi sunt suapte natura ad licentiam, facile accipiunt occasionem à libris Lutheranis. Qui modestiores sunt, inter sacrum & saxum haerent. Hinc vident argumenta probabilia, & sensum naturae; illinc vident auctoritatem Principū ac turbam innumerabilem. Quorsum autem res sit evasura, nescio; ego coactam & extortam fidem non magni facio. Gra-
vis.*

vis est auctoritas bullarum, gravior
 diplomatum Caesaris. sed ista fortasse
 cohibebunt ad tempus; linguas homi-
 num an animos vertere possint, nescio.
 Utinam Deus placatus nobis hoc im-
 mittat animis Principum, ut concor-
 dius & synceris animis, nec alio spe-
 ctantibus, quam ad gloriam Chri-
 sti, scrutentur haud mali fontes, &
 remediū aliquod efficax ac duraturum
 adhibeant, idque quam minimo orbis
 tumultu, hoc est, quam minimum cō-
 vulso Reipub. statu. Quid multis? res
 eo delapsa est, ut omnino succurren-
 dum sit populi Christiani libertati. Ad-
 eo multa irrepsērunt paulatim in pu-
 blicos mores, & ceu præscriptiones vim
 legis inevitabilis occuparunt. De con-
 ciliis non ausim aliquid dicere, nisi for-
 te proximum concilium Lateranense
 concilium non fuit. Multum item sum-
 psit Scholarum auctoritas paulatim
 aucta, quæ nunc suas definitiones pro-
 pemodum pro articulis fidei haberi po-
 stulavit. Iam sub umbra Romani
 Pontificis cauponantur, partim nimi-
 rum sibi vindicarunt, partim eo inso-
 lentia

*lencia progressi sunt, ut omnibus fuerint intolerabiles. Quæ paulatim collegere robur, non possunt subito convel-
 li: & Magnatum auctoritatem palam contemnere nec tutum est, nec utile, mea sententia. Nunc ex una parte res agitur bullis & edictis, minisque: ex altera licentiosis, ne dicam seditiosis libellis. Quod si principes aliis rebus occupati, non possunt his animum advertere, demiror non existere bonos viros, qui prudenti consilio tantis malis occurrant. Mea res non admodum agitur. Instat vita mea terminus. Sed morientis etiam est, bene velle rei Christiana; Si modo recte persuasum est nobis, Christum esse caput immortale totius Ecclesiæ. Alius consulit suis privatis commodis: alius metuit, ne perdat quod habet: alius abhorret à tumultu, & quiescit: sed interim gliscit periculosum incendium. Me quorundam malevolentia tanta gravavit invidia, ut frustra sim conaturus, si quid tentem. Theologi quidam, sentientes, renascentibus per nos antiquis studiis sua auctoritati paulatim aliquid decede-*

*decedere , etiam priusquam Lutheri
 nomen audisset orbiſ , nihil non molie-
 bantur in me. His Lutherus telum por-
 rexit , quo nos conficerent : tamen ſem-
 per abſtinui à Lutherano negotio , niſi
 quod hortabar ſedulo , ut aliter ſcribe-
 ret , ſi vellet proficere . Succellit Ale-
 ander , ut ante , Lutheri nomen hoc , E-
 raſmo , quod figulus figulo natura ex-
 celſus , ferox , irritabilis , cui nihil ne-
 que lucri neque gloria ſatis eſt . Hunc
 quidam implerunt falſiſſimis menda-
 ciis , & ſic inſtigarunt hominem , ut ni-
 hil curaret quid de me prædicaret , et-
 iam apud ſummos viros , modo perderet .
 Et tamen apud me deierabat , non vi-
 vere quenquam amiciores Eraſmo ,
 quam eſſet ipſe . Diſcedens reliquit or-
 gana ſua probe inſtructa , duos Theolo-
 gos Lovaniennes , D. Caracciolum E-
 piſcopum Laodiensem , hominem linguæ
 facilis , & Hiſpanum nescio quem in
 aula Caſaris , ſuſpicor eſſe apud Mot-
 tenſem . Habet Romæ Stunicam , ho-
 minem omni iudicio inſanum , & ad
 maledicentiam natum . Is exhibuerat
 Leoni libellum , qui continebat ſex my-
 riades*

viades haresen decerptas è meis lucubrationibus: & ea causa periclitabar, nisi mors intercepisset Leonem, alioqui non infensum Erasmo. Lutherani multipalam minantur libellos maledicos, & Casari propemodum persuasum est, me fontem & caput esse totius Lutherani tumultus. Atque ita magnifice periclitor utrinque; de omnibus bene meritus. Deceveram aliquid scribere, non adversus Lutherum, sed de concordia: verum video partes ambas sic ardentes, ut præstet quiescere. Quamquam vellent iam ante duos annos in me scripsissent Lutherani. Levassent me gravi invidia. Consului doctissimos Theologos si quid esset in nono cap. Epist. ad Rom. Negant quicquam esse mali; nisi hoc istis malum videtur, quod aliquid tribuam libero arbitrio; tam est perpusillum. Bene vale, vir clarissime, nosque, quod soles & facis, ama. Basilea, III. Kal. April. Anno clō 15 xxii.

Non vacavit relegere epistolam.
Quare ignosce.

Bilibal-

Bilibaldo suo Erasmus S. P.

NEcego poteram secus de tuo prudenti candore suspicari, mi Bilibalde, sed erant qui me litteris admonuerunt, ut te placarem. Utinam Deus immittat animis principum orbis salutifera consilia. Pudet me horum tumultuum. Dicas Phaethontem admotum currui solis. Et interim nobis videmur Christiani, & agimus de Rhodo. Stunicam semper contempsi. Vellem autem quosdam Lutheranos negotium Evangelicum tractare prudentius. Nunc in summo tumultu sum, quod instent nundinae. Post scribam copiosius. Bene valebis interim. Basilea, sexto Id. Ianuarias, Anno dñi 1522.

Bilibaldo Erasmus suo S. P.

DVrero nostro gratulor ex animo: dignus est artifex, qui nunquam moriatur. Cæperat me pingere Bruxella: Utinam perfecisset. Nos eodem in statu fuimus quo ille; malo ex re nihilo nato.

nato. *Persentiebam animo voluptatem quandam, quod ex hoc turbulentissimo seculo migraturus essem ad Christum. Gliscit indies hac pestis, nec ullum video exitum. Scripseram Pontifici consilium meum, sed Eccius scribit, suum consilium maxime placuisse, seque apud Pontificem valere plurimum. Ego me ab his consentionibus abduco, & ad tranquilliora. In paraphrasibus tractādus videor mihi fieri melior: & nemo leditur. Gravamina reddidit mihi Sylvius Ægranus, sed nondum perlegi. Si tu recte vales, est quod magnopere gaudeam. Ut video, alius sibi sumpsit partes reddendi libros meos Ferdinando, ut aliquid ab eo extorqueret. Misi post, libellos inauratos. Ferdinandus & litteris humanissimis gratias egit, & centum florenos aureos dono misit. E-moriar, mi Bilibalde, si creditur userā, in universis Germanis esse tantum in-humanitatis, impudentia, vanitatis, virulentia, quantum habet unus libellus Hutteni. Tot testimoniis ornatus est à me. Toties per me suo Cardinali ac ceteris Principibus cōmendatus est.*

De

De nullo candidius sentiebam & loquebar. Nunquam à me verbo lasus est. Imo cum hic esset, obtuli colloquiū, si quid esset rei seria: detuli ei officium, si quod à me præstari vellet. Nihil minus expectabam, quam hunc assultum ab Hutteno. Multis coniecturis adducor, ut credam Henricum Epphendorpium huius fabula artificem. Adeo ille subito factus est Huttenianus. Ego tamen non desinam esse similis mei. Nondum statui, an velim illi respondere. Furit, nec habet, cuius iacturam faciat. Fugitat ac latitat nunc apud Helvetios, non absque periculo. Fovet illum Zwinglius Thurregii, sed clam. Bene valeat meus Bilibaldus. Reliqua cognosces ex Ægrano. Basilea, xiv. Kalend. Aug. Anno clō lō xxii.

Erasmus Bilibaldo suo S. P.

Vehementer grata fuere tua littera, vel o' hoc, quod alacritatem quandam præ se ferebant. Nos his feriis nataliciis calculus dolori coniunctus, quem colicum vocant, penissime libera-

erarat ab his vita malis. Et adhuc
eo deiectum est hoc corpusculum, ut
rear ne non perficiam, quod est in
vniuersis, Actorum opus. Non metuo
mortem. Satis enim diu vixi. Optarem
ad mitius mortis genus. Nunc quot
vires habet unius calculi partus? Et
quoties regustanda mors? Sed Dei vo-
canti nos subiiciamus oportet. Cle-
mens Septimus magnis promissis Romam
venit. Illustrissima Domina Marga-
rita, & Caesar, in Brabantiam, alioqui
vires pensio, qua iam plus quam bien-
nium non solvitur. Hic fremunt in me-
therani ingeniosiores. Et Lutherus
suos scribit, nobis parum amicos. Ro-
mæ quid sit futurum, satis divino: sunt
enim illic, qui gladiatoriiis animis mihi
vires exitium moliuntur. Ac iam
vires peregerant ante mortem Adria-

Cui cum scripsissem consilii mei
mortem, ab ipso rogatus litteris secretis,
ex sensi mutatos duos. In Braban-
tiam furiosis datus est gladius, qui me
vires oderunt quam Lutherum. Hic
nil aliud, quam egroto. Invenit iam
vires Rex Gallia. Sed videbor ad ho-
stem

stem fugisse. id inimici suadebant Cæsari; qui adhuc satis favet Erasmo. Rex Agnolus sic urget ut scribam adversus Lutherum, ut videatur indigne laturus, si pergam negare. Quid hoc seculo turbulentius? Feceris pergratū, si reliqua quæ isthic aguntur, perscripseris, deque Lei nostri gestis. Vt Lutherus omnes inimicos suos nobilitat additat! Demiror quis sit exitus futurus huius consilii & apparatus ad bellum, quod sit undique. Concurrent montes, opinor. Deus nostros tumultus vertat in bonum publicum. De fusili Erasmo, recte coniecturas. Felicius provenire solet ex materia cupro stannoque temperata. Et Terminus, qui à tergo est, obstat, quo minus facies feliciter exprimatur. Id velim istos tentare. Gaudeo Durero nostro contigisse suto-rem suum. cui ex me multam dices salutem, & item Vatenbulio. Hoc agre scripsi, manibus adhuc à morbo vacillantibus, in ipso nuncii digressu submonitus. Fabro nostro precor omnia felicia. Scribe de singulis. Iodocus Orator Regis Polonia nondum accepit pre-
cationem

tionem Dominicam, quam opinor
hiciam prostare. Bene vale. Basi-
s, tertia ab Epiphaniis die, Anno
Dⁿⁱ 1523.

Erasmus Bilibaldo suo S. P.

Apito scripsit ad me, queri nescio
quid Vatenbulium ob librum ca-
sempum à Compergio. Iube illum
bono animo. Efficiam, ut isthuc,
quid est, bene pensetur. Misi plum-
m imaginem, videlicet ineptiens a-
l amicum. Cupio scire, de ea quid
dictum. Spero, Fabrum Constantien-
Vicarium, sic moderaturum au-
ritatem suam, ut non prodat Chri-
n Pharisais, Scribis, & Pontifici-
. Vellem hos quoque plus sapere in
eratione sua. Moneo sedulo, & pro-
nonnihil, minus tamen quam vel-
. Tu nos amare perge. Nos nostri dis-
les nunquam erimus. Bene vāle-
tuis omnibus, vir clarissime. Ba-
, xi. Kal. Decembr. clō 1523.
aluta nostrum Apellem.

Erasmus

Erasmus Bilibaldo suo S. P.

PRioribus litteris tuis iam respondi, quibus nunciabas, Leum adesse, ac de Dureri tabulis censuram egisse. An meas acceperis, non satis qui vit ex tuis litteris intelligi. De rebus ἡ ἀρχὴ τῶν scito, te mihi quidem tuto scribere, si modo tuto commiseris litteras. quod antehac bene successit. Quod Clemens Septimus fœdus adversus Gallos renunciat, non satis intellexi. nam renunciat, quia nunciat; & renunciat, qui rescindit. Nihil minus decet quam Pontificem, qui pater est omnium, cum hoc aut illo ferire fœdus, sed aquam omnibus oportebat inter omnes componere concordiam. Et hoc omnibus bonis viris optandum est. Et Galli Christiani sunt. Imperii titulo minus faveo, quod video esse perennem fontem bellorum. Sed ista δὲν ἐν γράμμασι κείται. Verissimum est quod scribis, Lutherum plurimos evehere. Ille creat Canonicos, Episcopos, Cardinales, atque etiam ditat plurimos, velint nolint. Sed rursum
multos

multos deiicit ac spoliat. Quorum de
 numero sum ego. Cui per Margaretam
 & Casarem promittitur pensio consilia-
 ri, sed in patriam reverso. Verum il-
 le negat Egmondanus homo furiosus,
 armatus gladio, qui me duplo peius o-
 det quam Lutherum. Habet collegam
 Franciscum Hulstum, mirum hostem
 rerum litterarum. Primum conii-
 unt homines in carcerem: ac post qua-
 rent, qua obiciant. Ista Caesar ne-
 cit, qua tamen opera pretium esset il-
 li scire. Interim mihi debentur
 ingenti floreni aurei. Periclitatur &
 era pensio resignata prabenda. Itē-
 m atque iterum magnis promissis Ro-
 mam invitator, ut advolem. Cancer vo-
 cat, ego vix vivo, & hac scribenti
 nunciatur mors. VVonaci ex calculo.
 manifestissimo Varnbullo curabimus ut
 is fiat, cui & ipse plurimum debeo.
 Artifex hic deputavit sex Cardinales
 ditissimos, qui de rebus Lutheranicis
 condeant. Addunt & illud: Ger-
 manie Principes implorasse auxilium
 Catholicis adversus Lutherum. Itaque
 ant rem brevi confectum iri. Nec
 dubito,

dubito, quin inter hos sex praeipuus sit Caietanus, etiamsi mox, ubi hac scripseram, audio eum esse in Hungaria legatum. De fusili Erasmo scripseram, ex quo coniicio, litteras eas non fuisse redditas. Si artifex quispiam plūbeum archetypum expresserit purgatis angulis, felicior esset fusio. Deinde materia mixta ex are & stanno feliciter reddit imaginem. Postremo si solus Erasmus absque Termino funderetur, opus melius cederet, nam densitas saxi, & aggeris, qui est à tergo, obstat, quo minus bene reddatur facies & collum. Licebit utrumque experiri. Si bene cesserit, fundat ac vendat suo bono. Si mihi miserit aliquot exemplaria felicia, qua donem amicis, numerabo quod volet. Bene vale, patrone magne. Basilea, postridie Dominica quinquagesima, Anno dñi 1524.

Erasmus Bilibaldo suo S. P.

A granus solet exaggerare omnia, quanquam nihil adhuc accidit mihi indignius hoc facto Hutteni. Hanc technam

technam struxit Henricus Eppendorpius, qui omnia sua consilia miscuerat cum Hutteno, quum esset Basilea. Vterque debebat animam. Visum est illis hac via posse extundi ducentos florenos ab amicis Erasmi. Et extorsissent aliquid, nisi obstitisses. Nam olseci technam. Cum viderent nihil extorqueri posse, saltem à typographo voluerunt paululum abradere. Neuter fecit odio mei, quum de utroque sim bene meritus, sed amore prædæ. Nunc ab aliis quibusdam extorserunt sexcentos florenos & triginta. Huttenus habet ducentos: Iuuenus, cuius nomine bellum indictum, quadringentos: Eppendorpius legatus triginta. Favit alea, & hac sors attulit ei lucrum nonaginta. Isti habentur hic pro honestis viris. Spongiam meam, qua Hutteno respondeo, iam pene excudit Frobenius. Itaque sero mones: Quanquam respondeo contemptim. Emserum existimabam esse defunctum. Simile quiddam accidit mihi Lovanii. Scripseram Harmano Gaudano, qui præter utriusque linguæ litteraturam non vulgarem Lute-

tia primam lauream meruit, familiariter de rebus ad ipsum pertinentibus, nec credebam fore, ut ulli suorum eas litteras ostenderet. Epistola circumfertur excusa. In ea, ut scribunt, taxantur Franciscus Hulstus & Egmondanus Carmelita, quibus Caesar & Pontifex regnum commisit exurendi Lutheranos. Nondum vidi epistolam. Pontifex imposuit silentium Egmondano. Itaque missant Theologi. Nescio an tibi scripserim de tragœdia exorta in Anglia. Iniecta erat regi suspicio, me adfuisse Luthero in novo ludicro libello. Ea de causa misi famulum. Is rediit omnibus felicissime gestis. Rex excusasse: & item Cardinalis. Amicis veteribus accrevit & amor, & numerus. Donarunt famulo supra triginta florenos. Buschius, Hutteno furiosior, semper à me laudatus, & humaniter acceptus Basilea, certe nullo verbo à me latus, excudit nescio quid in me: quod fortassis exhibet hisce nundinis. Huiusmodi conciliant non optimam famam Germania. Nihil stolidius. Principes omnes hortantur in Lutherum. Ego autem

utem non scribam, aut ita scribam, ut
ui pugnant pro regno Pharisaico, ma-
int me siluisse. Bene vale. 14. Kal.
eptemb.

Bilibaldo suo Erasmus S. P.

Harissime Bilibalde, adiit me
Antuuerpia iuuenis singulari
idole, tua sororis maritus, & mihi tuo
omine salutem dixit, simulq; officium
um mihi attulit. Prodiit tandem
ber Eduardi Lei, quo nihil unquam
atum est neque virulencius, neque
mendacius, neque seditiosius, addo, ne-
ue stultius, neque indoctius; & ta-
en homo sibi placet, & invenit, quod
** applaudunt. Respondimus ex tē-
re illius inuectivis, ad quas si confe-
ntur scripta Hoochstrati & Pefercor-
i, nihil sunt nisi merum mel. Nos,
od ad rem attinet, satis strenue nos
ssimus in refellendo. Caterum, quo-
odo monstrum hoc, natū in perniciem
norum studiorum, sit à vobis ex-
diendum, ex amicorum litteris co-
oscetis; quibus hoc negotii dedimus.

Nisi pestis nos deterrebit, fortassis hoc
verè toto commigrabimus in Germa-
niam. Intera cura, ut quam optime
valeas, amice magne & patrone in-
comparabilis. Lovanii, xiv. Kalend.
Aprilis.

Erasmus Bilibaldo suo S. P.

DOleo tibi rem esse cum podagrâ.
Si Luciano credimus, solent hoc
tempore huius Dea mysta redire ad suas
cantiones. Hoc magis irascor morbo
tuo, quod nos privat dulcissimis tuis
litteris. Nos aliquot dies expatiamur
in Burgundiam, abstersurum situm, quem
diutino otio latebrisque contraximus.
Expectamus, quid isthic agatur, si quis
tamen agitur. Qui hoc reddit, predi-
cat, sibi nescio quid affinitatis tecum
intercedere. Alioqui non eram scri-
pturus. Bene vale, vir optime. Ba-
silea, postridie Idus Aprilis. Anno
clo 1524.

Bilibal-

Bilibaldo suo Erasmus S. P.

V Ir ornatissime, scripsi nuper per
eum, qui fusiles imagines reddi-
dit, simulque significavi, tuas litteras
hactenus bona fide mihi redditas fuis-
se, quod videreris aliud suspicari. Cle-
mens VII. misit ad me diploma honori-
ficum, cum honorario munere ducen-
torum florenorum. quos non accepis-
sem; nisi nominatim expressisset, se mi-
sisse ob Paraphrasim inscriptam. Polli-
cetur & in posterum magnifice. Car-
dinalis Campegius misit ad me proprios
nuntios, quibus respondi, quæ mihi vi-
debantur pro publica concordia facere.
Quamquam, ut nunc agitur hac fabu-
la, ego nullam video catastrophem. Ita
me Iesus bene amet. Res indies serpit
latius. Neutra pars agit de componen-
do diffidio: Imo plerique nihil aliud a-
gunt, quam ut oleum addant camino.
In Hollandia mea passim fugiunt Mo-
nache, ac nubunt in Domino. Carme-
lita ille exautoratus est & à Cesare &
à Pontifice. Hulstus illius collega vix

effugit capitis supplicium. *Studia felicissime procedunt, frustra frementibus Theologis. Me clamant hæreticum. Sed nemo credit illis. Scripsit ad me Martinus Lutherus per Ioachimum quendam satis humaniter. Cui non sum ausus pari humanitate respondere, propter sycophantas. Respondi tamen paucis. Melanchthon, ut audio, cupiebat colloqui nobiscum: sed non audebat me gravare invidia. Ego certe eam invidiam contempsissem. Est iuvenis ingenii candidissimi. Argentorati magnus est tumultus, etiam in senatu. Noster magistratus cœpit moderatius favere Lutheranis. Timent exemplum Argentinensium. Othonis libellus rursus exiit, per auctorem recognitus, & ni fallor, auctus. Nondum vidi. Exiit & epistola Alberti omnium stultissima. Ea non dubito quin sit Buschii, tametsi stylum quantum potuit dissimulavit. Sed novi penitus illius ingenium. Is homo semper à me amanter cultus, ne verbo quidem unquam à me laesus est. Huiusmodi musca perdet unguentum & Evangelii & bonarum litterarum. Hisce præsti-*

præstigiis delectatur. Epiphendorpius
 Gaudet ladere, & vult me scire; sed
 sic, ut apud alios possit inficiari. Post
 hac non est animus, talibus naniis re-
 spondere. Roma excusi sunt clam duo
 libelli Stunica. In quorum altèro de-
 fendit Interpretem à solœcismis, quos
 illi impegeram: sed interim dissimulat
 innumeros, quos tueri non poterat. Et
 hos quadraginta, opinor, sic tuctur:
 Grace est ἐπιζῆν; igitur Interpres re-
 cte dixit, manicare: quia licet fingere
 nova vocabula. Aut reddidit figuram,
 aut Hebraicum: Igitur non commisit
 solœcismum. Nam in Græco est ἄντη, *ante*,
 ergo bene vertit, per ter, in Actis. In
 altero prodit, quid ex ipsius Annotatio-
 nibus castigarim tacito ipsius nomine,
 quasi parum fuisset, illi libro respon-
 disse, nisi totum opus Annotationum
 inauspicato nomine contaminarem. Ro-
 ma ridetur ab omnibus. Et tamen ho-
 mo sibi plaudit. Promittit enim, se non
 conquieturum, donec Erasmus agnoscat
 unum Stunicam pro ceteris extitisse,
 qui ipsum vincat non solum in sacris
 litteris, verum etiam in profanis. Pon-

rifex tamen vetuerat excudi. Nec au-
 dent vendere. Clemens VII. misit Le-
 gatum in Angliam quendam Minori-
 tam Archiepiscopum, qui pacem indi-
 ceret Principibus. Sed nihil egit. Itaque
 magnam pecunia vim à Rege oblatam
 recusavit accipere. Arbitror Anglia
 regem iam traiecisse. Sic imus in Tur-
 cas. Iusserat Caesar mihi solvi pensio-
 nem: sed excusant belli onera. Promit-
 tunt tamen cum fœnore redeunti. Li-
 bens aliquo demigraro vel ob invidiã,
 qua me gravat amicitia Frobenii apud
 Typographos. Nondum statui. Sed sta-
 tuam brevi. Quando rumor Libelli de
 libero arbitrio sparsus est, ne quid su-
 spicentur atrocius, opinor esse satius
 edere. Nam ego rem ea moderatione
 tracto, ut sciam, nec ipsum Lutherum
 indignaturum. Invisimus Bisantium;
 sed affecti pituita vix revolavimus in
 nidum. Vbi revixissemus, sic adortus
 est calculus, ut nunquam antehac pe-
 riculosius. Vtôr nonnunquam terebin-
 thino. Balneis, quoniam non assuevi,
 non audeo me credere. Bene vale, vir
 incomparabilis. Basilea, x i i. Kalend.
 August.

August. Anno cdo 1o xxiv.

Nosti manum tui mancipii.

Bilibaldo suo Erasmus S. P.

ARbitror omnes epistolas tuas mihi bona fide redditas, quarum nulla mihi non fuit iucundissima. De meis dubito. Nam de prima imagine aenea mihi reddita, scio me bis scripsisse. Et nunc has accepi quas promiseras litteris per civem quendam scriptis, una cum epistola, qua significas, quid post abitum Principum sit isthic gestū. Ferdinandus fuit Brisaci ac Friburgi. Faber studiose me ad Principis colloquium evocavit: id mea magnopere interesse. Ego sedulo excusavi. Cupiunt conflantam invidiam mecum dividere. Vbi videro, partem utramque se præbere ad concordiam, non deero meo officio. Scripsit ad me Lutherus; sed suo more, pollicens, se ignosciturū imbecillitati meæ, modo ne ex professo scribam adversus illius dogmata. Illi respondi, sed paucissimis, ac meo more civiliter. Non vacabat pluribus. nam aderat eodem

tempore Hieroslaus Baro, Regis Polonia orator, homo candidus, & nostri amantissimus: sed Luthero vehementer infensus, quemadmodum & Rex ipse. Melāchthon inuisit patriam suam, me, ut aiunt, inuisurus, ni metuisset me gravare invidia. Misit ad me Ioachimum quendam, quem unice diligit, & scripsit de me ad Pellicanum amantissime. Scis, opinor, Petrum Mosellanum vita defunctum. Hedio noster penultimo Maii duxit uxorem Argentorati, bene dotatam. Ego & Cardinali, & Pontifici, atque etiam Fabro scripsi, ne rem tractarent sevitia, neve odio malorum laderent bonos. Et promiserunt, se facturos. Miscent se huic negotio quidam, qui nihil aliud videntur affectare, quam tumultum ac seditionem. Magistratus hic incipit minus favere Lutheranis. Hac aggre scripsi, mi Bilibalde, misere gravidus calculo, quo iam menses aliquot carueram, posteaquam defieram vesci piris assis, sed, ut hic sunt, sylvestribus. Quidam putant, fusionem felicius evenituram, si Cyprio ari misceatur stannum.

num, ex quali materia funditur campana. Est & aliud remedium, si caput Termini vertatur ad latus. Nunc utrinque respondens densitas facit, ut vultus minus feliciter reddatur. Est insuper & ars contrahendi imaginem: sed longum id est, & laboriosum: si excipiat argilla incluso circulo aëreo, deinde siccescat, idque fiat sapius, tandem ex argilla excipiat plumbea. Id commodius fieret, si haberetis fontem. Is est in plumbo, sed apud artificem: quamquam is pollicitus est, se mihi illum redditurum. Nam habuit ex me supra triginta florenos opera sua pretium. Tantum idem habuit pro pictura. Et rursus nuper misi in Angliam Erasmus bus pictum ab artifice satieleganti. Is me detulit pictum in Galliam. Rex me denuo vocat. Paratum est amplum Sacerdotium. Hic ob vinum subinde periclitor. Si qua pax affulserit, fortassis eo me conferam. In Aprili contuleram me Bisantium. Magistratus simul & Canonici obtulerunt ampliter. Egi gratias, & respondi, mihi satis esse ad simplicem victum: me malle

malle meo atio & illo libero favore uti,
quam p̄cta munificentia. Expecto pro-
pediem famulum meum ex Anglia &
Brabantia. Tum statuetur aliquid.
Id quicquid erit, tu non ignorabis. V-
tinam meus calculus coniugatus tua
podagra simul exularent apud Indos.
Experior; quod scribis, omnes fere lit-
teras aut intercipi, aut resignari. Scri-
psi quidem Duci Georgio, ubi ipso pro-
vocatus. Quum non responderet, idem
argumentum per alium misi. Nec re-
sponsum est. Rursum nuper scripsi aliis
de rebus. Eas suspicor suppressas, quam-
quam ibi nihil erat, quod ad Lutherum
pertineret. Bene vale. Basilea, tertio
die Iunii. Has non relegi. ignoscas.

Noſti manum.

Bilibaldo suo Erasmus S. P.

Vir clarissime, iam bis scripsi, licet
paucis. Primas suspicor non esse
redditas. Erat Minorita, qui cucullum
excusserat; sed improbitatem non ex-
cusserat. Dedi septem blaphardos, pol-
licitus largiora, si hic fidem hominis
compro-

comprobassem. Talibus erroribus nunc plena sunt omnia. Scripsi rursus per negotiatorem quendam. Annulum, & fusilem Bilibaldum, mox & pictum felicissima Dureri manu, accepi. His utrumque cubiculi mei parietem ornavi, ut quocunque me vertam, obversetur oculis Bilibaldus. Utinam scripsisses, quid haberent argumenti nugaces isti libelli. Suspicio ex Argentorato venire. Nam Eppendorpius apud quosvis etiam iactat, se scripsisse in me. Otthonis furias nosti. Hoc tantum nunc licuit scribere, mi Bilibalde, vix à morte restituto, imo verius alteri carnisfina servato. Parturii totos decem dies: tandem prodiit calculus ingens. Iam desperatus. Ita subinde se variat morbus, ne sit remedium. Scribam brevi copiosius. Scripsi pridem Roberto à Mosheym, & Ioachimo Camerario, quæ audio nunc esse Bâberga. Si potes, isthinc cura ut epistola ad istos perveniant. Dureri salutem plurimam. Basilea, v Februar. Anno clō 15 xxv.

Erasmus

Erasmus Bilibaldo suo. S. P.

A Ccepi meum Bilibaldum, primum
fusilem, cum annulo & litteris:
nunc etiam pictum ab Apelle. Respondi
quidem per quendam impudētissimum
planetā, qualibus nunc impletur mun-
dus. Dedi blaphardos septem, quæ res
illi vertat male, pollicitus largiora, si
bona fide perferret. Is, ut video,
verba dedit. Quæ isthic geruntur, ubi-
que fient brevi, nisi quis Deus pro-
spexerit. Huc omnino provocant Eu-
angelici, vel reclamante Luthero. Pla-
ne quidem tendunt in exitium rerum
& disciplinarum omnium. Cuperem
huius tumultus felicem exitum. Lu-
therum plane contemnunt, postquam
cepit esse moderatior. A Duroro cupe-
rem pingi. quid ni à tanto artifice? Sed
qui potest? cœperat Bruxella carbone.
sed iam dudum excidi, opinor. Si quid
ex fusili & memoria sua potest, faciat
in me, quod in te fecit, cui addidit ali-
quid obesitatis. Pharmaco tuo nondum
ausus sum uti. De meis scribam brevi.

Nam

Nam auriga qui tuas reddidit, postri-
die mane abiturus, post cœnam renun-
ciatur abire. Et idcirco nolui mul-
tum scriptura periclitari. Bene va-
le. Octava Circumcisionis, Anno
c1515xxv.

Bilibaldo suo Erasmus S. P.

QUod semper ad moderatiora consi-
lia votum pars altera vocavit
timiditatem; altera collusionem cum
Lutheranis: nunc cūtraq; pars mor-
dicus tuetur sua, & adeo nihil remit-
tit de iure suo, ut prioribus & iam oc-
cupatis nonnihil etiam addat, res eo pro-
gressa est, ut solus Deus tempestatem
rerum humanarum in tranquillitatem
possit vertere. Nasquam non perva-
gatur fatale malum. Aiunt Archiepi-
scopum Hungaria profligatum. Carolus
Campegius sese recepit in Italiam, cessit
& Ennius Episcopus Verulanus. Ar-
chiepiscopatus Salisburgium obsidetur.
Hic rursus ruricola & nobiles in armis
sunt, altera aliorum interneccionē mini-
tantes. Basileenses conati sunt compa-
sitis

sicis rebus sanguinis effusionem excludere; sed inanis sumpta est opera. Ferdinandus agit apud VVirttembergenses. expectatur Eriburgi, an venturus, nescio. Est civitas Brabantia satis ampla frequensque: Sylvam ducis appellant: hic populus eiecit Minoritas & Dominicanos omnes. Eam nunc obsidet Margareta Caesaris amita. Antverpia quidam ausi sunt extra civitatem concionari, nec veritus est illo populus confluere, contemptis omnibus Caesaris, Margaretae, & Magistratuum edictis. Itaque tota civitas illa fervet periculoso tumultu. Aguntur excubiae nocturna diurnaque. Castigatis Buscoduncensibus, vereor ne impetatur Antverpia. Vtraque civitas est opulenta. Proceres invitabit praeda magnitudo, cui nunquam non inbiant, sic ut sufficiat quavis levis occasio. Apud Hollandos meos aliquot damnati sunt haereseos. In hos savietur. Hulsius pridem exarmatus, denuo per Caesarem armatus est. Is erat solus profanus Inquisitorum coryphaeus. Maxima populi pars apud Hollandos, Zelandos & Flandros

scit

scit doctrinam Lutheri, & odio plusquam capitali fertur in Monachos, Qui cum plerique sint mali, tamen pro his nunc belligerabimur. Qui si vicerint, actum erit de bonis omnibus. Incipiunt nunc ferocire. Lambertus Campester Lutetia corripit mea Colloquia, erro Dominicanus: Petrus Sutor Carthusianus edidit libellum in me Parisiis, simpliciter insanum. Cui respondimus, non responsuri, ni prafatio Gallica testaretur, auctoritate Theologorum excusum. Lovanii sceleratissimus nidus est quorundam Dominicanorum. Vincentius, homo rudentibus aut sive natus, nunc Theologia Doctor, ante annos aliquos scripserat librū in me. eum ut liceret edere, profectus est ad suum Vicarium. Is omnino vetuit, ne tale facinus auderet. Conquievit, sed agere. Nunc tandem exiit liber. quo nil fingi potest barbarius, insulsus, indoctus, mendacius, impudentius, insanius. In eo laboratum est à quatuor: Vincentius addidit sua venena: Cornelius Invelandus bonam operam partis confecit: Tertius quidam expoliuit, additis

additis aliquot flosculis : Godefredus
 Toxander famam operis in se recepit.
 Ad hac connivent Theologi Lovanien-
 ses. Latomus tres emisit libellos, in qui-
 bus miris strophis me petit. Huio re-
 spondit Oecolampadius. Aiunt titu-
 lum esse, Elleborum. Nondum enim
 vidi. Vereor ne hic tumultus citius in
 Italiam transvolet, quam expectet Pon-
 tificex. Nos interim non agnoscimus ma-
 nifestam iram Dei, provocantis nos ad
 pœnitentiam, sed Ægyptiorum exem-
 plo tot plagis admoniti, nihilo reddi-
 mur meliores. Multis in locis dure tra-
 ctati sunt Monachi : verum plerique
 cum sint intolerabiles, alia tamen
 ratione corrigi non poterant. Tot pri-
 vilegiis, tot exemptionibus, tot phalan-
 gibus armati sunt. Civitates ali-
 quot moderatioribus consiliis utuntur.
 Permittunt exire, qui reddita ratione
 cupiunt mutare vitæ genus, his datur
 aliquid unde vivant ab ipsis monaste-
 riis, etiamsi nil intulerunt, ceu longa
 servitia merces. Iubentur abire, qui
 illio professi non sint. Nec licet illis suas
 colonias aliunde alio mittere, quemad-
 modum

modum solent. Nec fas est novitios sufficere; nisi permissu Magistratus. A curandis virginum collegiis arcentur. Nec permittitur illis concionari, nisi in suis monasteriis, idque consuetis duntaxat horis. Qui simul omnes volunt mutare cultum, permittitur. Qui nolunt, coguntur tamen obedientiam iurare Magistratui in his quæ pertinent ad reipub. commodum. Ita futurum arbitrantur, ut aut nullos habeant Monachos, aut habeant magis sobrios. Vacua monasteria vertentur vel in parochias, vel in padagogeia. Nec post-hac passuri sunt, ut à quoquam suscipiantur vota perpetua, quæ vocant, qui minor sit triginta sex annis. Tota cura transferetur huc, ut sint probi pastores. Quod si contingit, non erit magnus numerus monachorum. Aliquot monasteria relinquentur, sed insignia, & extra civitatum mœnia, immo procul in agris; quo sese gnaviter exerceant opere manuario. Cultuum infinitam varietatem omnino tollendam autumant. Nec ferunt anniversaryaria conventicula, quæ illi Ca-
pitula

pitula vocant, nec exemptiones, quibus abutuntur ad impune peccandum, sed erunt subditi suis Episcopis ac Magistratibus, quemadmodum ceteri sacerdotes & laici. Hac an probanda sint, in praesentia non disputo: certe minore tumultu coërcebitur malorum monachorum tyrannis, & bonis monachis consulatur, immo iuvenibus omnibus, ne in talium servitutem posthac dedant sese. Quod populari tumultu geritur, infelicem habet exitum. Quod pro sua quisque libidine genus vita mutat, improbis fenestram aperit ad nequitiam. Si res ageretur Pontificis & Episcoporum auctoritate, rectissime fieret. Nunc certe proximum est, ut Magistratus auctoritas excludat confusionem, & ita consulat bonis, ut malis non detur peccandi licentia. Utinam omnes essemus veri Monachi, hoc est, mundo mortui. Verum hos populos coniuratos, hos fomites mundus non videtur diutius laturus. Et quamquam immane videtur, quod rustici monasteria quadam diripuērūt, tamen huc istorum improbitas provocavit, qui

qui nullis legibus corrigi possunt, ut ipsi inter sese connivent. Scripseras mihi de poculo, quod dono misisset Episcopus Olmucensis: cuius tamen in posterioribus litteris non memineras. Id autem datum est; mihi quidem inscriptum; sed quoniam Beatus acceperat litteras ab Olmucensi de phiala inaurata missa, & item à Velio, cum mihi nil esset scriptum, nec data esset Episcopo occasio cur mihi mitteret aliquid, tradidi poculum Beato, suspicans Compegium errasse in nomine. Si quid habes hac de re compertius, scribito. Ptolomaum tuum nondum vidi: sed tamen curabo ut habeam. Hic neminem invenio qui scit ex gypso fundere imagines. Itaque maluissem archetypum apud te manere. Linguam emisimus, ut fatearis posthac Erasmus elinguem fore. Calculus iam aliquando mitius me tractat, posteaquam assuevi vinum omne diluere aqua ex glycyrrhiza decocta. Sed tamen corpusculum hoc indies attenuatur & exarescit. Brevis, ni fallor, abiicietur hoc syphar, & exiliet nova cicada. Martinus Dorpius

pius nos antevertit; periit & Linacrus
 in Anglia: Longolius Bononia, & Ba-
 ptista Casalius Roma, & Franciscus
 Deloinus Lutetia, magnus bonarum lit-
 terarum patronus. Hic sesquimenssem
 perpetua duravit pluvia, & quasi pa-
 rum sit commaduisse imbre celesti, stant
 in procinctu nobiles & agricola, con-
 gressuri, quo magis madescant mutuo
 sanguine. Saluta Durerum. artis A-
 pellea principem. Et Paulum Rizium.
 Cuius catapotio sum usus hodie felici-
 ter. Non sumo, nisi quantum est dimi-
 dium, nisi aut minus etiam, & tamen
 solvit alvum citra molestiam. Expecta-
 mus Erasmus, illa felicissima Dure-
 ri manu pictum, simulque litteras tuas.
 Bene vale. Datum Basilea, quinto
 Kalend. Septembris, Anno clō lō xxv.
 Agnoscis manum tui, &c.

Erasmus Bilibaldo suo S. P.

Opinor iam redditum opus Chry-
 sostomi Gracum, cui praefationem
 ad te praefiximus. Si has reddat Iacobus
 Ceratinus, rogo, ut hunc velut alte-
 rum

rum Erasmus amplectaris. Vir est ita
 callens Grace, nec minus Latine, ut
 posset cum dignitate vel in quavis Ita-
 lia parte profiteri; tum moribus plane
 niveis, sed adeo modestus, ut pene pu-
 tidulus. Nec aliud habet vitium, si ta-
 men hoc vitium est. Hunc iussu vel fla-
 gitatione potius Georgii Principis per
 litteras evocaui, non admodum sperans
 futurum, ut hanc conditionem non a-
 spernaretur. Nam & apud suos amplius
 pramiis ad publicam professionem invi-
 tabatur. Succedit Petro Mosellano, sed
 decem Mosellanis eruditior; etiam si
 Mosellani doctrinā & ingenium haud
 vulgariter adamabam. Alius fortassis
 indigne ferret, quod iuvenes præcurrūt
 senem. ego magnam capio voluptatem,
 quoties video minores eo profecisse,
 non nihile etiam adiutos nostris lucubra-
 tionibus, ut his, quos habuere præce-
 ptos, possint ipsi vicissim præcipere.
 In Ceratinum itaque si quid officii col-
 locaris, gratius mihi futurum est, quam
 si in me ipsum contulisses. Non deest illi
 viaticum, nec deerit, nisi contigerit,
 obiter spoliari. Id si accidat, (quod

M

aversat

avertat Deus) me sponforem accipe, si quid illi mutuaris. Plura scriberem, sed vehementer incertum erat, an Ceratinus esset isthac facturus iter, quod tamen ille videbatur cupere, vel tui videndi gratia. Saluta Ritium ac Durem. Nuper rursus enixi sumus viperium partum, atque etiamnum anceps est valetudo. Bene vale, vir ornatissime. Basilea, v. Id. April. Anno c l o l o x x v.

Bilibaldo suo Erasmus S. P.

ORnatissime Bilibalde, volupe est te recte valere. Scripsi per Frobenium, per quem expecto tuas litteras. Nullus mundus vacat ab hoc tumultu. Quo sit evasurum hoc Evangelium, nescio. Mihi certe peperit certum exitum, quod ad huius mundi felicitatem attinet. De Ceratino doleo, & metuebam ne suum commendatorem pudefaceret, oblitus monitorum. Sic ferre sunt novi Evangelici Professores. Christus omnia vertet in suam gratiam. Tuas mihi reddidit hic iuvenis.

mire

mire modestus & placidus. Saluta Durerum, & medicum. Basilea, pridie Matthæi c l o x x v i.

Bilibaldo suo Erasmus S. P.

DE Philippo facile satisfactionem accipio. Nescius erat vehemens & constans amicus, sed mihi infelicitissimus. Is, uti suspicor, instigavit Lutherum, ut sic scriberet in Regem Angliæ, & in Cochleum. Oecolampadio curavi protinus reddendas litteras tuas. Quid ille molitur, nescio. Quod meministi de litteris ac munere Ducis Georgii, littera iam pridem rediit a sunt ex Baden, ubi fuit disputatio. De munere nihil audio. Compergius misit duas pelles gabellinas, sed epistola Bonifacio missa mentionem facit vasciculi albarum pellium. Forte Polonius mutato consilio servavit per aliam mittendas Alberto Durerò. Quam gratiam referre queam, cogito. Dignus est æterna memoria. Si minus responderet effigies, mirum non est. Non enim sum is, qui fui ante annos quinque. Iam

fere biennium est, quod sub Februario laborans calculo sic concussus sum vomitionibus, ut ex hoc tempore semper decreverit corpusculum, quod ante solet post morbum sarciri. Aliquot menses sat comode valueram. Sed praeter expectationem velut ex insidiis obortum est aliud malum. Mirus urinae fluxus, primum sine dolore, mox cruciatus, velut ex locis exulceratis, cum fluxu materia, veluti gypsata, mira copia. Medici non plus adferunt spei quam musca. Aut vesica calculus, aut exulceratio mors erit. Dabit Dominus, ut spero, tolerantiam. Memoriam mei vobis amicis commendo. Alias copiosius: hoc nunc tantum licuit. Bene vale, Basilea, III. Kal. August. Anno MDLXXVI.

In quibusdam de Eucharistia ego velut parum eruditus subdubitarem, nisi me confirmaret auctoritas Ecclesiae. Ecclesiam autem voco, consensum populi Christiani per universum orbem. Litteras quas scripsi Duci Georgio, caperem quam celerrime ad eum perferri.

Era-

Erafinus Bilibaldo suo S. P.

Vir Clarissime, Libellum tuum de Eucharistia lecturo sape, nunquam haftenus licuit perlegere, tot ob- ruor undique tragædiis. Strages agri- colarum sic in spem victoria erexit a- nimos omnium. Sunt Roma quidam Pegani, qui pessime volunt Germanis omnibus, sed duo præcipue mihi pe- cuniariter infensi, qui nunc extrema mo- liantur denuo, quum id facere nun- quam cessarint. Pontifex bis misit mandatum ad Academiam Lovanien- sem, ut blaterones illos coercerent: & per Rhetorem totius Academia nomine fieri coeptum: reversus Latomus cum suo collega presserunt rem. Interim is, cui commissæ fuerat executio, Theolo- gus est persuasus à Latomi collega, quo nullum animal sceleratius vivit. scri- psit clanculum Datario, quod muta- ret consilium, excusaret se Pontifici. Datarius clam missis literis probavit factum, probavit prudentiam, & pro- misit silentium. Venit edictum Caesaris

M 3 . admo-

admodum ~~severum~~: & hoc eluserunt. Impetrarunt ab aula edicti interpretationem, hoc est, irritationem. Habet Iodocū praesidem Senatus Mechliniensis, hominem plusquam capitaliter infensum bonis litteris. Bedda misit ad me plusquam ducentos articulos damnabiles, ex libris meis collectos, nullius momenti, Lodovicum Berquinum praefectum & consiliarium regium iterum coniecerunt in carcerem, non ob aliud, nisi quod libellos quosdam meos vertisset Gallice. Mater bis scripserat, ut expectarent Regis reditum: delegati nihilo secius progressi pronuntiaverunt eum haeticum. Articuli sunt ad me missi, qui nihil aliud declarant, quam impudentissimas illorum sycphantias, & crassissimam inscitiam: Quibus respondit Rex ubi rediit, & quid esset actum cognovisset, misit caduceatorem, denunciāns illis, se velle cognitorem illius causa fieri. scripsit per alium, se vitam ac mortem Berquini ab ipsis reposciturum, si quid esset factum. Quid deinde factum sit, nescio: Iacobus Faber, qui metu profugerat, non ob aliud, nisi

nisi quod verterat Euangelia Gallice, revocatus est in aulam. Roma Verpus quidam, quem nosti, qui misere invidet omnibus doctis Germania, exhibuit libri partē olim in me scripti, nisi quod adiecit quadam ex hoc temporum statu. Furiose nomen suum dissimulat. Inter cetera dicit se mirari, quod in Germania tot hominum millibus casis, ego supersim, qui sic docuerim Germaniam. Deinde dicit, Lutheranos, quamquam impiissimos, ideo scribere in me, quod impietatem meam ferre non possint, qui Virgini Maria detraxerim suam virginitatem, Christo suam divinitatem, aliaque his furiosiora. In Hispania monachus quidam scripsit ad me librum plenam laudibus, sed virulentis aculeis respersum. Lutherus sic scripsit, ut nullum amicitia locum reliquerit, & tamen videtur sibi mire coercuisse stomachum. Dum adversus Lutherum pugno, scio me iuvare partes quorundam, qui me mellent extinctum, quam ipsum Lutherum. Liber tuus de Eucharistia vehemēter arridet Antilutheranis, Oecolampadianis mire

displicet. Hoc dissidium, si tantum
laderet nocentes, tolerabilius esset. nunc
illis dissidentibus erigunt caput quidā,
qui nulli bono bene volunt. Optassem
eam materiam fuisse translata in a-
liud tempus, aut saltem fuissent in ve-
ro concordēs. Mihi non displiceret Oe-
colampadii sententia, nisi obstaret con-
sensus Ecclesia. Nec enim video quid a-
gat corpus insensibile, nec utilitatem
allaturum si sentiretur, modo adsit in
symbolis gratia spiritualis. Et tamen
ab Ecclesia consensu non possum discede-
re, nec unquam discessi. Tu sic dissen-
tis ab Oecolampadio, ut cum Luthero
sentire malis, quam cum Ecclesia. Ci-
tas autem illum reverentius alicubi,
quam erat necesse, quum aliorum au-
thoritatem potuisses adducere. Vbi ex-
tricarō me aliquantulum, perlegam to-
tum librum tuum, deinde dilucidius
intelliges quid sentiam, si tamen pate-
ris, me de tuis ferre sententiam. Has
litteras pro tua prudentia non commu-
nicabis quibuslibet, faciesque me de iis,
quæ isthic geruntur, certiolem. Vale.
Basilea. post. Non. Iunias clō 15 xxvi.

Geor-

Georgius Saxonia Dux crebris litteris perpulerat me, ut mitterem, qui Mosellano succederet: misi Iacobum Cerratinum egregie peritum utriusque litteratura. Res non optime successit. Fortassis incidit in suspicionem, quod non satis abhorreret à doctrina Lutheri. Si vacat isthic profitendi locus, fac ut sciam. Nam Sigismundo decretum est, hinc non discedere. Pro Ptolomao tuo & Dureri libello iam gratias egi: nunc pictum Erasmus expecto.

Bilibaldo suo Erasmus S. P.

Vir Ornatissime, Huc me contuleram, ut adessem meis lucubratiunculis excudendis. Et statim ad nidorem hypocaustorum graviter agrotare cœpi. Idem mali genus, quo laboravi quum hic essem proxime. Convalesceram, sed ex intervallo repetiit nos morbus priore gravior. Iam dudum expecto, quem exitum sit habitura Lutherana tragoedia. Omnino spiritu quodam res geritur; an ex Deo sit, nescio. Ego, qui nunquam faverim Lutheri,

M 5

nisi

nisi quomodo favet qui hortatur ad meliora, utrique parti sum hareticus. Apud nostros pauci quidā aliis de causis inimici, etiam Casari persuadere conantur, me caput esse huius tumultus, non alio argumento, quam quod non scribo adversus Lutherum. A Lutheranis proscindor in professionibus quasi Pelagianus, quod plus tribuam libero arbitrio. Nonne belle mecum agitur? Absolvi Paraphrasin in Matthaeum iussu Card. Sedunensis. Bene vale, vir clarissime. Saluta Sorores tuas, & si qui sunt, qui diligunt Evangelicam doctrinam. Basilea, pridie Idus Febr.

Erasmus Bilibaldo suo S. P.

A Tuo, mi Bilibalde, calamo, nunquam metui, iam pridem expertus & prudentem tuam civilitatem, & animum in amicitia tuenda constantissimum. Verum illud me male habebat, Oecolampadium meum nomen prater causam suis libris admiscere, eum ex me sciat, mihi ingratum esse
ab eo

ab eo nominari: ingratius vituperari:
ingratissimum laudari. Nec tamen ille
finem ullum facit. Huius rei nihil
unquam imputavi meo Bilibaldo. Nam
multa dolent, quæ nulli possum impu-
tare. De silentio tuo præter solitum,
si non nihil dubitavi, mirum videri
non debet, quum & ipse scias, quanta
sint humanorum animorum mutatio-
nes: Euripum dicas: quot artes, quæ
improbitas linguarum, præsertim hoc
seculo? Huius tamen suspiciuncula
quamlibet levis non omnino me pœni-
tet, quæ litteras tuas desideratissimas
extorsit. Quod me revocas ab apolo-
giis, agnosco prudens & amicum consi-
lium: nec id tui unius est, sed omnium
fere cordatorum, qui mihi bene volunt.
Verum hoc est fasti mei. Pluribus ta-
men obticui, quam respondi: certe Su-
tori respondisse semper pœnituit, quod
tamen magni amici impulsu fesi. Dor-
pium toties ad ingenium redeuntem vi-
ci. Si * Lectragicas molitiones, quæ pa-
rum succedebant, & Stunica fumos ex
Hispaniis Romam translatos pernosses,
minus improbares factum. At Luthero

quietem agere, per Principes non licuit. Lutetiani Theologi quidam per Leum, quem nosti, olim orsi sunt suam fabulam: quam nunc eodem impulsore renovarunt subornato Redda; cui respondi. Quae de re mihi omnes amici gratulantur, hac esse prodita me vivo. Nam expectabant indies mortem meam: ubi vident vivaciorem quam vellent, impatientia victi prosilierunt in proscenium, impune, ut putabant, peracturi suam fabulam, Erasmo sepulto. Item quidam in Hispaniis conflato rursus libello sycophantico tantum tumultus ibi excitavit, ut res & Caesarem & aulam, & Archiepiscopos & Academias exerceat. Tantum valet illud stolidum animalculum, ad dissidia natū. Quanquam nec hac illi res succedet, licet habeat septem monachorum ordines ab ipso stantes. Nec ita nullum temporis operi in his rixis colloco. Longe plus datur epistolis, interdum nec iucundis, nec necessariis. Facile credo quod scribis de Ecclesiasticis. Nam video populum exoriri, à quo vehementer meus abhorret animus. De catastrophe magnopere me-

tuo. *Pax, concordia, charitas, fides, disciplina, mores, civilitas. Quid superest? Iuvenis ille gloriosus, de quo scribis, magnum malum accersit sibi, nec facit finem. Quum totius Huttenica tragœdia fuisset auctor, abusus familiaritate nostra, miratur si Principi scripsi, ut illud ingenium ab illis nugis ad honestam aliquam functionem advocaret. Calculum tibi meliorem gratulor. Meus mutatus est in aliud morbi genus perpetuum, sed tolerabilius. Ego, medicis valere iussis, Deo me commisi. De Alberti Dureri nomine celebrando, mea sponte cogitabam. Tamen admoneri gratum est. Iam isti podagra mea quoque causa male precor, per quam tibi non licuit epistolam tuam absolvere, quum tuarum prolixissima quaque mihi soleat esse iucundissima. Casarem ornare te pro tuis meritis, sane gaudeo. Utinam & morbum queat auferre. Hac ad tuas ad mel itteras. Nunc ad epistolam, qua veluti *ἀπὸ τοῦ ἐκ*. De Oecolampadio, cuius negotii me indicem esse nolui, nihilo secius tamen licuit ex ea summam capere*

pere voluptatem, non tantum ob id, quod lepidissimis scateat iocis, sed quod te quoque hilariter vivere declaret. Ex ea didici, quod nesciebam, me rursus ab illo attractum. Opinionem illius longe meliorem nunquam dixi. Illud inter amicos dixi, me posse in illius sententiam pedibus discedere, si probasset eam auctoritas Ecclesia; sed adieci, me nullo pacto ab ea posse dissentire. Ecclesiam autem voco totius populi Christiani consensum. An idem dixerint hypocrita, quorum meministi, nescio. A me certe sine fuco dictum est, & ex animo; nec unquam in Eucharistia veritate vacillavi. Quantum apud alios valeat auctoritas Ecclesia, nescio. Certe apud me tantum valet, ut cum Arrianis & Pelagianis sentire possim, si probasset Ecclesia quod illi docuerunt. Nec mihi non sufficiunt verba Christi: sed mirum videri non debet, si sequor interpretem Ecclesiam, cuius auctoritate persuasus credo Scripturis canonicis. Est fortasse plus vel ingenii, vel roboris in aliis. Ego nulla in re tutius acquiesco, quam in certis Ecclesia iudiciis.

ciis. Rationum & argumentationum nullus est finis. Agnoscit tua prudentia quibus epistola tua verbis per hac responderim. Plura tecum libebat quidem, sed minime licebat. Excusatur totus Augustinus. Hoc oneris cum semper recusarim, tamen obtruditur humeris meis. Bene vale. Datum Basilee, postridie Luca, cl^o Id^o xxvii.

Orsus eram de Eucharistia scribere, adversus Oecolampadii sententiam ante annum; & initium adhuc apud me est. Verum considerabam, me nihil aliud profecturum, nisi ut hic excitarem tumultum. Tum enim regnabat Oecolampadius, & adhuc plebem habet addictam. Præterea audiebam, Roffensem & Parisinos ad hanc provinciam accinctos. Nec mihi decet, quod agam, ut hoc non agam. Rursum vale. Durerum salutabis meis verbis amanter. Glareanus totus tuus est. Berus item & suffraganeus applaudunt.

Bilibaldo Iuo Erasmus S. P.

R Eddita sunt epistola tua, super alias alia, qua mihi magnofuere solatio. Quid attinet Dureri mortem deplorare, quum simus mortales omnes? Epitaphium illi paratum est in libello meo. Allatus est huc rumor, qui mire doctos exhilaravit, sed precipue Bonifacium Amerbachium, isthic sumptu & auctoritate Senatus excudi Pandectas: Optarunt & Graca Iustini excudi. Opinor Dilsfum tibi narasse de reatu meo. Ego hac in re obsecundavi consilio Beati Rhenani, & Lodovici Beri. Alioqui sciebam illum nihil acturum. Fumos hominus iam olim novi. Sed Beati ingenio semper abusus est ad huiusmodi dramata. Turbam amoliti sumus qualibuscunque conditionibus, pacem iniquam a quo bello preferentes. Nihil omissum est, compromissum est. Adhibiti duo testes. Arbitri datis dextris stipulati sunt obsequium. Pronuntiatum est de scripto arbitrium. Assensus utrique. Subscripsi.

scripsimus manu utrique. Deinde bibimus ex eodem poculo: fractio inter nos pane, data dextra. Ominatus sum amicitiam fore perpetuam. Annuit ille, & comprobavit. Exhibitum est omnibus convivium. In abitu petiit epistolam ad Ducem. Id præter pacta præstiti, ne quam darem occasionem. Petiit præfationem in librum ipsi dicandum. Id, quanquam absurdum & ineptum, tamen auctore Bonifacio feci. Quid consequutum est? Mox dicitur misisse famulum proprium, qui subnundinas vulgaret atrocem rumorem, Erasmus esse damnatum Basilea, conditionibus gravissimis, ut scriberet librum & epistolam contra se ipsum, deinde daret pecuniam: & hic ante abitum iactaret se adegisse Erasmus ad conditiones, ad quas ipse nollet descendere pro tribus milibus aureorum. Hic rumor mirum quantum exhilaravit pseudoeuangelicos. Qui triumphi? Quæ exultatio de nihilo? Hæc ego suspicabar futura, sed neque Beato, neque Bero potui persuadere, qualis esset artifex. Et eram plus quam occupatissimus, præsertim

sertim in novis libellis. Quæ est hæc Germania levitas? Omnes Evangelicis regibus exultabant Erasmi auctoritatem sepultam, amici metuebant. Et hæc fabula de Hutteno, de Othone, de hac lite aguntur per quendam Evangelistam Argentinensem, qui se fingit amicissimum, & putat me non intelligere. ego cogor dissimulare. Semper provocavi Principes à savitia, quo studio concitavi mihi quorundam iras. Posthac nec compeſcam illos nec incitabo, sed relinquam illos suo ingenio. Nec enim ullum finem fore video, nisi savitiam. quam ad multos pervenire miserandum est. Sed hæc Christo relinquam. Mitto ad te postulationes illius, meam responsionem, & arbitratorum sententiam, ut rem omnem cognoscas, & amicis communices.

Libelli inscriptionem promitto, iam amico, & amicitia nomine. Nec est præscriptum tempus, nec semper natant libelli, & multi sunt, quibus hoc officium debeo pro meritis.

Epistolam ad Ducem promitto civilem, & quatenus licet cum tali principe agere.

agere. Fortassis odit Epph. ob alias causas mihi incognitas. Neque enim sine causa est, quod septem annis hic agens ociosus, nunquam interim invisit patriam. Arbitrium nominatim dicit, ad evitandam molestiam, & citra notam alterutrius. Ac prescribit, ut utrinque offensa & querela aboleantur. Primos duos articulos ita mihi prestandos dixi, ut scripto praecepi. Scriptum vides, quod legit & probavit Epph.

De eleemosyna non gravor. Nam arbitrium Iudicum facile cum meo consentit, nec est prescriptum tempus, & plus largior mea sponte.

Fortassis negabit se sparsisse hos rumores: quod si facit, quid hac perfidia detestabilius?

Dixit apud me, te sibi scripsisse, Tuere famam tuam: stringe calami in Erasmus. Sciebam rem se aliter habere. Dixit Melanchthonem sibi respondisse, quod scripserat, de alio quodam scripsisse. At Melanchthon affirmavit, nec se scripsisse quicquam unquam Epphendorio, nec illum sibi. Opera-
rim,

rim, mi Bilibalde, horum exemplar communicari amicis, atque etiam mitti in consilium ad amicos, praesertim ad Hermannum Nova Aquila Comitem, & Iohannem Vlattenum omnium mortalium candidissimum. Tibi precor prosperam valetudinem. Nos tenuiter valemus, sed interim sufficientes immensis laboribus. Nam Augustinus quatuor praeis excuditur: Adagia duobus, praeter alia. De Pandectis quaeso ut nos reddas certiores. Basilea, VIII. Kal. Maias, Anno dñi 1528.

Non relegi, ignosce.

Agnoscis tuum.

Erasmus Bilibaldo suo S. P.

Vir Clarissime, opinor Franciscum Dilectum apud te fuisse, talemque compertum, qualem depinxeram. Ab eius abiectione reddita sunt mihi tua littera, satis & alacres, & copiosa, quae mihi tristitiam omnem abstersere, quam ex prioribus illis litteris, quas oborta tibi paralyssis interruperat, conceperam. De fide amicorum etiam, post illam meam queri-

querimoniam, talia comperi, ut totam anchoram sacram & non sacram fixerim in Christo, qui solus nec vult, nec potest fallere. Homines mirum quam interdum simulent & dissimulent, & si qui ex animo bene volunt, immane quam hoc est temporarium, quam levi occasione totus ille favor vertitur in odium! Ibi quam tenax offensa memoria, quam profunda beneficiorum omnium oblivio! Sunt qui prodesse, si velint, nihil possint, quum ledere nemo non possit. Sunt qui dum imprudenter prodesse student, ladunt maxime. Cum talibus amicis nobis res est; quod quidem mihi tecum commune esse doleo, moderatius laturus, si mihi proprium esset incommodum. Mones autem & prudenter, & amanter, ut horum mores boni consulam, ni malim in solitudinem aliquam demigrare. Humana vitia facillime condono amicis; capitales perfidias ab iis, in quos fui cumulatissime beneficus, devoro quidem, sed non sine tadio. Absit autem, ut tale quicquam de te suspicer. Quanquam novi, quosdam huic rei natos, dirimē-

dis bonorum amicitias. Facile boni consulo, qua scribis de Oecolampadiano negotio, modo tu probes, quod in eo quietem ago. Fueram orsus, sed ilico sensi me nihil aliud profecturum, quam ut hic concitarem tumultum, rebus nimium suppuratis. Et iam nunc mediator fugam, nec video quo. In Hispaniis tantos tumultus excitarunt moraxō rādis, ut nec Caesaris, nec Archiepiscoporum auctoritas possit eos compescere. Lutetia Theologi quidā duce Bedda moliuntur extrema. Lovanii, qui princeps est huius carnificina, mihi capitalis dicitur inimicus, ut est bonis omnibus. In Anglia invitat amantissime tum Rex, tum Archiepiscopus Cantuariensis. Sed plurima sunt, qua me deterrent ab ea insula. Verum, quorsum attinet hac deliberatio? quum hac valetudo non patiatur ullam profectiōnem, quum agre domi tuear vitam, si tamen hoc est vitam, & non potius animam agere. An Philippus adfuērit Luthero adversus Diatribam, nec ne, mea quidem haud magni refert. Articulos rursus hic excuderunt. Videtur

Luthe.

Lutherus non nihil adulari suo Principi. Vbicunque regnat Lutheranismus, ibi litterarum est interitus. Et tamen hoc genus hominum maxime litteris alitur. Duo tantum quarunt, censum & uxorem. Cetera præstat illis Evangelium, hoc est, potestatem vivendi, ut volunt. Regis Ferdinandi res sac pulchre habent in Vngaria, scilicet per Turcam. Vrsinus Velius iam conscripsit librum de rebus ab eo gestis. Anabaptistas potissimum suppliciiis torret, qui tollere dicuntur omnem principatum. Calculus meus versus est in calcem, cuius magnam vim quotidie eicio, sed tolerabili cruciatu. Divino malum cõceptum ex vino & saccharo. quorum utrumque venefici calce temperant. Vtinam tibi pro ista aqua, qua vitam, quemadmodum scribis, sustentas, contingat ambrosia succus, qui te reddat immortalem, ut patria quam diutissime prodesse queas. Dureri vicem vehementer doleo. Arbitror te legisse locum in quo mentionem illius facio. Totum opus nunc absolutum est. Fortasse dices esse coactius. Fateor, sed non

*non dabatur alia occasio: & arbitror,
 eum libellum, qualis qualis est, maxi-
 me volitaturum per manus hominum.
 Clebergus iam pridem hinc abest, nec
 scio, quid egerit. Me bis inuisit, abiens
 non salutavit. Glareanus hic nunc so-
 lus habet discipulos frequentes. Deest
 homini sors, nunc cogitur in diem vi-
 vere. Hactenus ad tuas litteras, quas
 decimo quarto Februarii scripseras.
 Dilphum apud te fuisse puto. Scire cu-
 pio, quomodo tibi iuvenis placuerit.
 Caesaris epistola, quam ad me dedit pro-
 ximam, exemplum ad te mitto. Ex A-
 pologia, quæ nunc prodit, cognosces ali-
 quam Hispanicæ tragœdiæ partem. Si
 Lutherani abstinuissent ab Eucharistia
 convellenda, Missa abroganda, imagi-
 nibus tollendis, ac suos inprimis provo-
 cassent ad vitæ sinceritatem, sperari
 poterat latior exitus. Nunc Lutherus
 tacet, Melancthon mitigat; sed sero,
 ut ait proverbium, sapiunt Phryges.
 Bene vale. Basilea, Anno clō Io xxviii.*

Bilibaldo suo Erasmus S. P.

Magnam voluptatem attulit mihi
epistola tua, Bilibalde, tam a-
lacris ac gestiens. declarat enim tibi à
podagra & caloulo ferias esse; quod u-
tinam sit perpetuum. Quod mihi gra-
tularis elapso, tu quidem & amanter
facis, nec sine causa. Vt enim non nihil
fuerit periculi Basilea, certo Friburgi
magistratus me summa cum humani-
tate excepit. Cælum autem comperio
tam amicum meo corpusculo, ut hic
propemodum videar repubescere. At
antea mihi persuasumerat, hic Iovem
esse tristem & incommodū, semper nu-
bilum ac nebulosum: & habuimus sa-
ne cælum iam diu prodigiose pluuium:
qua de re tetra sticho lusimus:

Obsecro, quid sibi vult, ingens quod
ab æthere nimbus

Noctes atq; dies sic sine fine ruit?
Terriginæ quoniam nolunt sua cri-
mina flere;

Cælum pro nobis solvitur in la-
chrymas.

N

Verum

Verum hoc incommodum huius regionis non est proprium. Basilea torrens quidam, qui sub terra labebatur, subito erumpens, tantam invexit calamitatem, ut negent iacturam centum millibus ducatorum sarciri posse. Tamen hoc quoque cœlo sat commoda valetudine sumus. Ceterum, quemadmodum gaudemus discessisse; ita vehementer inviti discedebamus. Ante annos quindecim cœpi cum ea civitate habere cōmercium, quam toties è Brabantia recurrens invisi, denique annos ferme octo, perpetuo illius hospitio sum usus, commodo sane bonoque. Ibi Iohannes Frobenius obtigerat amicus, quo synceriores ne optare quidē à Superis poteram. Nec alius erat in me totius familia animus; unde & mea erga liberos benevolētia nihil illius morte est imminuta. Proinde civitatem illam propemodum adoptaram in patria locum. Nec ego, ni fallor, illi fui gravis aut incommodus hospes, id quod navim ingressurus tetrasticho sum testatus, quod aureus ille Bonifacius Ammerbachius, qui profectionis fuit comes,

comes, suis tabellis excepit. Est autem
plane nauticum, si libet audire:

Iam, Basilea, vale, qua non urbs alte-
ra multis

Annis exhibuit gratius hospitium.
Hinc precor omnia læta tibi: simul
illud, Erasmo

Hospes uti ne unquam tristior
adveniat.

Certe arbitror in ea civitate nemi-
nem esse, cui sit quod iure de me queri
possit. Priusquam Lutheranismus eo
demigrarat, eram & Ecclesiasticis, &
Magistratui, & populo gratosus. Mox
ubi perspexerunt, à me nunquam im-
petratum iri, ut me tumultuoso nego-
tio comitem praberem, nedum ducem,
sordidi quidam & intemperantiores cœ-
perunt obgannire. Tandem epistolis,
picturis, ac libellis incessere. Id faci-
le devoratum est. Nec aliud illi profe-
cerunt, nisi quod, quo vehementius
adnitebantur, ut me vel invitum in
factionem propellerent, tanto magis
abhorreret animus. Tales enim vidi
mores, ut etiamsi minus displicuissent
dogmata, non placuisset tamen cum

N 2 huius-

huiusmodi foedus inire. Quum perspiccerem, rem paulatim ad summa tendere, iamque vix invidiam Principum & obrectatorum apud meos sustinerem, qui iactabant, me non tot annos in ea civitate commoraturum fuisse, nisi tacitus probarem, qua illic gererentur: subinde abiturientem me, nunc remorabantur orsa, qua, nisi adessem, absolvi non poterant, nunc alia quadam alligabant, sed in primis periculum, ne mihi perniciosum esset, si nudum satis commodum, cui tot annis adsuevissem, magno salutis discrimine relinquerem. Sola enim vita recuperari non potest semel amissa. Caterum ubi publicitus omnia templa cecidissent ei factioni, cui me nunquam volui addicere, & sublati aris sacritum esset in statuas ac picturas, tum nihilo secius his peractis, identidem novi quippiam exoriretur, resque videretur spectare ad seditionem, statui vertere solum, ut cunque cederet profectio. Huc quum me magis etiam animaret Ferdinandi regis voluntas, qui tum Spirensi consilio praesidebat, non nihil etiam stimula-

bant

bant quadam non satis auspiciat apra-
 sagia. Nunc stolidus ille Thraso mini-
 tabatur iudicia, nunc alter ille Viperi-
 nus simile quippiā moliebatur: quum-
 que nihil haberent, quod obiicerent, ta-
 men amicos videbam sollicitos, ne vel
 optimam causam sub talibus iudicibus
 perderem, quibus utcunque dedisse an-
 sam, satis erat futurum. Ergo quum
 staret sententia discedere Basilea, con-
 sultatum est, utrum furtim subduce-
 rem me, an palam excederem. Alte-
 rum erat tutius, alterū honestius. Nos
 honestum tuto pratulimus. Iam prami-
 seram duo plaustra scriniis & sarcinis
 onusta. Nam id clam fieri non potuit.
 Postridie nunciatum est mihi, Ecclesia-
 stas omnes mihi vehementer infensos,
 duabus de causis. Altera, quod adi-
 turus hortum Frobenianum, ipsis con-
 spectis deflexissem ad dextram, ore veste
 obturato, quasi gestu significarem abo-
 minationem: quum os texerim ob ven-
 tos incommodos, qui admissi solent in-
 terdum dentium cruciatus gignere: &
 ad dextram ex more deflexerim, quod
 altera via esset, ut angusta, ita excre-

mentorū fœtoribus molesta. Altera, quod in colloquio Cyclopem notarā quendam pralongo naso, qui ovem gestaret in capite, vulpem in pectore. Is iocus quum tortus esset in unum ex amanuensibus meis, qui sat bene nasatus, pileo ovillo uteretur, (nam tale pileum gestare Oecolampadium, nunquam audieram) existimabant eo notatum Oecolampadium. Ab his igitur ne quid forte mihi moveretur tragœdia, præsertim rebus ad eum modum exulceratis, per litteras excusavi me paucis Oecolampadio, invitans etiam ad colloquium, si pluribus vellet mecum agere. Is nihil cunctatus venit, ei quoque facile satisfeci: negabat enim se fuisse offensum. Quod ad amicitiam attinebat, negavi me unquam inimico in illum fuisse animo, nisi quod in dogmatibus quibusdam dissentirem. Tandem cœpit suadere, ne discederem. Adeam rem, quum multis argumentis uteretur, interrumpi sermonem, Frustra (inquam) hic disertus esse laboras. Nam iam discessi, præmissa rota supellectili, etiam cum pecuniis. Egit, ne disce-

discederem nunquam rediturus. Respondi, me in proximum nidum evoluturum: Id ni succederet, observaturum quo me vocaret Deus. Postridie Tribunus arripit Beatum Rhenanum, rogavit num verus esset rumor me demigrare? ait esse verissimum. Sciscitatus est, num qua re offensus discederem: non arbitror, inquit, sed invidiam Principum ac Theologorum diutius ferre non potest: aliaque multa dixit Tribunus, qua huc redibant omnia, ne discederem. Conducta est navis, qua me cum aliquot veheret Neapolim oppidum plus satis adamatum Rheno flumini. Nam ceteri terra faciebant iter equis, apud Neapolim occursuri. Mihi, qui nec civis eram, nec cuiquam vel publice, vel privatim obnoxius, cum nemine quicquam erat negotii, & habebam litteras regias, quibus me ad se evocabat, si commode possem, tum diploma publicum, quo per universam Caesaris ac Ferdinandi ditionem iter facerem immunis. Et tamen nescio quid remoratum inuenerunt quidam, nunc hoc, nunc illud causantes; mecum ta-

men nihil actum est. Visum est amicis
& nauta, ut solverem, non iuxta pon-
tem, qui locus est frequentissimus ur-
bis, sed iuxta divum Antonium, qui
& ipse portus est civitatis publicus.
Nauta semel atque iterum revocatus
est in Senatum. plus duabus horis con-
sultatum est. Quid rei fuerit, nescio.
Illud certum est, nauta vetitus est a-
liunde solvere quam à ponte. Nauta
respondit, semper licuisse illic à quocun-
que portu publico solvere. Responsum
est, illi nunc non licere. Id quum nul-
lius referret, videtur non à quo animo
in me fuisse, qui id vetuit. Quid fa-
cerem? parui magistratui, & à ponte
solvi, meque populo spectandum ali-
quamdiu prabui. Præterea nihil acci-
dit molesti. Reliqua omnia fuere pro-
sperrima, nec multis annis ullius rei me
minus pœnituit, quam relicta Basilea.
Discessi autem non modo summo cum
dolore amicorum, verum etiam eorū,
qui favent novis rebus, si qui sunt in-
ter eos paulo cordatiores. Sic abire ma-
lui, quam plerisque gaudentibus. Hic
nihil accidit adhuc non ex animi mei
senten-

sententia. Itaque patera tua sane quam eleganti, quam dono misisti, libavimus οὐτῆς ῥῆσός, non tertium, ut habet proverbium, sed primum, secundum & ultimum: siquidem is est heri & hodie idem in secula. Munus scito mihi fuisse gratissimum, utpote ab animo profectum, qui posset etiam vitreo munusculo gemmarum pretium addere. Terminus insculptus admonabit me, non procul abesse diem supremū. Et annulus pridem missus quotidie refricat mihi Bilibaldi mei memoriam. Tametsi altius infixus est animo nostro Bilibaldus, quam ut eius generis mnemosynis sit opus. Ante paucos dies præter omnem expectationem vir egregius Antonius Fuggerus dono miserat poculum mira forma, & pulcherrime inauratum, nihil præterea non offerens & humanitatis & benignitatis, si voluissē Augustam demigrare. Ac ne causari possem de viatico, designavit unde Basilea centū florenos aureos acciperem. Video, mi Bilibalde, non omnes esse Sutores, Beddas, Leos & Stunicas. Ac plane malueram in celebri ci-

*vitae vitam agere, ubi nihil non re-
 peritur; sed quidam apud me infama-
 runt cœlum Augustanum, & tam ma-
 lotum de me ipse sentiebam, ut vix spe-
 rarem, corpusculum hoc dimidiati diei
 equitationem laturum. At illa profuit
 etiam. In Brabantiam crebris amico-
 rum litteris revocor, cœlum ac terram
 obtestantium, quod alienas regiones il-
 lustrans, (sic enim loquuntur) solam
 patriam nullo digner honore. Et sane
 magis decebat in patria senescere. Sed
 quoties succurrit illius aula frigus,
 praesertim quum de numerando agitur;
 quoties meo cum animo reputo, quas
 digladiationes multis illis annis cum
 monstris quibusdam pertulerim, mi-
 nus me tadet exilii. Vbi bene es, ibi
 patria est, habet proverbium. Libebit
 saltem ad annum hoc iam amico cœlo
 frui, nisi nos Maiores hinc propulerit.
 Scis quanto impetu nuper procursum sit
 ad arma; acies ferro ac machinis in-
 structa. minimo spatio dirimebantur:
 feruntur fuisse viginti millia. Sed mu-
 sca non periit. Tantum cerasorum ma-
 gna fuit strages. O bellum incruentū,
 & ut*

& , ut Græci dicunt, ἔδαρυτο ὁ λόγος.
 De actis Spirensis Concilii nec admo-
 dum fui curiosus, ut scirem, & , si
 sciam, præstaret Harpocratem agere.
 Cum Iohanne Fabro semel hic dunta-
 xat sum collocutus. Ex eius oratione
 divinavi nonnihil. quod utinam bene
 vertat, vanumque sit hic animi mei
 presagium. De conciliandis regum a-
 nimis, (quæ res tot annis florentissi-
 mas Reip. Christiana partes, Italiam
 & Galliam, misere perdit) nihil bona
 spei ostendunt amicorum littera, quin
 potius significant ad veteres monarcha-
 rum iras quotidie novas accrescere:
 tantum abest, ut similitatem posituri
 videantur, quum nullum verius sit ar-
 gumentum sublimis animi, quàm quas-
 dam iniurias negligere, quasdam igno-
 scere, & , si non promeretur is, qui la sit,
 certe Reipubl. condonare. Quid enim
 fieret de nobis, - si Deus omnium rerum
 verissimus Monarcha semel offensus
 nesciret iram ponere? Iam tot annis
 nulla fere Europa pars vacat à tumultu,
 nec adhuc quicquam video, præter
 belli praludia. Fortassis hæ rerum mo-

tus haud quaquā inutiles sunt Hispanis militibus. Verum quid facias? Hæc est rerum humanarum natura, sursum deorsum volvuntur ac revolvuntur in morem Euripi. Zafium plane beasti missis libris Digestorum, non enim aliter exiliit gestiitq; gaudio, quā si regnum obtigisset. Caterum ut illi non invideo munus, ita vereor ne nobis tanta felicitate sit factus aliquanto ferocior. Miserat mihi cœnanti litteras tuas, indicans esse properandū. Exemi syngrapham Germanicam, ei-que misi, duobus verbis rogans, rem suo curaret arbitratu, meis impendiis. Post biduum misit pateram, dedi puero asses duos; ac meis literis, quibus illi gratias agebam, inclusi coronatulum in viatici rationem. Ac ne dolo dicā, non nihil metuebam litigatricem epistolam, sed non tam atrocem. Remisit aureū inclusum litteris. in quibus videbatur me vocaturus in ius, nisi hoc honoris haberet cliens suo patrono. nosti hominis immodicam modestiam. negat sibi toto anno quicquam gravius aut magis in visum accidisse, & meam li-
bera-

beralitatem appellat insolentem. Mirabantur, ut ait, convivæ tam stupendam liberalitatem; ipse non stupebat modo, verum etiam expavescebat tantum proluviū. Negat, illic amicitiam esse sinceram posse, ubi numus mercator non patitur gratuita esse officia. Quāquam me Zafius ante multos annos, & multis & magnis officiis oneravit, quibus ne micam quidem gratia rependi unquam, nec in me tantum fuerit gratis officiosus, sed in alios quoque, vel notitia mei commendatos, tamen sua officia sic extenuat, sic deiicit, ut assis non aestimet. Postremo numina iurat, ac per principis salutem deierat, se quadrantem à me non recepturum. Hanc causam mira copia parique vehemētia sic agit, ut non ausus sim cum homine tam Iurisconsulto, tamque diserto experiri. cessi causa, litemque cum adversario composui. Extra iocum, mi Bilibalde, nihil adhuc vidi in Germania, quod æque sim admiratus, atque huius viri ingenium. Non est candidus in amicos, sed ipse candor. Corpore consenescit; sed vix credas quam adhuc
 totus

totus vigeat animus : nihil decessit iudicio, nihil memoria : orationem vero, sic ex tempore bonis verbis bonisque sententiis, nec id sine lepore, scatentem, nec in Italo quoquam adhuc animadverti. Adde huc morum vere Christianam sinceritatem. Nullus ab illius colloquio non ad pietatem inflā mator. Quidam, qui nihil aliud sunt, quam numeri, & fruges consumere nati, cornicum vivacitatem superant. Hic vir prorsus est immortalitate dignus. Verum quo minus sepe liceat illius optatissima consuetudine frui, illud in causa est, quod cum ille sardaster sit, ego sum parum vocalis. Ut nihil est in rebus humanis, cui non aliquid admisceat incommodi Nemesis illa. Dominus te quam diutissime nobis servet incolumem, ornatissime Bilibalde. Datum Eriburg. Id. Iulius, Anno clō Io xxix.

Exem-

Exemplum codicillorum Erasmi ad
Ioannem Oecolampadium, quo-
rum mentio fit in præce-
denti epistola.

ANte dies complures cupiebam te
evocare ad colloquium: nam &
tempus erat incommodum, & affligebat
pituita tenacissima non sine febris. Sed
verebar, ne quid hinc fabularum na-
sceretur in populo, quod res tui minus
essent quæta, quam nunc sunt. Hodie
mihi narravit Hieronymus Frobenius,
esse, qui nescio quid sinistri suspicentur
de animo in te meo, quasi te scriptis meis
perstrinxerim; deinde quasi nuper de-
flexerim ab itinere, ne te salutarem.
Scito, utrumque esse vanissimum so-
mnium. Nullam litteram scripsi, qua
te perstrictum volui, aut quam scri-
bens, de te cogitavi. Quum excudere-
tur colloquium Cyclops, quidam ex o-
peris Frobenianis suspicati sunt, quod
dicitur de ove in capite, vulpe in pe-
ctore, deque longo naso, ad te pertine-
re; quum constet, hoc lusum in Nico-
laum

laum Cannium famulum meum, qui ambiebat in colloquiis celebrari. Is talem gestat pileum, & nasum habet longum, & colore est fusco, capillitio nigro. Te simili uti pileo, nunquam audieram, nisi hac occasione. Non sum tam ineptus, ut talibus nugis utar in viros. Ambiebat & Polyphemus celebrari, qui circumferebat codicem Evangelicum belle ornatum, quum ipsius vita nihil esset inquinatius. Sic res habet de scriptis. Iam ea via soleo fere semper adire hortum Frobenii, quum cœlum est commodius, quod altera sit angustior, & fœteat. Itaque si nullus adfuisset, illac tamen eram iturus. Nec te tum novi adversum, sed famulus admonuit. Itaque reflexissem iter ad te, nisi plures adfuissent mihi ignoti, quorum cœtum turbare nolui. Idque tum dixi famulo. Sic habet de suspitione. Quod si quid aliud est rei, hodie circa horam quartam usque ad sextam ero in horto Frobeniano: si dignaberis eo venire, uno comitatus, aut si mavis alio die, libenter tecum conferam. In libello quo respondes Bilibaldo, notas me,

quasi

quasi dixerim, tuam de Eucharistia sententiam esse longe meliorem. Hoc fortasse Ioannes Danus ad te pertulit, sed perperam. Dixi tuam simpliciore[m] & expeditiore[m], quod minus habeat questionum perplexarum. Alioqui si mihi certo persuaderem, tua dogmata esse meliora receptis, sic ut in ea persuasione conscientia mea possit acquiescere, hac ipsa hora profiterer eadem, qua tu profiteris, ulturus meo more furiosos quosdam monachos ac Beddaicos Theologos. Nunc quod unum possum, opto, & operam do, ut hi tumultus habeant latiore[m] exitum. Bene vale. Reliqua in colloquio, si videbitur.

Bilibaldo suo Erasmus S. P.

Tandem vertimus solum, ex Rauracis facti Brisgoi. Dum promiscua fex plebis armata ac dispositis machinis versaretur in foro, nemo non timebat sibi, cui domi esset quod nolit perire. Aliquamdiu res videbatur spectare ad arma. Melior pars favebat Ecclesiastico negotio, sed numero minor.

nor. Nā altera multos habebat admixtos exteros, multos decoctores, multos palam infames. Hanc tragœdiam orsi sunt sub ipsam brumam, ne cui promptum esset vel fugere, vel accersere suppetias. Ecclesiastica pars, ubi videret, contra Senatus edictum, contraque iusiurandum fieri conventicula, induit arma; mox idem fecit altera, operas etiam educens in forum, ac bombardas. Auctoritate Senatus factum est, ut pars Ecclesiastica deponeret arma; quod agre fecit & altera, sed ad tempus. Nam quum decretum esset se vire in divos ac divas, condensant sese in foro, dispositis tormentis aneis, & aliquot noctibus illic sub dio agebant, extructa pyra ingenti, magno omnium metu: in nullius tamen ades irruerunt, neque cuiusquam corpus attigerunt, nisi quod consul mihi proximus vicinus, vir facundus & de Republica crebro bene meritus, noctu scapha subduxit sese, periturus ni id fecisset. Profugerunt & alii complures metu, qui tamen ex auctoritate Senatus revocati sunt, si vellent inire civium vivere: è Senatu vero submoti

submoti sunt, quotquot faverent pristina religioni, ne qua esset illic suffragiorum dissensio. Haec tamen Senatus moderatus est tumultum, ut per fabros & artifices tollerentur à templis, quae tolli placuisset. Tantis autem ludibriis usi sunt in simulacra divorum atque etiam crucifixi, ut mirum sit, nullum illic editum miraculum, quum olim tam multa soleant edere vel leviter offensi divi. Statuarum nihil relictum est, nec in templis, nec in vestibulis, nec in porticibus, nec in monasteriis. Quidquid erat pictarum imaginum, calcea incrustura oblitum est: quod erat capax ignis, in rogam coniectum est; quod secus, frustulatim comminutum. Nec pretium, nec ars impetravit, ut cuiquam omnino parcere-
tur. Mox in totum abrogata Missa, ut nec privatim domi fas esset sacrificare, nec in finitimis pagis audire sacrum. Vbi summus ille metus ademptus est, ac propemodum spes esset, fore, ut in nullius facultates aut caput serviretur, ad hanc clementiam adhortante Oecolampadio, quotidie tamē ex synodis illorum
prodi-

prodibant nova plebis scita, coepi de migrando cogitare, sed dissimulanter. Id quo minus fecerim ante Pascha, sceleratissima quaedam pituita fuit in causa. Anxius vero metuebam, ne male mihi verteret, vertere solum; nonnihil etiam verebar, ne quam abituro remoram iniicerent. Itaque procuraram à rege Ferdinando duo diplomata, alterum quo me accersit ad sese, alterum quo tutus & immunis irem per ipsius ac Caesaris totam ditionem. Primum omnium immitto clam nummos, annulos, & vasa argentea, quae potissimum invitant praeconem. Aliquanto post palam onero duo plaustra scriniis & lectis. Hoc facto nuntiatur mihi Oecolampadium & Ecclesiastas infensos esse, idque duabus de causis, quas ex litteris adiunctis intelliges plusquam frivolae. Ego tamen reputans mecum quis esset rerum status, scripto placavi Oecolampadium, simulque ad colloquium evoco. Collocuti sumus diu, sed absque contentione. Obtulit ille sinceram benevolentiam: quam ego non recusavi, modo pateretur me in quibusdam dogma-

dogmatibus ab ipso diffidere. Tandem
cœpit dissuadere, ne relinquerem Basi-
leam. Respondi, me à mihi gratissima
civitate multis nominibus invitū dis-
cedere, sed me diutius invidiam per-
ferre non posse; Viderer enim probare
quicquid hic publice fit. Quum urge-
ret: respondi eam operam frustra su-
mi, quum tota supellex esset Friburgi.
Instabat, ut saltem abirem rediturus.
Friburgi, inquam, mensibus aliquot
commorabor, illinc profecturus quo me
Deus evocaverit. Sic datis utrinque
dextris, discessum est. Hunc sermonem
communicavit, ut suspicor, tribuno
plebis, qui semper fuit huius negotii co-
rypheus, vir prudens sedatque ingenii.
Egit cum Beato, ne discedam, multis ar-
gumentis. Mihi nemo verbum fecit.
Si dixissem me offensum abire, promi-
sissent satisfactionem; si ob id, quod
non probarem ea, qua illic institueren-
tur, vocassent me ad elenchum, eoque
allegavi iram Principum, & invidiam
Theologorum. Alioqui exceperam vo-
ces aliquot feroculas ac minaces eorum,
qui plurimum valerent in hac factione.

Et acciderant quadam praludia. Itaque non arbitratus sum esse consultum in ea civitate vivere, in qua nullus esset tam abiectus quin posset me laderē. Nec enim consentaneum est, magistratum ac plebem ex animo favere ei, qui dictis ac scriptis ab ipsorum dogmatibus dissentiret. Quum ipse conscensurus essem navim, nescio quas difficultates iniecerunt de sarcinis ancilla. Cupiebam nautam solvere à portu secretiore, ne populo essemus spectaculo. Id constanter vetuit Senatus, quum antehac semper fuerit liberum à quovis civitatis portu solvere. Parui, & à ponte solvi, comitantibus aliquot amicis. Mihi nemo verbum. Hac profectiuncula melius cessit, quam expectaram. Huius urbis magistratus obtulit omnem humanitatem sua sponte, priusquam me rex Ferdinandus suis litteris commendaret. Dederunt ades regias, & Maximiliano extructas; sed imperfectas. Sedebimus hic aliquot menses, nisi bellum oriatur. Complures enim huc confluunt è Basilea, ferturque totum Canonorum collegium huc commigrati-

migraturum. Ea res citius huc invitarer hostium servitiam. Videor hic satis gratus omnibus. An tibi notus sit Ludovicus Berquinus, nescio. Is xv. Kalend. Maias Lutetia exustus est. pridie duodecim indices pronuntiarant, ut exustis libris ac peracta palinodia, lingua illi pertunderetur; & mox aeterno carceri dederetur. Quum is appellaret Regem ac Pontificem, irati indices responderunt, se curaturos ne posthac quoque appellaret: ac postero die traderunt hominem incendio. Id si non commeruit, doleo; si commeruit, bis doleo: nec enim mihi causa ratio sat cognita est. Nec Berquinum novi, nisi ex scriptis & quorundam commemoratione. Vitam hominis nemo non probabat, fortuna erat sat splendida; regi cum primis charus. Quod evenit, semper illi timui. nec ullas ad illum dedi litteras, nisi in quibus non anxie dehortarer ab hac contentione, cuius non posset non infelix esse exitus. Primam causam vicerat. Eam causam iactabat etiam scripto. Deterrui ne faceres, sed frustra. Admonui, ut titulo legationis

ali-

aliquo se subduceret, fugeret crabrones.
 Ille plenus fiducia iubebat me bene spe-
 rare. Retractus est paulo post in car-
 cerem, & perierat, ni rex ab Hispaniis
 reversus illum eripuisset incendio. A
 carcere datus est aula, sub custode ta-
 men. Tandem liber, causam agere
 cepit adversus tres Priores, qui sua sen-
 tentia illum damnarunt harescos ad-
 versus facultatem sacratissimam. Ego
 semper illi vaticinatus sum infelicem
 exitum, etiamsi causam haberet non
 omnino malam. ille contra sibi mihi-
 que pollicebatur indies speciosam victo-
 riam. Quid facies eis, qui devoti sunt
 exitio? Hac res mire tollat cristas Bed-
 da adversus linguarum ac politioris
 litteratura cultores. Proximis litteris
 scripseram Berquino, me à nullo ha-
 tēnus fuisse infelicius adamatum, nec
 quenquam vidisse consiliis fortioribus,
 sed infelicissimis, nec alium cui spes es-
 sent aequae pertinaces, sed falsissima. Do-
 minus, ut spero, recepit illum in re-
 quietem suam. Bene vale. Friburgi VII.
 Idus Maias, Anno clo 10 xxix.

D. Bilibaldo Pirckheimero , Cæsa-
sarcæ Maiestatis à Consiliis,
S. P.

O Pinor tibi redditas litteras , quas
ante dies aliquot misi , quibus in-
struxeram te adversus rumorem , quem
Epphendorpius videtur per totam Ger-
maniam sparsisse , non minus atrocem
quam vanum. Nunc quid velim , pau-
cis expediam. Opsopæus edidit episto-
las Basilii & Gregorii Nazianzeni Gra-
cas , quas in manus sumpsi versurus ,
quo Polono episcopo Cracoviensi , qui
me ultro honorario munere sexaginta
ducatorum provocavit , gratificarer.
Sed comperi , depravatissime editas. In
ipso statim titulo est , πατρῶν pro πατρὶς.
Nam πατρῶν apud Græcos non dicitur.
In prima epistola cōiicio fuisse scriptum
βαδὶ κάρη. Is fecit βαδίακάρη , pro grava-
to crapula , quod nec Græcum est , nec
Latinum. Ex his coniectans cætera , abs-
tinui à vertendo. Proinde te rogo , ut si
exemplar manu descriptum est apud
Opsopæum , iubeas mihi communicari.

• O

Id si

*Id si in tempore fiat, ante autumnum
emittam. Sin minus, primo quoque
tempore. Simul non est committendū,
ut tantus auctor ita depravatus ma-
neat. Huiusmodi iuvenes audaciores
quā eruditiores, & avidiores rei quam
commodi publici, magnam pestem inve-
hunt litteris. Opto te quam bellissime
valere. Datum Basilea, v. Kal. Iu-
nias, Clō Id xxviii.*

Erasmus & nexu & mancipio tuus.

Bilibaldo suo Erasmus S. P.

E*Xistimo tibi redditas litteras, qui-
bus rogabam, ut codicem calamo
descriptum Epistolarum Basilii & Na-
zianzeni ad me mitteres. Vehementer
enim hoc cupio: nec levibus de causis.
& fiet absque tuo detrimento. Sed ex-
pecto his nūdinis scripta tua. Ferdinan-
dus honorificentissime scripsit ad me,
invitans Viennam, salario quadrin-
gentorum florenorum, tantum ut illic
vivam. Sed non est animus in alium
migrare mundum. Si cognovero te re-
cte valere, erit longe gratissimum. Bene
vale,*

vale, vir ornatiss. Basil. VIII. Kalend.
Septemb. clō lō xxviii.

Bilibaldo suo Erasimus S. P.

CLarissime Bilibalde, Iussi ut Hieronymus ad te mitteret unū volumen Epistolarum. In his reperies unam, qua tibi gratias ago pro patera tua: quod munus non minus gratum mihi fuit, quam si talentum auri penderet, quod quasi pignus esset constantissima tua erga me benevolentia, quam ego non in infima felicitatis mea parte duco. De codice Græco, ignoscat tua humanitas mihi, quod non præsto fidem. Sub nundinas cœpimus conferre; quo sumus ingressi altius opus, hoc plus offendimus portentorum. Interdum toti versus omissi sunt, multa mutata, studio, ut videtur. Quin & epistola multa omisse. Postrema plusquam tertia pars voluminis abest. Collatio peracta est: sed cœpimus, quod nobis deest, describere. De Codice ne sis sollicitus. erit domino suo incolumis. Fortasse curabimus excudendum exemplar nostrū.

Plura scribere in praesentia non vacabat. Nam & urget tempus, & autumnus me gravissimo dentium apostemate, non sine febris, parum humaniter salutavit. Cupio te quam optime valere, patrone & amice incomparabilis. Friburgi Brisgoia VIII. Id. Septemb. cIo Io XXIX.

Bilibaldo suo Erasmus S. P.

NOs haecenus sub medicis ac chirurgis misere fuimus excarnificati, nec dum satis firmi, & tamen fugam adornamus, nec partem ullam video tutam ac tranquillam. Ab Italia deterret iter & prolixum & periculosum. In Galliis videtur quies à Beddis, vereor, ne & illuc se proferat bellorum incendium, imo vix audeo sperare à bello quietam fore Brabantiam. Iam enim bellum ardet cum Phrysiis. Suspicor autem hoc esse in capitulis foederis, ut Gallus sibi vicinam Helvetiam invadat, si nolint ab haeresi respiscere. Iam enim illos admonuit rex, precibusque minas regaliter addidit. Caesar vi-
detur

detur omnia facturum ex præscripto Põ-
tificis. qua religiosa optimi principis ob-
edientia magno malo est Florentinis;
vereor ne & Germania. Res agitur per
Ioannẽ Fabrum & Eccium. Adest Epi-
scopus Hispalẽsis, homo severus, ut aiunt,
qui tamen in monachorum Hispanien-
sium tumultu bonam navavit operam.
Adest alter Hispanus genere, professio-
ne Theologus Sorbonicus, frater eius
Dominicani, qui apud Hispanos vexil-
lifer fuit adversum me. Adest Fran-
ciscanus Caesaris à concionibus, male
mihi volens Eccius, quod non expecta-
ram: inter hæreticos ponit aliquot meas
sententias, nisi quod pro Brasmo ponit
quidam. Te perstringit etiam, veteris
odii memor. Multorum litteris invita-
tus sum Augustam, Caesaris tamen no-
mine nondum. Deceveram hisce nun-
dinis petere Brabantiam. Sed Faber &
Episcopus Constantiensis suadent, ne
quo moveam pedem ante perspectum
Concilii exitum. Atqui tamen mihi
serum erit moliri fugam bello cæpto, &
urgente hyeme. Quidam G. N. è Bra-
bantia profugus, & ex amicissimo sub-

ito factus capitalis hostis, novam tra-
 gœdiam movit Argentorati; nebula
 seditioni natus. Is est ficto nomine Vul-
 turus. Quid rei sit, libelli te docebunt.
 Liber, qui prodiit titulo Ministrorum
 verbi Argentorati, dicitur esse Bucer,
 cui adfuit Novimagus. Nihil unquam
 legi seditiosius, nec fucarius. Quin &
 Albertus Pius rursus ingens volumen
 scripsit in me per conductos aliquot, o-
 mnibus locis è lucubrationibus Erasmi
 decerptis, quæ patent calumnia. Ale-
 xander agit Venetia, diciturque quic-
 quid est operum meorum diligentissime
 evolvere, in hoc, ut suspicor, quo Al-
 berto suo suppeditet calumniandi ma-
 teriam. Magna inter molles concordia.
 Brabantia habet Franciscum Titelman-
 num, iuvenem gloriosissime loquacem:
 apud Hispanos eiusdem sodalitiis satis gla-
 diatorie furit Carnaius. sed talibus
 rabulis posthac ero mutus. Agnosco ru-
 sticitatem meam, ornatissime Bilibalde,
 qui toties liberalitate tua provocatus,
 nihil repono gratia. Debebam opera
 Augustini ad te mittere. Sed tamen
 non venit in mentem. Nunç iussi ut
 mittant

mittant tibi Chrysostomum. Ex quo si quid habes abs te versum, velim communices. Habemus Commentarios eius in Epistolam ad Romanos, sed quibus dederamus vertendi negotium, nobis dedere verba. Curabimus tamen, ut ad Pascha accedant. Nonnullam spem præbuit & Baptista Egnatius. Opto te quam optime valere, vir immortalitate dignissime. Datum Friburgi IV. Kalend. Septembr. clō lō xxx.

Erasmm tuum agnoscis.

**Erasmus Roterodamus egregio viro
Ioanni Cholero Præposito
Curienti S.**

M*ulta mihi frequenter scripta sunt & prædicata de Eccii vanitate, arrogantia, levitate, ac temulentia. in me tam virulentum animum gerere nunquam suspicatus sum, præsertim cum aliquoties iusserit me salvere: & amicos habeamus communes Ludovicum Berum & Ioannē Fabrum. Quam nihil sani habet illius responsio! ita loquitur, quasi articuli ad ipsum delati*
O 4 *sint*

sint tanquam ad Imperatorem; non ipse legerit, nec scierit, cuius essent, antequam expostularem. Appellat *oxasda-
xates*, quasi ob eiusmodi nanias coierit concilium. Notat quod vocarim eas Sententias, quasi profitear me ita sentire. tutius erat appellare *Articulos*. Quid impudentius, quam scripto damnare, quod nec legeris; nec scias, cuius sit. Iussi ut indicaret loca; ad hoc obtrixit: admonui duos esse, qui nusquam sunt in scriptis meis; ad hoc nuper respondit, quum maxime debuerit; tantum promittit se indicaturum, quid in eis offenderit, si vacarit à comitiis, quasi ab ipso pendeant comitia; promittit se fore filium mei observantissimum, si pergam in Lutherum, quasi nihil audierit de *Diatriba*, de *Hyperaspistis*, aliisque libellis & epistolis. Infantuli Theologi convicium nescit utrum in me torserit, an in aliū. Quid hic homo habet pens? Nec queo coniectare, unde hoc pus in me conceperit, nisi quod nusquam in scriptis meis celebratus Eccius aureis literis. Suspicor hominem exasperatum per Henricum
Epphen-

*Epphendorpium; qui videtur hac potissimum de causa venisse Augustam, ut in ea celebritate hominum semina-
ret sua mendacia, qua non aliter ex se
gignit, quam aranea filum. Demiror
si ad te non penetrarit, quum nusquam
non irrepserit tantus mendaciorum ar-
tífex, ut oratio nusquam inveniat fi-
dem, nisi apud expertos. Homo tressis
existimat sibi valde gloriosum, si dica-
tur habere controversiam cum Era-
smo. Expetiit colloquium Ducis Geor-
gii. Dux respondit se deliberaturum.
Post multos dies rediit eandem canens
cantilenam. Dux non admisit homi-
nem, negans se velle eum agnoscere,
qui non agnosceret patrem suum. Iacta-
vit enim se nobilem, quum sit plebeius.
Sed audiendi negotium reiecit in Simo-
nem Pistorium, cui causam omnem
perscripseram. Ibi Thraso, Non est
mihi, inquit, negotium cum Simo-
ne. Apud ipsum Ducem volo me
purgare. Atque ita magno cum stoma-
cho abiit. quievit, donec Pistorius re-
diret in patriam una cum Carleuico.
Tandem improbitate sua perfecit, ut*

Dux causam delegaret Iulio Pflug, cuius aures Eppendorpius noster explevit innumeris mendaciis. quod erat illi bonum atque commodum, quod Iulius nec Eppendorpium nosset, nec causam. Itaque scripsit ad me Dux, ut Iulii literis fidem haberem. Iulius scripsit amantissime doctissimeque multa, quorum hac erat summa, ut prefationi adderem libellum Eppendorpio dicatum, veluti ex fœdere, quoniam ille multis modis violavit fœdus, priusquam exiret Basileam, nec post destiterat de me hostiliter & scribere & loqui, subinde recitans furiosum librum, quem in me scripsit. Nec in aliud quarebat librum, nisi ut iterum gloriaretur, ad quas condiciones adegisset Erasmus. Sperabat ex arbitrorum sententia non nihil prada. id quoniam fefellit, factus est ex inimico inimicius. Et quum nemo nesciret, illum omnia fecisse contra pacta, tamen perinde petit suum ius, quasi omnia prestiterit, nec pudet quicquam. Deceveram omnia perpelli potius, quam levissimi hominis nomine meas chartas contaminare: sed postea-

posteaquam ille nullum facit mentien-
 di finem, causa summam perstrinxi
 excuso libello, ne toties fatigem ama-
 nuenses meos. Temperavi stylum, ut
 non Eppendorpium laferim; & tamen,
 qui audierant hominem, agnoscant,
 quam ille impudenter mentiatur. Cu-
 ravit, ut epistola Ducis & Iulii id tē-
 poris ad me venirent, ut non esset re-
 spondendi spatium. Respondi per præ-
 fectum Brisacensem, cui commiseram
 & ad alios epistolas, ad quarum nul-
 lum accepi responsum. Metuo, ne ar-
 tifex ille interceperit. De Eccio solet
 semper pessime loqui, eius tamen men-
 tione voluit abuti. Tantum portento-
 rum esse in Germania! Pro hospitio
 humanissime oblato & tibi & D. An-
 tonio habeo gratiam. Sed qui conuenit,
 ut me invites Augustam, quum & me-
 tuas, & verissimum sit istic post ab-
 itum Caesaris graves tumultus exori-
 turos? Nihil est Casare mitius ac re-
 ligiosius, sed vereor ne quorundam ma-
 litia illius abutatur bonitate. Video
 nugas agi serio, in seriis nugas. In ponti-
 ficis ceremoniis nihil prætermisum est.

*Et nunc agitur de titulo Regis Rom.
 Utinam supputet quantum annui cen-
 sus hi magnifici tituli illis adferant! Sed
 desino, quando hoc seculo nec gemere
 tutum. D. Antonio meis verbis ago
 gratias, orans, ut literas ad Brassica-
 num curet perferendas Viennam, & si
 dimissum est concilium, perveniant ad
 Polyphemum, aut Ioannem Henchol-
 lum. Bene vale vir in Domino cha-
 rissime. Eriburgi, postridie Martini
 clo Id xxx. Hac in sinum tuum effusa,
 ne spargantur.*

Erasmus Roterodamus eruditissimo
 ac πολυλόγητος Viro P. Vul-
 canio S.

Vulcani charissime, si hac episto-
 late inventura est apud D. Mon-
 tiorvium, rogo ut hunc Simonem Gry-
 naum, hominem in utraque lingua ab-
 solutum, & in philosophia non vulga-
 riter doctum, velis cognoscere, & si
 quibus in rebus potes commodare. Mihi
 ob egregias virtutes cum primis charus
 est. Cetera ex ipso cognosces. In presen-
 tia

*tia non vacabat pluribus tecum agere:
Scribe per hunc: nam ad nos rediturus
est. Bene vale. Friburgi xv. Kalend.
April. clō lo xxxi.*

Erasmus Roterodamus Clarissimo
Viro D. Ægidio Buslidio
S. P.

Clarissime Vir, Goclenius me lite-
ris suis admonuit Campensem de-
posuisse profitendi munus, id quod doleo.
Sed Gocleni littera ad Idus Iulias scri-
pta, ad Idus demum Novembres mihi
reddita sunt. Hic neminem novi,
quem ausim vobis commendare. Adeo
lues hac opinionum corruptit studia. Ve-
stigabo tamen diligentius & perscribā.
Nisi diligentia professorum advigilet,
metuo ne tandem frigeat hoc collegium.
Mirum est humani ingenii fastidium;
obdormiscit, nisi subinde vel volupta-
te, vel novitate excitetur. Hac de re
professores admonui per literas. Opto te
cum tuis quam optimè valere. Da-
tum Friburgi xv. die Decemb. clō lo xxxi.
*Adest isthic rursus orator furiosus;
qui*

qui pro uno incendio multa nobis exci-
tabit. Nihil hoc seculo furiosius.

Erasmus Roterodamus M. Conrado
Goclenio S. P.

Censuris Sorbonicis iam respondi,
libellus propemodum excusus est,
cuius mitto gustum. Quamquam ad
pleraque iam responderam. Sunt pro-
posita Beddaica fere omnia. Sciebam,
quid mereretur illa coniurata sodali-
tas, sed tamen coercui styli impetum, ne
plus satis irritata exurat libros meos, id
quod illi fuerit bonum atque commo-
dum, quum illic regnet Bedda cum a-
liquot conjuratus, habeatque regii Se-
natus praesidem faventem, ut scribunt.
Non tamen erant proditura Censura,
nisi quidam oleum camino ad li lissent.
Lutetia fuit Eccius, & ut suspicor, A-
leander; quem suspicor hac de causa
precipue venisse, ut Erasmo moliatur
exitium. Iulii Scaligeri libellum, tam
scio illius esse, quam scio me vivere.
Id tamen dissimulandum est, ne magis
insanias prodito fuce. Bedda. cos scio
nun-

nunquam cessaturos. Quamquam Beda quantumlibet hostis non probavit, ut ederetur Scaligeri furiosum nugamentum. Furtim excusum est, & aliquandiu pressum; donec impetrarent veniam qualemcunque à nescio quo Lieutenanto. De fisco nihil habeo quod respondeam, nisi illud Iurisconsultorum, Abundans cautela non nocet. Scio mihi rem esse cum fucatissimis be-luis. Iam & Evangelici quidam, quorum magister scelerosus ille Gelrius, miris technis hoc agunt, ut Caesaris ac Ferdinandi animum in me irritent. Argentorati excuderunt libellum Teutonice contra Casaream maiestatem, in quo subinde citant auctoritatem Erasmi, locis aliquot, ut suspicor, decerp-tis è proverbio Scarabæus aquilam, & præfatione in Suetonium. Non dubito, quin hæc agant Capito & Bucerus, fortasse adiuvente clam Epphendorpiæ. Librum nondum vidi, sed rem hodie cognovi ex litteris Cardinalis Tridentini, qui Ferdinando caput est Secreti consilii, mihi singulariter amicus. Argentorati nemo quicquã in me molitus est.

est, priusquam commigrasset Novimagus, qui nunc agit Augusta, proficiturque poeticam salario, ut aiunt, sexaginta florenorum. Bene habet, quod duo Coryphæi perierunt, Zuinglius in acie, Oecolampadius paulo post febris & apostemate. Quod si illis favisset ἐν ὁμῶς, actum erat de nobis. De professore nihil habeo, quod pollicear. Hic unicus erat Erasmi nostri praeceptor. Is clam demigravit Argentoratum amore sectæ. Omnia studia hic deficiunt, excepta Iurisprudentia. Titulos tantum vidi constitutionum. Hoc agunt, ne nihil egisse videantur χηματολόγοι. Quid ego audio? Evenit nobis illud, ὅρὸς τῶν νέων ἐγκόμιον. Equidem mirabar, sed non audebam tibi tam claro affirmanti ἀπεκρίναι. Hic est ludus Curtisanorum. Commēdavi te Valdesio non indiligenter, quanquam nondum etiam scio apud quos agatur causa. Libenter & Campegio te commendarem, nisi vererer, ne per occasionem officerem tuo negotio. Sed brevi expecto fore, ut vigilans audiam. Vicimus.

Caminga totos quatuor? Atqui summa.

ma deerant plures quatuordecim, ni fallor. Nihil unquam vidi illo iuvene vanius aut morosius. Suspicio offensum proximis litetris meis, quibus significavi me nihil fugere, de adita Italia, quum interim ad me scriberet velut è Frisia. Et hac quidem ioco. Hortatus autem sum hominem, ut cum amico simplici simpliciter ageret. Nec alter Hayo Hermannus scribit quicquam, Alardi, ni fallor, opera. Qui nuper scripsit Hieronymo Frobenio, se venturum Basileam cum commentariis suis in opera Rodolphi Agricola, si vellet mittere viaticum, & de cæteris à qua mercede pacisci. In me concepit odium capitale, quod in Ciceroniano sit præteritus. Quæ portenta gignit hac ætas? Caminga nec irritandus est, nec curandus. Quatuor illi floreni tui sunt, qui tuo sumptu miseris huc medicum Theodrincki famulum, nec quicquam dedit Hieronymus, licet tota res ad illum pertineret.

Quas appelles proximas literas, nescio. Non enim omnes ad me perferuntur. In quibus hoc petis, quum fuerint
scripta

scripta xvi Kal. Augusti, sub finem Novembris mihi sunt redditæ. Ad quas respondendi per Galterum quondam Canonicum Traiecti superioris & Leodii. Valdesio non scripsi, quod non videbatur aditurus aulam brevi. Per eum & Martino Lypsio scripsi, &, quando ipse hoc flagitabat, Hexio, qui quum Roma me impotenter amaret, reversus in patriam videtur factus alius. Demiror, quur Levinus tantopere ambiat cubicularii locum apud Reginam Mariam, quum magis illi congruat secretarii munus: obsecutus sum illius animo, sed meo reclamante animo. Primum adhasit Sceppero, cui, ut audio, dedit l. coronatos mutuo. Nunc Scepperus eum mihi tradit, scribens se illi nulla in re posse prodesse. Levini ingenio nondum satis fido. Maluisssem dare bonam pecunia summam, quam eam commendationem. Miseret me Erasmi nostri, qui tantum vulnere passus pro literis, nunc meditatur esse negotiator, ut sit aliquando famulus eorum, quorum poterat esse dominus. Hieronymus constabiliavit rem suam. Opto ut feliciter

ter discat linguam, qui sic hesitat, & bonus fiat negociator, qui duo verba recte scribere ne tot quidem annis discere potuit. Levinus scribit hunc rusticum ab se conducendum. ac is prima vice statim questus est, sibi non esse obolum. Agnosco Levinimores. Scribere debebat quanti, & quibus conditionibus, ab eo pactus esset. Alioqui mos est illis geminam solutionem flagitare. Per illum duas epistolas, alteram tuam, alteram Arnoldi, misi Hieronymo, si quid forte vellet in Brabantiam. Interim dum ille abest Basileæ, ego adorno litterarum fasciculos. Effutivi apud Camingam, quod Hayo Hermannus in Italia laborasset scabie Gallica. Hoc ille fortasse narravit odiosius apud plures. Fieri potest, ut ea res offenderit illius animum. Viglius hic nos invisit, Italiam petens. Nihil hoc Iuvene vivit amabilius. Fasciculum universum iussi tibi tradi, ut ipse reddas, si voles, quæ videbuntur. Vale. Friburgi XIV. die Decemb. clō lō xxxi.

Iulius Cæsar Scaliger scripsit Orationem

332 DESID. ERASMI
tionem pro Cicerone adversus Dia-
logum Erasmi Ciceronianum. Eius
orationis auctorem negat Erasmus
Iulium Scaligerum esse in quadam e-
pistola, quam ad amicos scribit, qui
eam Scaligero miserunt Scaliger ea
lecta, statim secundam orationem
scripsit adversus Erasmi epistolam, ut
se prioris auctorem esse assereret. Ea
epistola excusa est simul cum poste-
riore oratione apud Vidoveum Pari-
siis. Sed Erasmus per emissarios om-
nia exemplaria colligi & cremari
curavit. Itaque hodie nusquam ea o-
ratio reperiri potest.

Comitabantur porro superiores ad
Goclenium litteras sequentia hæc,
Theologis Lovaniensibus inscripta,
cum hoc initio:

I E S U S , M A R I A .

Detur Theologis Lovaniensibus.

QUum res rumore tantum, sed pro-
babili, ad me delata est, solum in
hoc respondebo nunc, ne quid per ca-
lumniam temere fiat, me non audito.

Iacſitat

Iactitat quidā, in novis Colloquiis esse tria aut quatuor loca, in quibus sentiam cum Luthero, videlicet de Confessione & Ieiunio. Id secus esse intelliget, qui libellum integer legerit.

Id priusquam efficiam, tria præsari visum est. Primum, non posse mihi obici contemptum Edicti Casarei, quod audio publicatum sexto die Maii anno 1522, quum hic libellus multo ante fuerit excusus Basilea: ubi tamen nullum adhuc Casaris edictum, vel publice vel privatim, fuit exhibitū. Secundo, quod in eo libello non trado dogmata fidei, sed formulas loquendi Latine; tamen si quædam admixta sunt obiter, quæ faciunt ad bonos mores. Quod si Grammaticus præscripto themate Gallico, sic docet hunc sensum Latine reddere: Utinam nihil edant præter allia, qui nobis hos dies pisculentos invexerunt; non opinor deferretur hæreseos, qui sententiam improbam doceret emendate reddere. Tertio, videndum esse, qualis sit persona, cui sermonem tribuam. Non enim illic facio Theologum concionantem, sed pueros aut bellos homunculos inter se vigan-

nugantes. Quod si nolint, mihi suffragari persona qualitatem, mihi igitur imputent, quod illic Augustinus (opinor) quidam contemnit Honestum Stoicorum, & praeferit Sectam Epicureorū, quod summum bonam posuerunt in voluptate: mihi imputent, quod illic miles quidam inter multa, qua militari-ter loquitur, ait se velle querere sacerdotem, cui quam minimum sit bonae mentis. Hac si mihi absurde tribuerentur, quur in ceteris non debet respici persona qualitas? Nisi forte, si Turcam loquentem facerem, mihi imputandum putent quicquid ille dixerit.

Nunc de locis pauca. In primo loco (puto) quidam sedecim annorum, ait se cōfiteri peccata duntaxat certo mortalia, aut vehementer suspecta: Lutherus docet non esse necesse cōfiteri peccata mortalia omnia, sed tantum manifesta. Proinde sermo pueri multum dissonat à dogmate Lutheri. Deinde puer rogatus, an ipsi sufficiat cōfiteri Christo, respondet, satis futurum animo suo, si idē visum fuisset Ecclesia proceribus. Ex hoc colligūt, me affirmare, hanc

re, hanc Confessionē, qua nunc utimur, non esse institutam ab ipso Christo. Et istorum collectio posset esset probabilis, si Christus non esset unus primatum Ecclesia, quum sit princeps pastorum. Ergo qui procures Ecclesia dicit, non excludit Christum, sed complectitur & illum cum Apostolis & Apostolorum successoribus. Iam ut ex superfluo demus, hoc dictū de puris hominibus Pontificibus, an puero non est satis, quod in confitendo sequitur auctoritatem illorum, etiamsi non habeat certum, an Pontifices hoc potuerint instituere de suo, an tradiderint ex institutione Christi, quum illi sit animus parere, quocumque modo tradiderint? Mihi nondum ad plenum constat, quod Ecclesia definierit, hanc Confessionem, ut nunc sit, esse ex institutione Christi. Sunt enim multa argumenta mihi insolubilia, quæ suadent contrarium. Et tamen hunc animi mei sensum ubique submitto iudicio Ecclesia, libenter sequuturus, ubi claram illius vocem audiero. Quod si maxime hoc expressisset Bulla, & ego vel nescirem, vel non meminissem,

minissem, sufficeret interim obsequi auctoritati Ecclesie, cum animo parendi, si etiam illud constaret. Non sequitur, hac Confessio est ex institutione hominum, ergo non est ex Traditione Christi. Et tamen quod confitemur semel in anno, quod tempore Pascha, quod tali aut tali sacerdoti idoneo, certum est esse ex constitutione Pontificum.

Non fit ibi mentio de Ieiunio, quod nobis per Euangelium & Apostolicas literas commendatum est, sed de delectu ciborum, quem contemnit Euangelium, & saepe damnant Paulina littera: praesertim superstitiosum. Nec illic quisquam dicit hoc quod docet Lutherus, constitutiones Pontificum non obligare nos, nisi accesserit contemptus: imo concedit Pontificem hoc posse: tantum querit, an hic fuerit animus Pontificis, obligare ex a quo omnes ad carniū abstinentiam, sub pœna gehenna, nisi adsit perversus animus. Et qui hoc dicit, ait se non aliter odisse pisces, quam angues.

Si omnis constitutio Episcoporum obligat ad pœnam gehenna, dura est conditio Christianorum. Si quadam obligant,

gant, quadam non obligant, nemo melius declarabit mentem suam, quā ipse Pontifex. Veluti si Pontifex statueret, ut sacerdotes incederent cinēti, an hoc animo statueret, ut, si quis ob dolorem renū deponeret cingulum, esset obnoxius gehenna. Itidem, si quis cum agrotante uxore vesceretur carnibus, quo lubentius illa comedat, an Pontifex velit illum obnoxium esse gehenna. Hoc tantum ibi quaritur, neque quicquam asseveratur.

Nec illic nec alibi damno Indulgentias, quamquam hactenus plus satis indultum est eis, tantum quidam ridet congerronem suam, qui quum alias esset nugacissimus nugator, tamen praesidio Bullæ putabat se posse pervenire in cælum. Hoc ideo non arbitror hereticum esse, ut existimem, nihil esse sanctius, quam admonere populum, ne Bullis confidant, nisi studeant mutare vitam & pravos affectus.

Hæc ad rumorem delatum. ubi ceteriora cognoro, respondebo accuratius. Nunc vide, an ferendus sit is, qui lymphatus odio fratris, in convivii & con-

P cionibus

*cionibus vocat Erasmus hareticum ex
huiusmodi lemmatis.*

Erasmus Roterodamus

..... S. P.

A Gunt hic duo illi Hollandi qui te
adierunt, sed uterque zonam
perdidit. Minor mire ambiebat esse fa-
mulus. Nam meorum alter inviserat
suam Burgundiam. Sed rediit. Expecto
reditum Bebellii ex Anglia, qui nisi
adferet certa, consilium est unum è meis
in Angliam amandare. In literis hoc
aberat, quod expectabam maxime; ut
certum vigilans audirem te esse Cano-
nicum. Tanta enim vulturum turba
facit, ut non vacem omni sollicitudine.
Cum Aleandro per litteras exposcula-
ram de libello Iulii Caesaris. Is, quo se
liberet stolidissimi facinoris invidia, ex-
cusat se literis accurate scriptis, sed u-
titur lemmatibus multo frigidissimis.
Exemplar ad te mitto. Ut video, tibi
propemodum persuasit: ac ego, qui è do-
mestico convictu, ac lectuli quoque con-
tubernio, totum intus & in cute novi,
tam

*tam scio esse ovum illius, quam scio me vivere. Sed huic tempori servien-
dum. Pro verbis dabuntur verba. Ac-
citus est in aulam Alfonso Verveſius
monachus, qui scripsit ad me septem
collationes, ut multa paucis dicam, val-
de monachales. Eas aiunt iam excudi
Lutetia. Ipse scripsit ad me ex aula a-
mice, sed (quod est monachorum pro-
prium) non absque minis. Episcopus
Augustensis promisit se per proprium
nuncium scripturum, quid agatur in-
Synodo. Non dubito, quin Alexander
futurus sit sui similis per omnem occa-
sionem. Ioannes Campensis agit moto-
riam fabulam. Nunc Norenberga excu-
dit opus, nescio quod. Ioannes Danus
offendit Episcopum Culmensensem ob ia-
ctatam epistolam meam. De Collegio,
non sine causa sollicitus est P. Ægidius.
Sed in admittendo Reſcio cum uxore,
dormitatum est. Principiis obſtandum
erat. Hic quotquot callent bonas lite-
ras, amant Evangelium. Alioqui non
deessem officio meo. Bene vale. iij. die
Maii cllo xxxii. Adhuc adifico se-
pulchro proximus. Tu fac ut litem ab-*

Solvas. Fortassis Aleander nihil tibi profuit in causa tua. Et τυχὼν θεῖον θεὸς artifex. Ignosce, non relegi. Saluta D. Iodocum praesidem, & Rescium. Expostulat mecum Resendus ob editum carmen. Atqui putabam hominem esse liberum. Alioqui nunquā eram editurus. Demiror autem, quare me hoc nescire volueris. Rursum vale, ὦ φιλάτῳ μοι κεφαλῇ.

Erasmus Roterodamus ornatissimo
Viro D. Ioanni Cholero, Præposito
Curienti S. P.

NEc ex tuis, nec ex aliorum literis hætenus scire potui an fasciculus ille, qui continebat epistolas ad Ioannem Baumgartnerum, ad filium illius, ad Antonium Fuggerum, ad Anselmum, & Viglium, & alios nonnullos, sit redditus. Magna autem in hisce rebus perfidia. Nuper Basileæ Monachus quidam septuagenarius duxit uxorem monacham, & paulo post famulam fecit. In civitate quadam, Zorst opinor dicitur, aequalis Argentorato, ditionis

tionis Ducis Iuliacensis, Lambertus Campester, qui olim Lutetia edidit Colloquia mea velut à me emendata, persuaso typographo rem esse vendibilē, & sub nomine meo præfatus, & admixtis per totum opus miris emblematicis, quibus me ipsum accusabam, omnia plena scurrilis cuiusdam stoliditatis; quo peracto fugit Lugdunum; & simulans se summum Erasmi amicum, reperit patronum, cui mox suffuratus trecentos coronatos fugit, & in fuga apprehensus est inter aliquot puellas, suffigendus in crucem, nisi sacra cuculla Dominici servasset eum: Is, inquam, multis aliis flagitiis ac sceleribus designatis, tandem in ea civitate excussa cuculla docet Euangelium, hoc est, meras seditiones. Dux petiit, ut hominem eiicerent. Responderunt, se non posse carere suo ecclesiasta. Et ista pestis serpit indies: Ac minimum absuit, quin in Angliam irrumperent, hoc est, tyrannidem occuparent. Basilea in locum Oecolampadii surrogatus est Myconius, homo ineptus, & quondam ludimagister frigidus. Demiror, quid spe-

P 3 rent,

rent, aut quid sibi proponant magistratus. Egonihil video, nisi funestum exitum. Moliuntur manifestam *ἀναρχίαν*, ut improbis liceat, quod libet. Principes tandem cogentur extremis uti remediis. Sed opinor Morum meum impetrasse ab humanissimo Rege, ut gravissimo Cancellarii munere exoneraretur. Lutherani iactant illum vere depositum, & suffectum illi quendam nobilem, qui statim quadraginta Evangelicos liberavit à carcere, quo Morus eos detruiserat. Habent suos veredarios, per quos nihil non explorant. Sperabam illos, clade Lutetiana doctos, revocaturus sese ad statum aliquem tolerabilem. Sed moliuntur duriora prioribus. Basilea renovarunt suas constitutiones. negant se quonquam velle cogere. sed si quis alibi acceperit Eucharistiam, multabitur libra: si iterum, duabus: si tertio, quatuor: si quarto, exilio. & hoc non est cogere.

Quid Luscinio acciderit, nescio, sed nuper apud Cartusianos in convivio dixit, Erasmus esse nebulonem, & omnes qui legunt ipsius libros fieri nebulones.

lones. Instigatus est, ut opinor, à Pe-
largo Dominicano, qui multis beneficiis
à me affectus, quum dare desissem de-
gustato hominis ingenio, tentavit me-
cum agere iniuriarum, quod in episto-
la quadam Floridarum ad Morum in-
essent hac verba: Hunc tumultum no-
bis excitarunt duo monachi, quo-
rum alter concionabatur apud sum-
mam Ecclesiam, alter apud Domini-
canos. Et illi quidem fugerunt, nos
autem malo ferimur. &c. Quum o-
mnes deterrent ab agendo, supplex
petiit eleemosynam, & dedi.

Si saccharum vobis petitur è Franc-
fordia, iam illius mihi providi. Sed est
quale solet mitti in Germaniam.

De famulo ne sis anxius, nisi forte
obtigerit idoneus. Nam Gallum habeo
fidelem, & alterum aque fidelem a-
mandavi in Angliam, in Novembri
rediturum. Sed neuter bene scit Ger-
manice. Polyphemus, quum isthinc dis-
cederet, noluit quenquam scire, quo
iret. Ivit autem recta ad Lutherum
& Melanchthonem, ac literis commen-
datitiis onustus, venit ad Ioannem Sa-

*xonia Ducem, fingens se esse famulum
 & intimum amicum Erasmi. Magnifi-
 ce tractatus est aliquot menses. Tan-
 dem abeunti Dux dedit elegantem e-
 quum & aureos quadraginta. Inde
 Coloniam. Illic apud Tielmannum
 summum amicum meum potavit ali-
 quot menses. Post huc venit futurus
 custos domus mea. Ego extrusi illum in
 Legationem ad Ratisbonam.. Illic bi-
 bit sex hebdomadas, & extorsit mul-
 tum pecuniarum. Ratisbona rediens
 obiter invisit ipsum Augustensem. Ab
 eo extorsit equum & coronatum. Decre-
 verat cum suo claudio equo commorari
 in meis adibus. Equum exclusi, ipsum
 exceptum decem ferme dies dimisi non
 admodum volentem. Voluit adire An-
 gliam. Dissuasi. Deinde Poloniam. Ita
 rediit Coloniam, unde decessit cum pes-
 sima gratia Tielmanni hospitis, qui di-
 cit multa fœda illic de eo spargi. Venit
 Francfordiam cum literis meis, petitu-
 rus Poloniam. At ego curaram, ut li-
 tera committerentur negotiatori. Hoc
 ubi videt Polyphemus, rediit in Hes-
 siam, & petiit commendationem Can-
 cellarii*

cellarii Ducis, qui syncerissime me amat. Res illi nebuloni rediit ad incitatas, nec dubito, quin brevi sit habiturus miserum exitum.

Non dubito, quin Conradus Heresbachius fuerit apud te, per quem scripsi paucis. Is per quem promiseram scripturum fusius, mutato consilio repetiit Flandriam: Iuvenis doctus ac verit studiosus; sed vereor, ne sectarum contagio infectus. Hoc isti agunt, ut litera cum secta aut stent aut cadant. Basilea instaurant Academiam scilicet.

Gumpenbergius mihi videtur homo sedulus ac simplex. Suspicio esse negotiū, de quo mihi scripsit Card. Caietanus, ut pauca quadam in scriptis meis explicarem. Respondi, me hoc agere, & si qua ostendat vera errata, me non defuturū officio hominis Christiani. Est quidam mirificus artifex scelerum, qui molitur Erasmo exitium: & tamen se simulat summum amicum. Et si quem ad Gumpenbergium mitterem: quid tum postea? Si tibi communicavit arcana, per te scire possum: res est non magni impendii. Fautores pii moluntur

*tur vindictam. Nam Sepulveda fate-
tur in suis ad me literis, se per illos fuis-
se compulsam addere quadam libello
suo atrociora, quam vellet. Moliantur
quæ velint, non tamen efficient, ut me
sectis adiungam. Scripsi libere; an hic
nuncius certus sit, nescio. Vale. v. die
Octobris, clō lō xxxii.*

Erasmus Rot. tuus ex animo.

*Erasmus Roterodamus, eruditissimo
Viro Quirino Taleſio, inclytæ
civitatis Harlemensis Pen-
ſionario, S. P.*

Q*uod bonis avibus uxorem nactus
ex animi ſententia, mi Quirine,
mirandum in modum gaudeo: qui mi-
hi hoc nomine videre felicior, quod,
iuxta Poëtam Epigrāmaticum, quod
es, eſſe velis. Precor autem, ut quem-
admodum hic Iunonem habuiſti propi-
tiam, ita faveat & Ilithya. Quod vi-
duam duxiſti, non eſt, quod te pœni-
teat. Id malunt, qui uxorem ad uſum
rei domesticæ ducunt potius, quam ad
voluptatem. Et qui equos ad uſum
quarunt,*

quarunt, malunt domitos, quam indomitos. Quod si illa genuit priori marito; tu magni mali metu liberatus es, ne sterilem duxeris. Morus mihi saepenumero narrare solet, se, si centum uxores esset ducturus, nullam ducturum esse virginem; nunc habet vetulam nimium vivacem; qua si migrasset, potuisset ille opulentissima clarissimaque foemina maritus esse. Hoc incommodi est, quod Episcopus nunquam esse poteris, nisi prius fias Monachus. Nactus est Levinus meus uxorem, verum ut neglectis amicorum monitis, ita parum feliciter. Res calide peracta est magis, quam callide. Noster Hilarius Lugduno migravit cum uxore sua, sed nondum liquet quo. Quidam aiunt in Italiam. Non refert, ubicunque erit, Hilarius erit. Pro munusculo tua coniugis gratiam habeo maximam; libenter relaturus, si detur occasio. Scripsisti noctu, reclamante uxore. Hic risum non tenui. At Montioius, omnibus pedissequis male precantibus, solet post medium noctis venire ad lectum. Saltem ibi gustasti servitutem, sed illa ius suum

merito postulat. Quod adhuc spiras Galliam amore studiorum, ubi sic pupugeriς τὸ σωόνικόν, ut illi turgescant ilia, facile impetrabis à Magistratu, ut menses aliquot agas Aurelii. Quod si Magistratus ille haberet aliquid negotii, eadem opera studiis & illis servieris. Versor nunc in molestissimo pistrino Proverbiorum, quæ denuo excuduntur. Apophthegmatum opus auximus duobus libris. Auximus & declarationes nostras. Colloquia rursus efflagitantur, opus ut mihi vehementer invidiosum, ita typographis bene lucrosus. Hieronymus excuditur Lutetia, vix credendis vigiliis à me recognitus. Itaque non vacarat accuratius scribere, quibus tunc volebas. Nonnihil etiam metuo captantis notam: verum eam notam tu dilues, qui huc perpuleris. Scis opinor Leum esse factum Archiepiscopum Eboracensem. Morum magnis precibus à Rege impetrasse, ut Cancellarii munus liceret deponere. Fortasse metuebat invidiam repudii, quod semper dissuasit. Cantuariensis concessit in fata mense Augusto, ubi mihi periit vere sacra anchora.

chora. Aleander gemina mitra insignitus. Nam Brundusinus & Oretinus est. Apud Casarem agit legatum Anglicum. Amici mei decrescunt; inimici crescunt. Scripsi, quibus volebas. Tu improbitatem excusa; ego excusabo cetera. Tibi cum dulcissima coniuge, parentibus ac sororibus precor omnia lata. Datum Friburgi prid. Kalend. Non. clō Io xxxii. Salutat te Gilbertus meus. Nam Iacobum obtrusi sapientia. Hic cum nova famula orsus fuerat miram comœdiam. Si diutius potuisset oīxovμēν cum illa, fecisset vacua dolia, scrinia, denique totam domum. Recepta est Margareta furax, rapax, bibax, mendax, loquax.

*Erasmus Roterodamus ornatissimo
Viro D. Petro Vulcanio, inclytæ
Reipub. Brugensi à pensionibus S.*

P*Ro isto tuo candore verius, quam iudicio de me, mi Vulcani, gratiam habeo plurimam, nec minorem, quod meas arumnas amica consolatione mita-*

ne mitigare studes. Sic est ut scribis, hoc seculum prodigiose ingratum est. In altero quarenda merces. Amicorum alii moriuntur, alii mutant animum. Christus se ipsum abnegare non potest. Istam fortunam tibi gratulor, nec minus isti Reipub. qua sibi virum tot dotibus instructum atque ornatum asceverit. Nam profiteor me civitati vestra plurimum debere. Carolus Blontus à tuo discessu mutavit stylum, ἀλλ' ἐκ εἰς τὸ βίλποι. Aberat enim ὁ Θανάσιμος. Sapiunt Brugenses, qui tibi compedes inire cupiunt, utinam gratas & aureas. Precarer Vulcanio Venerem, ne me terreret Martis omen. Sed extra iocum, ubi contigerit te digna, quod opinor iam esse factum, non gravabimur epithalamium canere: nec est quod tu de premio cogites. Non sum Simonides, praesertim erga doctos & candidos amicos. Leonardum Casimbrotum ipsius causa semper amavi plurimum, idque me fecisse mutuo credo. Quare per Quirinum meum nihil scripserit, demiror. Vir est multis virtutibus perpolitus. Cupio scire, an fortuna meritis ipsius respon-

respondent. Bene vale. Friburgi, Octava Pascha, Anno clō Io xxxiii.

Erasmus Rot. mea manu ex tempore.

Erasmus Roterodamus D. Conrado Goclenio S.

Quo modo te saluto? ὅτι ἡ βασιλεύς
Terret me omen exusti templi Antuerpia, si verus huc rumor advolavit. Ioannes Dätiscus Episcopus scribit, oppidum, cuius erat dominus, & ubi habebat arcem, sic conflagrasse, ut præter rudera & moenia nihil supersit. Antea conflagravit Culmum κατὰ πόλιν illius. Narrantur diversis locis diversa ac prodigiosa incendia. Hoc quid sibi velit, nescio, nisi quod, quemadmodum olim Africa, ita nunc Euangelium hoc quotidie adfert aliquid novi. Ioannes Campensis iam, ut opinor, reliquit Poloniam, per ambages visurus Venetiam, ut colloquatur cum Iudao quodā, cuius copiam illi promisit Aleander, qui nunc Venetia plane vivit Epicureum, non sine dignitate tamen. Campensis mentio-
nem

nem feci in proximis ad Dantiscum literis honorificam. Eo nomine mihi gratias agit ingentes, non dissimulans se suspicatum me implacabili in illum odio teneri, quod toto quinquennio nunquam iusserim illum salvere. Hic risi satis, quum de odio in illum ne somniarim quidem unquam. Sentio Parisiis esse sodalitium Germanorum, cui praesidet Carinus, declamans quam atrociam commissam mihi condonarit ob Christum. Est illic Guinterius Andernacus, à cuius literis intelligo Paschasium frequenter ad ipsum scribere. Tibi prudenti non est opus monitore. Obruent te tandem, si frequenter ad illos scripseris.

Melanchthon vocatus est in Poloniã. Id ad me scripsit Episcopus Plocensis, qui eum vocavit. Et ipse Melanchthon in Commentario Epistola ad Romanos, & in privatis ad me literis, satis declarat se suorum pigere. Sub finem mensis Septembris accepi literas Delfi, mense Maio scriptas in Hispania, una cum literis Ioannis Vergara. Uterque promittunt pecuniam ab Archiepiscopo Tolitano. Neuter tamen summam exprimit.

mit. Ad me ne umbra quidem pecunia pervenit. Quirino famulo, quum isthic esset, nihil dixit Delfus, nec per eum scripsit verbum. Imo ablegavit, pollicitus se per proprium famulum missurum litteras ad te. Hic succurrit illud è tragœdia, πολλὰ μὲν φασὶ θεοὶ δαίμονιν. Qua per Levinum scripsi, puto tibi bona fide esse reddita. Redeundi propositum non deposui. Qui rumor sparsus est, secus quam volebam. Facile sentiuntur animi quorundam. Doleo Collegium istud tam cito frigesce, & perituum video, nisi Præsidis & Exequutorum cura vigilet, ut Professorum adsit diligentia. Campensis abest. Tu litigas, quamquam celebs. Rescius varias personas sustinet. Hæc scripsi per Viglium, qui mihi apud te prolixa epistola instar erit. Vale Friburgi VII. die Novembris clō lō xxxiii.

Erasmus

Erasmus Roterodamus ornatissimo
viro Domino Ioanni Cholero,
Præposito Curiensi,
S. P.

D *Vas eodem die & per eundem abs te epistolas accepi, quarum altera scripta est decimo Ianuarii, altera Kalendis Februarii. Ad utramque respondendo, & paucis & aliena manu, nam dextram iam dudum totam occupat chiragra, sic ut ne chartam aut calammum possim tenere manu. Quod scribis meam Concordiam Roma Cardinalibus quibusdam displicuisse, demiror sinistra quorundam hominum iudicia. Sed, ut videtur, illis decretum est hoc publicum orbis malum suis remediis curare. Ego autem sperabam auctoritate Synodi rem minoribus incommodis posse sanari. Ad hoc meus libellus videbatur satis appositus. Quid Lutherus scripserit in Missas, nescio: nam audio illius libellum ante meum prodisse: quod si contumeliose tractat Missam, qui potuit ex meo libello sumere ansam,*
quum

quum ille nullum articulum tractet aut diligentius aut reverentius, quam de Missa? Sed hac fatalia sunt, nec dubito quin Anti-Ciceronianus, de quo scribis, plurimum habeat veneni. Stunica periit, sed illi successurus videtur Sepulveda, Alberti Pii alumnus, & Stunica sodalis, Hispanorum omnium gloriosissimus, cuius libellum in me opinor te vidisse, insigniter stultum & contumeliosum. Itali quum insaniunt, insaniunt luculenter. Augustinus Eugubinus respondet Epistola mea, sed furiose & indocte. Equidem putabam, me cum homine philosopho rem habere. Nauseam unico tantum colloquio & aliquot epistolis novi. Is de offensis Romanis mea Concordia pertulit in aulam Ferdinandi, ut coniicio ex epistola Ioannis Fabri, Episcopi Viennensis. Demiror autem, qua negotia commiserit illi Cardinalis Tridentinus, quum, quantum ego possum ex libris & epistolis ipsius cognoscere, non admodum præcellat sapientia. Nam priusquam vocaretur ad aulam regiam, per literas à me petiit, ut aliquod opus dicarem Cardinali,

dinali, & in praefatione testarer, neminem esse, cui negotia ardua rectius committerentur. Videtur tamen nostri studiosus. Video res Principum ac Regum suppuratas, si vera narrant de Comite Mirandulano cum liberis in Italia necato, de arce Mediolanensi Gallorum insidiis impetita, de Vayvoda contra foedus multa moliente, de classe Turcarum à Venetorum triremibus per ignorantiam male vexata, prater ea, qualiteris tu tuis commemoras. Lutetia terribili edicto proposito sevitur in Lutheranos, aliquot in carcerem coniectis, nonnullis metu profugis, quorum de numero quidam suspicantur esse filium Copi, qui nunc agit Basilea, quum esset Rector Academiae Parisiensis. Hoc an verum sit, nescio; sed Basilea esse certum est, nam ad Berum scripsit è Basilea. Bedda cum collegis suis revocatus est, ac triumphat serio. Ante menses aliquot hic rumor fuit, aliquot certas lucubrationes meas Parisiis fuisse vetitas distrahi auctoritate cum Theologorum, tum Senatus: sed hoc mihi non sit verisimile, neque quifquam

quam amicorum tale quiddam ad me perscripsit. Regnum Franciscanorum floret sub hoc Casare. Deme quid sit futurum, Dominus viderit; nihil enim nunc cura est, nisi ut synceram conscientiam præstem Christo, brevi hinc migraturus. Roma est quidam Franciscanus, nomine Nic. Herborn, amplissima ditionis, quippe commissarius Cismontanus. Is Antuerpia emisit librum Sermonum Quadragesimalium, quasi eos habuerit apud populū, quum scribat Latine, nec in his quicquam sit popolare, tantum autem ineptiarum, ut nullus populus laturus fuerit talia deblaterantem. In eo libro nulla mica est nec ingenii, nec facundia, nec ullius eruditionis, ac nepia quidem mentis ullum vestigium. Videtur in hoc tantum ea coacervasse, ut sub religioso titulo haberet occasionem effundendi sua venena. Ex officina miserunt ad me tres pagellas, in specimen gustumque magnifici operis. In una, præter alia convicia, hæc scribit: Lutherus magnam Ecclesiæ partem ad se traxit; nonnullam Zuinglius & Oecolam-

colampadius; maximam Erasmus. Et addit, bonum esset; si natus non fuisset homo ille. In altera vocat Lutherū, Zuinglium & Oecolampadium, milites Pilati, qui crucifixerunt Christum, me illis annumerans; addens, me eodem spiritu, eodemque consilio scripsisse, quo scripserunt illi; nihil interesse, nisi quod ego iocer, illi rem serio agant. Adiicit dictum de Monachorum dictis melioribus, me posuisse ova, Lutherum & cæteros exclusisse pullos. Nec dubito, quin totum opus eiusmodi flosculis respersum sit. Scribunt amici synceriores, hoc genus animantium nihil non posse in aula Caesaris. Maria nihil aliud est, quam alumna nostra patria. Montegnius, qui plurimum valet, totus est à Franciscanis. Card. Leodiens. anceps est amicus; acerrimus inimicus, si quid offendatur. Archiepiscopus Panormitanus *χρηστός* hoc est, præterea nihil. Quod si tumultus oriantur in Germania, ego hic pulchre sedeo inter sacrum & saxum. Sed de me non admodum sum sollicitus, ego enim iam prope modum in portu navigo. Si licebit isthic commo-

commodum commorari, etiam mutata religione, non suaferim migrationem. De Fuggero ex animo doleo, quod ipse sibi plus nocet, quam fortuna aut inimici. Debebat animum erigere in hac rerum tempestate, spe fortuna melioris. Equidem libens adhortarer hominem, sed quum non novi morbi circumstantias, periculum esset, ne, ut imperitus chirurgus, vulnus sinistra curatione magis exacerbarem. Rogas, ut per hunc nuncium rescribam: verum qui duas epistolas reddiderit, fatebatur se non eas accepisse Augusta, sed alicubi in propinquo. Puto in hoc oppido. Ex Anglia nihil omnino affertur novi: ne ex Brabantia quidem, nisi quod rumor est nimis verus, summum ibi templum magna ex parte conflagrasse. Si quid hisce nundinis novarum rerum afferetur, faciam te participem. De valetudine mea utinam possem latiora scribere, adeo crebro me repetit hac sive podagra, sive chiragra, sive panagra, omnes tentans artus, & aliunde alio migrans: ubi satis priorem locum excarnificavit, dolor intolerabilis durat fere quatri-duum;

duum; deinde tumore oborto, fit aliquantum mitior; sed more ducum, qui multas arces occupant, relicto praesidio occupat aliud membrum; ibi de integro se viens, rursus inde in aliud levissima occasione vel redit vel incrudescit. Ne levem quidem contactum patitur, ut dicas anagyrim esse, quam Gracorum proverbium vetant moveri. Vereor autem, ne tam crebris cruciatibus hoc senile corpusculum, ac tot malis tortum, non diu sufficiat. Quirinus meus, de quo quæris, hic vivit, auditor Zassii, pulchre vestitus pecuniis Britannicis: habet suos confususurrones: de quo alias per otium plura, quæ partim ridebis. Hæc ad primam tuam epistolam, Kalend. Febr. scriptam.

Venio ad alteram prius scriptam, sed eodẽ die redditam. In literis ad Baumgartnerum nullam facio mentionem epistolæ, quæ illius laudes prædico, tamen mitto librum De præparatione ad mortem. Civilius enim arbitror, ut se laudatũ ex te cognoscat potius, quam ex me. Quoniam autem significas te languere desiderio eius libri, statim
AMAN-

amandavi hunc puerum meum suapte
sponte propensum ad iter, ne tu deside-
rio moriaris. Tantum vereor, ne di-
cas tibi pro thesauro repertos carbones.
Novi Baumgartneri benignitatē sem-
per paratam: tamen curabis, ne huic
puero prater literas aut similia aliquid
committatur, nisi forte velit uno au-
reolo augere viaticum. Nam quemad-
modum apud me non diu fuit, ita non
videtur diu mansurus. Si Episcopus ad-
est Augusta, cura ut recipiat ea, qua
per hunc mitto; si iam concessit Dilin-
gam, iube puero, ut illac faciat iter
rediens; si obambulat per varias arces,
tu recipe à puero omnia, & cura ut pri-
mo quoque tempore ad eum perferan-
tur. Idem si forte Baumgartner abest
longius, non est opus, ut eum sequatur
puer, sed per Christophorum Geringum
famulum illius ad eum perferantur.
Multi negant hoc malum esse podagrā,
sed sui generis esse morbum, quem vul-
go Souch appellant. Eo dicuntur mul-
ti hic laborare. Doleo tibi mecum tam
multa mala esse communia. Verum sic
est, non minima felicitatis pars homini

fidus & apertus famulus. Fatale est, mundus impletur sceleratis hominibus sub Evangelii titulo: Et ego prater hunc duos famulos receperam, sed mature me ab illis absolvi. Curabis, ne libellus isthic excudatur, ne ea res fraudi sit Frobenio. Spero fore, ut hic puer mihi lata referat de tua valetudine. Amicos, si qui isthic residant, meo nomine saluta. Si dextra manus fuerit redita, scribam ad te copiosius. Vale. Datum Friburgi Brisgoia XIX. die Februarii, Anno à Christo nato MDLXXXIV.

Erasmus Rot. tuus voce propria, manu aliena.

**Erasmus Roterodamus eruditissimo
Viro Cornelio Grapheo S. P.**

D*Amianus exhilarat me, nuncians te & animo & corpore melius habere, atque etiam fortunam esse commodiorem. Me discruciat novum malum podagra, seu panagra verius. Ad eo pertentat omnes artus, aliunde alio migrans, ut vix unquam detur respirare. Negant esse podagram, sed sui generis*

neris esse malum, quo nunc hic laborēt complures. Vulgo Souch appellant. Tot cruciatibus; tot modis fractum senile corpusculum non poterit diu esse par. Maxime opus esset aliquo fideli famulo nostrate. nam Germani, sicut poëta, Εὐδύτου ἄνθρωπος. Mallem provec̃torem, quam adolescentem: eruditionem nihil moror, modo sciat Latine, & scribat utcunq; ; dein nulli morbo sit obnoxius, scabiei aut comitali. Non superstitiosum ferre possum: addic̃tos sc̃ctis non fero. Dabitur salarium quantum tu præscripseris, viginti aut viginti quatuor floreni Carolei in singulos annos. Pro vestitu hinc ut ex liberalitate spontanea aliquid accedat, in ipso situm erit. Quod si mihi aliquid acciderit humanitus, efficiam, ut non male collocarit officia sua. Veniat sumtu meo, & si illi forsitan displicebunt omnia, remittetur sumtu meo. Hac de re poteris communicare cum Scheto. Damianus videtur recusato officio, quod Rex offert, ad nos reversurus. Spero illum prudenti usurum consilio. Tu cura valetudinem tuam, cui cum uxore

re & liberis precor omnia lata. Datum
Friburgi III. Id. Martias, Anno à Vir-
ginis partu clō Io xxxiv.

Erasmus Roterodamus clarissimo
Iuveni Damiano à Goës Lu-
sirano S. P.

Prandenti oblata sunt tua littera,
vir amicissime. Mox à prandio scri-
psi prater solitum, properante nuncio.
Quod tam magnificare reliqueris, precor,
ut sis felix faustumque. Ego totus sum
tuus. Valetudo est afflicta, cui servire
cogor. Tradam tibi partem domus satis
elegantem ac semotam, ubi vivas vi-
tam Anachoreticam. Quod si mea non
placebit, Comites à Renneborg fecerunt
partem domus vacuam, in qua prius
habitavi. Habebis Erasmus paratum
ad omnia. De vestibus non magni re-
fert, isthic noves an hic. Cetera coram.
Vale vir amicissime. Friburgi xi. die
April. clō Io xxxiv. Bibemus de po-
culo tuo, quod perendie advehetur.

Quandocunque venies, invenies pa-
ratum locum. Opinor, te nolle alere
equos.

equos. Stabulum habemus elegans, sed occupatum. Etiam atque etiam vale.

Erasmus Roterodamus nobili Viro
D. Damiano à Goës Lusitano
S. P.

DOleo tibi istud iter parum ex animi sententia succedere. Tua causa nihil non alacriter facturum est Erasmus. Scio, quid tibi debeam. Si tuus Matthæus caret contagiosa scabie Gallica, à qua ego semper non secus atque à morte abhorruì, tota hac domus illi serviet: sin secus, nec illi expedierit hic esse, nisi haberet famulum proprium. Melius fuerit, ut donec convalescat sit apud chirurgum. Non sinam illum egere pecunia. Vtunque fuerit, dabitur operam bene curetur. Has duas epistolas ad me misit Thomas Blaurerus, quæ salutabis Constantia, si illuc appuleris. Est vir probus, & unus è senatu. Quod litera diu haeserunt in itinere, in causa fuit is, cui Melanchthon eas commisit. Ad me venerunt **xxi** die Augusti, quum tu quatriiduo ante discessisses.

Volitarunt per manus multorum, fortassis resignata, ut sit. Mihi reddita sunt per publicum nuntium Schaphusiensem. De domo paranda Patavii, nemo tibi melius consulet, quam Anselmus Ephorinus, & fortassis non gravabitur tecum ire Patavium. Bononia roga, num vivat Paulus Bombasius. Consultissimum est, ut de sectis neque bene neque male loquaris, quasi ista non cures neque intelligas. Varia sunt hominum simulationes. Nec multum erit in rem tuam, si crebra epistola inter Melanchthonem aut Gryneum & te commeent. Bene vale, patrone & amice incomparabilis. Postridie Bartholomai.

Erasmus Roterodamus nobilissimo
Viro D. Damiano à Goës, Lu-
sitano, S. P.

Accepi tres epistolas tuas, per Lucam Remium, quod tamen ignoraturus eram, nisi tu significasses. Quid actum sit de ceteris epistolis, quas tibi commendaram abenti, non liquida novi.

novi. Botzemus accepit suam. Sed an Io. Comes primus & Alciatus acceperit suas, nescio. Miror è Lusitania nihil venire responsi. Nescio an expediat Lazarum grandævum magnaue auctoritatis onerare domesticis professionibus. Magis conveniret tibi iuvenis, qui te domi exerceret, tuaque scripta corrigeret. Debes honorare studia, ut illa vicissim honorent te. In Italia turpe non est etiam canos audire publice profitentes. Si mihi capitalis esses inimicus, non potes quicquam facere inimicius, quam si schedas, quas uni tibi notavi, patiaris excudi. Quare cura ne fiat, magno mei nominis dedecore. Petro Bembo salutem plurimam: cui profecto te charum esse gaudeo. A Natali Domini gravissime decumbo, nec per cœli inclementiam possum respirare. Hæc agre scripsi in lecto semivivus. Fiburgi xi. die Ianuarii.

colampadius; maximam Erasmus. *Es addit*, bonum esset; si natus non fuisset homo ille. *In altera vocat Lutherū, Zuinglium & Oecolampadium, milites Pilati, qui crucifixerunt Christum, me illis annumerans; addens, me eodem spiritu, eodemque consilio scrip-
pisse, quo scripserunt illi; nihil interesse, nisi quod ego iocer, illi rem serio agant. Adiicit dictum de Monachorum dictis
melioribus, me posuisse ova, Lutherum & cæteros exclusisse pullos. Nec dubito, quin totum opus eiusmodi flo-
sculis respersum sit. Scribunt amici synceriores, hoc genus animantium ni-
hil non posse in aula Caesaris. Maria ni-
hil aliud est, quam alumna nostra pa-
tria. Montegnius, qui plurimum va-
let, totus est à Franciscanis. Card. Leo-
diens. anceps est amicus; acerrimus ini-
micus, si quid offendatur. Archiepi-
scopus Panormitanus $\chi\eta\sigma\omicron\lambda\delta\gamma\omicron\varsigma$ est, pra-
terea nihil. Quod si tumultus oriantur
in Germania, ego hic pulchre sedeo inter
sacrum & saxum. Sed de me non admo-
dum sum sollicitus, ego enim iam prope-
modum in portu navigo. Si licebit isthic
commo-*

commodum commorari, etiam mutata religione, non suaserim migrationem. De Fuggero ex animo doleo, quod ipse sibi plus nocet, quam fortuna aut inimici. Debebat animum erigere in hac rerum tempestate, spe fortuna melioris. Equidem libens adhortarer hominem, sed quum non novi morbi circumstantias, periculum esset, ne, ut imperitus chirurgus, vulnus sinistra curatione magis exacerbarem. Rogas, ut per hunc nuncium rescribam: verum qui duas epistolas reddiderit, fatebatur se non eas accepisse Augusta, sed alicubi inpropinquo. Puto in hoc oppido. Ex Anglia nihil omnino affertur novi: ne ex Brabantia quidem, nisi quod rumor est nimis verus, summum ibi templum magna ex parte conflagraisse. Si quid hisce nundinis novarum rerum afferetur, faciam te participem. De valetudine mea utinam possem latiora scribere, adeo crebro me repetit hac sive podagra, sive chiragra, sive panagra, omnes tentans artus, & aliunde alio migrans: ubi satis priorem locum excarnificavit, dolor intolerabilis durat fere quatri-duum;

duum; deinde tumore oborto, fit aliquantum mitior; sed more ducum, qui multas arces occupant, relicto prasidio occupat aliud membrū; ibi de integro sevens, rursus inde in aliud levissima occasione vel redit vel incrudescit. Ne levem quidem contactum patitur, ut dicas anagrym esse, quam Gracorum proverbium vetant moveri. Vereor autem, ne tam crebris cruciatibus hoc senile corpusculum, ac tot malis tortum, non diu sufficiat. Quirinus meus, de quo queris, hic vivit, auditor Zassii, pulchre vestitus pecuniis Britannicis: habet suos confusurrones: de quo alias per otium plura, qua partim ridebis. Hac ad primam tuam epistolam, Kalendar. Febr. scriptam.

Venio ad alteram prius scriptam, sed eodē die redditam. In literis ad Baumgartnerum nullam facio mentionem epistola, qua illius laudes pradico, tamen mitto librum De preparatione ad mortem. Civilius enim arbitror, ut se laudatū ex te cognoscat potius, quam ex me. Quoniam autem significas te languere desiderio eius libri, statim

AMAN-

amandavi hunc puerum meum suapte
 sponte propensum ad iter, ne tu deside-
 rio moriaris. Tantum vereor, ne di-
 cas tibi pro thesauro repertos carbones.
 Novi Baumgartneri benignitatē sem-
 per paratam: tamen curabis, ne huic
 puero prater literas aut similia aliquid
 committatur, nisi forte velit uno au-
 reolo augere viaticum. Nam quemad-
 modum apud me non diu fuit, ita non
 videtur diu mansurus. Si Episcopus ad-
 est Augusta, cura ut recipiat ea, qua
 per hunc mitto; si iam concessit Dilin-
 gam, iube puero, ut illac faciat iter
 rediens; si obambulat per varias arces,
 tu recipe à puero omnia, & cura ut pri-
 mo quoque tempore ad eum perferan-
 tur. Idem si forte Baumgartner abest
 longius, non est opus, ut eum sequatur
 puer, sed per Christophorum Geringum
 famulum illius ad eum perferantur.
 Multi negant hoc malum esse podagrā,
 sed sui generis esse morbum, quem vul-
 go Souch appellant. Eo dicuntur mul-
 ti hic laborare. Doleo tibi mecum tam
 multa mala esse communia. Verum sic
 est, non minima felicitatis pars homini

fidus & apertus famulus. Fatale est, mundus impletur sceleratis hominibus sub Euangelii titulo: Et ego prater hunc duos famulos receperam, sed mature me ab illis absolvi. Curabis, ne libellus isthic excudatur, ne ea res fraudi sit Frobenio. Spero fore, ut hic puer mihi lata referat de tua valetudine. Amicos, si qui isthic residant, meo nomine saluta. Si dextra manus fuerit red-dita, scribam ad te copiosius. Vale. Datum Friburgi Brisgoia XIX. die Februarii, Anno à Christo nato MDLXXXIV.

*Erasmus Rot. tuus voce propria,
manu aliena.*

**Erasmus Roterodamus eruditissimo
Viro Cornelio Grapheo S. P.**

D*Amianus exhilarat me, nuncians te & animo & corpore melius habere, atque etiam fortunam esse commodiorem. Me discruciat novum malum podagra, seu panagra verius. Ad eo pertentat omnes artus, aliunde alio migrans, ut vix unquam detur respirare. Negant esse podagram, sed sui generis*

neris esse malum; quo nunc hic laborēt complures. Vulgo Souchi appellant. Tot cruciatibus; tot modis fractum senile corpusculum non poterit diu esse par. Maxime opus esset aliquo fideli famulo nostrate. nam Germani, sicut poëta, Εὐδύτου ἄνθρωπος. Mallem provectiorem, quam adolescentem: eruditionem nihil moror, modo sciat Latine; & scribat utcumq; ; dein nulli morbo sit obnoxius, scabiei aut comitali. Non superstitiosum ferre possum: addictos sectis non fero. Dabitur salarium quantum tu præscripseris, viginti aut viginti quatuor floreni Carolei in singulos annos. Pro vestitu hinc ut ex liberalitate spontanea aliquid accedat, in ipso situm erit. Quod si mihi aliquid acciderit humanitus, efficiam, ut non male collocarit officia sua. Veniat sumtu meo, & si illi forsitan displicebunt omnia, remittetur sumtu meo. Hac de re poteris communicare cum Scheto. Damianus videtur recusato officio, quod Rex offert, ad nos reversurus. Spero illum prudenti usurum consilio. Tu cura valetudinem tuam, cui cum uxore

re & liberis precor omnia lata. Datum
Friburgi III. Id. Martias, Anno à Vir-
ginis partu clō Io xxxiv.

Erasmus Roterodamus clarissimo
Iuveni Damiano à Goës Lu-
firano S. P.

PRandenti oblata sunt tua littera,
vir amicissime. Mox à prandio scri-
psi prater solitum, properante nuncio.
Quod tam magnificareliqueris, precor,
ut sit felix faustumque. Ego totus sum
tuus. Valetudo est afflicta, cui servire
cogor. Tradam tibi partem domus satis
elegantem ac semotam, ubi vivas vi-
tam Anachoreticam. Quod si mea non
placebit, Comites à Renneborg fecerunt
partem domus vacuum, in qua prius
habitavi. Habebis Erasmus paratum
ad omnia. De vestibus non magni re-
fert, isthic noves an hic. Cetera coram.
Vale vir amicissime. Friburgi xi. die
April. clō Io xxxiv. Bibemus de po-
culo tuo, quod perendie advehetur.

Quandocunque venies, invenies pa-
ratum locum. Opinor, te nolle alere
equos.

equos. Stabulum habemus elegans, sed occupatum. Etiam atque etiam vale.

Erasmus Roterodamus nobili Viro
D. Damiano à Goës Lusitano
S. P.

DOleo tibi istud iter parum ex animi sententia succedere. Tua causa nihil non alacriter facturus est Erasmus. Scio, quid tibi debeam. Si tuus Mattheus caret contagiosa scabie Gallica, à qua ego semper non secus atque à morte abhorruì, tota hac domus illi serviet: sin secus, nec illi expedierit hic esse, nisi haberet famulum proprium. Melius fuerit, ut donec convalescat sit apud chirurgum. Non sinam illum egere pecunia. Vtunque fuerit, dabitur operam ut bene curetur. Has duas epistolas ad me misit Thomas Blaurerus, quæ salutabis Constantia, si illuc appuleris. Est vir probus, & unus è senatu. Quod litera diu haferunt in itinere, in causa fuit is, cui Melanchthon eas commisit. Ad me venerunt xxii die Augusti, quum tu quatruiduo ante discessisses.

novi. Botzemus accepit suam. Sed an Io. Comes primus & Alciatus acceperit suas, nescio. Miror è Lusitania nihil venire responsi. Nescio an expediat Lazarum grandævum magna que auctoritatis onerare domesticis professionibus. Magis conveniret tibi iuvenis, qui te domi exerceret, tuaque scripta corrigere. Debes honorare studia, ut illa vicissim honorent te. In Italia turpe non est etiam canos audire publice profitentes. Si mihi capitalis esses inimicus, non potes quicquam facere inimicius, quam si schedas, quas uni tibi notavi, patiari excudi. Quare cura ne fiat, magno mei nominis dedecore. Petro Bembo salutem plurimam: cui profecto te charum esse gaudeo. A Natali Domini gravissime decumbo, nec per cœli inclementiam possum respirare. Hæc agre scripsi in lecto semivivus. Fiburgi xi. die Ianuarii.

Erasmus Roterodamus doctissimo
ac ornatissimo patri D. Petro Cur-
sio, Rhetori in Academia Ro-
mana clarissimo, amico
singulari, S. P.

Cum Reverendissimus in Christo
pater & dominus, D. Matthæus, sr.
S. Angeli Cardinalis, Roma in Germa-
niam revertisset, nihil mihi prius fuit,
quã ut ex suis familiaribus, inter quos
nonnulli sunt, quibus-cum trecentos
salis modios, ut est in proverbio, con-
sumpsi, intelligerem, quid nam bona
spei de componendis dissidiis, & resar-
cienda concordia Christiana afferrent:
eamque ob causam ad quarendum pre-
stantissimum mihiq; charissimum il-
lius aula principem virum literas è ve-
stigio dedi, ut mihi hunc scrupulum
eximeret: eram enim inter sacrum &
saxum, quod aiunt, dum spe ac metu
huc illucque iactarer, constitutus; ve-
rebarque, ne causa publica in privatis
affectibus omnino defereretur. Qui cum
primum epistolam aperuisset, & ma-
num

num meam iam diu suis oculis familiar-
rem agnovisset, ad Cardinalem statim
accurrit, nunciatque literas esse ab
Erasmo. Quo audito Cardinalis sua-
viter subridens, egregie, inquit, nobis-
cum agitur, quod Erasmus literis suis
invisat, nam annus mihi esse videtur,
ex quo ne apicem quidem ab eo litera-
rum conspexi. Quid multis? recitari
eas iussit: & sub finem earum magna
mea cum laude, quod de pacando reli-
gionis statu sollicitus essem, plane regia
& tali principe digna verba in frequē-
tissimo illius aula theatro protulit, ni-
hil se usquam habere, quod doctorum
virorum proprium esse nolit; multa que
alia de me adiunxit, qua molestia cau-
sa prudens omitto. Sed unum tamen
hoc praterire non possum, quod aureum
poculum artificiosissime cœlatum, quod
tum congerronibus suis forte ostenta-
bat, transmitti ad me, veluti munusculum
animi erga me sui, voluerit, ut decla-
raret gratam sibi fuisse sollicitudinem
meam. Quo ego profecto ita fui ob Phi-
diacum plane artificium delectatus, ut
professus sim inter doctissimos & scitissi-

mos compotores meos, qui tum aderant,
 inter quos fuit D. Rhenanus, & Hen-
 ricus Glareanus, hic poëtica, qua bi-
 bax esse solet, ille historia deditus, me
 non alio poculo vel pharmacum adver-
 sus calculum, vel ad extinguendam si-
 tim liquorem sumpturum esse. Nam
 operculum, quod paulo infra crepidi-
 nem Æsculapium tornatilem habebat,
 medicina propinanda fabrefactum da-
 ta opera, videbatur: Cyathus ipse non
 mediocris capacitatis, ^{οικειωτα} circum
 habebat Satyros, & in eorum medio
 Bacchum ebriosulum, tanta (ita me
 Deus amet!) elegantia, ut iam Pra-
 xitelis opera mihi sordere perfacile pos-
 sint. Sed hac præter rem. Perlectus li-
 teris meis, responderi mihi iussit, Pau-
 lum III. Pont. Max. ab ipsa statim ele-
 ctione pollicitum esse sibi, & Reveren-
 dissimo in Christo patri & Domino D.
 Bernardo Cardinali Tridentino, conci-
 lium se congregaturum, ut infinita ma-
 lorum examina apud Germanos fundi-
 tus extirpentur. Reliquum esse, ut ipsi
 homines, eruditos & cordatos passim in
 Germania cohortentur, ut Religioni
ferre

ferre suppetias velint. E quibus plusquam monogrammū amplissimus Praesul me primum nominare decrevit. Sed tamen committere non voluit, quin me de nonnullorum impudentia, de quibus Roma intellexerat, admoneret, quā Theoninis dentibus famam meam arderent & lacerarent. Idque eo consilio fecit prudentissimus & hoc prope facto illustrissimus princeps, ut labes mihi aspersas prius abstergerem, quam huic studio me prepararem. Equidem non ignorabam Romæ esse, qui nomen meum sugillarent; sed tamen, qui mihi tam manifestam calumniam impingeret, quam à te fieri audiebam, hominem esse natum, ne nunc somniare quidem potui. Aiunt enim, te detorquere nescio quam voculam impressorum incuria depravatam, ad meam ignominiam, adeoque fulmina quadam orationum scribere, & misellum Erasmus in sacerdotis studiis desudantem ita traducere, ut nunc omnia fora, omnia templa, omnia compita, omnia convivias, nihil aliud crepent, quam sacrilegum Erasmus, & sexcentis tauris Phalaridis

dignum. Quo audito mirari principio, deinde obstupescere, postremo etiam obstupescere cœpi, quid te induxerit, ut mihi non alia ratione, quam iniuria notus esse velis, nomen enim tuum alicui nunquam audieram. Age, mi Petre, te oro obtestorque per viscera Christi, cogitemus, quāto in discrimine versemur, quot hæresium diluvia, quot bellorum tumultus, quot dissidiorum incendia Christianum orbem inundent. Missas faciamus has tam insignes calumnias, cuiusmodi multas obiicere etiam diligentissimis & sanctissimis Doctoribus possis. Nam, ut tandem ad rem veniamus, quid obsecro flagitii commisi, quod Attalum ceu imbellem notaverim, quem Hecataeus in Dionysium Ὀπίλιον καὶ ἀμαχον appellat. An mihi dependendum est, quod typographorum ignavia commisit? At si non eram ego in Anticyram relegandus perpetuo, qui bellicosissima omnium nationum Italia auferre hanc gloriam conarer; certe nominis mei oblitus esse videri possem, si Latinorum Græcorumque hominum scripta omnia Italia laudibus

bus amplissimis scaterere non meminisse: precipue vero his, qua ad literarum & militia gloriam spectant. Verum adeo nullam in me suspicionem inferenda iniuria extare nunc, aut extitisse unquam, testis est mihi animus meus, cum haud recte meminerim, ubi de Attalis ista scriptis meis prodiderim, neque eram id unquam animadversurus, nisi amanuensis meus recordatus fuisset, in Proverbio, Myconius calvus, tale quippiam esse, ubi statim deprehendi, formularios, quibus non satis familiare erat Attalorum nomen, ex eo Italum fecisse. Atque utinam mihi non quotidie huiusmodi tragoedia excitarentur! Nuper enim cum inter imprimendum excusores aliquot conquesti fuissent me sibi xenia nondum persoluisse, exortus est inter eos quidam ceteris vinolentior, qui profiteretur se poenas à me exacturum, ni darem: atque id profecto veterator tam egregie effecit, ut aureis nummis trecentis redimere eam ignominiam voluissem. Cum enim in Viduam meam, quam Serenissima Hungaria Regina dedicaveram, ad laudem

*laudem cuiusdam sanctissima foemina
 inter alia liberalitatem illius in paupe-
 res referrem, hac verba subiunxi: At-
 que mente illa usam eam semper fuisse,
 quæ talem foeminam deceret. Vnde
 scelestus ille animadvertens sibi vin-
 dictæ occasionem oblatam esse, ex men-
 te illa, mentula fecit. Itaque volumi-
 na mille fuere impressa. Quid igitur mi-
 rum, si istorum hominum quispiam vel
 per errorem vel sciens volensque fefel-
 lerit? Hoc profecto constat in archety-
 po meo, Attalum scriptum esse. Sed, ne-
 scio quo fato, bis iam hac vox magnos
 mihi tumultus peperit. Reprehensum
 enim à Lovaniensibus Theologis in me
 fuit, quod Actor. 14. ex Italia muta-
 rim ad fidem Græcorum codicum Atta-
 lia, atque ob eam causam me prope im-
 pium esse proclamabant, quod negarem
 Paulum unquam in Italiam venisse,
 quasi vero non tota fere Apostolorum
 historia id pertractet. Nunc vero rur-
 sum, quod librarii Attalum in Italum
 commutarint, me omnino in scio, no-
 vum à te mihi bellum indicitur, adeo-
 que ad accendens, ut aiunt, πῦρ, ut
 bitror*

bitror usquam alias calamitosissimam
 Aten infestiores mihi sese exhibuisse,
 quam in Attalia cognata sibi voce, vel
 ipso etiam sono metuenda. Caterum,
 clarissime frater, admonitum te velim,
 ne vel tuo ipsius iudicio vel instinctu a-
 liorū te ipsum in huiusmodi precipitia
 abiiceris, in quibus prope semper plus
 inest incommodi, quam gloria. Si hac
 via adgrediaris aucupanda gloriola ra-
 tionem, nihil efficies aliud, quam ut
 totum te deridendum propines aliis. Re-
 spondere debes tuis, qui nomini tuo
 isthic officiunt, conāturque tenebras of-
 funderē. Comperienim postea te Ar-
 chilochem habere, quem in nomē tuum
 proprio rabies armavit Iambo. In eo tu
 conficiendo olei plus debes consumere,
 quam in appetendo Erasmo, qui iam, de-
 pontanus senex tot exantlatis molestiis,
 nihil aliud est, quam asinus non omni-
 no iners inter simias. Illi rursum, qui
 mihi insultant, canes videntur esse in
 præsepi, qui armenta à fœno invidis la-
 tratibus abigunt, quo ipsi non vescun-
 tur. Quod si cognovero, quod equidem
 non spero, te vel tantillum contra me
 publi-

publicare, experieris (ni fallor) Eras-
smum, iam LXX annos natum, neque e-
dentulum esse omnino, neque exunguē.
Si vero modestus (ut spero) fueris, tibi
gratias quoque sum habiturus, qui me
librariorum ignavia commonefeceris.
Sunt enim Chiliades mea, aucta multis
decuriis, quae tamen ad centuriam non
perveniunt, revocata sub prelum: ubi
literulas has mutari curabo, quae mihi,
ni mature pervenissem, magna tempe-
statis causa futura fuissent. Quod re-
liquum est, dare operam debemus, ne
bona litera apud imperitos male audiāt
propter inanes digladiationes, quae tan-
dem, nisi dimicare in frivolis rebus de-
sierimus, non modo putribus ovis à
plebe promiscua dirimentur, sed etiam
catenis, quibus vesaniam nostram co-
ërceant. Deus Opt. Max. faxit, ut
submissis animis nostris suscipere illius
gratiam possimus, cuius praesidio nefa-
rios Ecclesia hostes prosternere valsea-
mus. Vale, & nomine meo Genesium
Sepulvedam, & Augustinum Eugubi-
num, viros insignes, cohortare, ut stu-
diis suis labefactis rebus succurrere po-
tius

tius velint, quam pantalobi esse. Datum Friburgi Brisgoie, v. Id. Ianuarias, clō 15 xxxv.

Mitto amicis aliquot meis urbanis unum atque alterum huius epistola exemplum, ut alienati à me accusatione tua, eo celerius atque facilius fiant de innocentia mea certiores.

Erasmus Roterodamus clarissimo
D. Damiano à Goës Lusitano S. P.

Utinam in rem tuam esset, Damiane charissime, his adibus vel nunc tuo uti arbitrio. Nunquam mihi visa sunt neque tutiores, neque ornatiores, quam te hospite. Sapius tamen scripsi quam semel, sed non semper perfertur quod traditur. Negotiatores gravatè recipiunt literas studiosorum. Luca Remo gratias egi, & ille pollicetur operam suam prolixè. Non dubitabam, an tu bona fide commisisses literas meas famulo tuo, sed an ille omnes reddidisset, dubitabam, & adhuc subdubito. Scripsi per eum ad Schetum & Vtenhovium.

Nulla

Nullò vestigio deprehendere possum, eas esse redditas. E Lusitania nihil ad te redire, valde miror. Mea valetudo semper vergit in peius. Animus meditatúr ex hoc misero domicilio emigrare: quod utinam fiat favente Christo! Aliquot amici nos praeceſſerunt in Brabantia; Viandulus egregie doctus, Martinus Davidis, hospes quondam meus, Bruxella; Petrus Ægidius Antuerpia, & Franciscus Delfus; hic Botzemus: perierunt & senes aliquot mense Aprili. Multa gravida abortierunt. Ego graviter dis cruciatus sum, ita ut iam vultures aliquot excitarem. Arbitror vertiginem tuam iam abisse. A lectione temperandum est. Multum discitur literatis confabulationibus. De schedis supprimendis, habeo gratum, & ut pertendas rogo. Sigismundus Gelenius tuo nomini dicavit Annotationes in Plinium iam tertio ab ipso castigatum. Sed mire imposuit illi codex manu descriptus, in quo sciolus aliquis è suo capite mutavit quicquid libuit, & quodam modo novum Plinium nobis dedit. Admonui, ne fideret illi exemplari, sed
audi-

auditus non sum. Hermolaus non ausus est mutare lectionem Plinianam. Gelenius se putat rem mirificam præstitisse, ego censeo crimen esse inextinguibile. Ecclesiastes meus iam excuditur, nondum dedolatus, sed quum flagitaretur, hoc malui, quam posthumum esse partum, non ignarus qua fide tractentur Opera defunctorum. Libris quatuor absolvitur. Italis passim in me debacchantur maledicis libellis. Roma excusa est Defensio Italix adversus Erasmum, dicata Paulo III. Rixam nata è duobus verbis meis non intellectis. Ea sunt in proverbio, Myconius calvus. Veluti si quis Scytham dicat eruditum, Italum bellacem. Hoc interpretantur, quasi notarim Italos quod sint imbelles, quum his verbis Italia laudata sit, non vituperata. Edere, bibere, loqui, verba sunt media: edacem, bibacem, ac loquacem esse, sonant in vitium. Ita bellacem esse, non est laudis, sed vituperii. Scythæ ob barbariem & naturam inmanitatem contemnunt omnes disciplinas liberales, ad arma tantum intenti. Itali colunt philosophiam, discipli-

*scriptinas, & eloquentiam, quae pacis al-
 lumina sunt, Scytharum ex diametro
 dissimiles. Vides egregiam apologia ma-
 teriam. Prodiit & alius libellus, cui
 titulus, Cicero relegatus, & Cicero
 ab exilio revocatus, qui tamen me non
 magnopere petit. In eo Cicero odiosis-
 sime laceratur, frigide defenditur. Et
 alius paratus, cui titulus, Bellum ci-
 vile inter Ciceronianos & Erasmi-
 cos. quasi ego sim hostis Ciceronis. Aiunt &
 Doletum quendam in me scribere. Mi-
 nitatur nescio quid & Iulius Scaliger.
 Sunt aliquot iuvenes male feriat qui
 conspirarunt in Italia & Ciceronis ho-
 stem. Nec desunt artifices, qui insti-
 gant, partim odio mei, partim ut aliena
 fruantur insania. Roma sparserunt e-
 pistolam, quasi à me scriptam, plenam
 iocis scurrilibus. Augustini Eugubini
 monachales nantias arbitror te vidisse.
 Ego ista nec lego. Lutherus iam nihil
 edit, in quo non perstringit Erasmus
 papistam & Christi adversarium. Ho-
 mo simpliciter furit, concepitque parri-
 cidiale odium. Salutem dixi quibus inf-
 eras, excepto Bero, qui Roma agit:
 cuius*

cuius reditum expectamus hoc mense.
De Bombarba scribet ipse Gilbertus.
Mihi si vivere velim in totum abstinendum est à scribendo, imo à studiis omnibus. Quanquam mihi sane non videtur vita, vivere sine commercio studiorum & in assiduis cruciatibus. Sed Dominus est, in cuius manu sumus omnes. Ex literis Berì cognovi te lustrare Italiam. Cupio te quam prosperè valere, Damiane charissime. Friburgi xxi. die Maii clō lō xxxv.

De Plinio depravato ideo admonui, ne sinas eum auctorem edi rursus ad hoc exemplar: alioqui bene volo Gelenio, ut promeretur.

Erasmus Rot. mea manu.

Erasmus Roterodamus M. Conrado Goclenio S. P.

Balthasar Austriacus tuus discipulus affirmat se proprium famulum missurum Lovanium: ei commisi literas ad te, & ad Iodocum Sasbeutum, apertas, ut, si videretur, cures ad illum perferendas. Illud ne te fugiat, Cannium

nium nihilo esse synceriores Hagio fu-
 rioso. Quicquid veneni hauserat ex A-
 lardo, in sinum huius effudit, aspis vi-
 pera. Idem fecit scurra Polyphemo. Mi-
 ror unde aut quo Cannius, quum ist-
 hac faceret iter. Hagii colloquio &
 Quirinus Talesius infectus est, & vi-
 cissim suum virus in huius sinum effu-
 dit. Nihil enim reticuit Hagius, nec
 posset. Suspitor quod & Gandavi Ca-
 rolum Vrenhovium alienarit. Nihil
 enim scribit, solitus crebro me litteris
 appellare. Delphus nihil ad me scri-
 psit, nec puto illum esse sincero in me a-
 nimo. Quemadmodum nec Morillonii.
 Ex quo repetiit Hispanias, verbum
 ad me non scripsit. Hic paulo melius
 habeo. Itaque fortassis hybernabo, pro-
 ximo vere, volente Deo, Burgundiam
 vicinam petiturus. Quod tibi narravit
 Theobaldus de pensionibus per Bodyl-
 lum ad me missis, puta æquales etiam.
 Mitto epistolam ad Sasbortum aper-
 tam, ut, si videtur, illi transmittas.
 Bene vale.

Placet Lambertus, quem misisti: iam
 alterum eram nactus Antuerpiensem.

Tres

Tres habeo, donec Gilbertus abeat, iam factus Canonicus. Cum neutro famulorum novorum pactus sum. Si opus eo, quem commendas, significabo. Pro officio tuo habeo gratiam. Est Friburgi quidam fucatus amicus, per quem non licuit nec famulam nec famulum habere frugi. Eius nomen tibi prodam alias, ut caveas. Nam post Nundinas forte mittam proprium nuncium. Alexander denuo emisit librum furiosum sub nomine Doleti: quo & Morum, quem acceperat esse in carcere, ulciscitur; & Villeno vanum mendicum mortuum, facit imperiosum, Morum timide loquentem. Furia Roma subordinavit Cursum, qui scripsit in me. Excuditur nescio quid Mediolani. Romanenses velim nolim pertendunt me censu onerare, quo mox fiam Cardinalis. Nam id serio fuit agitatum. Pontifex est mirè propensus in me, & sex Cardinales cum oratore. Lusitania sedulo moliuntur. At ego scripsi, me nec sacerdotia, nec pensiones recepturum. Breve Pötificis ad te mitto. Iterum vale. Postridie Kal. Sept. clō lo xxxv.

Saluta

*Saluta Rescium, & Hebraea lingua
Professorem. Balthasar à Khieveringe
tuus discipulus apud me fuit. Visus est
iuuenis perhumanus, ac bene Latinus,
tunique amantissimus.*

Erasmus Roterodamus nobili cum
primis & omni Virtutum genere
perpolito Viro, D. Damiano
à Goës, Lusitano
S. P.

VLtra mensem iam perpetuo lecto
sum affixus, cruciatu vix credi-
bili, certe intolerabili. Nec spes est re-
creanda valetudinis eius, ob urgentem
hyemem. Non horreo mortem, sed opto
magis, si Domino placeam. Ad vetus
malum, quod ex intervallis solet recur-
rere, accessit exulceratio extrema spi-
nae, cui cogor incumbere, siue iaceam,
siue sedeam. Huic crudelissimo dolori
nullum est remedium, quod oporteat ipsi
vulneri semper incumbere. Utinam
cruciatu sint tolerabiles! sed Dominus
est; heic secet atque urat, modo parcat
in aeternum.

Erasmus

Erasmus Roterodamus Nobili viro
Damiano à Goës S. P.

A Mice magne, Scheda addita li-
teris meis suppeditabit causam
iustiore, quam vellemus, qua me ex-
cuses egregiis illis literarum heroibus,
Bembo, Bonamico, & Cælio, quos ego
toto pectore suspicio venerorque. Epi-
stolam tuam accepi per Lucā Remum,
sed serius, xv die Decembris: non ipsius
culpa, sed nuncii. De Rensendo, non
possum satis mirari. Valeat ille, tam ru-
stice ingratus. Ecclesiastes iam opinor
isthic prostat. Excusa sunt duo milia
voluminum & sexcenta. Nunc denuo
excusus est minore forma. De Commen-
tariis Iacobi Sadoleti, mihi tale quid-
dam presagiebat animus. Admonui
illum literis, quatenus licuit tantum
admonere Præsulem. Insumpsit in hoc
opus inmensos labores. Audio nec à Sor-
bonicis probari. Gelemio, viro bono ac
docto, optarim fortunam aliquanto cō-
modiorem. Divitias vix optarim. Nunc
Penia adigit illum ad honestos labores.

R

Adole-

Adolescens, quem mihi commendas, nondum me adiit: curabo, ut accipiat epistolam suam. Gilbertus me reliquit, iam Canonicus. Cantabit missam. Ædes vendidi, ac supellectilem distraxi, non magno lucro meo, nec tamen prorsus infelicitate. Italice non intelligo, sed curabo vertendum, quod vertit Polus. Mitto vicissim historiam bonæ fidei; in qua qui ex Anglia redeunt, & ætatis interfuerunt, negant quicquam esse falsi; nisi quod pauciores Carthusiani fuerunt affecti supplicio. Cupiebam tecum pluribus agere, amicorum dulcissime, sed vix credas quam hac agre pararim. Vale, & saluta amicos. Basilea, xv. die Decembris, clc Io xxxv.

Erasmus Roterodamus Consiliario
cuidam S. P.

OMnes boni publice tibi debent plurimum, Vir clarissime, qui in ista constitutus dignitate, constanti animo stamen usque verum teneas. Nam synceri iudicii præcipua partes sunt, ut malos coercerent, bonos ab improborum iniuria

iniuria vindicet. Ego vero privatim etiam tibi debeo, quod olim in Goclenii causa effeceris, ut ille iusta consequeretur, & post eodem animo conatus sis manifestam iniuriam ab eo depellere. Huiusmodi rixas nobis suscitant Harpyia Romanenses, ut nec apud Gallos, nec apud Scotos, nec apud nos ullum sit sacerdotium, pro quo non sit annis aliquot litigandum. Optarim Anglos cum Pontifice concordēs esse. Illud tamen iam olim bene provisum est ab illis, ne quid litium apud ipsos excitet Romana Curia. Etiam si Goclenii causa aliqua ex parte laboraret, tamen vir ille, qui sua doctrina & iuvat & ornat Caesaris ditionem, dignus erat, qui iudicis favore sublevaretur. Nunc quum causa sit iustissima, quam indignum est, talem virum à publica utilitate ad istas turbas advocari, cum summo studiorum detrimento, nec sine iactura auctoritatis, qua Concilium istud semper polluit apud Brabantos? Spero Goclenium bonorum virorum auxilio iam tranquillitati studiisque redditum esse. Quod si nondum contigit, etiam atque etiam

rogo, ut illi eum animum praeſtare pergas, quem haecenus praſtitisti. Hoc officio tibi devincies omnes, qui vel liberalibus studiis, vel istius Concilii favent auctoritati. De me nihil dicam, qui iam olim sum in are tuo totus. Vale. Datum Basilea, IV. Kalend. Iunias, Anno dñi 1536.

Eraſmus Roterodamus M. Conrado
Goclenio S. P.

Scribe inquis Cancellario. *quasi habitem Mechlinia! Hic vix intra quatuor menses contingit, cui literas recte committamus, si tamen contingit ullus. Si litera tua venissent ad nundinas, potuissem per nundinas respondere. Nunc quando hac epistola ad te perveniet? Interim spero, tua causa feliciter catastrophem sortita fuerit. Scripsi tamen. Quum epistola tua mihi redderetur, sic eram afflictus, ut nunquam in vita gravius. Itaque per dies aliquot, ne legere quidem potui. Mihi nunquam arrisit Antuerpiensis praebenda negotium. Id posteaquam eviceras,*

ras, credebam nihil non successurum. Quod si nunc quoque successerit, suaserim tamen, ut aliqua commoda conditione te submoveas ab illo grege. Ad absentem non multum redibit emolumentum; si prasens, erit tibi vivendum in loco pestilenti, serviendum convivis, desidendum totos dies in Capitulo, simulandum ac rixandum. Si qua te urget necessitas, scito meam pecuniam esse tuam. Suspicio harum molestiarum pignus esse eum, qui Scaligeros, Doleto, & Merulas in me subornat. Non sat habet homo, Iudaice vindex, impetere me, nisi & meos impetat. In furioso Dialogo Doleti vexatur Morus: habet Leodii, qui suffundit frigidam, & hominem ad maliciam instruit. Heroïnam à Nassauven Hispanus quidam huc venientem suis literis commendarat. Me iubet ad illam scribere, & ego nescio ubinam agam. Significabas enim, discessuram. Si mea bene novisses, debebas illi respondere, me necessario valetudinis causa reliquisse Friburgū, hoc animo, ut Ecclesiasta absoluto Besontium peterem; ne non essem in ditio-

ne Caesaris: sed hic ingravescens valetudo cogit hybernare. Hic enim quamquam sum apud amicos sincerissimos, quales Friburgi non habebam, tamen ob dogmatum dissensionem malim alibi finire vitam. Vtinam Brabantia esset vicinior. Nescio an mihi fuit commodum causam tuam Cancellario commendare, ob Panormitanum, quem alienare non expedit. Opinor tibi reditas litteras, quas per nundinas superiores misi, tibi, Rutgero, Andrea, Lypso, & Scheto.

Quid necesse fuit, Rutgerum interpretari Græcæ Institutiones è Latino versas? Conducibilius erat interpretari Demosthenem, Lucianum, si quid habet casti, Tragoedias gravibus sententiis refertas, ac similes auctores, unde discitur Græci sermonis elegantia. Sed ille totus ad quæstum spectat, & graviter perdit istud Collegium. Vale, Basil. IV. Kal. Iul. cIc lō xxxvi.

Erasmus Rot. ægra manu.

Epistolæ Erasmiianæ Fragmentum.

V Traque pars sic tendit funiculū,
ut utriusque malo rumpatur: &
hinc hic orbis tumultus. Tollunt omnes
imagines, rem cum primis & elegantem
& utilem. Tollatur colendi superstitio,
tollantur imagines templis indecora aut
immodica, idque paulatim, & sine tu-
multu. Volunt eiicere sacerdotes; dent
operam, ut sint sacerdotes docti & pii,
nec temere admittatur ad hoc honoris,
nisi probatus & dignus. Erunt paucio-
res: quid tum? Praestat habere tres bo-
nos, quam trecentos inutiles. Non pla-
cet illis cultus Ecclesiasticus. Multa ca-
nuntur ac fiunt in templis inepta; cor-
rigantur vitia, idque paulatim, ma-
neat cultus. Execrantur Missas, odio
sordidorum sacrificulorum, qui nihil
aliud didicerunt quam missare, cetera
Laicis prophaniores. Submoveantur
illi conductitii: ac more veterum unum
sacrum celebretur in templo: aut in fe-
stis diebus duo: mane unum privatum,
ob famulos & hospites; alterum circa

decimam. Indulgētia iam explosa sunt, quibus aliquot seculis impositum est mundo, adiuvantibus monachis, conniventibus Theologis. Qui putant Missas & parentalia nihil prodesse defunctis, erogent in pauperes vivos, quod vulgus à morte iubet fieri. Ne molesti sint iis, quibus persuasum est vivorum bona opera prodesse defunctis, quæ vivi curarunt ut fierent. Quibus persuasum est, sanctos nihil agere apud Christum, invocent bona fide Patrem, Filium, & Spiritum Sanctum. Divos colant ac venerentur imitando: ne obstrepant qui pio affectu colunt & invocant eos. Superstitio reprehendatur, affectus probetur, quem puto Christo non esse ingratum, etiamsi sit erroneus. Non sentiunt Sancti vota nostra: ac Christus sentit, ac pro illis donat quod petimus. Quibus persuasum est, Confessionem non esse partem Sacramenti, nec à Christo institutam, servant tamen eam ut rem salutarem, à patribus inductam, & multorum seculorum consensu probatam, donec aliud de ea statuat Ecclesia. Et in confitendo adsit sinceritas,

absit

absit superstitio. Non multum gravabitur Confessione, qui deligit idoneum sacerdotem, qui non confitetur nisi manifesto mortalia, & qui cavet ne quod facinus capitale admittat. De Purgatorio in suo quisque sensu abundet: non est quod ob hac scindatur Christiana Charitas. De Libero Arbitrio disputent in Sorbona Theologi, Laici simpliciter ambulent & confidenter. Sive iustificent Bona opera, sive non, nihil refert, modo conveniat, ad salutem non sufficere Fidem sine Bonis operibus. De Baptismo servetur, quod tot seculis servavit Ecclesia. Posset tamen unicuique parenti relinqui liberum, utrum malit statim tingi infantem suum, an differri usque ad adolescentiam, modo interim diligenter instituat in dogmatibus orthodoxis & sanctis moribus. Anabaptista nullo modo ferendi sunt. Apostoli iubent nos obedire magistratibus, & isti gravantur obedire Principibus Christianis. Communio bonorum sit ex charitate, possessio & in dispensandi maneat penes proprietarium. Si de Eucharistia sic inter se ambigunt, ut quotidie pariant

novas

novas & absurdas opiniones, quanto consultius erat manere in veteresententia, donec vel Synodus universalis, vel revelatio divinitus aliquid aperiat certius? De adorādo scrupulus facile solvitur. Nemo adorat Eucharistiā, nisi ibi sit totus Christus. Nec quisquam tam demens est, ut humanam Christi naturam adoret pro divina. Divina autem nusquam non est praesens. Abusus huius sacramenti possent corrigi. Olim non ostentabatur, sed servabatur inclusum in loco mundo. Nec circumferebatur in ludis, aut per agros ab equite sacerdote. Volentibus sumere, porrigebatur. Nunc in Anglia nulla est domus, nulla caupona, pene dixeram Lupanar, ubi non sacrificetur. Hac vendunt Cortisani. In ceteris item si utrinque adhiberetur moderatio, fortassis hi tumultus paulatim redirent in aliquem tranquillum statum. Hoc consilium sequutus est Dux Iuliacensis, & fatetur prospere cedere. Nec dubito, quin idem futura sit vestra civitas, si per Ecclesiastas liceret. Vereor, ne illi suum agant negotium, ut sint in tuto.

F I N I S.









